

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>





## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation


Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



2176



18893

B.L.B.3 1988

11  
Histoire

el 26

18593

B.L.E. 3 1985

HL  
Lindone




# D'OGIER LE

## DANNOIS DVC DE DANNE-

### MARCHE, QUI FUT L'VN

des douze Pairs de France.

*Lequel avec l'aide du Roy Charlemagne chassa les Payens hors de Rome, & remist le Pape en son siege. Puis conquist trois terribles Geans Sarrazins en champ de Bataille, c'est à sçavoir, Brunamont Roy d'Egypte deuant Rome, Bruyer Soudan de Babylonne deuant Laon, & Iustamont son frere deuant Acre. Et apres fut couronné Roy d'Angleterre, & Roy d'Acre: aussi conquist la cité de Ierusalem & Babylonne, & plusieurs autres vaillâces fist ledit Ogier. Qui en fin fut long temps en Faërie comme vous pourrez lire cy apres.*



A LYON,

Pour Iean Huguetan, au Phœnix.

M. DC. XXII.





**I**Esus-Christ nostre Redempteur dit comme il est escript au 15. chap. de monseigneur saint Iean l'Euangeliste, sans moy vous ne pouuez rien faire. Parquoy nous luy prierons qu'il luy plaise d'estre en nostre ayde au commencement de ce Liure, lequel fait mention des prouesses du vaillant Ogier le Dannois, qui fut du temps du Roy Charlemagne, lequel fut iadis Roy de France & Empereur de Rome, lequel print grande peine d'exaucer la foy Chrestienne. Et qu'avec l'ayde du noble Ogier chassa les maudits chiens Sarrazins de la cité de Rome, & remist le Pape Leon en son siege, & ruina le temple de leurs dieux, cōme pourrez cy apres ouyr. Et aussi comme le noble & puissant Ogier mena grand' guerre au Roy Charlemagne pour l'amour de son fils Baudoin que Charlot fils de l'Empereur Charlemagne auoit occis d'un eschequier d'or, en ioiāns aux eschers, dont il aduint vne grand' guerre qui dura plus de sept ans. Et aussi pourrez ouyr comment la paix fut faicte miraculeusement par le vouloir de nostre Seigneur. Lequel Ogier fut fils de Geoffroy Duc de Dannemarche, lequel auoit onze freres cheualiers tous vaillans, & furent fils de Doon de Mayence qui fut plein de grande prouesse. Desquels enfans estoit Naymes de Dordonne, Doon de Nanteuil, Gerard Deufratre, & Geoffroy de Dannemarche. Lesquels conquirent tant de pays sur les Sarrazins. Et aussi conquist Danemonde fille d'un grand Roy Sarrazin, laquelle il fit baptizer, puis l'esponsa, & la premiere nuit des nopces en gendra un beau fils. La feste dura quinze iours, & puis tous les seigneurs qu'y estoient venus, prindrent congé du Duc & de la Duchesse lesquels, les remerciēt moult du grand honneur qu'ils leur auoyent faict d'estre venus à leurs nopces. Aussi les Barons & Cheualiers, Dames & Damoiselles remercièrent moult le Duc des grands & riches dons que le Duc & la Duchesse leur auoyent donnez. Et puis chacun s'en alla en son hostel. La dame porta l'enfant neufmoys: mais auant que le terme fut venu, l'enfant deuint si gros en son ventre, que chacun disoit qu'elle auroit deux enfans, dequoy la Duchesse auoit grand peur. Et quand ce vint au terme que la Dame deuit enfanter, elle fut si malade, & eut tant de mal, qu'apres qu'elle fut deliurée de l'enfant il conuint qu'elle prinst mort, dont le Duc & toute la cour en furent moult troublez. & aussi tous ceux de la cité: car elle estoit bonne Dame & fort pitieuse des pauvres gens. Et celle propre nuit que l'enfant fut né, les Damoiselles du Chasteau le mirent en vne chambre à part. Et à l'heure de minuit vindrent en l'autre chambre où estoit l'enfant six belles dames richement habillees, lesquelles on nomme Faëes, & desualoperent l'enfant. Et l'une d'elles nommee Glorande le prinst entre ses bras. Et quand elle le vit si beau, si grand & si bien formé de tous ses membres, elle le baisa par grand amour, en disant. Mon enfant ie te donne un don au nom de Dieu, c'est à sçauoir que tant que seras en vie que tu soyes le plus hardy cheualier qui soit durant ton viuant. Dame dist vne autre nommee Palestine, ce don que luy auez donē n'est pas petit, & ie luy donne doncques que tant qu'il sera en vie, guerre ne bataille ne luy faille point. Alors respondi vne autre nommee Pharamonde. Dame ce don que luy donēz est moult d'angereux, parquoy ie luy donne que iamais ne soit vaincu en bataille. Et ie luy donne ce dit vne autre nommee Melior, que tant qu'il sera en vie il soit beau, doux, & gracieux plus que nul autre. Et la cinquiesme, nommee Pristine dist, ie luy donne qu'il soit tousiours aimé des Dames; & qu'en amours soit tousiours heureux. Et la sixiesme nommee Morgue dist, j'ay bien entendu les dons que vous auez donnē à cest enfant, & ie veux qu'il ne meure iamais iusques à ce qu'il ait esē mon amy par amour, & que ie le tienne au chasteau d'Analou qu'est le plus beau chasteau du monde, & puis la Dame le baisa par grand amour. Et puis laisserent l'enfant & s'en allerent qu'en ne sçent qu'elles deuindrent, & l'enfant demeura seul.



# HISTOIRE D'OGIER

## LE DANNOIS DVC DE DANNE- MARCHE, QVI FVT L'VN DES DOVZE Pairs de France.

*Comment le Duc manda tous ses parens & amis pour faire obseques de la dame sa femme, & pour baptizer son fils, lequel fut nommé Ogier.*

### CHAPITRE I.



LE Duc fut fort troublé de la mort de la Duchesse sa femme : mais il se confortoit de son bel enfant que Dieu luy auoit donné. Alors il manda tous ses parens pour luy faire compagnie à l'enterrement de sa femme, & aussi pour baptizer son enfant. Et quand ils furent arriuez, on fist le service de la bonne duchesse ainsi qu'à telle Dame appartenoit. Ce pendant qu'on portoit la dame au moustier, l'un des plus grands Barons du Duc Geoffroy portoit l'enfant à l'Eglise pour estre baptizé. Après que l'obseques de la dame fut fait, l'enfant fut baptizé à bien grand triôphe & honneur, ainsi qu'à enfant de Prince appartenoit, & fut nommé Ogier, & puis fut apporté au palais, le Duc festoya honnorablement tous les Barons, Cheualiers, Dames, & Damoyelles, & dura la feste huit iours. Quand la feste fut finée, tous prindrent congé du Duc. Alors quand chacun fut retourné en son hostel, le Duc bailla son fils à deux nourrices, lesquelles le penserent si tres-bien, qu'en peu de temps il creut & ameda en grandeur, force & beautez, tant qu'on s'en esbahissoit: car nature n'auoit rien oublié en luy. Quand le Duc eut esté veufue par l'espace de dix ans, les Barons de son pays luy conseillearēt qu'il se mariast, & eut vne tres-noble dame en mariage, de laquelle il eut en peu de temps vn beau fils, lequel eut à nom Guyon, qui fut bien vaillant, non pas tant qu'Ogier. Or pendant ce temps ledit Duc tenoit ses terres & pays franchement sans en rendre foy ne hom-mage à personne viuant: car il les auoit conquestes à la pointe de l'espee avec l'ayde d'aucuns de ses freres, sur les Sarrazins comme auez ouy dessus. Dequoy Charlemagne fut aduertit par aucuns des cheualiers de sa cour, qu'estoyent traistres, & enuieux du bien au Duc Geoffroy. Vn iour le tirerent à part & luy dirent. Sire vous estes le plus puissant Roy du monde, & le plus obey de vos subiects excepté d'un Prince qui ne tient compte de vous ne de vostre puissance. Alors le Roy tout esmeu demanda qu'estoit celuy qui si peut tenoit conte de luy, & l'un des traistres dist, Sire c'est Geoffroy de Dan-

## HISTOIRE D'OGIER

emarche qu'est si fier qu'il dit qu'il ne tiét ses terres & pays que de Dieu & de l'espee, & u'il ne les tient d'homme viuant, quád le Roy Charlemagne entendit ces parolles, il fut courroucé, & incontinent appella vn messager & luy dist Tu t'en yras en Dannemarche, & diras au Duc Geoffroy qu'il me vienne seruir à toute sa puissance, & faire hommage à aulse de ses terres qu'il tient, comme à son souuerain seigneur. Outre plus tu luy diras ue s'y de ce faire est refusant qu'aussi tost que l'Esté sera venu que ie l'iray voir à si grád' uissance qu'il ne sçaura si bien deffendre que ie ne destruisé toute sa terre, & mettray out son pays à feu & à sang. Et l'ameneray prisonnier luy & sa femme & ses enfans de-ans ma cité de Paris. Quand le messagier ouyt le commandement du Roy, incontinent se artit de la ville de Paris, & fist tant par ses iournees qu'il arriua à Dannemarche, & quád fut arriué en la cité, il s'en alla au palais où il trouua le Duc, & la Duchesse, qui partoyét u dîner. Alors le messager salua le Duc ainsi côme il sçauoit bien faire, & luy dist, Sire Duc, le noble Empereur Charlemagne m'envoye par deuers vous, & vous mande qu'in-ontinent le veniez seruir, & que luy veniez faire hómage, à cause des terres & seigneu-ies que vous tenez, comme à vostre souuerain seigneur, & que si de ce estes refusant: aussi ost que l'Esté sera venu, il vous viendra voir, avec si grande puissance, qu'il mettra toutes os terres à feu, & à sang, & emmenera vous, vostre femme, & vos enfans prisonniers en a cité de Paris. Quand le Duc eut ouy ce que le messagier luy dist, il fust moult troublé, & luy dist: messagier, vous direz au Roy que ie ne tiens ma terre de luy, ne d'homme viuát ue de Dieu, & de l'espee: car ie l'ay conquise au tréchant de mon espee, sur les Sarrazins uecques l'ayde de mes parens & amis, & luy direz que ie ne suis point deliberé de l'al-er seruir: & au regard de ce qu'il dit, qu'il viendra en cest esté pour destruire ma terre. Et ui plus est, vous luy direz que s'il vient, qu'il trouuera bien à qui parler, & que ie le arderay bien avec l'ayde de mes parens & amis de faire ce dequoy il menace, & que ie ius deliberé de me bien deffendre contre luy, & quand le messager eut ouy ce que le Duc uy d. st, il print congé de luy, & se mist au chemin pour retourner en France.

*Comment le messager arriua deuant le Roy Charlemagne, & racompta la responce  
du Duc Geoffroy de Dannemarche.*

### CHAPITRE II.



enchant de l'espee, & qu'il n'a supit que faire de seruir, luy qui deuoit estre seruy. Adone  
ques

ques le Roy Charlemagne indigné plus que deuant fit appeller toute sa Baronnie & tous ses vassaux, & leur compta le rapport du messagier, & le fier courage du Duc de Danne-marche. Et leur dist en ceste maniere, que pour la folle & rigoureuse responce qu'il auoit faite, il vouloit que chacun se mit en point, pour prestement l'aller assaillir en sa terre, dût chacun fut tout incontinent appareillé : & ne cuidez pas que le ieune Ogier fut ioyeux, que son pere vîst de tels termes deuers le Roy: Car il auoit ja sens de cognoistre le bié & le mal. Si fist incontinent le Roy partir son armée, & se mist sur la mer, & tant nagerent qu'ils entrèrent en la Duché de Dannemarche: mais si tost que le Duc le sceut, il manda ses onze freres ensemble, & tous les nobles de son pays, & firent tres grande resistance, qui guerres ne leur valut: car force leur fut d'eux rendre par composition au Roy qui les print à mercy, par telle cōdition que ledit Duc par le conseil de ses freres, & seigneurs de son pays, luy promist que dans la feste de Pasques prochainemēt entrât dudit iour, il iroit à Paris pour le seruit, & pour luy rendre foy & hommage à cause de ses terres, comme à son souuerain: & iroit en personne le recognoistre pour son seigneur. Et ainsi le promist le Duc à Charlemagne: mais pour fournir ladite promesse, le Roy luy demāda pleige valable, ce qu'il fist pour auoir paix, & luy bailla son fils Ogier le Dannois, son seul heritier, que le Roy receut volontiers & l'emmena avec soy. Et par icelles promesses & appointemens le Roy fist departir son armee, & fut ioyeux le Roy d'auoir à pleige vn si noble gentil-homme: car tout homme qui le regardoit le benissoit, & dist le Roy à Ogier amiablement. Ogier l'ay grand ioye de vousvoir en ma cour: car pour l'amour de la beauté, sens, & humilité qu'est en vous, ie vous feray cheualier, & l'un des plus auant de ma cour, & en ce disant le bailla en garde au Duc Naymes de Bauieres, qui estoit du lignage d'Ogier. Si s'en retourna le Roy par l'Allemagne tousiours en menant guerre contre les Sarrazins tant que l'hyuer passa. Le Printemps venu s'en retourna en France, qui fut entour la my-Caresme, & là trouua la Royne qu'il mena à saint Omer pour passer le temps & faire ses Pasques, parquoy māda au chastelein Garnier, qu'il fit tendre la tapisserie du palais, & qu'il vouloit aller faire ses Pasques. Semblablement qu'il fist reparet la ville & faire crier les ioustes & tournois. Quand l'Empereur Charlemagne sceut que tout estoit prest & appareillé, luy accompagna de la Royne, Princes & grands seigneurs de la cour, entre lesquels estoient le Sire Eudon de Langres, & le Comte Garnier. Et tant cheuaucherent qu'ils arriuerent à saint Omer, là où ils firent moult grand triomphe, & feste tant des ioustes, tournoyemens que plusieurs autres ioyeux passe temps, en faisant lesquels esbatemens, Ogier le Dannois estoit au seruice des ioutes: mais chacun pour sa beauté & ioyeuse contenance le benissoit. Toutes lesquelles ioutes & autres passe-temps finis & accomplis, le Roy voulut assembler toute sa baronnie: pour tenir son parlement. Or en parlant des besongnes & affaires du Royaume le Roy s'aduīsa du Duc Geoffroy, de Danne-marche, & comme le temps estoit ja passé long temps auoit, sās ce qu'il fust venu s'acquitter de sa promesse, de le venir seruit, & faire hōmage comme à son souuerain, dequoy il fut courroucé, & brisa le conseil par despit, & s'en alla tantost mettre à table pour dīner, à la fin duquel il aduīsa Ogier le Dannois. Si dist à sa baronnie, le suis soit esbahy comme le Duc Geoffroy de Dānemarche, est si variable qu'il ne nous a tenu promesse, & encores s'il ne veut obeir, au moins qu'il eust aucunement pitié de son tant hōneste fils Ogier. Si cognois qu'il n'est pas naturel, mais d'inhumanitē réply en son selō courage. Si veux faire mettre son fils en main seure, & veux chastelein que le preniez en vos dāgiers, & le mettiez en lieu seur pour en respondre, toutesfois qu'en aurons de besoing, lequel accomplit le vouloir du Roy, & print Ogier le Dannois & le mena en son chasteau, dedās lequel y auoit plusieurs chambres parées noblement de riches tapisseries, & luy ordōna pour prison son foy tenir avec la dame sa femme, sa fille, escuyers, & damoiselles de sa maison, & luy

côpta tout le vouloir & intention du Roy, dont Ogier à grosses larmes dist en ceste maniere. Vray Dieu souuerain pere des creatures, & specialement des orphelins. Moy estrange vendu comme serf, ie te prie ne souffre pas que mon pere soit nommé tiran, & qu'en ma lignee ne soit trouué tel defect. Or cognois- ie que l'affection de ma mauuaise & desloyale marastre, est cause de cecy, qui ne cherche sinon la destructiõ de ma pauure vie. Si te prie mon Dieu que tu ayes souuenance de ton pauure seruiteur. Et à celle heure cheut tout pasmé à terre, & les dames le voyant en si piteux point furēt toutes esbahyes, si le leuerent & mirent grand peine de luy faire recouurer la parolle, specialement la fille du chastelain. Si s'en retourna ledit chastelain deuers le Roy, & luy compta le grand dueil qu'auoit mené Ogier, dont le Roy fut mal content: mais l'indignation qu'il auoit euee le pere d'Ogier, ne pouuoit amatiser son cœur, dont les seigneurs estoient mal contents.

Le Roy Charlemagne tousiours pensant à l'orgueil, fauceté & malice dudit Geoffroy, Duc de Dannemarche pere d'Ogier le Dannois, desirant soy venger sur iceluy champion, ouurit encores derechef la matiere, & leur dist finalement. Certes puis que n'ay autres nouuelles de Geoffroy, Duc de Dannemarche, pere d'Ogier le Dannois, ie suis delibéré de faire mourir le fils, pour moy venger de la trahison de son pere, & de brief. Et ainsi qu'il eut la parolle finée, se leua Augustin le Normât, l'un des plus sages de la cour, & luy dist tout froidement. Helas Sire comment estes- vous si ireux d'une chose de quoy estes en doute. Vous, ne nous, ne sçauons quel empeschement, destourbe ou inconuenient luy peut estre aduenue: ne croyez Sire, qu'il ne luy faille estre en danger, & les dangiers qu'y peuvent aduenir, de iour à autre sont grâds. Si conuient presumer qu'il y ait aucun grâd destourbier, par lequel il est detenu. Si seroit bon à mon aduis & entendement y deleguer, & enuoyer quatre des gentils-hommes de vostre hostel pour enquerir la cause, & comment il n'est venu faire le deuoir de la promesse, & sera mon aduis plus raisonnable, que faire mourir le pauure innocent, qui tant est gentil, & hõeste: car à Roy n'appartient de faire, n'vser de vindications, que le forfait ne soit premier verifié: mais quand aurez cogneu son intentiõ, courage & vouloir, vous besongnerez en la maniere, ainsi qu'il plaira à vostre noble seigneurie, auquel propos l'Empereur Charlemagne print grand plaisir, & luy respondit moult courtoisemēt, & en douces paroles, tédantes assez à raison. Le cuyde qu'enquerre de la verité des choses, garde moult de fouruoyer les entédemens humains, & de faire choses tendans à villain reproche. Or ainsi que l'auetz dit, sera incontinent exploié. Lors fist hucher Alexādre d'Anglier, Millon de Nauarre, Regnier de Monglier, tous nobles & de grande façon de l'hostel du Roy. Auecques leur Euesque Damiens, un tref-noble cler. Auquel il donna charge de venir incontinēt pour sçauoir, & enquerir la verité de l'empeschement de Geoffroy de Dannemarche, qu'il n'estoit venu parfourrir la promesse, & leur dist en ceste maniere. Mes bõs amis, & loyaux, vous n'irez vers le pere d'Ogier le Dannois, auquel vous remonstrez la faute qu'il a faite, & luy direz franchement, que s'il ne pense de venir accomplir sa promesse, & en brief, ie feray son beau filz Ogier liurer à martyre. Et derechef luy menerõs si grande, & si puissante armée à son pays, que ie le prendray prisonnier, & le mettray en vne fosse, en laquelle le feray honteusement, & tref cruellement deuorer aux bestes sauages, & ne luy laisseray bourg, chasteau ne ville, que ie ne face destruire, & mettre le feu incontinent, & mettray tous ses subjects à l'espee. Sa parolle finée les quatre seigneurs & messagiers, accepterent la commission, & luy promirent faire le contenu de son commandement, ainsi qu'estoit son bon vouloir.



*Comment les quatre messagers partirent pour aller à Dannemarche, & comment le Duc Geoffroy leur fist trencher les baulieures, & leur fist tourner le nez c'en dessus dessous. Et comment il arriva un heraut, lequel conta au Roy Charlemagne, que les Payens auoyent destruis Rome.*

## C H A P. I I I.



R cōuient retourner au ieune prisonnier Ogier, qui tousiours auoit pēsement cōme il pourroit euitier la mort, & n'eust esté la compagnie amoureuse qu'il auoit, le pauvre cœur luy fut party de grande douleur: car il redoutoit la folle respōce de son père. Et aussi la mortelle, & continuelle enuie de sa marastre. Or laisseray à parler d'Ogier, & retourneray aux messagers du Roy Charles, lesquels sont partis pour aller accōplir leur voyage, bien montez, & enharnachez, & tant sont allez par mer & par terre, qu'ils sont arriuez en la ville de Dānemarche. Si s'en allerēt tout droit au chasteau pour parler à luy: mais pas n'arriuerent en bonne heure: car quand ils vindrent à la porte, le portier qui fut fier, & orgueilleux, leur demanda tref-robustement qu'ils demandoient, pourquoy ils heurtoient si fort. Si luy ditēt qu'ils le pouuoient bien faire & qu'ils auoyent bon adueu pour faire vn point plus outre, & qu'il ouurist la porte plus diligemment aux messagers du Roy, dont le portier n'en tint pas grand compte: mais s'en alla deuers le Duc Geoffroy, & luy dist que quatre messagers du Roy de Frāce estoient à la porte, dont il fut moult esbahy, ce nonobstāt il luy dist qu'il n'ouurist pas si tost & qu'ils ayent patiēce iusques apres disner, & qu'il le leur dist franchement, si leur dist le portier qu'il estoit force qu'ils attendissent la fin du disner. Si dist l'Euesque Damiens, n'est ce pas icy grande mescoignoissance de sejourner icy pour vn serf racheté, & croyez que i'en feray tel rapport qu'une fois luy coustera cher. Or tindrent table lōgement, & apres graces fist venir lesdits messagers, lesquels firent la reuerence honorablement ainsi qu'à tel Prince appartenoit, & à la seigneurie semblablement. Et l'Euesque salua le Duc de par le Roy de France, en ceste maniere. Noble Duc, le tref-puissant & tref-redouté Empereur Charlemaigne, Roy de France, est moult esbahy que n'estes venu au terme que luy auez promis le venir seruir, & luy rendre la feauté & hommage que vous luy deuez, comme à vostre souuerain, en sa bonne ville de Paris. Si vous mande de par nous les messagers, que vous faciez diligence de vous en venir quand & nous à saint Omer, là où il vous attend pour accomplir vostre promesse. Et si de ce faire estes aucunement refusant, il vous viendra mener bonne guerre, tāt qu'il brusslera tous vos pays; & fera mettre tous vos hommes à mort, & vous emmenera prisonnier à sa bōne ville de Paris, où pour prison auez vne fosse garnie de bestes sauvages, pour vostre corps tout vif deuorer. Dont pour vous oster de ce cruel danger & peril, noble Duc, si me voulez croire, vous viendrez avec nous vn peu passer le temps à saint Omer, & vous esbattre avec le Roy: car nous retourner, & selon la responce que vous nous ferez, tenez vous pour tout assuré, qu'il fera vostre noble enfant Ogier le Dannois liurer à martire, qui seroit à tout iamais vn diffameux reproche. Et du surplus ferez tout ainsi que i'ay dit: ces paroles rigoureuses entendues, le Duc ne s'en fit que rire & truffer, & leur va dire. He! outrageux ribaux messagers, cōme estes vous si hardys, sous ombre de vostre Roy, de me venir vser de tels termes & outrageuses menaces & croyez que ie vous feray cēt fois maudire l'heure que prinstes iamais le chemin pour venir faire messages (ce qu'il fist) car par les satellites leur fist attacher les baulieures & leur reuerfer le nez c'en dessus dessous, & sur la teste leur fist escorcher vn plasteau en maniere de couronne par grande derision, qu'estoit une chose hydense & abominable de les regarder, & chose inhumaine. Or pensez donc-

ques

ques la douloureuse detresse en quoy estoient les nobles messagiers : mais neantmoins leur conuint prendre patience pour celle heure, combien qu'ils n'en penserent pas moins, lesquels s'en retournerent honteusement ainsi comme vous orrez cy apres.

Tant firent les messagiers bonne diligence de retourner, qu'ils arriuerent à saint Omer, là où ils trouuerent le bon Roy Charlemagne lequel faisoit ioustes & tournoys. Et comme ceux qui de moult grand couraige desiroient vindication, & aussi reparation de l'inhumanite, forfaiture, & aussi du moult grand martyre que leur auoit fait faire le Duc de Dannemarche, si s'auancerent & vindrent deuant sans sçauoir quelle contenance ils deuoyent faire, & comme tous remplis de desespoir, s'en allerent jeter deuant le Roy, criant à haute voix. Sire vengeance de ce diffameux outrage. Et à ce cry le Roy fut fort troublé & fut vne grand'piece sans parler de l'horreur & abomination qu'il auoit de les regarder. Si se print à parler & leur dit. Las Seigneurs & amys comment va cecy, quelles bestes auez vous rencôtrees en chemin qui vous peuuent auoir si honteusement deffigurer, vous auez trouué vne merueilleuse rencôtre. Ha tres cher Sire respondirent les messagiers, nous ne demandons pas vengeance des bestes, mais nous requerons vengeance du tres felon & outrageux tyran Geoffroy de Dannemarche, qui tant nous a fait souffrir douloureux martyre sans cause & sans raison, ainsi que pouvez voir. Adonc le Roy considerant l'outrageuse forfaiture, dist hautement à la baronnie. Aduisez Seigneurs le criminel & outrageux forfait que par despit de moy cest outrageux tyran a fait. Si demanderent les Seigneurs, qui l'auoit fait, & que tel cas ne deuroit pas demeurer impuny, ne tel deshonneur demeurer sans vengeance : si dist le Roy. L'orgueilleux & fier tyran Geoffroy de Dannemarche dont nous auons son fils. Ogier le Danmois en nos prisons, lequel ie veux faire venir deuant la baronnie pour ayder à reparer l'iniure & forfait du peruers tyran son pere, si fist venir le chastelain auquel il commanda faire venir ledict Ogier pour ordonner de son estat, & donner mortelle sentence contre luy.

Alors partit le Chastelain fort courroucé, tant pour l'infameté & merueilleuse iniure qu'auoit faite le pere d'Ogier aux messagiers, comme du pauvre enfant innocent qu'il alloit querir pour iusticier & receuoir mort. Si pensa à part soy de non luy dire aucune chose d'icelle fortune aduenue, & qu'il le conseileroit comme il respondroit au propos de quoy l'on le voudroit interroguer. Et toutes ces choses considerees il s'en alla tout droit au palais où il trouua le ieune Ogier où il se iouoyt avecques les damoiselles, & luy dist. Sa Ogier venez vous en avec moy, le Roy vous demande. He vray Dieu monseigneur le chastelain, mon pere n'est-il point encore venu, est il nouuelle de ma deliurace. Certainement dit le Chastelain ie n'en sçay nulles nouuelles : mais venez-vous avec moy. Adoncques Ogier print congé des damoiselles & principalement de la fille dont il estoit amoureux. Apres le congé prins ils saillirent, si lui commença à remonstrer le grand dangier & grand peril auquel son pere l'auoit mis & abandonné en luy disant tât amoureusement. Ogier gentil escuyer il vous est de necessité estre humble & doux, & ne prendre pied n'arrest aux paroles qu'on voudra dire : car le Roy est fort iré contre vous pour l'orgueil & desdain de Geoffroy vostre pere. Pource soyez piteux & humble quand le Roy parlera à vous : car le Psalmiste dist qu'il a en hayne les orgueilleux & les rebaisse & reprime de leur superbité, & les humble ayme & les auance par dessus les orgueilleux, laquelle chose est veritable. Et pour ce faites que soyez tel que ie vous ay dit & en toutes vos fortunes & aduertirez Dieu vous aidera.

Le chastelain ne tarda gueres qu'il n'amenaist Ogier le Danmois au Roy Charlemagne. Si se vint jeter ledict Ogier le Danmois deuant luy, requerant pardon, donc le Roy eut grand pitié : mais les messagiers ainsi outragez qui là estoient leuerent vn grand cri & demanderent vengeance leur estre faite pour resliener leur vitupere & rabaisser la gloire & folle

folle hardiesse de son pere. Et à ce leur prestoit l'oreille le Roy, & eust volontiers fait trécher la teste à Ogier le Dannoys, se n'eust esté le bon Duc Naymes de Bauieres qui tant benignement & amoureuxment luy remonstra la grand' perte qu'il feroit de mettre à mort le ieune Ogier tant humble & honneste & comblé de toutes vertus. Or le Roy voyant l'irreparable dommage, tyrannie & des honneur que son pere auoit fait à ses messagiers & seigneurs qui là estoient presens, esmeu d'ire à cause qu'en son nom ce malefice auoit esté fait, si le reputoit aussi grief & autant contre son honneur comme si on luy eust fait à sa propre personne: & lors tant pour la foy mentie de son pere, comme l'outrage fait audicts messagiers, condamna ledict Ogier à auoir la teste trenchee, & receuoir mort, present toute sa Baronnie. Adonc s'escria le pauvre Ogier, ha! Sire pour Dieu mercy, vous cognoissez, Sire, que de tout cecy ie suis innocent, & suis demeuré comme serf à vous rendu, si pouuez de moy faire à vostre bon plaisir & volonté. Et ne cuide point que mon pere soit si inhumain de me vouloir laisser ainsi destruire: mais Sire, pource qu'il a vn autre fils que moy de ma marastre qui m'est tres-ennemie, & volôtiers feroit cause de ma destruction pour augmenter la prosperité de son fils. Or touchant le seruice & hommage en quoy il vous est tenu, laissez mon pere là: car Sire vous cognoissez que ie suis son vray heritier. Pource ie vous requiers au nom du benist Iesus qui souffrit mort & passion, qu'il vous plaise de vostre royalle grace auoit pitié de moy, & vous plaise me retenir pour vassal, & au plaisir du createur à vos affaires ie m'employeray si bien, que vostre seigneurie se contentera de moy, & au regard des nobles messagiers ainsi oppriméz & blecez, de ceste heure ie me soumetts leur reparer tout ainsi qu'il plaira à la noble Baronnie en ordonner: car tant que j'auray terre ne seigneurie iamais ne leur faudray. Nonobstant le doux parler d'Ogier ne contenta de rien le Roy: mais dist à Ogier, cela ne sert de rien: car pour le pariuement & outrage de vostre orgueilleux pere vous perdez la vie: car c'est la vraye reparation & la iustice qu'en ce cas appartient. Sus dist le Roy au Preuost, faites les incontinent mourir. Or s'escua le pauvre Ogier, he! mon Dieu, comme souffres tu mourir vn innocent pour la deffaute de son pere: ha! Dieu mon Createur ie me recommande à ta tressainte grace & protection. Si se retourna vn peu à costé & auisa le bon Duc Naymes de Bauieres de qui il se tenoit plus familier que de nul autre de l'hostel de l'Empereur Charlemagne. Si luy jetta l'œil de pitié en luy recommandant son piteux cas. Adonc se sont assemblez tous les Barons & Pairs de France. Et tous remonstrenterent au Roy le piteux estat du ieune Ogier, & comment il est innocent de tous ces inconueniens & defautes. Et que s'il le fait mourir, iamais Baron en sa cour ne demeurera de bon cœur, veu le noble lignage dont il est: car il a onze Oncles tous grands seigneurs & tres-vaillans en armes, qui luy peuuent greuer quelque fois s'il vous suruenoit quelques fortunes. Helas Sire ne considerez vous point la perte & le dommage qui vous pourra aduenir si vous faites mourir si honteusement luy qu'est si bel escuyer, si plaisant & si honneste de personne, le courage si agu aux armes & vous promets Sire, si le laissez viure il est & fera pour desfendre vostre royaume aussi vaillamment qu'homme qu'entraist iamais dedans vostre cour. Et en l'honneur de Dieu dirent les Pairs qu'il ne meure point. Et ainsi que le Roy deuoit donner derechef sentence pour exception, arriva vn messagier qui salua le Roy moult honorablement, & luy dist: Ie suis venu deuers vous à moult grand diligence pour vous dire & raconter ces nouvelles qui ne sont gueres bonnes: car le Soudan & le grand Turc, & le Roy Carahen ont assiégré. Rome, & qui pis est sont entrez dedans & l'ont prinse d'assaut, & s'en est fuy le Pape, Legaux, Cardinaux, & le Clergé, & de tous les ioyaux de l'Eglise n'ont seulement que le corps sain Pierre: car toutes les Eglises sont destruites, & qui pis est ont mis les Chrestiens à l'espee, hommes & femmes & petits enfans, tant que c'est la plus inhumaine & cruelle chose qu'on scauroit iamais raconter. Requerant le pere saint en

tant qu'estes Roy tres-chrestien & pillier de la foy, que vueillez faire marcher vostre ost pour diligement venir secourir vostre empire, l'Eglise Romaine & la sainte foy Catholique. Et nomma ceux qu'ont fait ledit conquest pour le chef de l'ost, le Roy Consuble, son fils, & Caruheu le Roy d'Inde qui leur est venu au secours, & entendent en brieu auoir toute la Lombardie, & de fait venir iusques en France & de l'Abaye saint Denis faire leur Mahommerie. Quand le Roy eust entendu ces piteuses nouvelles, si regarda Ogier tres-furieusement. Et par grand'ordonnance dist que on luy allast couper la treste laquelle chose defendit Naymes, & luy dist. Sire si vous le faictes tuer, vous ferez la plus grand' folie que vous fistes oncques. Or suis-je de vostre bon conseil, s'il vous plaist, & si ie ne vous suis bon ne moy ne mon sçauoir, quand vous plaira me donner congé, i'ay bien de quoy viue Dieu mercy: car de cōsentir à la mort d'un ieune escuyer tāt noble & tant vaillant, i'amaie ie ne le feroye, & pourroit on me reprocher que s'auroit esté mon cōsentement qu'il auroit prins mort. A ces paroles print le Roy saueur & loua son bon conseil, si luy cōmanda qu'il procedast tousiours sur ce propos, si dist Naymes derechef au Roy. Sire vous cognoissez le grand orgueil de la lignee dont il est descendu, & sont si felons & hardis, cependant que ferez au voyage de Rome, de vous donner vn grand broillis par deça, & mettre vostre Royaume en grand trouble, qui ne seroit pas si tost voidé: puis vous auez Ogier, deuers vous tout prest & appareillé de vous seruir aussi vaillamment que champion que vous ayez: considerez toutes ces choses, & vous prie que chāgiez vostre rigoureux propos de vous venger de ce fait: vous y viendrez tousiours à temps. Si fut le Roy amoderé par le conseil de Naymes de Bauieres & des autres pareillement, & dist au Duc Naymes. Ne vous courroucez plus: car ie vous cognois constant & loyal en parler, pource le vous baille en garde & vous le liure: si dist Naymes & ie le reçoay, vous remerciant de l'honneur qu'il vous a pleu me faire par tel conuenant, que le tiendray prisonnier: & s'il s'en va ou m'eschappe, ie vous faictes des à present seigneur de toute ma terre, & ie l'accepte dist le Roy or en faictes bonne garde, à fin qu'en aucun temps me puisse venger de son pere.

Les discords & contens ainsi apaisés, ledict Naymes alla querir Ogier, & luy dist. Mon amy Ogier, i'ay tant faict que vous ay guaranty de mort, par tel conuenant que ie vous tiendray prisonnier, mais ie vous bailleray aux deux freres de ma femme lesquels vous tiēdront compagnie. Adonc les deux freres de Naymes c'est à sçauoir Geoffroy & Gautier prindrent ledict Escuyer, & leur conta qu'il auoit esté prisonnier au chasteau du chaste-lain, & que là estoit amoureux de la plus mignonne & la plus belle que l'on sçauoit i'amaie voir ne choisir, & aussi regarder, que nuit ne iour ne pouuoit nullement reposer tant estoit feru de son amour, si les mena au chaste pour passer le temps & retourner voir sa tant desirée dame.

Or laisserons à parler d'Ogier & retournerons à parler du messagier nouvellement venu de la cité de Rome, & comme Charlemagne fait diligence de s'en retourner à Paris.

*Comment le Roy Charlemagne partit de saint Omer pour aller à Paris, & comment il fist diligence d'assembler son ost pour aller delà les monts secourir le Pape que les maudits Sarrazins auoyent dechassé hors de Rome.*

CHAPITRE IIII.



Pres la conclusion prinse de la deliurāce d'Ogier le Dannois, le Roy fit partir tout sō bernage & s'en retourna à Paris pour faire assembler sō armée. Et luy arriué manda incontīēt les capitaines, lesquels vindrēt à son mandement: & quand tous les cheualiers Barōs, gētils-hōmes, capitaines, & gens d'armes furent tous arriuez, le Roy fit mettre par ordre les douze Pairs de Frāce, & aussi tous les au-

tres princes & capitaines, & le Roy le mist au milieu d'eux, & leur dist en ceste maniere: Mes Barons, chevaliers & amis, vous avez bien entendu comme ces maudits Sarrazins ont usurpé nostre Empire de Rome, & prins la ville d'assaut & mise a feu & à sang les Eglises, maisons & populaire & jetté le Pape de son siege, qu'est grand horreur & derision faite, tant en la terre de nostre Empire qu'à la sainte fey Catholique. Et pour venger la tres-glorieuse passion de nostre Sauveur Iesus Christ, mes chers seigneurs & amis ie vous ay



mandez à celle occasion de me donner force, puissance, ayde & secours de vos corps, & de vos biens, si le cas aduenoit: or est-il vray que ces mesereans sont en grand nombre, forts & puissans, & est leur chef l'Admiral Corfuble, & le Roy Dannemont son fils, accompagné du puissant, Caraheu Roy d'Inde. Or est il ainsi que nous auons obtenu de Dieu, plusieurs dons precieux entre lesquels auons l'Oriflan pour resister contre toute leur puissance, pource seigneurs montrez vous seruiteurs de Iesus-Christ, & ne craignez point à respendre vostre sang pour luy: car luy qui est Dieu, a respendu plus de sang pour nous, & si en ceste querelle mourez, la couronne de martyre vous est desia appareilliee en sa gloire du Paradis. Ces parolles finies, le Roy Charlemagne fist marcher son ost. Or retournons à parler d'Ogier que i'ay laissé au chateau avec les dames, & les deux escuyers freres de Naymes, & compagnons dudit Ogier.

Quand Charlemagne partit de saint Omer, & qu'Ogier s'en fut allé accompagné de deux escuyers au chateau pour voir la belle Bellicenne s'amie, & fille du Chastelain. De telle heure il y alla qu'il n'en pouuoit partir: car Bellicenne que tant audit aimé cependant qu'il estoit prisonnier auoyent fortifié leurs loyales amours, & partant de fois que la dame se trouua grosse d'enfant, dequoy tindrent long parlement ensemble, tant qu'ils ne scauoient par quel moyen ils deuoyent prendre congé l'un de l'autre, & dist Bellicenne à Ogier. Las mon amy le plus beau, le plus honneste à mon gré que jamais nature produisit sur terre, que deuiendra le cœur de vostre amie esploutee: Et que disa ma



monseigneur mon pere de qui i'estois tant doucement traicté, & entretenue. Que dira ma dame de mere, nul bien ne luy viendra de vous, fors vergongne & reproche, pleurs & lamentations puis qu'ainsi me laissez en ce point que vous voyez, luy monstrant son ventre où le fils d'Ogier reposoit. Ha! dame dit Ogier, laissez toutes ces parolles: car vous pouuez cognoistre clerement la loyauté qu'est en moy: car tant qu'en ce monde Dieu me donnera vie ie ne vous oublieray: mais pour l'amour de vous feray de beaux faits d'armes en quelque part que ie soye, à la gloire, renommee & exaltation de vostre excellente beauté & moy retourné, comme i'ay dit, s'il plaist à monseigneur vostre pere ie vous espouseray & prendray à femme & espouse. Desquelles parolles fut Bellicenne de son dueil retournée à grand liesse, & lors prindrent congé l'un de l'autre. Et ne fut pas sans que les yeux jettassent abondance de larmes. Or veux retourner à l'ost ou le vaillant Ogier est allé.

Or tant cheuaucha l'Empereur accompagné des douze pairs de France & autres seigneurs qu'ils sont arriuez à Paris, & là on fait entreprinse pour aller par delà les monts secourir les Chrestiens, & fit l'Empereur charier des viures & se mist sur les champs pour plus à plain voir le nombre de ses gens. En laquelle compagnie estoient les seigneurs qui s'ensuyuent. Quentin le Normant, Sasses, Sauary, le Duc Endon de Langres, le Duc Hoyaux de Nantes, & messire Alorry vn puissant Lombard, le Comte de Poictiers, messire Thierry de Dordonne, Nayme de Bauierres & plusieurs autres seigneurs, dont l'histoire ne fait nulle mention pour euirer prolixité, mais est bien à croire que l'armée nombree de deux cens mille homes n'estoit pas sans grand seigneurie. Quand Ogier vit tout l'ost sur les champs ainsi assemblé & mis en belle ordonnance, il fut moult ioyeux & esbahy: car il n'auoit iamais veu tant de gensdarmes ensemble. Mais tousiours se tenoit avecques les deux escuyers qui de luy auoyent le gouvernement en aduisant ces capitaines & gouverneurs dudit ost faire leurs ordonnances & renger leurs batailles come s'ils fussent là pour attendre leurs ennemis, & sur ce point departirent & leuerent sus bannieres & estendars à si grand largesse, que c'estoit la plus grand noblesse qui iamais fut veüe, trompettes commencerent à sonner si impetueusement qu'il sembloit que la terre deust trembler. Adonc Charlemagne voulut faire departir par meure deliberation & dist à toute la seigneurie del'ost, & iura son scepter de non iamais retourner qu'il n'eust deconquis les Sarrazins, & laissé les Chrestiens à seureté, & cheuaucherent si long-temps qu'ils arriuerent à la ville de Soultre qu'est à dix lieues par deçà Rome.

*Comment le Pape & les Cardinaux de peur des Sarrazins se retirerent dedans Soultre à dix lieues de Rome. Et comment il seut que l'Empereur venoit avec son ost pour deschasser les Payens, alla au deuant accompagné des Cardinaux.*

## CHAPITRE V.

EN ce present chapitre traicterons du Pape qui estoit expulsé de Rome. Car comme le Pape appercent venir les Payens à si grand nombre, luy & les Cardinaux & tout le Clergé se departirent de Rome, & se retirerent à Soultre, & là se reduirent tous à seureté car les Payens prindrent Rome d'assaut, & mirent à mort tous les habitans en icelle, & de l'Eglise en firent temple à leurs Dieux. Or le Pape & les Cardinaux eurent nouuelles que Charlemagne estoit arriué avec son ost bien pres de Soultre. Si ordonnerent faire vne procession pour aller au deuant de Charlemagne. Quand ils furent pres de l'ost l'Empereur qui auoit tout son entendement en Iesus-Christ, se print à plorer, de voir ainsi le Pape destitué de son siege. Et au rencontre, se baïserent en plourât: & se prindrent à parler de la tres domageable destruction que ces maudits Payens auoyent faictz dedas Rome, com-



me ils auoyent liuré à martyre tous les Chrestiens qu'ils auoyent sceu trouuer, & qu'ils auoyent faict de l'Eglise temple de leurs Dieux, dont l'Empereur fut moult doulent. Si dit au saint Pere & à tout le conseil, qu'ils se missent en oraison, & que seurement iamais ne se partiroyent de là que les Payens ne prinsissent fin : & que par luy ne fust restitué en son siege. Et à ces mots se partit le Pape & les Cardinaux, & s'en retournerent à Soultre, menant leur procession ainsi qu'ils estoient venus. Et bien tost apres leur retour, l'ost des François c'est retiré en ladicte ville pour vn peu se rafreschir : car le Pape luy auoit fort ordonné son estat, & l'ost aussi auoit faict autailier ainsi que le Roy luy auoit donné charge à son departement.

*Comment apres que Charlemagne fut arrivé dedans Soultre, vne espie l'alla compter aux Payens dont ils vindrent plus de vingt mille, pour destruire les François, & comment Ogier desarma Alorry le Lombard qui s'enfuyoit, & auoit ietté l'enseigne des Chrestiens par terre. Lequel Ogier au commencement de ses armes fist tant de vaillances, que les Payens furent deconfits.*

## CHAPITRE VI.



Itost que le Roy fut arrivé vne espie de Payens se trouua en l'ost de Charlemagne, & quand il eut tout visité si s'en retourna à Rome & compra, à l'Admiral Corfuble & à Dannemont son fils comme il anoit visité, & bien regardé tout l'ost de Charlemagne, qui tât estoit noblement & richement orné, & auquel y auoit tant & de si noble seigneurie qu'homme humain ne scautoit voir plus grand noblesse. Dont Dannemont le fils de Corfuble en fut grandement indigné, & de fait vouloit que sans le conseil du Roy Corfuble son pere, qu'on leur allast présenter la bataille : laquelle chose les payens ne voulurent pas consentir, mais allerent au Roy & y menerent son fils Dannemont, & demanderent au Roy son opinion de besongner en ce cas. Le Roy



ordonna que son fils sortiroit avec vingt-mille combattans hors de Rome , pour essayer à enclorre les François si d'auanture ils failloyent sur les champs. Car le Roy Corfuble ne tenoit pas grand compte de l'ost de Charlemagne. Conclusion faicte de ladi&e entreprinse , les Payens se mirent en point enuiron vingt mille pour essayer de trouuer aucune route des François sur les champs. Et pendant ces entreprinse, l'Empereur auoitenuoyé sur les ch&ps aucuns princes pour essayer à prédre Payés au descouuert, qui toute la nuit ne finerét de chauer: & ainsi que le iour s'apparust Naymes de Bauieres aduisa sur vne montaigne , vne grande troupe de Payens, entre lesquels Dannemont leur cria du haut de la montaigne que par son Dieu Mahon , leur vie estoit finée, & que de la c&pagne vn seul n'en eschapperoit qui ne print mort au trenchant de l'espee. N'aymes appella vn sien cousin nommé Cesar, & luy dist beau cousin, au nom de Dieu assaillons ses Payens , ennemis de nostre foy, & nous monstons aujourd'huy cheualiers de Iesus Christ: car si nous au& nos courages en Dieu, nous ne pouuons mal besongner, & son b& cousin Cesar accorda sa demande. Seigneurs dist Naymes , ayons bon courage de combattre aujourd'huy ceste gent infidelle , & si nous mourons en combattant , pour celle mort nous receurons vie eternelle.

Or monta le Duc Naymes, sur vn fort destrier pour marcher c&tre les payens, & quand il eut veu leur nombre , il commen& à dire à vn de ses capitaines qu'il cheuauch&a vistemment dire au Roy qu'ils auoyent treuue vne grosse rencontre, tant qu'ils sont bien quatre contre vn de nous. Lequel capitaine respondit que samais ne l'abandonneroit , & que de loing estoit venu pour venger la mort de nostre Seigneur Iesus-Christ. Adonc Naymes demanda Houel de Nantes , & luy dist qu'il fit le message à Charlemagne, Si luy dist, vraiment ie suis plus prest d'entrer en bataille que de faire message, & que l'Empereur le reputeroit de lasche courage. Mais seigneur Naymes ie vous prie enuoyé y vn autre: car aujourd'huy avec layde de nostre Seigneur Iesus-Christ i'ay intention de monstrier à ces maudits payens la force de mon corps & de ma l&ce, & qui m'aymera qui me suyue. Ad&c

le

le bon Duc Nayme de Bauieres commanda à sonner par grand effort trompettes, & quand ces mauidiës chiens les ouyrent, ils sonnerent comme les Chrestiens & coururent les vns contre les autres si cruellement, que les esclats qui des lances voloyent par l'air sembloit mieux foudre qu'autre chose, & tellement que Eudon de Langres vint à tout vne forte lance contre vn puissant payen fils de Roy & nepueu de Dannemont, & luy donna si grãd coup qu'il abbatit homme & cheual mort par terre. Pourquoy Dannemont se mist dedans l'estour si cruellement & si impetueusement qu'ils acculerent le Comte de Bretagne & le faquirent & prindrent prisonnier & plusieurs Chrestiens des plus vaillans de ladiëte compagnie, dont les Chrestiens se trouuerent dolans & desconforts & quand le Duc Naymes veit qu'il n'y auoit remede que de fuir, si picqua son cheual des esperons par telle maniere qu'il vint sur Dannemont par tel effort que le cheual de Dannemont eut si grande peur qu'il se leua sur les Pieds de derriere tout droict, & le Duc Naymes perça le cheual outre & jetta homme & cheual par terre. et de ecla fut vn si grand cry de la part des Sarrazins qu'ils vindrent si grande multitude que la force des Chrestiens fut contrainte s'amahir & prendre fuyte, & eurent si grand poursuite qu'ils reculerent iusques à l'ost de Charlemaigne. Mais ce ne fut sans que les Cheualiers Chrestiens ne fissent leur deuoir, & si vaillamment qu'ils n'auoyent lance n'autre baston de guerre que tout ne fust par esclats.

Quand Charlemaigne veit & entendit le grand bruiët des François qui retournoyent si asprement, si fut moult esbahy & demãda qu'ils auoyent & s'ils auoyent reneotrë le fils du Roy Corfuble accompagné de vingt mille Sarrazins, & cõment ils auoyët emmené prisonniers les plus grands de la compagnie des Chrestiens, dont Charlemaigne fut moult dolent. Adonques fit mettre en point tout son ost & appella Allorrry capitaine des Lombards, & luy dist. Messire Allorrry pource qu'entre les autres ie vous cognois fort & puissant, plein de toute hardieffe, ie vous donne charge de porter l'Oriflan, lequel fut iadis transmis & enuoyé diuinement au bon Roy Clouys, & pource ie vous cognois dextre & vertueux ie vous en donne la charge, dont Allorrry n'en fut gueres content. Nonobstant il ne'n faisoit nul semblant: toutesfois il n'en pensoit pas moins. Cela fait le Roy fist partir ses gens d'armes pour recouurer les prisonniers des mains des Sarrazins, lesquels Sarrazins n'oserent aller iusques à l'ost, mais s'en retournerent en la montaigne où auoit esté faicte la iournee, & les premiers qu'estoient premierement partis de l'ost allerent liurer le premier assaut & firent tref-mallement. et ce n'eust esté Charlemaigne qui vint au secours, ils eussent eu bien à besongner: car quand Charlemaigne fut venu les Payens eussent volontiers prins le chemin deuers Rome pour emmener les prisonniers: mais Charlemaigne les en garda bien: car il dressa sa lance & heurta son destrier & se fourra en la bataille, avec Allorrry qui portoit l'Oriflan, & commença l'Emereu à crier monxioye saint Denis, & vint ataindre vn Payen de sa lãce, tellement qu'il le perça tout outre. Lors les Barons de France se mirent tous apres & se porterent moult bien, & fut ce commencement aspre. Adonc Allorrry qui portoit l'Oriflan voulut prendre la fuite, dont le Roy fut moult courroucé & le monstra à la cheualerie comme il emportoit lediët Oriflan, & à ceste parole vint Dannemont monté sus vn moreau à tout vne lance noire, lequel vint de si grãde roideur à Charlemaigne qu'il passa sa lance parmy le corps de son cheual qui tant estoit bië faicte aux armes. Et eust esté prins se n'eust esté Thierry d'Ardaïne & Guy de neuf chasteil, deux puissãs homes qui luy baillerent vn coursier tout frais, & fut force d'eux retraire iusques à vn petit põt. Celuy assaut fut impetueux à merueilles, si que la force des François n'a empesché aux Payes d'emmener les dix Princes prisonniers dessus nommez. Et ce voyãt Ogier le Dannois estant mal content de voir emporter l'Oriflan, dist aux cheualiers

tout hautement qu'il n'osoit entrer en la bataille, pource que le sire Naymes qui l'auoit en garde luy auoit defendu de non y entrer sans son congé. Ce neantmoins esmeu de courage pour ce mal qu'il voit aduenir, si dist aux gentils-hommes. En l'honneur de la passion de Iesus-Christ suyuez moy si prendrons ce detracteur & prodicteur de noblesse, lequel pour crainte des coups c'est tourné en fuite laissant la noble cheualerie si dangereusement sans enseigne. Et par grand ardeur de courage s'employa à l'arrester, en disant. Faux & desloyal traistre, tu ne t'en iras pas ainsi sans parler à moy. Si luy donna d'une hache d'armes si grand coup dessus son heaume qu'il fist cheoit homme & cheual par terre, dont les cheualiers furent esbahys, veu qu'Ogier n'auoit iamais porté ne fait armes, toutes fois il fut besoing à Alorry de faire le mort. Si fist tât Ogier que Alorry fut desarmé & de ses armes se fist armer & monta dessus son cheual, & se fist bailler l'Oriflant, & dist tout haut à Alorry. Ha, ha, faux couïard traistre, mieux eust vallu pour la cheualerie de France vous estre rendu de religion avecques les dames ? que porter si noble baniere qu'est le refuge & confort de tous nobles François. Et sans mot sonner Alorry se partit de là & s'en retourna à son logis à Soultre bien ioyeux d'auoir eschappé la mort pour sa couïardise.

Alors qu'Ogier le Dannois fut monté & en ha. naché des armes. d'Alorry & tenant son espee au poing & l'Oriflant à l'autre, s'en vint accompagné de quatre ou cinq gentils-hommes qui l'auoyent aidé à armer, & frappa dedans la bataille si cruellement que iamais Lyon ne Leopart ne courut si asprement comme fist Ogier : car tout ce qu'il trouuoit deuant luy, les enseignes demeuroyent parmy la voye, & quand les François l'auiserent si dirent au Roy Charlemagne. ô Sire regardz le vaillant Alorry qu'on accusoit de trahyson, & qu'on disoit auoir prins la fuite : oncques ie ne vis tel champion, auioùd'huy par luy aurons victoire. Lors Ogier vit Dannemont & ne le peur pas choisir pour la multitude qui deuant luy estoit : mais il abbatit tant de Payens que ce fut chose merueilleuse. Entre lesquels il trouua le fort Payen Braymant qui tenoit les prisonniers, lequel par le grand effort qui se faisoit sur eux, cuyde prédre le chemin pour emmener en la cité de Rome lesdicts prisonniers : mais Ogier le Dannois bien l'en garda : car il se mit au deuant, & commença à frapper à dextre & à senestre, tant qu'il contraignit ledict Braymant de tourner le dos & se mettre en fuite, & abandonna tous les Princes François qu'il detenoit prisonniers, d'or Naymes fut moult esloüy : & lors vanta Alorry le plus vaillant champion de France, dont ils furent bien deceus : car c'estoit le noble Ogier. Et adonc cela fait se retourna avecques les prisonniers vers Charlemagne qu'on tenoit fort ensermé de quatre puissans Roys, c'est à sçauoir Dannemont de Nubie, Sallan, Achillans, Darguilles, & le puissant Maradas, & fut de si pres prins qu'on luy tua son cheual sous luy, tant qu'il demeura à pied : & à doncques se print le Roy Charlemagne à crier hautemét mont-joye, si allerent les François deuers Alorry : car on n'auoit point encore cogneu Ogier le Dannois, fors ceux qui luy auoyent aidé à armer, & luy dirent, Alorry si ne venez secourir Charlemagne, il mourra entre les mains de nos ennemis : car il l'ôt enclos : pource ie vous prie auâcez vous, & à ces parolles Ogier brocha son destrier des esperons, & tout ce qu'il trouue deuant luy abbatit & fist fuïr si bonne voyé qu'il alla iusques à Charlemagne, qu'il l'anguilloit en peril quasi attendant la mort : mais quand Ogier eut entendu le cry de Charlemagne, à sa venue ne demeura Roy ne cheualier qui s'osast arrester au pres de Charlemagne, dont l fut esbahy & ioyeux de sa deliurance : & dit à ses Barons : Seigneurs aduisez le noble portement de ce champion, Ha ! mon Dieu si c'est ton plaisir que ie puisse destruire ces ennemis, ie retourneray en France pour me venger du des-honneur, & forfaiture que m'a faite le Duc Geoffroy de Dannemarche, ensemble de son fils Ogier le Dannois : car ce me grieve fort le cœur. Or les parolles finces de Charlemagne, lesdits Roys avecques vn grand Admiral, derechef le retournerent assaillir, & Charlemagne aduifa



ledict Admiral, si leua ioyeuse & luy donna si grād coup qu'il l'abbatit mort à terre, Adonc commença à crier mont-joye saint Denis à haute voix : car de long temps, n'auoit fait si bon exploit de son espee se luy sembloit: car les Payens luy auoient tout detrenché son escu qui tant richement estoit fait d'azur, & y auoit trois fleurs de lys, d'or. Alors cogneut Ogier que le Roy cuidoit tousiours que ce fust Alorry. Adonc dist à soy mesmes qu'il feroit parler de luy, disoit son vœuloir & la teneur de son courage.

Or vindrent les Sarrazins à grand tourbe que Dannemont menoit, & leur dist seigneurs faites tant que nous ayons pour prisonnier ce faux glouton Roy : car ie vous promets si l'empoignez que l'emmeneray à Rome, & luy feray trancher la teste deuant mon Dieu Mahon, & de la ie m'en iray à Paris, & me feray couronner Roy de France, & là marieray ma sœur, au grand Roy Carahen. Les paroles finies, le Roy fut assailly si impetueusement que son escu luy fut tout dehaché & rompu, & son heaume enfoncé dedans la teste, ses harnois tout percez & rompus, & si las estoit qu'à peine pouuoit leuer son espee, & tellement fut oppressé qu'il fut mis par terre, & son cheual tué dessous luy, fus lequel on l'auoit remonté, par la tierce fois, & estoit si couuert de sang qu'à peine le pouuoit-on cognoistre. Si cria derechef mont-joye saint Denis, auquel cri Ogier, qui estoit parmy les Payens enclos, tant en occist & mist à mort, que leur force ne l'empescha de passer toute l'armée iusques à Charlemaigne. Si faut entédre qu'il estoit vaillant, veu qu'à vne main il tenoit l'enseigne, & n'auoit pour deffence que l'autre bras dont il tenoit son espee: mais tant fist de vaillances qu'homme humain à peine le croiroit. Si se mist au milieu faisant si grande desconfiture de Payens qu'il fist trespacher le Roy. Dancemont, tellement que force fust aux Payens de reculer, lors qu'ils cuidoyent faire leurs efforts: car si n'eust esté la puissance d'Ogier le Dannois, les Chrestiens estoient en grand danger de perdre honneur & France pour ce iour: mais Dieu qui les siens ne laisse au besoing, leur donna le vaillant champion.

*Comment le Roy ainsi deliuré par Ogier le remercia, cuidant que ce fust Alorry le Lombard, & comment le Roy sceut que c'estoit Ogier le Dannois par les escuyers, qui l'auoyent aidé à armer, dont le Roy le fist cheualier & luy pardonna.*

## CHAPITRE VII.



Pres que le cruel & impetueux assaut fut fini, & les payens reculez arriere, le Roy dist d'une grād affection à Ogier, cuidant parler à la persōne d'Alorry le Lombard, & dist hautement, chier ami Alorry venez ça veu la bien veillance que ie voy qu'avez en moy & à mô Roiaume, la force & vaillace en quoy avez pour moy auiond'huy espronné vostre corps, ie vous remercie & vous done de mô royaume ce qu'il vous en plaira prendre, & vous fais mon Lieutenant en toutes les querelles que j'ay touchant la couronne de France: car vous vallez d'auoir mille fois plus que ie ne vous presente. Si dist ces paroles en plorant à grosses larmes de ioye que Dieu luy auoit donné tel champion, & finie sa parole, là fut vn escuyer qu'estoit tout esbahi que le Roy nōmoit Alorry: si dist l'escuyer à Charlemaigne. Ha! Sire, qu'est-ce que vous dites vraiment Alorry n'est pas en ceste compagnie: Car au premier assaut il ploya l'Oriflamme & s'enfuit, comme vn lasche champion, qui plus aime sa peau que l'honneur de cheualerie, & n'est pas digne d'estre nommé homme: mais tout effeminé & rempli de toute lascheté, & Sire, afin qu'entendez mieux la façon, voicy le vaillant, & puissant Ogier le Dannois, lequel voyant prendre la fuite audit Alorry, vint d'une hache laquelle il auoit ostée à vn Payen, & le ferit sur le heaume si grand coup qu'il jotta à terre homme & cheual, tellement qu'Alorry

souffrit desarmes & de ses armeures moy-mesme vesti & armay Ogier & luy aiday à monter sur son bon destrier, & de celle heure a fait tant de vaillance que trois fois vous eusté d'entre vos ennemis ainsi que l'avez veu, dont le Roy fut esbahy. Quand Ogier entendit les paroles de l'escuier haussa son heaume, & dist. Las! Sire ayez merci de Geoffroy de Danne-mar-che, & faites que son fils souffre pour reparer son offense: car i'offre mon corps à vous seruir à tousiours-mais ainsi que vassal & subiect. et quand Charlemagne l'entendit, si luy dist Ha gentil Ogier, vostre noble courage, sens, bonté, force, & vaillance ont tout refrené le courroux que j'auois contre vostre pere, & contre vous. Approchez vous de moy car ioyeux ie suis d'estre de vous touché: car bien l'avez destruy, & amoureusement de Ioyeuse luy donna l'acollée, & le mist de l'ordre de cheualerie, dont le courage d'Ogier surmonta toute crainte mortelle, car apres le remerciement fait au Roy, il courut si impetueusement que du vent de son espee & du bruit de son cheual avec la noble cheualerie Chrestienne, il fist à celle escarmouche reculer les Payens la long d'un trait d'arc. Et à celle heure là se trouuerent les Pairs de France & plusieurs seigneurs prisonniers qui s'estoient remonte en armes au mieux qu'ils auoient peu. Si vindrent saluer le Roy Charlemagne disant qu'il estoit bien tenu d'aimer Alorry, pource qu'il auoit esté cause de leur pleine deliurance.

Adonc va respondre Charlemagne, comment seigneurs mesconnoissez vous vostre parenté? Attribuez vous, donnez vous l'honneur à celuy qui par lascheté nous a laissé cheoir en tel inconuenient? Ce n'est pas raison qu'il ait son honneur du pris: mais c'est à Ogier le Dannois à qui est deu le triumphe & l'honneur de vostre victorieuse bataille renommee: car quand Alorry print la fuite, Ogier à grand haste l'abbatit de dessus son cheual, là se trouuerent deux escuiers qui aiderent à desarmer Alorry, & armerent Ogier, & luy armé, & monté sur le destrier, vint & fist reculer les ennemis, dont l'estois oppressé, & croy qu'il a fait aussi vaillamment que onc fist cheualier, parquoy ie luy ay le crime & offense de son pere pardonné, & l'ay quitré de son ostage, dont les Princes prisonniers furent ioyeux & rendirent graces à Dieu, & outre dit le Roy, que luy retourné en France, qu'il luy donneroit telle quantité de terre, qu'il seroit content, & de celle heure luy ordonna porter l'Oriflamme. Or tout ce propos laissé, les Princes avec Ogier furent tous d'un accord d'aller donner l'assaut aux Payens: car la longueur de temps leur prestoit gens, & secours: car ja estoient venus beaucoup de Payens qu'estoient demeurez à Rome. Si fist le Roy sonner ses trompettes & clairons, & leuer en l'air ses banieres & confansons, & assaillirent les Payens. Et tât fut dure l'assalée que le Roy Dannelmôt & ses gens s'estoient mis en fuite, & cependant vint Sadone cousin de l'Admiral Corfuble, pour dire à Dannelmont comme Carahau estoit pres de Rome, accompagné de trente Rois Payens: car le Roy Carahau l'auoit promis à l'Admiral Corfuble, & en remuneration d'icelle promesse, luy auoit promis de le mener à Paris, & qui le conquerreroit en son nom, & le faire couronner Roy de France. Et apres ce fait luy donner sa fille Gloriande en mariage, qu'on tenoit la plus belle, & la plus honorable pour vne Sarrazine qui fait es parties d'Orient. Et quand ledit Sadone entendit que le Roy Dannelmont s'en estoit fuy, ils frapperent luy & ses gens si rigoureusement qu'il eust fort dommagé les Chrestiens si n'eust esté Ogier le Dannois qui vint au rencontre: mais vn Sarrazin luy cria en sa langue qu'il retournaist ou il mourroit. Et ainsi qu'il s'en cuidoit fuyr Ogier luy cria. Ha! faux Payen ta fuyte ne profitera, que mon espee ne te mette à mort. Alors iceluy Sadone se retourna deuers Ogier, en luy disant ô vaillant Chrestien, ie te prie ne m'occis pas: car ie te promets sur ma loy, que si vne autre fois ie te trouue en semblable effort si perilleux ie te sauueray la vie. Et à ces paroles Ogier luy demanda son nom, & il luy respondit qu'il auoit nom Sadone cousin du Roy Corfuble, & l'un des princes du Roy d'Inde la Maior, nommé Carahau, lequel est arriué

aupres de Rome , accompagné de trente Roys , pour donner aide à l'Admiral Corfuble qui doit en son nom conquieser la France & le couronner Roy dedans Paris. Et luy faire espouser la fille Gloriande. Et Ogier entendant les louanges & hautes renommées du Roy Caraheu , dist paisiblement à Sadone , Gentil chevalier, vostre maistre a cause de vous aimer: car vostre doux & orne langage , donne grand bruit & glorieuse renommée à sa noblesse, & faites comme bon vassal : mais ie voudrois bien si possible estoit qu'une fois nous puissions trouver luy & moy seul à seul pour sçavoir qui d'honneur emporterait le pris. Or se dist Sadone , sçavoir conviendrait si portez escu assez suffisant pour entrer en champ de bataille contre luy. Ouy, se dist Ogier: car ie te iure sur ma foy , que la noblesse de ma lignee a esté cause d'un grand bien au Royaume de France. Et pour te donner à entendre la noblesse de laquelle ie suis failly. Doon de Mayence si fut mon ayeul, lequel eut douze fils plains de grande vaillance , dequoy Geoffroy de Dannemarche fut l'un, qui est mon pere , & si tu me veux promettre de me faire combattre avec luy sur ta loy & ta noblesse ie te sauveray la vie, & t'en retourneras franc & quitte , dont Sadone l'en remercia: luy promettant qu'au cas qu'il ne voudroit tenir les convenances que moy-mesme m'en retourneray vers vous me rendre vostre prisonnier à faire de moy vostre volonté. Or va, dist Ogier, & luy dis que ie luy devanceray le chemin pour le garder d'aller en France : & que sa dame luy conquieseray vaillamment au tranchant de l'espee , & lesquelles choses ouyes ledit Sadone promist accomplir & faire exploier par son grand Dieu Mahon , & sur ce point le laissa aller sain & sauf.

Quand Ogier eut donné congé à Sadone , & que la bataille fut mise à fin , la plupart des Payens furent desconfits , & aussi les autres s'en furent fuys , les douze Pairs de France se retirerent tous ensemble devers Charlemaigne , & luy conterent qu'Ogier le Danois avoit donné congé à un Roy Payen , lequel il eut bien occis s'il eust voulu: mais il y a eu quelques paroles avec luy & ne sçavons quoy: & pource , Sire s'il vous plaist le ferez appeller , & nous croyons qu'il le dira volontiers. Le Roy fist , appeller Ogier lequel se presenta devant luy & luy demanda. Quelles paroles avez-vous avec ce Roy Payen, & pourquoy l'avez-vous laissé aller sans aucun destourbier : car ce n'est pas la coustume de la guerre d'ainsi laisser aller son ennemy sans luy donner aucun empeschement , mesmement quand on est plus fort, si vous prie que me disiez la verité. Alors dist Ogier, Sire ie l'ay fait pource qu'il m'a promis sur son Dieu accomplir certaine chose , dont luy-mesmes prent la charge. Car il m'a promis nous faire trouver en cháp de bataille quelque iour Caraheu & moy. Lequel moyennât l'aide de l'Admiral de Corfuble, & du Roy Dänemont son fils accompagnez de trente Roys Sarrasins le doit mener en France , & le faire couronner à Paris , & l'abbaye de saint Denis faire le temple de Mahomet , & doit ledit Caraheu espouser la belle Gloriande fille de l'Admiral Corfuble. Et pour lesquelles choses empescher sans tant gaster & greuer vostre noble Royaume i'ay voulu assigner la bataille avec luy , pour rompre leurs folles opinions, ce qu'il m'a promis accomplir sur son grand Dieu. Et pource , Sire il me semble que i'ay bien fait dont ie remercie Dieu. Si i'ay mal fait aussi , Sire ie vous demande pardon. Adonc le Roy voyant le noble vouloir d'Ogier & sa prudente hardiesse , luy dit , Gentil compagnon à bien faire ne faut demander pardon , & ne vous en sçay nul mal gré : toutesfois ie me doute que vostre hardiesse ne soit cause de nostre destruction : car si vous nous estiez failly , nous aurions perdu le plus beau membre de nostre armee. Sire , dist Ogier , ne doutez de rien: mais à l'aide de Dieu viendray au dessus de mon entreprinse , dont les douze Pairs furent moult ioyeux des douces paroles d'Ogier , de sa puissance , vaillance , force , & hardiesse. Et aussi tout l'exercite de Charlemaigne, fut grandement renforcé du noble Ogier le Danois.

Et les batailles & assaux ainsi finies, le Roy fit despartir ses gendarmes, pour retourner à Soultre là où estoit l'ost & à l'approchement de Soultre trouuerent sur les champs le pape, Cardinaux, & tout le Clergé armez de saintes reliques de Dieu. Lesquels de grand ioye qu'ils auoyent de leur nouuells victoire chantoyét en remerciant la Cour celeste de paradis, du bien & honneur qu'il leur auoit fait. Et les reuerences, faites, tant d'un costé que d'autre entrerét dedans Soultre pour parler plus à loisir de celle rencontre ainsi aduenue, & à la confusion des Payens, dont le saint Pere fut grandement resiouy. Neantmoins ce iour ne tindrent pas grandes paroles, car chacun entendit à se refreschir. Si entra le Roy en ses tentes, & les seigneurs aussi. Là les alla voir le Pape, & leur abandonna tous ses biens si mestier en auoient, dont le Roy le remercia grandement. Si deuiserent assez de la puissance & nombre des Sarrazins: mais tout leur principal fut tenu du bô cheualier nouveau Ogier le Dannois: car Charlemaigne l'auoit tousiours en la bouche, & ne le pouuoit oublier. Or laisseray à parler de cette matiere, & parleray de Dannemont qui s'en estoit fui à Rome.

Or est Dannemont tres-miserablement parti de la bataille, desconfit l'honneur de victoire. Et à tant cheuauché qu'il est arriué à Rome, & à esté recueilli plus à sa honte, confusion & deshonneur, qu'à sa louange & honneur. Et luy entré au palais commença à rôsser, & maugreer Mahon, Apolin, & tous les dieux & deesses, disant que le premier Dieu qu'il rencontrera sera paré de l'aide qu'ils luy ont fait en la iournee la où ils estoient quatre Payens contre un Chrestien. Et l'Admiral Corsuble son pere lors estoit en son palais plus courroucé du dueil & courroux que son fils Dannemont prenoit, que de la perte qu'il auoit eue en la bataille. Et n'auoit pere ne mere, qui sceust trouuer le moyen ne la maniere de le l'appiser. Et puis quand il eut longuement son dueil demené, & que son ire fut un peu l'appaisée, il se tourna vers son pere le Roy Corsuble, & luy dist. Mal fut cõtre nous la planette de nostre departement conuenable & propice & les dieux & deesses nous auoient soit en despit. Car quand nous eûmes rencontrés nos ennemis vne heure entiere besongnables, si cheualeusement que nous gaignasmes environ douze grands Princes de l'ost de Charlemaigne, & autant de cheualiers de nom, & les tourna en fuite si vaillamment & si impetueusement que force leur fut de recoter en l'ost de leur Roy: mais le faux gloton arriua au champ où nous estions accompagné de la puissante cheualerie, & nous fist vne terrible venue en nous enuahissant si impetueusement, que fusmes contrains de reculer. Ce neantmoins à toutes ses forces & poissances par trois fois trouuasmes façon à force de lance, de le jeter de dessus son cheual, & n'eust esté un diable d'homme qui par trois fois le vint releuer, il suffisoit de l'une des trois pour auoir amené ledit Charlemaigne prisonnier dedans la cité de Rome: mais depuis sa versión & diminutiõ de nos gens: car un estour qui fut fait à l'õbre d'un guidon qu'il portoit, il fist si grand effusion de sang de Sarrazins, que force nous fut de reculer & d'abandonner nos prisonniers, des plus vaillans, & qu'on tenoit la fleur de toute la cheualerie du maudit Roy, dont j'ay le cœur si courroucé que ie n'ay vaine ne membre qui ne tende plus à mort qu'à vie, tant de la perte que du deshonneur qu'auons qui tant estions de vaillans gens, & en si grand nombre, & n'estoit que j'ay esperance de recouurer telle grand'perte à la venue du tres-puissant Roy Carahen deuant vous en la presence de nos dieux, ie me occiroie douloureusement deuant toute la cheualerie.

Et à ses paroles l'Admiral luy dist, ie m'esbahis grandement comme un Roy cognoissant les faicts de la fortune & dangiers de la guerre, peut auoir le courage & entendement si inconstant de mener si tres-grãd bruiet & si grand doulueur pour vne seule rencõtre, qu'est chose incognue aux hommes touchant la perte ou le gaing. Et combien que la perte soit plus à nostre dommage & confusion, si n'est-il pas venu pour vostre defaute, car

ainsi

ainsi que la fortune vient ou bonne ou mauuaise il la conuient prendre , & supporter la perte le plus patiemment qu'on peut. Car ramenteuoir douleur de la perte, donne occasion aux soldats d'affadir la hardiesse de leurs courages. Pource pour plus amplement le reconforter sa mere luy monstra que cela appartenoit aux dames de tenir leur courroux euidentement & le demonstrier deuant les hommes pour auoir & obtenir ce qu'ils demandent, & pour exaucer leurs petitions & requestes non pas aux gens preux & constans que pour perdre ou gagner n'en fust ne plus ne moins. Pource mon fils ie vous prie de vous desister de ce fol proces & iniurieux reproche. Et derechef le Roy son pere luy dist que du temps passé ne faut plus mouuoir question , & au temps auenir se faut garder de tels inconueniens : car i'ay esperance que quelque puissance que ses vilains gloutons puissent auoir, qu'à la venue du Roy Carahen nous les assaillirons si vigoueuement , qu'ils n'en sçauront par quel bout prendre : car à nostre secours est venu si tref-puissante & si honorable compagnie qu'on ne les sçauroit estimer : car il est accompagné de douze, grands Rois Payens, tous vaillans & remplis de grandes vaillances & prouesses. Auquel i'ay bone confiance qu'à l'aide de luy & vouloir, & aussi l'aide de nos puissans dieux , nous aurons & acquerons reparation & honneur de ce rigoureux vitupere & vengeance de ces maudits Chrestiens. Or est-il temps de laisser ce propos & faire crier parmi la cité que toute la cheualerie soit prestre sàs heure ne terme pour aller au deuant dudit Roy Carahen & de toute la noble cheualerie, & en si grád triomphe qui leur sera possible , laquelle chose fut faite au plaisir du Roy Corsuble , & se mirent en ordonnance en la maniere Payenne & principalement la belle Gloriade fut mise en point & habillée si tresbien qu'elle sembloit vne deesse. Si allerēt au deuant dudit Roy Carahen & le receurent honnorablement & toute sa cōpagnie aux mieux qu'ils peurent. Et fut logé au palais avec Corsuble & la Roine sa femme & avec la belle Gloriade qui ia luy estoit promise & la principale cause qui l'auoit amené à Rome à tout sa noble compagnie. Et quand il fut arriué au palais il apperceut le Roy Dannemont auquel il demanda comme la chose c'estoit conduite & portee iusques à l'heure. Si luy conta ledit Roy toute la chose comme elle alloit. Et à la fin dud. & conte vint Sadone tref-familier du Roy Carahen qui luy dist apres qu'il l'eut honnestement salué. Puissant & redouté Roy d'Inde la maior, ie vous ay à dire nouuelles certaines desquelles vn cheualier Chrestien m'a enchargé & est le cheualier fils de Geoffroy de Dānemarche & fut son ayeul Doon de Mayence, qui tant fist de vaillance en son temps. Or pour parler à la verité dudit cheualier, c'est Ogier le Dannois & est le plus noble & le plus preux & le plus vertueux qui iamais en France porta lance ne escu, & ie vous diray la raison. Car à la rencontre derniere faite apres de Soutre en laquelle sur la fin i'arriuai, ie luy vis faire tant de vaillance que ie ne fus de ma vie plus esmerueillé. Et aussi moy mesmes cogneus sa noblesse estre grande : car ainsi qu'il m'eut choisi en la bataille & que mes gens m'escrियोient de non attendre ledit cheualier venant vers moy à la lance couchee, qu'il m'eust franchement percé tout outre de sa lance, hauçā son bois & me demanda qu'estoye & mon nom. Et ie luy respondy que j'estoye venu avecque vous en ce voiage, comme avecques le plus grand & le plus puissant qui fust es parties d'Orient : & comment l'Admiral Corsuble vous auoit promis sa fille Gloriade la plus belle, honorable & plus parfaicte en toute beauté, bonté & vertu, que dame que fut iamais nee sur terre. Et que ledit Admiral vous auoit promis que apres qu'il auroit moiennant vostre aide, conquesié la France, qu'il vous feroit couronner Roy de France, en la ville de Paris, & là vous bailleroit sa fille Gloriade à femme selon nostre loy en mariage & feroit de l'Abbaye de S. Denis temple de Mahomet dont il commença à sourire. Si me dist tout doucemēt que si ie luy vouloye promettre de luy faite auoir bataille avecques vous sur ma loy, qu'il me saueroit la vie. Laquelle chose ie luy promis sur ma loy , & sur tant que ie tiens de Mahomet. Et pource, Sirs, s'il vous

plaisit d'accomplir ma promesse, vous la ferez ou sinō moy-mesmes la feray, pour vous : car par la promesse que ie luy feis il me sauua la vie. Si luy dist le Roy Carahu, que volontiers accompliroit la promesse qu'il auoit fait à Ogier, & que sans nulle faute il se combattroit à luy, lesquelles paroles finies la belle Gloriande tenant vn esperuier sur son poing vestue d'un mout beau biant Sarrazinois : auquel biant vne Payenne auoit esté neuf ans à le faire. Et ledict biant estoit noblemēt garny de mout riche pierrerie & tout semé de belles perles Orientales, si que le pareil biant iamais homme viuant n'auoit veu.

Conduicte fut la belle Gloriande audict Palais par plusieurs seigneurs Payens, & fut amérée vers l'Admiral Corfuble, le Roy Dannemont son frere, & vers le Roy Carahu son amy, & pour bien parler de la richesse qu'elle auoit, c'estoit vne chose merueilleuse : car elle auoit sur son biant vn fermaillet en maniere de caïmal de si grand artifice & somptueux que nul n'eust sceu estimer la valeur, puis auoit vne couronne d'or tres-richement esmaillee & garnie de fine pierrerie, si vous eussiez veu ses cheueux pendans iusques à terre reluisās comme fin or bruni, & vn affiquet en la poictrine auquel estoit vn mout riche escaiboucle, & en celuy habit se vint presenter deuant la seigneurie dessudicte en les saluant honnestement. Les salutations ainsi faictes qu'en tel cas appartenoit & aussi la reception & royal recueil qu'on fist à la belle Gloriande & à sa noble compagnie, les seruiteurs vindrent faire asseoir toute la noblesse pour le dîner en leur mode & façon payenne. Et firent grand chere, & menerent grand ioye & ioyeuse consolation, ne doutans aucunement la force des François, mettans arriere toutes leurs menasses : mais font grand resiouyssement. Et ainsi qu'ils se leuoient de dîner, le Roy Charahu mena le Roy Dannemont & la belle Gloriande pour voir son estat qui estoit tres-somptueux & merueilleux à voir : mais ainsi que toute la seigneurie du Roy s'estoit assemblée pour voir l'ost du Roy Carahu, il vint vne des espies de l'Admiral Corfuble, qui venoit de l'ost des François, lequel s'approcha de la seigneurie & leur fist la reuerence : ce fait le Roy Corfuble qui descendoit du palais & qui bien tost le cogneut, le fist appeller & luy demanda s'il scauroit nulles nouvelles de l'ost des François. Si luy respondit qu'ouy, & qu'il n'auoit aucunement entendu qu'ils auoyent delibéré & concludentr'eux de venir assaillir Rome & de brief, & pource leur pria qu'ils se missent tous en armes. De ces nouvelles fut bien ioyeux le Roy Corfuble, de ce qu'ils deuoient marcher par deuers Rome, & aussi furent bien tous les grands seigneurs Payens, pretendans à auoir leur proye & en briefmais beaucoup de meure de ce que fol pense, & menerent plus grand ioye qu'ils n'auoient fait deuant. Or laisseray à parler des Payens, & retourneray à parler des François.

*Comment l'Empereur Charlemagne commanda & fit crier par tout son ost que chacun se mist en armes pour aller deuant la cité de Rome, & comment Charles fut enuieux sur le bon Ogier & enuie prini premier à aller deuant la cité de Rome à peu de gens, dont il mist les Chrestiens en grand dangier, pour ce qu'il fut apperceu des Payens.*

## CHAPITRE VIII.



LE Roy Charlemaigne ouït dire que les Payens estoient assemblez dedans Rome, & qu'ils estoient grand nombre & multitude : si fist crier par tout son ost que chacun fut incontinent prest pour partir quand seroit temps pour aller deuant Rome. A cecy s'auisa Charlōt, lequel estoit mout enuieux de l'honneur & triōphe que le bon Ogier le Dannois auoit au commencement de ses armes conquis si honnorablement : si hucha trois ou quatre de ses seigneurs auāturiers de l'ost & leur dist priuēment. Seigneurs si vous me voulez croire nous acquerons auioird'huy honneur & bonne auanture, vous pouuez cognoistre puis que l'ost se remue pour aller deuers Rome, que plusieurs auantures

res & escoutes viendront au deuant pour essayer à conqueſter quelque proye, ſi ſeroit bõ d'aller au deuant: car ie ſçay bien qu'ils n'en porteront rien de nous, ſi reſpondit l'un d'eux. Monſeigneur vous ne dictes pas mal: mais en ce fait il nous faudroit parler à Ogier le Dannois: car ſ'il y vouloit entendre nous beſongnerons à ſecrèt. Si luy reſpondit Charlot qu'il n'auoit que beſongner d'Ogier, & qu'il ſeroit bien l'entreprinſe ſans luy: ne que iour de ſon viuant ne luy declareroit ſon vouloir, tellement que la nuit enſuyuant fiſt ſecrètement armer cinq cents combatans ſans le ſceu de Charlemaigne ne d'aucuns de l'oſt: ſi ſe partirent & paſſerēt tous la riuere à tout leurs chevaux, & firēt tant qu'ils trouuerēt lieu pour eux empêcher: mais ſi toſt qu'ils furent embuſchez, vne eſpie trāſmis de la partie dudit Roy Dannemont les auifa. Alors incontinent ſe miſt en chemin pour retourner



deuers le Roy Dannemont & s'en vint à ſon oſt & ſe fiſt conduire vers ledict Roy Dannemont pour luy dire les nouuelles, & fuſt toſt mené & conduit vers Dannemont, & incontinent qu'il le vir, il demanda des nouuelles, & l'eſpie luy diſt cõme il auoit veu l'embuſche des François aupres de Rome, & qu'ils n'eſtoient pas plus haut de cinq cents hommes, dõt y eſtoit Charlot ſi's de Charlemaigne. Si luy demanda le Roy Dannemont ſ'il cognoiſſoit point Ogier le Dannois & ſ'il n'y eſtoit point. Adonc diſt l'eſpie qu'il ne l'auoit point veu. Si manda au Roy Carahen que ſ'il auoit volenté d'acquerir honneur qu'il ſe miſt ſur les champs, & qu'aupres auoit vne embuſche des François qui ne pouuoient eſchapper. A ce mandement fiſt le Roy Carahen mettre en point ſes gens & luy auſſi, & incontinent monta à cheual & s'en alla à la tente du Roy Dannemont, lequel il trouua monté ſur ſon deſtrier & ſes gēs ſemblablement & ſon eſcu au col & ſa lāce acerée, & menerent avec eux Sadone, ils ſe trouuerēt bien enuiron vingt mille tous bõs cõbatā. Adõc ſe partirēt & s'en allerēt tout bellemēt celle part où eſtoit Charlot. Si laiſſeray à parler de ceste embuſche &

parleray du songe que songea l'Empereur Charlemaigne.

Lors aduint que cependant que Charlot partit la nuit mesme, Charlemaigne songea qu'il luy sembloit en dormant qu'il voyoit vn grand oyseau volant sur son fils Charlot lequel le battoit tant du bec & des ongles qu'il luy auoit ja percé le costé, tellement qu'il luy auoit arraché le cœur du ventre & mi-party en deux, dont se trouua en son rescuil fort troublé, & par le vouloir de Dieu que les liens ne met en oubly, si tost qu'il fut esueillé manda tout les Pairs & leur conta son songe, puis dist à l'Archeuesque Turpin qu'il celebrast Messe ainsi qu'il auoit accoustumé, & apres la Messe demanda où estoit son fils Charlot: à quoy nul ne respondit: car nul ne scauoit rien du fait de Charlot ne de ses compagnons, combien qu'on cognoissoit ceux qui estoient avec luy: mais on ne scauoit où. Si se mist Charlemaigne à prier Dieu qu'il luy enuoyast bonnes nouuelles.

*Comment les Payens allerent assaillir Charlot & ses compagnons qu'estoyent en un bosquet pres de Rome, & comment ledit Charlot eust esté mort ou prins se n'eust esté Ogier qui le vint secourir avec l'ost des François.*

## CHAPITRE IX.



Je veux laisser le dueil de l'Empereur Charlemaigne & retourneray aux Payens qui vindrent frapper sur Charlot & sur ses compagnons si cruellement que c'estoit chose piteuse à voir: car ils estoyent plus de dix contre vn François, & firēt tant qu'ils en tuerēt beaucoup. Et si n'eust esté vn cheualier François qui partit du commencement de la bataille quand il veit si grand nombre de Payens, tous eussent esté desconfits, & incontinent ledit cheualier partit d'avec Charlot & fit tant qu'il arriua en l'ost de Charlemaigne, & commença à crier tant comme il peut Noble & puissant Empereur Charlemaigne si vous voulez iamais voir vostre enfant Charlot, faites diligence de le venir secourir ou autrement il eut desconfit: car sçachez, Sire, qu'ils sont plus de dix Payens contre vn François. Si dist le Roy Charlemaigne à ce mot, sonnez trompestes & clairons, & fist marcher la plupart de son ost à cource de cheuaux luyuans tousiours celui qu'auoit apporté les nouuelles. Et le vaillant Ogier le Dānois qui moult auoit le cœur marry que plustost n'y pouuoit estre, passa la riuere franchement, mais deuant qu'il y peut estre, le pauvre Charlot eut bien à besongner: car ils n'estoient point cent François contre bien dix mille Sarrazins, si se mist Charlot en si bonne deffence attendant la misericorde de nostre Seigneur Iesus Christ, qu'il courut sus vn Roy Payen, & de son espee luy donna si grand coup dessus son blason qu'il abbatit homme & cheual mort par terre, & le coup cheut sur vn autre Payen tant qu'il luy abbatit l'espaule, don le Roy Carahau fut moult despité. Si courut sur luy, & ramena si tref-grād coup qu'il l'eust mis en deux pieces s'il n'eust destourné iceluy coup, car il coupa le col au cheual de Charlot & n'eust esté la venue d'Ogier les pauvres François eussent tousiours, eu du pire: car du premier coup qu'il tira, il fendit vn Roy Payé en deux pieces, & amena son cheual à Charlot: mais quand les Payens virent approcher l'enseigne du tresbon Roy Charlemaigne les plus vaillans se retournerent premierement en fuyte. Si se mist le bon Ogier dessus eux & fist tel portement que nul ne s'osoit mettre deuant luy. Quand Sadone vit qu'il auoit promis à Ogier de luy faire auoir iournee à Carahau Roy d'Inde la Maior, si luy dist, Adaisez noble Roy ce cheualier qui porte son blason d'argent a vn Aigle de sable, c'est celui à qui j'ay promis iournee pour vous.

Si le remarqua bien le Roy Carahau, & dist bien à soy-mesmes qu'il n'estoit pas heure



se tenir au champ, & que les Sarrazins y auoient plus perdu que gagné. Lors fist sonner la retraite. Et ainsi qu'ils prenoient la fuite, & que le Roy Caraheu se retournoit, Ogier le suyuoit de pres comme le plus vaillant, & plusieurs fois le desfia seul à seul, ou ainsi qu'il luy plairoit: mais il ne fut pas si sot de s'arrester: mais tousiours fuyoit tant qu'il paruint iusques aux tentes de l'Admiral Corfuble. Qui eut veu fuyr les Sarrazins, c'estoit la plus nompareille chose qu'onques hommes vit, les vns abbatoyent les autres en fuyant, & les François en tuèrent tant que les monceaux estoient si grands que les cheuaux ne pouuoient passer pour les morts, & cria Ogier au Roy Caraheu, lequel il ne cognoissoit pas: mais ledit Caraheu le cognoissoit bien. Retourne toy faux glouton Payen, ou par ma foy ta mort est iuree: car à ceste heure i'ay bien desir & affection tout à present te combattre. Adoncques le Roy Caraheu luy respondit. Ogier retourne t'en arriere: car ie cognois que fortune n'est pas aujourd'huy pour nous: mais ie te promets vne autre fois sur Mahon mon Dieu que ie te tiendray tout ce que Sadone t'a promis. Et Ogier le Dannois luy dist. Qui es tu? me cognois-tu? qui m'as nommé Ogier le Dannois. Ouy dist le Roy Caraheu, ie t'en donne bonnes enseignes, quand ie m'offre d'accomplir ce que le cheualier t'a promis. Et te promets derechef que l'Admiral Corfuble me doit faire couronner Roy de France dedans Paris, & si me doit donner en mariage sa fille Gloriande la plus belle, la plus sage & la plus hōnorable qui soit au monde: mais ie te promets que iamais ne l'espouseray que ie n'aye eu iournée avecques toy. Et si d'auenture ie me treuve vaincu, ie te remets de ceste heure: car ie te cognois de si noble extraction que tu ne daignerois faire vne fauce pointe. Et disant ces paroles, il arriva vne grāde flotte des Sarrazins, Payés fuitifs forts & puissans, sus lesquels se rua le tres vaillant Ogier, qui les dissipa par telle façō que les François l'acculerent, que bien-heureux estoit celuy qui de leurs mains pouuoit eschapper. Quand les François furent retournez en leurs tentes, Charlemaigne vint à Charlot qu'il trouua, si leua son espee pour le ferir, n'eust esté Naymes de Bauieres, qui se mist entre deux, & dist: Faux garçō plein de desobeissāce, rduise en quel estat, & dangier tu m'as mis, moy & mon armee: avec ce la gloire de mon tres-puissant & excellent Royaume. Telles entreprinſes ne se doiuent pas faire si de legier, ne sans grande deliberation de conseil. Et sur la vie doreſnuant nul ne soit tant hardy de rien entreprendre sans conseil, & remercie hardimēt Ogier: car aujourd'huy il t'a sauué la vie. A ces paroles se mist Charlot à deux genoux luy criant mercy, & que ce qu'il auoit entrepris, n'estoit que pour bien qui par fortune s'estoit tourné en mal. Et luy commença à compter la maniere comment ils auoyent esté accusez d'une espie du Roy Corfuble, qui les auoit apperceus comme deuant est dist, & n'eust esté les Payens, qui se mirent en fuite, bien quatre cens mille Payés partoyent pour venir au secours, n'eust esté l'effroy qui fut si grand en l'ost des Payens, à leur retour & infortune deſconfiture.

De ce retour fut moult dolent le Roy Corfuble, qu'au reñeontre du Roy Caraheu se trouua, & luy dist. Et comment Caraheu, vous prenez le retour quand vous deussiez besongner. Ha! Sire, dist Caraheu, nous nous en ſçauons bien à quoy tenir: car les François ont passé la riuere, & nous ont assaillis par si grand force, que nous ne ſçauons que deuenir, & encores n'eust esté ce maudit gloutō Ogier le Dannois, nous eussions tousiours tiré auant: mais ce qu'il atteinſ de son espee, n'y a espoir de vie: car tant qu'en vient à luy, tant en despeche. Et est homme de ce monde, que vous deuez le plus hayr. Et à ces paroles le Roy Corfuble fut plus courroucé que deuant, & voulut derechef faire retourner l'ost pour recommencer la meslee. Si le reconforta Caraheu au mieux qu'il peut, & luy dist. Sire Admiral, ne vous chaille i'y ay plus à perdre que vous, nous auons occis de leurs hōmes plus de deux mille, & des nostres sōt demeurez biē enuirō six mille: mais quelque iour le ieu sera autrement party. Si respondit adonc l'Admiral Corfuble, cela n'est point

recompensé fors à l'aduenture. Et ne vous chaille dist le Roy Carahu, ostez ceste melancolie de vostre tette: car nous n'auons gens, que trop, pour les destruire & annichiller: car de tous moyens ne scauroyent eschapper de nos mains, & si me voulez croire, nous leur manderôs iour de bataille. C'est tresbié di&, dist le Roy Carahu. Sire, si vous me croyez, & s'il vous plaist, i'y iray moy-mesme. Alors dist Corfuble: Ha ha! Carahu, ne parlez iamais d'y aller: car ie vous promets que ce faux glouton Charlemagne s'il vous tenoit il vous feroit liurer à mort, & à tourment, & pour rien ie ne voudrois que vous eussiez mal. Ne vous doutez de cela, dit Carahu: car ie cognois Charlemagne si noble, que iamais ne voussit souffrir vn messagier quel qui soit auoir mal. Si me semble pour le mieux que i'y alle: car aussi ie trouueray là Ogier le Dannois, & s'il veut auoir iour de bataille avecques moy ie luy accorderay. A ces paroles le Roy Corfuble, & tout son conseil s'arrestèrent & conclurent que Carahu y iroit, dont la belle Gloriande sa dame, fut terriblement dolente & courroucée: mais elle cognoissoit qu'il n'y auoit remede, & aussi qu'il n'alloit pas loing, & fut reconfortee de ses damoiselles, combien que tous ceux de l'ost n'auoyent pas matiere d'eux resiouyr.

Or laisseray à parler de l'ost des Payens, & du messagier, & retourneray à l'ost des Chrestiens, lesquels quand ils virent que tous les Payens s'estoient mis en fuite, & qu'ils s'en estoient tous retournez, ils se mirent à passer la riuere, & là assirent leurs tentes & tref, & y firent loger l'ost. Et comment resiouïs de la victoire à eux demeuree iceluy iour, s'efforcerent de faire bonne chere, & repaistie eux & leurs cheuaux. Et aupres de ladite riuere y auoit vne isle où ils prenoyent des victuailles, car en l'ost des Chrestiens n'auoit gueres de viures. Si passerent vne partie de la nuit en deuillant de leur victoire que nostre Seigneur leur auoit donné, & comment Ogier le Dannois auoit fait vn si grand portement, dont de iour en iour son nom, gloire & renommee s'esleuoit par toute Chrestienté. Or est ainsi que Charlemagne auoit le Pape & le clergé tousiours avec soy, qui luy donnoit conseil, confort & ayde, & par dessus la benediction qui le conseruoit en ioyeuse esperance & consolation.

*Comment le Roy Carahu, vint iour seul comme messagier dedans l'ost de Charlemagne, pour demander la bataille contre Ogier le Dannois, ainsi que l'Admiral Corfuble luy auoit diuisé, & aussi pour deffier l'Empereur Charlemagne, de la part de Corfuble, & comment la bataille fut entreprinse entre le Roy Carahu, & Ogier, & entre Charlot, & Sadon, & la responce de Charlemagne, sur le defflement.*

## CHAPITRE X.



Le lendemain le Roy Carahu s'en alla à l'ost de Charlemagne. Et cepédant qu'il arriuoit, le Roy expedioit l'appointement d'Alorry le Lombard, lequel s'en estoit fuy à la iournee de Soultre, & auoit emporté la banniere du Roy, quand Ogier le Dannois luy osta. Et ces choses acheuées voicy venir le Roy Carahu: par ma foy, dit vn François, ie cognois la cité de Rome estre rendue au Roy Charlemagne, veu ce messagier. Si demanda le Roy Carahu, le pailion de l'Empereur Charlemagne. Lors alla l'un d'eux demander à l'Empereur s'il luy plairoit de donner entree à vn messager Payen, lequel vouloit parler à luy. Si luy respondit qu'ouy. Adonc entra le Roy Carahu, & le salua, en disant. Sire si vous plaist vous me donerez congé de parler avec vos Barons, pour vn message que l'Admiral Corfuble m'a donné.



né vous faire. Si luy respondit Charlemagne, certes ie le vous octroye. Si regarda le Roy Carahu au pavillon de l'Empereur parmy toute la seigneurie en demandant Ogier, & luy dist. Je suis Ogier le Dannois : mais qu'il ne vous desplaie, qui estes vous qui demandez ? Lors respondit Carahu, j'ay nom Carahu amy de la belle Gloriande. Et pour acquitter la promesse que vous fist Sadone au nom de moy, volontiers vous combattrois, par tel conuenant, que si d'adventure ie demourois de par vous victorieusement vaincu, de ceste heure vous en fais possesseur : car en elle est mon intention, & vous valez bien pour auoir tel guerdon : car à meilleur que vous, i'amaie laisser ne la pourrois. Certes dist Ogier, pour l'honneur d'elle ie n'ay pas cause de refuser la bataille. Sire, dist Carahu, à l'Empereur, ne refusez la bataille à Ogier le Dannois. Lors dist l'Empereur Charlemagne, face son bon vouloir seulement, dont Ogier le remercia : mais Charlot par enuie voulut prendre la bataille pour luy, & luy dist. Pour serf racheté, vous ne deussiez parler qu'avec congé. Lors dist Ogier, au regard d'estre serf, ie ne suis pas serf : car ma marastre est cause de ce dont vous m'occupez. Le Roy Carahu eust despit de telles injures, & dist à Charlot, cheualier orgueilleux, ie ne sçay qui vous estes, & la bataille n'aurez avec moy. Mais bien trouueray vn cheualier qui l'entreprendra contre vous.

Si dist Ogier le Dannois, il vous part d'un noble courage de me vouloir tant de bien : mais si Charlot la vouloit entreprendre, certes il m'en plaist bien, car celuy qui aura à vous batailler, il pourra bien dire qu'il ne l'aura pas à un enfant : mais au plus hardy & au plus puissant qui soit en toutes les parties d'Oient, & pource qu'il vous a pleu me presenter tant de bien, & tant d'honneur, ie vous en remercie plus de mille fois, qu'il pleust à nostre Sauueur Iesus-Christ que vous eussiez bone volonté de deuenir bon Chrestien : car ie vous promets que vous & moy ferions & entreprendrions sous la pro-

tection, & sauuegarde de Dieu, de ses forces d'armes. Et au regard de Charlot fils du noble & puissant Empereur Charlemaigne, il est homme pour iouster & combattre au plus hardy & plus puissant cheualier qu'on sçaura trouuer. Et bien se dist le Roy Carahen, ie luy presenteray & bailleray l'Admiral Sadone, qui est le plus puissant, & le plus hardy cheualier qui soit en tous les Payens. Et bien se dit le vaillant Charlot pour seureté vous luy porterez mon gaige. le le feray volontiers dist le Roy Carahen. Et vous promets que par mon grand Dieu Mahon, l'accompliray toutes les entreprinſes que j'ay faites, tant en mon nom qu'au nom d'autrui ſans nullement les corrompre en quelque maniere que ce ſoit. Or ſont les entreprinſes faites & accordees, ſi allerent en faire la relation: dont le Roy en fut d'accord. Mais pource que l'heure du diſner approchoit Ogier voulut retenir Carahen pour diſner, lequel l'en remercia grandemét, & luy diſt qu'il eſtoit force qu'il ſ'en retournaſt, & que le lendemain chacú ſe trouueroit ſur les rés à l'iſle ainſi qu'il eſtoit conclud: ſi c'eſtoit le plaifir du Roy, ce que le Roy accorda. Outre plus Sire ie vous ay à faire autre meſſage diſt Carahen, de l'Admiral Corſuble, & du Roy Dannemont ſon fils, qui vous mandent venir à Rome, adorer le puissant Dieu Mahon, & renoncer à voſtre Jeſus-Christ, ou ſinon il vous fera tous liurer à mort, & conquerra le Royaume de France, dont il me promiſt la couronne, & m'en faire Roy, & à Paris dois eſpouſer ſa fille Glorinde la plus belle dame de l'vniuerſel monde. Pource, Sire, aduiſez qu'auetz affaire touchant ce meſſage: & m'en dites voſtre intention.

Et à ſes paroles reſpondit l'Empereur en ſoy ſoubriant touchant ce meſſage, & luy diſt: Dites leur qu'ils n'ont ſur moy domination nulle, ſurquoy ils ayent cauſe legitime d'aucune choſe me commander: car ie ne ſuis leur ſubieét, ne leur vaffal, & de leur main ſemét fais moins d'eſtime que d'un bergier des champs: car j'ay aſſez vaillans & bons & loyaux ſoldats, & treſors à force. Pource ie n'ay occaſion ny cauſe nulle d'eſcouter leurs ſolles menaces, il m'ennuye de tant endurer. Sire Roy François, ie ne ſuis que meſſagier, ie prie au dieu Mahon, qu'il vous ait en ſa garde. Si monta ſur ſon cheual apres qu'il eut prins congé de la baronnie. Et Ogier le Dannois print vne lance en ſon poing, & l'alla enuoyer à cheual iuſques au pres de la riuere, & prindrent congé l'un de l'autre, & le Roy Carahen paſſa la riuere ſur ſon cheual. Quand il fut arriué en l'oſt, le Roy Corſuble luy demanda des nouuelles qu'il auoit trouué en l'oſt de Charlemaigne. Si luy compta Carahen comme il auoit prins bataille contre Ogier le Dannois, & auſſi pour Sadone contre Charlot fils de Charlemaigne, & doit eſtre faite ceſte bataille demain en l'iſle de la riuere de Coyure, & ne doit entrer au champ que nous quatre combatans. Et touchant le meſſage de voſtre deſſiance, certes il ne ſ'en faiſoit que truffet & rire, & ne vous priſe, ny toute voſtre puissance non plus que vieux aulx ourtris, dont l'Admiral Corſuble & Dannemont ſon fils en furent mal contens: mais ils furent treſioyeux du retour du Roy Carahen: car ils auoyent treſ grand peur qu'il ne demeurat en l'oſt des François. Et l'enquiſt de l'eſtat des Barons, & de toute l'armée: mais il n'en ſçauoit que dire ſinon tout bien. Par ma loy diſt l'Admiral Corſuble, vous auez merité d'auoir vne noble & belle dame par amour. Sire j'en ſuis ja guerdonné de par vous, reſpondit Carahen de voſtre fille Glorinde pour la plus belle & honneſte qui ſoit en toutes les parties du monde. Laquelle ſ'il vous plaift demain ferez amener ſur le champ ornee le plus richement que faire ſe pourra: car toute force ſurmonte à voir ſi noble image. Laquelle choſe luy fuſt toſt accordee tout ainſi qu'il l'auoit voulu requerir. Si ſe partit Carahen & print congé de l'Admiral & de la ſeigneurie, & en deſcendant par vne poſte, rencontra la belle Glorinde qui tenoit ſon eſperuier, & l'embralla ioyeuſement, & apres l'embrasſement luy diſt le Roy Charahen, en ſouffriant, Dame il eſt vray, que j'ay entrepris auourd'huy bataille contre le plus vaillant Chreſtien, qui iamais marcha ſur terre, par tel conuenant que ſi

fortune

fortune m'estoit contraire & en plein champ ie fusse vaincu, le cheualier mon aduersaire combatans, vous auroit pour dame, si s'estoit vostre bon plaisir le m'otroyer, vous n'amoindriez rien de vostre honneur, combien que j'ay bien intention, le contraire estre vray. Sire respondit la belle Gloriande, vous me cognoissiez assez estre telle qu'à vos dits & commandemens ie n'y voudroye en rien contrairier: mais de tout mon pouuoir accomplir vos nobles & gracieux desirs. Dont Carahu la remercia, & retourna au palais, où il trouua Sadone, & luy conta l'entreprise & comme le lendemain se deuoit trouuer en l'isle pour combatre à Charlot, dont il fut tres-joyeux. Or se partit de la compagnie pour faire mettre à point son harnois, & tout ce qui luy estoit necessaire, & quand vint sur le soir la seigneurie se departit & s'en alla chacun en son pavillon. Or deuez entendre que la belle Gloriande n'estoit pas à son aise, nonobstant qu'elle n'en faisoit nul semblant & c'estoit à cause des paroles que Carahu auoit dictes.

Après que les enteeprinſes furent faictes des deux batailles, c'est à ſçauoir de Charlot, & de Sadone, & du vaillant Ogier le Dannois, le Roy Charlemaigne tres-joyeux de ceste entreprinſe, fit faire l'appareil des deux combatans. Adonc tous les Pairs de France, conſeillerent le ieune cheualier Charlot, & ne conſeilloient rien au noble Ogier: car il n'euſt auoit nul meſtier. Si furent les deux champions mis en point ſi honnorablement que pour deux combatans François, on n'auoit veu la pareille. Et eux deux vn leudy matin mis en point & bien armez, Charlemaigne ſe miſt en ſon oratoire, diſant certaines ſecrettes Oraïſons, qu'il auoit accouſtumé de dire, pour ſi les inconueniens & dangereuſes tribulations: ce fait, il fiſt chanter Meſſe deuant leſdicts cheualiers, & après que la Meſſe fut chantee, leur fiſt donner la benediſtion du Pape. Si s'en vont prendre les deux cheualiers leurs repas bien & honneſtement, puis monterent à Cheual pour aller en l'isle deſſuſdicte.

*Comment le Roy Carahu & Sadone, & auſſi la belle Gloriande ſe preparent pour aller faire la bataille contre le vaillant Ogier, & auſſi contre Charlot fils de l'Empereur Charlemaigne.*

## CHAPITRE XI.



Aintenant retourne à parler des deux cheualiers Payens, leſquels on habilloit richement & ſpecialement la belle Gloriande, accompagnee de quinze grans Roys Payens, vint en ſa chambre & fiſt apporter à ſon amy le Roy Carahu vn iaſeran fayé qu'une ſaee auoit autrefois faict, lequel le Roy Alexandre veſtit par moult longue eſpace de temps, quand il fiſt conqueſte de toute la monarchie du monde. Et eſtoit ledict iaſeran ouuré par telle façon & maniere que iamais ne rompoit pour nul coup qu'il cheuſt deſſus, ſi le menerent armer ſur la prairie enſemble touſiours la belle Gloriande avecques luy. Et ſur la prairie fut vn tapis de ſoye eſtendu, là où fut mis la belle Gloriande, laquelle auoit grande affection de voir la victoire de la bataille aduenir au Roy Carahu ſon amy: car Carahu eſtoit tenu le plus bel homme, le mieux formé de membres & de beauté de face, que iamais œil peut choiſir. Quand il fut armé & preſt, ſi fiſt departir le Roy & demeura tout ſeul parmy la prairie avec la belle Gloriande. Et cependant que les cheualiers Chreſtiens cheuauchoyent voicy l'Admiral Sadone bien en point qui ſe vint rendre en l'isle avec ſon compaignon le Roy Carahu. Et tantost cheuaucherent les François & paſſerent en l'isle. Or eſtoit Carahu deſcendu à pied qui fiſt ceindre ſon eſpee qu'eſtoit forgee à l'auantage, puis quand il vit les François venir mou-



ta sus son destrier. Le Roy Dannemont s'aduisa d'une grande trahison en ceste bataille, & dist à sept ou à huit Roys Payens. Seigneurs par Mahô i'ay moult grâd peur que ce glouton François, sous l'ombre de ceste bataille me veulēt rair ma sœur Gloriande: car si ainsi estoit, jamais ie n'auroye heure de bié, si seroit bô qu'on fist armer trois ou quatre cés gens-darmes, & s'en aller deux à deux, quatre à quatre dessus la frôtiere de l'Isle, tât qu'ils peussēt gagner le bousquet, puis entrerôs dedâs l'Isle quâd nous voudriôs. et ainsi fut fait cō e Dānemont auoit dit, dont il cuida venir grand dommage aux François comme cy apres orrés.

Or sont passez les champions François en l'Isle où ils sont pennades dessus leurs chevaux: car naturellement François cheuauchent mieux que toutes autres nations. Si fut la dame Gloriande joyeuse de voir les François ainsi bien en point. Alors dist Carahen à sa dame Gloriande. Dame vous voyez nos ennemis fiers & joyeux. Je vous requiers que de tout vostre cœur priez les dieux pour nous: car ie scay bié que si auourd'huy nous veulent premer ayde, nous aurons victoire de ceste bataille. Si respondit la dame. Mon amy à cela il ne tiendra pas: car ie prieray de tout mon cœur nos Dieux Mahon, Jupiter, Baroton, & Pluto qu'ils vous vueillent ayder & conforter, tellement que vous puissiez venir au dessus de vos b. songnes, l'Oraison de Gloriande finie, voicy venir Ogier à son blason d'argent à un aigle de sable, qui choisit le Roy Carahen à son blason d'argent à quatre bandes d'azur, & un autre faux escouillon de gueulle, auquel estoit richemēt figuré le dieu Mahon. Et aussi tost qu'il l'eut choisi chacun courut à la lance: & de poindre leurs destriers des esperons: si se rencontrerent de si grand roideur que leurs lances vollerent par esclats, & cependant que ces ioustes se faisoient les Chrestiens de l'autre part de la riuere estoient rengez pour voir la bataille & les Sarrazins de l'autre.

Charlot voyant Ogier auoir fait son coup de lance, choisit Sadone & donne des esperons. Sadone & luy s'entredōnerent dessus leurs escus si grand coups qu'ils rompirent leurs

leurs lances, lors les quatre Barons voyant leurs lances faillies, mist les mains aux especs. Et ainsi qu'Ogier vint au lieu où estoit Gloriande, il luy dist. Dame par la foy que ie dois à Iesus Christ, i'amaïs ne cesseray iusques à ce que ie vous auray cōquestee par beaux faits d'armes & vous meneray en France là où vous seray baptiser, & incontinent vous espouseray honnorablement. Puis brocha des esperons & vint sur Carahu, & se donnerent si grands coups que le feu sortoit de leurs iassetans. Et au regard du coup de lance de Sadone il fut si grand qu'il renuersa Carahu sur l'arçon de la selle: mais toutesfois le cheual l'emporta vaillamment sans auoir autre mal. Et ainsi qu'il eust retourné son cheual, mist la main à l'espee, & dist à Sadone. Quoy? cuides-tu auoir si tost vaincu. Ha! ie promets que ie te mōstreray auiourd'huy que tu es encores bien loing de ton tref-fol pensement: & Sadone luy respondit bien rigoureusement en luy disant. Fay au pis que tu pourras: car ie ne te doute ne crains: mais auant qu'il soit vespre ie te feray hōteusement vider la place. Toujours besongnoit Ogier si cheualeurement, que d'un coup qu'il assena sur Carahu l'espee glissa, tellement qu'il couppa l'oreille du destrier de Carahu, dont le cheual tant faillit & tant se demena que le Roy Carahu cuida renuerser par terre. Adonc Ogier ne le voulut pas ferir: mais s'en alla deuers Gloriande & luy dist en souffrant. Dame si Dieu me garde, force sera de vous en venir avecques moy: car vous voyez desia comme la chose va. Si luy respōdit la pucelle. Encores n'est pas la iournee acheuee: mais ie sçay bien & suis certaine qu'à Paris seray espousee, non pas à vous: mais au noble Roy Carahu: car autre n'auray iour de ma vie. Or vous verrez bien se dit Ogier le Dannois. Et à ce mot print le cheual de la belle Gloriande par la bride, & s'efforça de la baiser, n'eust esté le Roy Carahu qui s'escria, Ogier Ogier, deportez-vous, laissez la dame: car encores rien n'y auez. Adonc Ogier respondit qu'il en estoit content. Sur ces paroles Carahu lança si rudement un iauelot qu'il tenoit sur Ogier, qu'il l'eut percé tout-oultre, ce n'eust esté le iassetan & le hocqueton de dessus, & ce qu'il obeit au coup: mais pour se venger de ce coup, le vaillant Ogier le Dannois vint contre le Roy Carahu, & luy donna si grand coup d'espee dessus son heaume, qu'il couppa le cercle & les lacqs où pēdoit son blason, tāt qu'il cheut à terre. Et à ce coup la belle Gloriande mua toute couleur & toute contenance, & ne sçauoit à qui elle se deuoit conforter. Et dist à soy-mesme. He! Dieu, quel vaillant cheualier, or voy-ie bien dist la belle Gloriande, que ce n'est pas sans cause qu'il est tāt redouté des Payens, & fais fort grande doute que ie ne demeure auiourd'huy sans amy.

Adonc Charlot voyant qu'Ogier besongnoit si cheualeurement print courage & vint à Sadone & le cuida assener sur son heaume: mais Sadone si bien y besongna qu'il garantit le coup de son blason qu'il auoit, & lors couppa le col du cheual à Charlot, & print bien à Charlot qu'il auoit abandonné ses estriers: car il se trouua sur bon. Pourquoy de moult grand courage dist. Ha! faux & desloyal Payé, ie te promets que ie te tueray ton destrier tout ainsi comme tu as fait le mien. Ie te promets par mon Dieu Mahon, dist Sadone, que te feray hōteusement fuir le lieu & la place, & si auant que le ieu en soit i'amaïs departy, le pere & le fils demeureront en ostage par deçà. Et Charlot luy respondit. Admiral encores n'est ce pas fait, cecy n'est que le commencement, tantost que le sang s'eschauffera vous cognoistrés les courages François & la noblesse dōt ils sont remplis. Et en effect se dist Charlot, se ne mettez pied à terre, vous luy mettrez telle fois que vous ne l'y voudrez pas mettre. Adonc lui respondit ledict Sadone. Ie te prie laisse moy descendre sans faire nul effort contre moy, & volontiers ie feray ce que tu demandes. Lors quand il vit Sadone descendu il courut vers luy, & Sadone contre Charlot, & se donnerent de si grands coups que c'estoit horreur de les voir. Et de l'autre part eussiez veu Ogier besongner & Carahu, tenant courtain en sa main vint donner si grand coup à Ogier, qu'il luy aualla un grand quartier de son escu. Et n'eust esté qu'Ogier para d'ail-

gement le coup, il eust esté en grand dangier : toutesfois ce coup passé, Ogier se tint sur ses gardes en espiant tousiours de le trouuer à descouuert : car il doutoit tresfort courtain son espee qui tant asprement trenchoit, & celle d'Ogier n'estoit de nulle valeur au pris de l'autre, si prioit tousiours à Dieu que celle espee le voulsist garantir : car elle estoit à redouter.

Quand Ogier veit son escu escartellé il fut moult courroucé, & Carahu, qui le menassoit de rechef tenant courtain en sa main, luy disant qu'elle ne fut iamais forgee sinon pour lui oster la vie du corps, & qu'aujourdhuy lui fera laisser le champ honteusement. A ces paroles Ogier luy donna vn si grand coup sur l'espaule qu'il destaila tout son iascan & ne fut qu'il trouua le hoqueton dessoubz bien garny, il eust coupé par le milieu iusques à la ceinture. Lors s'entressaillirent plus fort que par auant. Et puis estoient d'autre part Charlot & Sadone lesquels se combatoyent puissamment aux espees & tousiours Charlot iettoit l'œil sur Ogier, & disoit à soy-mesme. Helas ! n'estois ie pas plain d'un mauuais courage d'estre enuieux d'un si noble & vaillant cheualier comme est Ogier : car ie croy qu'en tout le monde on ne scauroit trouuer son pareil en armes. Si esleua Charlot son courage, & vint atteinre Sadone, & luy donna vn tel coup, que s'il ne se fut couuert de son escu il estoit mort : car Charlot luy mist son escu en pieces, dont Sadone fut tout esbahi : car nonobstant l'escu qu'il mit par pieces, si furent du coup detrenchez maintes mailles du haubert. Sadone aussi se deffendoit si vertueusement que c'estoit merueilles, & tous deux se porterent fort bien. Or retourneray à Ogier, lequel se porta si vaillamment contre Carahu que ce fut merueilleuse chose : car les François qui voyoyent les beaux faits d'armes d'Ogier, & mesme le Roy Charlemagne estoit esmerueillé de le voir. Lequel prioit chacune heure qu'aux deux champions, c'est à scauoir Charlot, & Ogier, Iesus-Christ leur fust adiuteur. Et Ogier se jecta sus Carahu, & à force de bias le ploya si fort en arriere sur l'arçon qu'il luy fist perdre le souffler.

*Comment le traistre Roy Dannemont qui estoit embusché au bois, quand il veit qu'Ogier auoit du meilleur sur le Roy Carahu, sortit avec trois cens hommes, & vint frapper sur Ogier, & l'emmena prisonnier, & fut baillé en garde à la belle Gloriande, & comment Charlot s'en fuit à l'ost de Charlemagne, & comment Carahu se fit prisonnier de Charlemagne iusques à ce qu'Ogier fut deliuré.*

## CHAPITRE XII.

**A** Donc quand le Roy Dannemont qu'estoit embusché au bois, appercent qu'Ogier le Dannois auoit le meilleur sur Carahu, il sortit dehors du bois accompagné de trois cens hommes, & vint frapper sus Ogier, lequel eust desconfist Carahu, & eust emmené la belle Gloriande. Et quand Charlot entendit le bruit des Payens, que Dannemont amenoit, s'aduifa qu'il estoit demonté, subitement vint choisir le cheual de son aduersaire Sadone, si mist pied à l'estrief, & monta dessus, & au bruit tost se leua Ogier, & laissa Carahu, lequel estroitement il tenoit, & luy dist. Ha faux traistre Payen, ie cognois maintenant ta grande trahison, regarde les gens que tu auois fais embuscher pour nous venir icy enclorre, & destruire. Souffriras tu ce meschef venir en effect ? Souffriras tu toy & les tiens perpetuellement ahontir, & viure en reproche ? ie ne te cognois point Roy : mais ie te cognois faux traistre chien. Et puis que mourir il me conuient en ceste querelle, ie m'en vouldrois mieux tost mourir que tant languir. A ces paroles heurta ferme de ses esperons, & se massa parmy les Payens, & Charlot aussi, & fi-



rent là grande desconfiture des Payens : & le Roy Carahu leur croit, ribaudille vous n'avez icy que besongner, il frapport sur les vns, & sur les autres, & estoit courroucé, & fort dolent de leur mauldite entreprinse, dont il estoit innocent. Et nonobstant sa desfence ne feignirent de poursuyure la mort desdits deux champions. Et adonc vne grand' troupe de Payens enclouyrent soudainement Ogier, & le jetterent par tefre de dessus son cheual. Et cevoyant Charlot abandonna Ogier, & passa la riuere au mieux qu'il peut, & se sauua, & Ogier fust contraint de demeurer à la mercy de ses ennemis : car ils le prindient & le hierent estroitement, & l'eussent occis si n'eust esté Carahu, qui leur dist, que s'il auoit mal que jamais n'auoit paix, & Gloriande se trouua là qui requist à son frere Dannemont, qu'il n'eust mal ne desplaisir.

Quand Charlot fut eschappé de la compagnie des Payens, & qu'il eust prins le cheual de Sadone, il passa l'eau moult hastiuement, & vint à l'ost des François tres-courroucé de son compagnon Ogier le Dannois, de ce qu'il ne sçauoit qu'il estoit deuenu, si trouua les douze Pairs de France, qui luy demanderent où estoit son compagnon, & Charlot leur dit qu'il l'auoit laissé parmi vne grande troupe de Payens, & ne sçauoit s'il estoit vif ou mort. Si furent portees les nouuelles à l'Empereur Charlemagne, qui grand dueil en mena. Il fist assembler les douze Pairs de France, pour auoir conseil de ceste matiere, & se repentoit grandement que quand Carahu vint faire la semonce, qu'il ne l'auoit fait pendre & estrangler, car il s'estoit bien douté qu'il ne venoist en l'ost sinon pour faire quelque trahison, & qui eust veu Charlemagne menant dueil, pour son noble vassal Ogier, disant que mieux aimeroit auoir perdu la moitié de son Royaume : car il le tenoit chef de toute son armee, & disoit souuent. N'est ce pas vne douloureuse perte d'auoir perdu au plus fort de nostre besongne, le plus vaillant cheualier du Royaume de France, le plus honnesté, le plus noble, & le plus parfait en vertus qui soit sur la terre. Ha ! traistre Roy Carahu, si ie te puis tenir tout vif, ie te feray escorcher. Dieu par sa sainte grace vueille preseruer le vaillant Ogier. Je suis tresioyeux de mon fils qui s'est sauué, & tres-mal content de ce bon champion qui est demeuré. Or laisseray à parler de Charlemagne, & de ses courroux & retourneray à Ogier.

Et quand le Roy Carahu sceut qu'Ogier estoit prins, & qu'on l'auoit mené en l'ost des Payens, il commença à mener vn grand dueil, pource qu'on ne vouloit deliurer Ogier, lequel à grand trahison auoit esté prins & rauy, qui tant vaillamment s'estoit defendu, dont il auoit si grand courroux en son cœur, qu'il ne sçauoit que faire : car à part soy il disoit. Helas ! que dira-on de moy. On dira que ie suis traistre, vn faux pariure, sans tenir foy ny loy. Quel tiltre sera ce pour vn Roy de grand valeur, d'auoir acquis à iamais vn si vilain reproche, lequel anichillera la noblesse de mon Sceptre, & fera rapir le bruit & honneur de la grandeur & magnificence de ma royale couronne. Quelle chose ne sçauois souffrir en tant que la coulpe n'est pas à moy. Adonc Gloriande le reconforta au mieux qu'elle peut, & luy promist de garder Ogier en la prison & qu'elle feroit tâtenuers son peré, qu'il rappaiseroit sa fureur. Or fut mené Ogier vers Corsuble au palais, & quand le Roy Dannemont eut porté les nouuelles à Corsuble son pere, il ietta vn grand cri, & requist Dannemont qu'on le lui monstrest. Si empoigna vn gros baston, & si tost qu'il eut aduisé Ogier, luy donna si grand coup qu'il luy fist tomber le sang par terre. Adoncques l'aduisa Ogier, & le regarda d'un tres-hier courage. Si luy dist le Roy. Ha ! faux glouton, si tu me tenois en ta prison comme ie te tiens en la mienne, tu me ferois bien pis. Par ma foy, respondit Ogier, tu n'arresterois vn iour que ie ne te fisse pendre & estrangler. Cognitois-tu dist Dannemont la grande perte que j'ay eu à l'occasion de toy, quand de mort guarantis le Roy Charlemagne, & tout son ost en la ville de Soultre, & que par toy furent deliurez tant de prisonniers de nom. C'est à sçauoir le Duc Nay-

mes de Bauietes, Hoÿaux de Nantes, Huon de Troye, Quentin le Normant, Eudon, & le Duc Thierry d'Ardaïne, Alorrey & Sanfon, & encores pis: car tu as mis à mort Buthor, Mandes & Alphanon. Parquoy ie fus contraint me tourner en fuite avecques la destruction de presque tous mes gens d'armes. N'est-il pas vray dist le Roy Dannemôt. Adonc Ogier rigoureusement, & tres-finement dist qu'ouy, & qu'il se repentoit grandement qu'il n'auoit encores pis fait, & dist que s'il sortoit vne fois de prison qu'il feroit cent fois pis qu'il n'auoit fait par deuant.

A ces paroles arriua le Roy Carahu, qui cria à haute voix. Admiral Corfuble, entendez ce que ie vous veux dire. Et sans plus me donner cause de m'esmouoir rendez moy en mes mains Ogier le Dannois, car quand Dannemont le m'osta i'aimasse mieux auoit perdu la tierce partie de mon Royaume: car i'auois promis au Roy Charlemagne, & à toute sa baronnie qu'en l'isle de Coyure n'entreroit que nous quatre & que de tout peril & danger ie garderois les deux champions, fors du droit de la bataille par nous entreprinse. Adonques Corfuble luy respondit rigoureusement deuant Glorlande sa fille. Roy Carahu l'appaisez vous, & n'esperez plus d'auoir le prisonnier: car ie vous promets que iuis deliberé d'en faire sacrifice, & luy feray trancher la teste deuant Mahom mon Dieu, à fin qu'il ait souuenance en nos affaires, & aussi à fin qu'il nous aide à parfaire nostre entreprinse, ce que sera fait à nostre grand profit & honneur. Quand Carahu, veit qu'il ne pouoit plus rié profiter de parler à Corfuble, si s'en vint au Roy Dannemont son fils. Dannemont Roy honorable, ie vous prie me rendre ce prisonnier que tenez en prison, lequel n'avez pas prins par bonne guerre: mais fausement & en trahison, & pource rendez le moy, où par mon Dieu Mahom, ie vous monstteray que vous ne faites pas bien: car i'ay dequoy, & à quoy plus ne vous en dis. Si respondit Dannemont, que si plus en parloit, que deuant luy il luy ôsteroit la vie du corps. Le Roy Carahu, comme demi forcené, & quasi hors du sens laissa la belle Glorlande & descendit du palais, & tantost fist assembler ses gens, & leur commanda qu'ils se missent tous en armes: car il vouloit tuer Corfuble & son fils Dannemont. A ces paroles se retira pres de luy le Roy Soliman & luy remonstra la folle entreprinse qu'il vouloit faire: & luy dist. Monseigneur Carahu, de ce fait vous n'en pourriez paruenir à l'honneur n'acquérir profit sinon toute euidente perte & dommage: mais i'iray vers l'Admiral Corfuble & scauray son vouloir & intention, posé que vous tenant le champ avecques Ogier sans vostre sceu, par trahison le vint prendre, qu'en pouuez vous mais? Carahu respondit, tout cela n'est chose qui puisse nullement reparer mon honneur: car tant que l'ame me batte au corps ie ne serai de nul reputé que pour vn traistre: mais quand autrement ne seroit pourueu à la reputation de mon honneur, par mon grand Dieu Mahom, ie m'en irois plustost me rendre par deuers Charlemagne.

Or laissons ce langage, dist Soliman: car ie feray par deuers l'Admiral Corfuble que nous appointerons tous ces discords: mais il faut aller tout bellement & tout froidement en besongne, à celle fin qu'il n'y ait rien dommagé ny d'une part ne d'autre, parquoy Carahu pour passer son dueil monta haut au palais, où l'Admiral Corfuble terriblement l'aduifa. Et si tost qu'il fut entré voicy venir Sadone le champion à qui Charlot auoit combattu, lequel auisant Ogier le Dannois là deuant comme vn homme condamné, se rememora de la bataille de deuant Soutre, en laquelle il l'auoit garanti de mort, & dist à soi-mesme en prouerbe. Qui bonté fait, bonté requiert, & ie te rendray le bon plaisir que tu me fis à la bataille de Soutre. Quand Sadone fut entré au palais, si dist à Corfuble. Sire on m'a donné à entendre que vous voulez faire pendre & estrangler le prisonnier sans rien differer: mais sur tous gardez vous en bien, & ie vous diray la cause, vous deuez scauoir que vous auez à besongner: or vous entendez bien que s'il aduenoit par

desfortu

de fortune dont Mahon vous garde , que fussiez prins prisonnier ou vostre fils Danne-  
mont, quel remede sinon garder le prisonnier qui est cheut entre vos mains, car en le ren-  
dant on vous rendroit le meilleur de vostre ost sans destruire vostre pays. Et puis quand  
vous vous verrez au dessus de vos besongnes, & vostre entreprinse acheuee , lors pourriez  
faire d'Ogier à vostre volonte & me semble si le faites autrement que ne ferez pas bien.  
Corfuble s'accorda à Sadone & aux Seigneurs, & dist Corfuble que de l'an n'auoit trouue  
si bon conseil , la fut presenté Gloriande , laquelle vint deuers Corfuble son pere , & luy  
dist. Las monseigneur il y a long-temps que ne me donnaistes rien , donnez moy vn don  
s'il vous vien à plaisir. Et quel don voulez-vous fille dist l'Admiral. Qu'il vous plaise, me  
donner la garde de ce prisonnier, & ie le prendray sur ma charge , apprestee tousiours de  
le vous rendre quand sera vostre plaisir de le demander. Adonc luy respondit l'Admiral,  
par Mahon fille ainsi le voulons , & en le remerciant ioyeusement elle mene en sa cham-  
bre le gentil cheualier Ogier le Dannois , tout en ce point qu'il y fut, elle luy fit appoin-  
ter la place qu'il auoit eue de Carahu en la bataille, & puis le fist souper avec elle, & tan-  
tost Sadone vint pour luy tenir compagnie, lequel si tost qu'il fut entré, il dist en riât. Hal  
Ogier, il me fait bon prester: car ie le rens volontiers. Halas! il est vray se dist Ogier , ie co-  
gnois vostre noble bonte & loyauté de m'auoir sauue la vie: mais au plaisir du createur  
quelque iour nous nous trouuerons en lieu où se pourront remunerer tous les plaisirs. Si  
deuiserent en souppant de plusieurs choses, & principalement du Roy Carahu qui tant  
prenoit de peine & trauail pour l'amour du prisonnier Ogier, & comme sa bonté & loyau-  
té luy faisoient pourchasser sa deliurâce tant aimoit Ogier tres-cordialement. Quand le  
souppé fut acheué chacun se retira en son lieu , & tousiours Gloriande parloit à Ogier du  
noble Roy Carahu, de sa beauté, bonte, corpulence , force , & souveraine magnificence:  
mais elle ne luy en scauoit tant dire qu'il ne luy en dist encore plus la moitié : car aussi il  
y auoit pourquoy.

Quand vint au matin que l'Admiral fut leué , & son fils Dannemont , & eux deux  
tournoyans par la grand sale du palais parlans de l'ost des Chrestiens , & de leurs grands  
affaires. Si se vint presenter deuant eux , le Roy Soliman , lequel luy dist. Sire l'Ad-  
miral vous pouuez & deuez cognoistre que le Roy Carahu , n'est pas trop content de ce  
que ne luy auez pas voulu rendre Ogier le Dannois : car au cas que ne le luy rendez,  
son intention n'est pas d'espouser vostre fille , ne que vous attendiez plus de luy d'auoir  
aide ne secours , & ce vous fait dire de par moy. Or dites , dit Corfuble , au Roy Cara-  
heu , que de l'an il ne l'aura , touchant ma fille ie trouuerois bien meilleur que luy pour  
la marier. Et n'y ait si hardy homme tant soit-il noble d'en parler : car incontinent luy  
feray abbatre la teste de dessus les espauls. A ces parolles le Roy Soliman s'en retour-  
na hastiement , parce qu'il craignoit que le Roy ne luy fist quelque desplaisir : car il co-  
gnoissoit qu'il estoit trop courroucé. Si s'en retourna vers Carahu qui tant prenoit de  
pensément & de melancolie , pour le vaillant Ogier le Dannois. Et luy dist le Roy  
Soliman comme l'Admiral lui auoit fait response , ainsi comme i'ay dessus deuise, dont le  
Roy Carahu fut moult desplaisant. Si se fist accoustre gentement & monta sur son des-  
trier , & saillit hors de Rome & passa la riuere. Si aduisa le tref du Roy Charlemagne,  
& s'en va presenter deuant luy , dont plusieurs cheualiers furent esbahys merueilleu-  
sement. Adonc le Roy Charlemagne l'aperceut , & en fut fort troublé , & dit à soy-  
mesme. A ceste fois aurons nouuelle d'Ogier le Dannois. Lors descendit le Roy Cara-  
heu , & salua l'Empereur Charlemagne , & aussi pareillement toute la baronnie qui là  
estoit , & de par le Roy Charlemagne fut tres-honorablement recueilly , & luy deman-  
da Charlemagne, s'il scauoit point qu'estoit deuenue le vaillant Ogier : & le Roy Carahu  
luy respondit que ouy. Et pource que le disner de Charlemagne estoit appresté , le Roy

le mena par la main disner avec luy. Et adonc Carahu declara la cause pourquoy il estoit venu, & luy dist en ceste maniere. Roy François pource que deuant hier nous auons entrepris les batailles comme vous scauez. Et en faisant les termes & conuenances, fut promis par moy, qu'au champ n'entreroit ny demeureroit sinon les quatre combattans. Or est-il vray que Dannemont qui scauoit l'entreprinse, & qui auoit encor le cœur enflé de la rencontre de Soultre, où il auoit esté desconfit, s'en vint cautelement embuscher en vn petit bois avec trois cens hommes, & ainsi comme nous estions sur le champ pour faire nostre entreprinse, se vindrent franchement jeter sur nous, & les reietta de toute ma puissance, & les deux champions ne plus ny moins. Mais la force de nous n'estoit pas pour surmonter si grand nombre de gens, & ne nous sceusmes si bien deffendre, que le vaillant Ogier ne fut prins. Et pource que l'en pourrois estre appelé traistre, & cause de la trahison, l'ay prié & supplié le Roy Dannemont & son pere l'Admiral, & de rechef i'ay fait requerre: mais sa responce derniere a esté que celuy qui en parlera, il luy fera trancher la teste. Et pource que ie n'ay, sçeu auoir autre raison de l'Admiral Corfuble, ie m'en suis venu par deuers vous rendre en ostage, iusques à ce que deliurance pleniére vous en soit faite. A lors Charlemagne luy dist en ceste maniere. Carahu ie vous cognois noble, parfait, loyal & tout accompli en vostre loy, & suis tres-joyeux de vostre venuë. Et Carahu le remercia tres-fort, & luy dit en ceste maniere. Sire Roy François, ie croi à mon entendement qu'ils ne me lairront gueres icy, & qu'ils enuoyeront voitre prisonnier: mais soyez feut que ie seray en vos prisons iusques à son retour. Je laisseray à parler de Carahu & de Charlemagne & retourneray à parler de l'Admiral Corfuble.

Après que Carahu fut venu en l'ost de Charlemagne, il fut incontinent rapporté à l'Admiral Corfuble, que Carahu s'en estoit allé rédre prisonnier à Charlemagne, & que iamais n'en partiroit, iusques à ce qu'Ogier fust deliuré de prison. Si fut l'Admiral terriblement courroucé, & fist venir deuant luy sa fille Gloriande, & luy dist. Ma fille or vous faut deporter de plus aymer le Roy Carahu d'Inde, à qui ie vous auois promise: car par tous nos Dieux iamais de pays ne de la couronne de France ne iouyra, tant que ie seray en vie, ni ne vous espoulera. Et sans sonner mot Gloriande s'en partit, & retourna en sa chambre où elle trouua Ogier le Dannois, & luy compta tout ce que l'Admiral son pere luy auoit dit, dont la belle Gloriande se trouua moult desconfortee. Helas! se disoit-elle à Ogier, y a il dame en ce monde, qui aye de plus grande tristesse que moy, quand i'ay perdu la veuë, & que ie suis bannie de la noble cōpagnie du puissant Roy Carahu, à mon aduis, que l'on faudroit bien à trouuer son pareil, en ce mortel monde. Ha! dame dist Ogier, delaissez le grand dueil que vous demenez: car nonobstant que le Roy Carahu s'en soit allé rendre aux tentes de Charlemagne, ce n'est pas qu'il n'ait tousiours souuenance de vous. Mais ç'a esté pour monstrier la grande loyauté qu'est en luy, & ne vous doutez de rien, descendons en bas vous & moy, & allons aux tentes de Charlemagne, & là le trouuerons. & ie vous feray baptiser, & luy semblablement. Et le Roy de France qui tant a de thresors & de pays, vous reguerdonnera si bien que vous en serez contente, puis ce que conquererons d'oresnauant sur les Sarrazins partirons, par la moitié: car si ainsi estoit, iamais ne voudrois conquerir vn denier que n'eussiez la moitié, dōt Gloriande le remercia, & luy dist qu'elle ne scauroit oublier sa loy. N'est-ce pas grand fait du Roy Carahu qu'a si grand amour avec vous que sa bonté & vraye loyauté la voulūt bannir de sa compagnie: car pour l'amour de vous il est là où il est. Ne vous chaille dame, dist Ogier, ie vous prie n'y pensez plus: car il n'est pas en dangier: mais retournera de brief par deuers vous. La! disoit elle en soupirant, que sont deuenus les doux baisers & embrassemens, qui tāt souuent se trouuoient entre nous, & les plaisans & doux regards, dont pour luy estoye souuent admonnestee: Helas! mon cher amy, Mahom te vucille garder de peril.

*Comment le Roy Brunamont d'Egypte arriua en l'est de l'Admiral Corfuble, & luy demanda sa fille Gloriande, en mariage, laquelle n'y v. u'lti consentir, parquoy Brunamont l'accusa de trahison, dont il fut desconfit en champ de bataille, par le vaillant Ogier le Dannois.*

## CHAPITRE XIII.



**P**endant lesquelles choses arriua vn heraut à la cour de l'Admiral Corfuble, & Dannemont son fils qui trouua haut au palais, & si tost que l'Admiral l'aduifa, il luy demanda qui le menoit. Apres tous saluts le heraut luy a dit l'onneur de son message qui fut tel. Sire Admiral Corfuble, il est vray, le Roy Brunamont d'Egypte est venu par mer pour se combattre contre les François. Lors l'Admiral fut ioyeux; & luy demanda s'il estoit plus gueres loing, & il luy respondit que non. Adonc fist preparer le Roy Dannemont son fils, & plusieurs cheualiers Payens, pour luy faire honneur à son entree. Ils allerent pour le recevoir plus honnorablement. Si arriuerent à Rome, où ils furent honnestement receus de l'Admiral & de son fils. Si tira le Roy Brunamont à part, & luy dist: Monseigneur l'Admiral vous cognoissez l'estat de ma personne, de mon Royaume, de ma puissance, & croy fermement que vous en estes assez informé: or est il vray que j'aurois mestier d'une bonne alliance d'amis, & partie à moy conuenable selon ma personne, & selon la gloire de mon estat, & pour lesquelles choses ie me suis aduenturé de venir vers vous. Car ie cognois vostre noble fille Gloriande, non estre mariee, pour la quelle chose s'il luy plaisoit mon alliance, & à vous principalement, j'y entendrois volontiers, & vous ayderois de toute ma puissance à conquerir toute la Chrestienté. Pourueu à que vous fissiez recognoistre les seruices que j'ay intention de vous faire, vous n'avez jamais Roy en vostre compagnie qui mieux vous secourust.

Ces paroles finies, l'Admiral appella Dannemôt, auquel recita toutes les paroles qu'ils auoyent parlemenez ensemble, lesquelles ouyes; Dannemont dist. Monseigneur mô pere, vous cognoissiez le Roy Carahen, vn grand Roy noble & vaillant, plain de magnificence, & le plus beau personnage de tous les Rois du monde, sans nul bla'mer, lequel est venu à vostre secours de par vous requis, & amené en vostre compagnie, quinze puissans Sarrazins tous grands terriens, lesquels sont tous en vostre cour. Outre plus vous cognoissiez les promesses que luy fistes de vostre gré, pource ie vous aduise, d'y penser: car il a force gens, & cognoissance, si me semble selon mon petit entendement, qu'il seroit bon de leur mander de vos nouuelles pour scauoir, & cognoistre son vouloir. Puis quand scaurez son vouloir, vous pourrez seurement besongner, avec le Roy Brunamôt. A ce propos l'Admiral Corfuble respondit franchement, qu'il ne luy daigneroit rien mander, & puis qu'il s'estoit allé rendre avec son aduersaire, qu'il auoit cause de rompre & non tenir sa promesse. Si demanda le Roy Brunamont qu'il y auoit. Et luy fut compté la maniere & l'entreprise des batailles & luy compta la maniere comment Ogier le Dannois auoit esté prins sur le champ de l'Isle de Coyure par le Roy Dannemont, & ses gens, & que pource qu'on ne luy a point voulu rendre le prisonnier entre ses mains, il, s'en est allé rendre au tentes de l'Empereur Charlemagne. Adonc respondit le Roy Brunamont & dist franchement que tous ces faits ne procedoyent que de trahison & qu'on le laissast là, & que l'Admiral Corfuble auoit plus de gens qu'il ne luy falloit, pour venir à chef de son entreprinse, & luy dist qu'il n'en print plus de soucy. Si fist l'Admiral Corfuble, assembler toute la seigneurie Payenne, à vne collation qu'ils faisoient en la sale du palais, & fist venir la belle Glorlande, à laquelle il compta comment le puissant Roy Brunamont d'Egypte estoit venu le secourir à grande puissance, accompagné de plusieurs grands terriens, & la vouloir auoir en mariage, parquoy conuenoit qu'elle ostast son amour du Roy Carahen.

A ces paroles la belle Glorlande changea couleur, & contenance; & dist deuant tous. Monseigneur mon pere vous sçauiez les promesses que luy auez faites, & ie cognois les promesses d'entre nous, & ven qu'il n'est pas mort, iamais ne le faucheray pour mourir. Et en disant ses paroles, son pere l'Admiral Corfuble, luy ietta sa couppe qu'il tenoit pour boire & n'eust esté qu'elle mist la main au deuant, il luy estoit mal aduenü. Car il luy eust dommagé le visage. Si s'en retourna tout coyemēt en sa chambre, & cōpta son cas à Ogier le Dannois, qui en fut moult dolēt. Si alla Brunamont en la chambre de Glorlande, & la cuida baiser: mais elle luy deffendit: car dist elle vous n'estes pas encores où vous cuidez, iamais nous sçaurons aimer. Madame dit Brunamont, s'il plaist à Mahon, vous changerez courage. Lors comme plongé en desespoir, se departit de sa chambre, & fist armer ses gens pour aller à l'aduenture courir sur les François, pour oblier le grand dueil et quoy il estoit. Et de plainc atriuee s'en vint pour passer la riuiere. Si vindrent plusieurs François au deuant, & si tost qu'il fust passé, il cria en son langage Sarrazinois, que s'il y auoit aucun cheualier François qu'il l'attendroit tres-volontiers pour vn coup de lance. Et à ce coup sadlit Geoffroi Mainant, bon cheualier Chrestien, mais Brunamôt qui trop fut mieux monté que luy, l'assena par l'estomac, tellement qu'il le ietta de dessus son cheual à terre: Alors empoigna Brunamont le cheual, & passa la riuiere, & s'en alla deuers Corfuble luy monstrier le destrier qu'il auoit conquis sur les François, & dist: Monseigneur l'Admiral, voyez icy vn destrier que j'ay conquis sur vn cheualier François, & ne voudrois pour rien que ie n'y fusse allé, & si eusse amené le prisonnier si n'eust esté le secret qu'il m'a dit. Ie vous prie donnez vous garde, & ne vous fiez qu'à vous mesmes.

Moult fut troublé l'Admiral Corfuble, des parolles que le Roy Brunamont luy auoit l'enquist pourquoy, & à quelle cause il se deuoit tenir sur sa garde, & luy pria qu'il

Carahen, dont il luy dist en ceste maniere. Il est vray, ce dist Brunamont, que Carahen

heu le Roy d'Inde qui c'estoit allé rendre avec le Roy Charlemagne, c'est fait lauer & baptizer puis n'agueres, & quelque nuit vostre fille Gloriande, doit faire laisser les portes de la cité de Rome ouvertes aux François, si qu'ils la prendront par assaut sans point de faute, & fera le Roy Carahéu baptiser vostre fille. Et iamaïs ne cessera le Roy Carahéu de batailler iusques à ce qu'il vous voye desconfit. Et ces paroles me dist le cheualier François, pourquoy le laissay aller. Et par grande felonnie, l'Admiral Corsuble, manda sa fille Gloriande, qu'elle vint parler à luy incontinent, & aussi il manda la seigneurie, pour ouïr des nouvelles que le Roy Brunamont disoit qu'il auoit ouyes dire à vn François. Quand tous les Roys & grands seigneurs furent assemblés, & sa fille Gloriande arriuee en la salle pour ouïr la cause pourquoy l'Admiral les auoit mandez. L'Admiral Corsuble par grand courroux & felonnie appella Gloriande, & luy dist, Ha fauce putain, comme as tu osé penser telle trahison & desloyauté contre moy, qui l'ay engendree: or est il vray qu'une trahison fausse & damnable tu as conspiree & fait pasches & concordances avec Charlemagne. Et Carahéu ce faux Roy à vendu la cité de Rome, que toy & Ogier le Dannois deuez faire laisser les portes ouvertes pour nous mettre tous à mort, & en signe de verité, le Roy Carahéu c'est fait lauer & baptizer. Ha! Sire, respondit la belle Gloriande, ceux qui vous en dit les nouvelles, ne sont pas nobles de courage, & si ne vous aiment ne vous ne moy. Si s'approcha l'Admiral d'elle en disant. Vous mentez fauce paillardé, & luy donna si grand coup sur la iouë, qu'il la coucha à ses pieds & derechef la print & la traina long temps parmy la salle, par si grande force, que si n'eusse esté dix ou douze Roys qui se mirent au deuant d'elle il l'eust destruite. Quand elle fut releuee, elle dist à son pere. Il me semble mon seigneur mon pere, que ce n'est pas belle chose à vn Prince de si haut affaire comme vous estes, de croire si de leger sans ouyr partie: car pource que le Roy Brunamont n'a peu iouyr de moy, & que ie n'ay voulu entendre à ces folles paroles, il m'a mis sus celle trahison, à laquelle ie ne pensay oncques. Et à fin qu'on sçache de la verité, ie vueille trouuer vn cheualier, qui prenne bataille pour moy contre le Roy Brunamont pour monstrier que ie suis innocente du cas, si c'est vostre plaisir de le m'octroyer. Or allez dist l'Admiral Corsuble querre vostre champion, & dist à deux Rois qu'ils la menassent où elle pensoit trouuer son pleige. Si s'en vint à sa chambre où estoit Ogier le Dannois: & luy dist tref. piteusement. Las! Sire Ogier, ie suis la plus doulouteuse dame que iamaïs fut: car deuant la seigneurie, & monseigneur mon pere, le Roy Brunamont m'a accusée de trahison, & dit le Roy Carahéu s'est fait baptizer en l'ost des François. Et qui pis est, que vous & moy leur auons vendue la cité de Rome, dont j'ay appellé deuant la seigneurie, & ay promis trouuer vn champion qui pour moy entreprendra la bataille contre le Roy Brunamont: parquoy si c'estoit vostre bon plaisir d'entrer en champ de bataille pour moy, j'en seroye grandement à vous tenue. Adonc Ogier respondit de franc courage, madame ia à Dieu ne plaïse, qu'à ce besoing vous vueille escoudre: mais vous auez l'oy de commander seulement: car pour les dames ie ne fus onc las d'abandonner mon corps, pour leur faire honorable seruice, & croyez que par la foy que ie doy à mon Createur, premier qu'il parte de mes mains, ie luy feray desdire les paroles qu'il a dites, ou sinon ie le mettray à mort au trenchant de l'espee, allons quand vous plaira madame. Si le print Gloriande, & le presenta à son pere franchement. Et quand Ogier le Dannois fut entré en la sale, il dist à haute voix, si que chacun le peut ouyr. Où est ce Roy qui des dames est blasphemateur, vienne & se monstre dextre deuant moi en barbe: car ie suis cheualier de dame Gloriande pour desfendre son honneur corps contre corps, & en tous faits d'armes, & attendre mort ou victoire pour elle, soutenant de tout blasme qu'on luy a imposé estre vray innocente, & non sçauante en aucune maniere ne blasme: mais la maintien bonne loyale honneste & sans vice quelconque.

& à celuy qui voudra le contraite soustenir voila mon gage s'il le veut recevoir. Adonc le Roy Brunamont mist la main au gage & le reçut. Si dit l'Admiral à Ogier. Cheualier encores ne faites vous rien si vous ne baillez pleige. Adonc dist Ogier, donnez moy seulement encre & papier, si escriray au Roy Carahu qu'il me vienne pleiger, ne le prendrez vous pas pour pleige? Ouy, se dist l'Admiral Corfuble: mais ie suis bien seur qu'il ne viendra pas volontiers pour ceste querelle. Donnez moy cela seulement dist Ogier.

Après qu'on eut présenté à Ogier encre & papier, rescriuit au Roy Carahu, la teneur de son entreprinse, & au Roy Charlemagne semblablement, & qu'il se deliberaست celle lettre receüe de venir à Rome, & sans faute. Et adonc si tost qu'il eust escrit, le messager partit pour s'en aller à l'ost des François, & si tost qu'il y fut on le fist mener au pavillon du Roy Charlemagne: lequel fut ioyeux d'auoir des nouvelles d'Ogier. Si fut assemblé le conseil, & fist le Roy lire les lettres, & quand elles furent lües, le Roy Carahu demanda congé d'aller à Rome, ainsi qu'ils cognoissoyent qu'il estoit de nécessité par les lettres à luy transmises & enuoyees de la partie d'Ogier le Dannois & de la dame Gloriande, auquel le Roy luy octroya volontiers, en promettant sus sa loy qu'il retourneroit en hostage comme parauant, iusques à ce qu'Ogier luy fut rendu en ses mains, dont le Roy Charlemagne fut moult ioyeux.

Le Roy Carahu print congé, monta à cheual & passa l'eau moult diligemment. Et si tost qu'il fust arriué à Rome, monta au palais, sans s'arrester à l'Admiral Corfuble, ny au Roy Dannemont: mais chercha le Roy Brunamont qu'il trouua, & luy dist: Faux traistre & desloyal en veux tu à moy à ceste heure, & tira Carahu son espee, & le vouloit occire: mais il luy fut remonsté qu'il auoit tort de besongner de voye de fait, puis que la chose estoit en termes de iustice. Adoncques remist son espee au fourreau. Lors l'Admiral fist venir deuant luy le Roy Carahu, & luy demanda s'il vouloit pleiger le champion qu'auoit entrepris la bataille pour sa fille Gloriande. Et il respondit qu'ouy, & qu'à cela n'y seroit rien espargné. Et en la presence se trouua Sadone, lequel semblablement pleigea Ogier. Et adonc chacun se retira iusques au lendemain matin. Lors quand chacun fut retiré Ogier le Dannois demanda à Sadone où seroit bon de faire le champ. Et luy respondit, qu'il print le plus à son auantage qu'il pourroit. Si enuoya demander à Carahu s'il vouloit que la iouste fut faite à l'isle de Coyure. Et il respondit, que la seroit-il bien, afin qu'il peut voir l'ost des François pour les resiouir, si s'en alla Sadone à l'Admiral Corfuble sçauoir qu'il en diroit, & dist ainsi, Sire Admiral, dites s'il vous plaist vostre vouloir, là où il vous plaist que soit le champ de la bataille. Il auoit esté aduisé qu'il seroit bon de le faire à l'isle de Coyure. C'est bien dit ce dist Corfuble: mais il y a danger que si Ogier s'en vouloit aller, il seroit à coup eschappé. Si respondit Sadone, de cela ne prenez soncy: car nous sommes le Roy Carahu & moy pour en respondre iusques à mourir de quelque mort qu'il vous plairoit. Et bien soit donc là assis, & demain au matin faites moy venir les deux champions pour leur donner à entendre la charge dont le vaincu demeurera chargé. Adonc Sadone respondit qu'ainsi seroit fait. Lors enuoya dire à Brunamont que le lendemain au matin se trouuaست deuant Corfuble, & que là se trouueroit Ogier & la dame Gloriande: car il vouloit parler à eux deuant qu'ils entrassent en bataille.

Or retournons à la belle Gloriande, & parlons des grands soupis, & gémissemens qu'elle iettoit celle nuit, nonobstant qu'elle sçauoit son bon droit, & aussi qu'Ogier estoit si vaillant que iamais on ne trouueroit son pareil: mais on dit volontiers en toutes choses, Que bon droit à bon mestier d'aide, & ne suis pas esmeruillé s'elle se doulouroit. Si passa la nuit à grands regrets & à grand tristesse: mais Ogier qui pres d'elle se tenoit la reconfortoit tousiours de toute sa puissance, en luy donnant vraye assurance de sa glorieuse victoire. Lors se passa celle nuit le plus ioyeuement qu'ils peurent iusques au matin



que chacun commença à soy preparer & mettre en point. Si se trouuerent les deux champions le lendemain au matin deuant l'Admiral Corfuble, accompagnez de plusieurs Roys. Et Ogier le Dannois accompagné de la belle Gloriande & de ses pleiges. Aufquels champions l'Admiral Corfuble dist en ceste maniere, à fin que plus certainement besongnez en ceste bataille ie vous notifie ma sentence estre ja donnee. Que celuy qui sera vaincu sera pendu dedans Rome, & est ma sentence que ie tiendray, laquelle est irreuocable. Et pource qui aura bon droit le garde. Et à celle heure presente leur fut notifié, & assigné le lieu où les ioustes se feroient qu'estoit l'Isle de Coyure. Et adonc se partit toute la seigneurie pour aller veoir la bataille, & ordonna l'Admiral Corfuble les deux pleiges estre mis en vne forte tour, & Gloriande & son frere Dannemôt en vne autre : mais premier le Roy Carahu parla à Ogier le Dannois & pour titre d'amitié luy donna courtain sa bonne espee, en luy recommandant tousiours monstrier sa prouesse & vaillance pour l'honneur des dames. Si print Ogier & le remercia grandement, & luy dist. Roy Carahu ne vous doubtez de rien, car j'attens la gloire de la victoire sur le Roy Brunamont : car iamais ne m'eschappera : Et sur ce point s'en alla tenir prison en vne grosse tour avec Sadone. Quand vint l'heure que les ioustes deuoyent commencer, chacun des deux cheualiers fut monté à l'aduantage en faisant grand' chere & menant ioye. Le vaillant Ogier le Dannois monta sur vn bon cheual que Sadone luy auoit donné & luy monté fist le signe de la croix en soy recommandant à son Createur, en luy requerant qu'il luy pleust ayder en son bon droict.

Lors font saillys de Rome les deux cheualiers pour acheuer leur entreprinse, & sont tous deux sans compaignie entrez en l'Isle. Et ainsi qu'Ogier le Dannois entra dedans le champ il y auoit vn vaillant cheualier François qui luy escria. Ha cheualier n'estes vous pas Ogier le Dannois? ouy vraiment respondit Ogier. Retournez en l'ost, & laissez ces maudits Payens, n'en prenez ja si grand trauail. Et Ogier luy respondit. Ha! cheualier le Roy Carahu est trop noble en, sa loy, il a besongné pour moy & ie veux besongner pour luy. Recommandez moy à la bonne grace du Roy & de tous ceux de l'ost. Adonc retourna Ogier si apperceut Brunamont monté sur son cheual Broiffort qui d'vn saut failloit trente pieds & se mirent chacun en son lieu. Puis brocherent des esperons & coucherent leurs lances en l'arrest, & se heurterent si grands coups que leurs lances vollerent par esclats. Puis mirent la main aux espees & si vaillamment se combattoient, que tous ceux qui les regardoyent estoient estonnez de voir le feu saillir de leurs harnoys. Et en tournoyant Ogier aduise Brunamont à descouuert, si luy donna si grand coup de son espee courtain sur son heaume qu'il luy couppa le cercle de leton & cheut le coup sur l'espaule & coupa maintes maille du haubergeon : mais son hoqueton demeura franc don bien luy en print. De ce Brunamont eu tel dueil qu'il rua tel coup d'espee, que si Ogier n'eust getté l'escu au deuant, luy eust abbatu l'espaule : mais si grand coup deschargea qu'il abbatit tout vn grand quartier de son escu, or n'estoit possible à nul des deux cheualiers auoir recours de nully : car le Roy Dannemont & l'Admiral Corfuble firent crier sur peine de la vie en si hardy d'approcher d'vn grand trait d'arbaleste. Or estoient les deux cheualiers desirans chacun endroict soy d'auoir la victoire, & Brunamont disoit à soy-mesmes qu'à mauuais droict autres-fois auoit gaignees des batailles, & que mauuais droict luy pouuoit aussi bien ayder qu'il fist iamais. Adonc Ogier s'auarça, & vint donner si grand coup sur le heaume de Brunamont comme il auoit fait deuant que le coup glissa sur l'espaule, tellement qu'il luy entama la chair, dont Brunamont fut moult esbay, & dist Ogier. Celuy qui me donna ceste espee ne me donna pas vn petit don. Adonc Brunamont s'approcha, & luy donna si grand coup qu'il fist voller l'escu d'Ogier par esclats. Lors Ogier voyant le grand peril où il auoit esté, hâta, & ramena si grand coup de courtain, que tout le bras

luy endormit , & luy cheut son espee.

Vous pouvez penser la tristesse , dueil & melancolie que demena le Roy Carahen de son costé , & mesmement l'Admiral Sadone , & d'autre part la belle Gloriande , & chacun endroit soy n'esperoit sinon la desconfiture du bon cheualier Ogier le Dannois , & aussi leur mort qu'estoit ia iuree. Et de l'autre part de l'Isle de la riuere de Coyure estoit l'Empereur Charlemagne avec les douze Pairs de France , lesquels considerans que le vaillant Ogier estoit sans espee , auoyent grand peur de sa personne , & prioient à Dieu qu'il luy pleust donner la victoire de la bataille en celle iournee. Alors estoit Ogier moult dolent & desconforté qu'aucunement il ne pouuoit auoir son espee ; car le Roy Brunamont luy donnoit des grands coups , & Ogier se deffendoit d'une courte dague : car il n'auoit point d'autre baston dequoy il se peut deffendre : mais le mal y estoit qu'il ne se pouuoit ioindre à son homme. Si s'aduisa de suiure de pres son homme , & d'un estour subtil luy chargea son bras , tellement que force fut que l'espee de Brunamont tombast par terre. Or sont les espees des deux cheualiers tombees par terre , que plus d'auantage n'a l'un que l'autre , fors le cheual de Brunamont qu'estoit si puissant & si alegre que c'estoit merueille. Adonc quand Ogier vit son poinct que Brunamont fut un peu esloigné de luy , si descendit pour r'auoir courtain son espee. Quand y l'eut redressé il fut bien aisé : mais de remonter n'estoit nouuelle : car le Roy Brunamont ne luy souffroit iamais le remonter , s'il ne luy bailloit la sienne. Adonc Ogier luy respondit qu'il seroit mal conseillé de bailler à son ennemy le baston dont il seroit battu : mais l'empoigna soudainement , & la ietta dedans la riuere , dont Brunamont fut moult esbahy , & ses aduersaires fort resiouys. Si dirent tous que c'estoit un vaillant cheualier & cogneut bien sa grand' prouesse qu'à la fin il vaincroit le Roy Brunamont , & Ogier luy dist. Si tu ne descends à terre de dessus ton cheual , ie luy mettray mon espee au trauers du corps. Lors pria le Roy Brunamont à Ogier qu'il le laissât descendre sans luy faire aucun desplaisir , & Ogier luy respondit qu'ainsi feroit-il. Et quand il fut descendu , Ogier auoit tousiours l'aduantage , pource qu'il auoit recouuert son espee , dont il luy donna de si grands coups qu'il luy aualla la moitié de son heaume , dont chacun cuidoit qu'il luy eust fendu la teste , & ce coup rué Brunamont se ietta incontinent sur Ogier , & de si pres le poursuyuit qu'il le fist cheoir sur l'herbe à la renuerse : & Brunamont courroucé de son espee qu'il auoit perdue & de son heaume abbattu , & aussi comme un homme tout desesperé , luy cuida deux ou trois fois couper la gorge d'une petite dague , qu'il auoit : mais Ogier qui tant fut vigoureux , tousiours mouuoit dessous luy , tant fist qu'il eut le bras à deliure , dont il tenoit son espee , & en cuida assener Brunamont : mais Brunamont luy empoigna asprement les bras & laissa la poignée du corps , dont Ogier secouit à coup , & fist tant qu'il se dressa sus bout , & quand il fut dressé , fist brasler son espee de ioye qu'il auoit d'estre eschappé de mort : car pensez que iamais il n'en cuidoit ainsi eschapper. Lors commença à crier tant qu'il peut mont-ioye saint Denis. Alors leua le bras , & donna si grand coup à Brunamont sur son heaume , qu'il luy fendit la teste en deux pieces , dont le Roy Brunamont cheut mort. Alors grande ioye eurent l'Admiral Corfuble , le Roy Dannemont son fils , le Roy Carahen , Sadone , la belle Gloriande , & les pleiges du vaillant Ogier , & aussi Charlemagne & les douze Pairs de France , & tout l'ost des François. Et là fut deffinee la mauuaise vie du Roy Brunamont d'Egypte , lequel receut mort par le vaillant Ogier le Dannois.

Quand chacun cogneut que le Roy Brunamont estoit mort , & qu'on vit mōter Ogier le Dannois sur broiffort lequel estoit le cheual dudit Brunamont. Adonc Charlemagne fist sonner trompettes & clairons , tellement qu'il sembloit que toute la terre tremblât. Si fist passer tost son armee & commanda que l'ost fust leué pour donner & liurer l'assaut deuant la cité de Rome. Et adonc Charlemagne passa moult vifement là riuere ,

& s'en

& s'en vint vers le vaillant Ogier, qui le salua moult humblement quand il le vit : mais le Roy Charlemagne luy rendit son salut tres-honorablement, en loüant nostre Seigneur Iesus-Christ, qui victorieusement l'auoit guarenty de ceste bataille, & luy dist Charlemagne. Mon amy Ogier i'ay fait passer mon ost & toute ma puissance pour liurer l'assaut à Rome. Helas, Sire ! dist Ogier, il me faut aller tenir prison i usques à tant qu'il en sera autrement ordonné. Si se commença à courroucer Charlemagne encontre Ogier, & luy dist, Sus Ogier, sayuez moy : car à ceste heure est temps de besongner.

*Comment Charlemagne fist armer son ost pour aller assaillir Rome, & comment les François entrèrent dedans, & de la mort de Corisble & Dannement son fils.*

## CHAPITRE XIIIIL



E pendant que le Roy Charlemagne faisoit ses approches, les gēs de Brunamont firent vn grand trouble dedans Rome, & leuerent guerre les vns cōtre les autres pour la mort de Brunamont, lors Charlemagne fist mettre gens aux fosses, & les vns escheilloient les murailles & les autres gaignerent vne porte par où les François entrèrent dedans Rome. Et quand Corisble & Dannement son fils cogneurent qu'il n'y auoit remede, Dannement coucha sa lance pour frapper dedans l'estour : mais tout aussi tost qu'Ogier l'aduisa, il mist la lance en l'arrest & courust contre ledit Dannement, & le perça tout outre. Puis l'Admiral voyant son fils tomba mort sur les carreaux par desconfort, & comme desesperé, print vne lance, & ainsi qu'il la cuidoit mettre en couche Charlemagne luy passa sa lance parmy le corps & tomba mort à terre. Quand Charlemagne fut entré dedans Rome ac-

com

compagné d'Ogier , & des douze Pairs de France , tous les Roys qu'estoyent dedans Rome, dont tant en y auoit , se mirent le mieux qu'ils purent en deffence. Et eux mis en la bataille dedans Rome , chacun des douze Pairs choisit le sien car ils estoyent plus de vingt Roys dedans Rome qui fort dommageoyent les François , lesquels furent desconfits en la fin. Thierry d'Ardaïne fiert le Roy d'Orcanie, & heurta le Soudan de Perse, Nymes assaillit Soliman de Surie, chacun abbatit vaillamment le sien.

Adonc quand l'assaut fut presque finy , & que tant de morts estoyent tant des Payens que des Chrestiens : car vous deuez entendre qu'il n'eschappa que deux ou troys Payens qui estoyent vn nombre infiny , & des Chrestiens ny demeura pas plus de cinq mille , & n'y mourut gueres de cheualiers. Alors le Roy se fist mener au palais , & au monter rencontra le Roy Carahu , l'Admiral Sadone , & la belle Gloriande. Si les mena au palais & les inuita à son dîner , auquel ils furent moult notablement seruis , & fist asseoir Carahu aupres de luy , & Gloriande s'amie vis à vis , & Ogier aupres d'elle , & aupres d'Ogier l'Admiral Sadone. Ainsi dînerent & menerent ioyeuse vie , à cause de la iournee qu'auoit esté si bien fortunée pour eux. Et apres que les tables furent leuees , Charlemagne print le Roy Carahu , par la main , & le tira à part pour luy declarer certaine partie de sa volonté, & luy dist , Roy Carahu , ie vous prie sur toute l'amour que ie vous ayme , que vous me vueillez croire , & qu'en la presence des douze pairs de France, vous vous faciez baptizer au nom de Iesus Christ, & ne craignez de perdre vostre royaume: car ie vous en donneray à vostre plaisir , & tant que vous en contenterez. Et aussi vous deuez scauoir que vostre loy n'est sinon damnation eternelle , & ferez plaisir à toute la cheualerie Chrestienne. Et quand Carahu l'entendit, si le remercia grandement du bien & de l'honneur qu'il luy auoit présenté, en luy disant. Sire Roy François ie remercie vostre noble vouloir : mais ie vous promets , que pour le present iamais ma Loy ne renoncera pour personne viuant , & si cognois bien que ie suis en vostre dangier , si que me pouuez faire mourir : mais non feray pour cela : car j'aimerois mieux endurer grand tourment que faucher ma Loy. Je vous promets par mon dieu Mahon , que ie demeureray subiect à vous faire à ma puissance seruice, plaisir & honneur , & au vaillant Ogier le Dannois pareillement. Et cuide qu'en ce monde n'a plus vaillant champion que luy , & ne le deuriiez iamais abandonner non plus que vostre corps. Adonc Charlemagne fut tresmal content , si print Gloriande la Dame de Carahu , & la tira à part , & luy dist. Dame Gloriande ie vous prie que me vueillez entendre de ce que ie vous diray , c'est que vous vous faciez baptizer & lauer au nom de nostre Sauueur Iesus Christ , & si vous vouléz laisser Carahu , ie vous emmeneray en ma bonne ville de Paris, où ie vous feray baptizer & espouser Ogier le Dannois , le plus vaillant Cheualier qui soit sur terre , & vous donneray terres & seigneuries, à vostre bon plaisir. Si respondit Gloriande. Helas ! Sire , vous scauez bien que iamais vrayes amours ne le souffriroyent , combien qu'Ogier soit plus beau & meilleur qu'à moy n'appartient , neantmoins amours ne le pourroyent souffrir. Toutesfois Sire , ie me recommande à vostre bonne grace , remerciant Ogier le Dannois qui tant d'honneur , & de vaillances, a fait pour moi. Adonc Ogier qui estoit aupres d'elle luy dist en ce soubf-riant , les mercis en soient à Dieu : mais vous m'avez fait honneur , & seruice quand i'estois vostre prisonnier en vostre chambre.

Ces paroles finies Ogier se tira pres de Charlemagne & luy pria qu'il eust pitié de Carahu & qu'il s'en allast , puis qu'il ne se vouloit baptizer. Lors Charlemagne appella Carahu & lui dist. Carahu mon amy , à la requeste du noble Ogier le Dannois qui cy est , & aussi pour vostre grande vaillance, & bonne loyauté que vous lui avez tenuë quād le Roy Dannemont le print prisonnier en l'isle de Coyure vous lui sauuaastes la vie , &

vous

vous vinstes en mes tentes vous rendre en ostage, pource que l'Admiral Corsuble, ne le vous vouloit rendre, tout pour l'amour de cela, ie suis content de vous en laisser aller en vostre Royaume d'Inde la maiour, par tel conuenant que vous ny les vostre ne menerez iamais guerre à la Chrestienté, & ainsi vous me le promettez. Lors Carahu moult ioyeux d'auoir congé par tel conuenant, si le iura sur sa loy, ainsi que Charlemagne l'auoit denisé. Lors Carahu ce mesme iour fist preparer tout son train, pour s'en aller à son païs, luy & la belle Gloriande sa dame par amour. Si fut prins congé tant d'une part que d'autre: mais ce ne fut pas sans ietter grosses larmes: car les occasions estoient apparentes. Or le congé prins de Gloriande, tât au Roy Charlemagne, côme à Ogier, & d'Ogier à Carahu, & à Sadone, chacun se departit. Lors la departie faite, le Roy Charlemagne fist assembler tout son conseil & leur dist. Mesleigneurs ie vous prie que me conseillez loyaumét comment ne à qui ie dois laisser le gouvernement de ceste cité de Rome. Si fut là entre les autres l'Archeuesque Turpin, lequel dist qu'il estoit necessaire d'auoir le saint Pere qu'estoit auptes de là, & le restabliir en son siege papal, comme parauant, à celle fin de recognoistre au temps aduenir le seruice de la couronne des Roys de France fait au siege apostolique. Si dist le Roy que s'estoit raisonnablement parlé, & qu'il fist venir vn messagier pour l'aller querre. Et adonc quand le messagier fut venu, si luy dist Charlemagne. Va t'en à nostre saint pere le Pape, & luy dis qu'il vienne promptement en ceste cité de Rome, & luy compte de mes nouuelles. Le messagier partit de Rome, & cheuaucha tât qu'il trouua le Pape & tout le clergé, & il leur fist la reuerance, & puis luy dist ledit messagier tout ce que l'Empereur luy auoit commandé & enchargé. Lequel apres ces paroles ouyes monta à cheual & s'en vint hastiuemét parler à l'Empereur Charlemagne. Et apres que toutes leurs ceremonies furent faites tant d'un costé que d'autre, l'Empereur Charlemagne print le Pape par la main & au nom de Iesu-Christ le remist & posa au siege Papal. Dôt le S. pere le remercia tres-hüblement. Et sur ce point estendit la main & donna à Charlemagne & à toute sa compaignie sa sainte benedictio. Apres toutes lesquelles choses faites, Charlemagne ne voult plus à Rome seiourner: mais voulut retourner en France pour scauoir l'entretienement & gouvernement d'iceluy: car longuement y auoit qu'il en estoit party, si fist assembler tout son oist & fist sonner trompettes, & clerons pour faire la departie.

*Comment Charlemagne partit de Rome, & comment les nouvelles vindrent en cour  
que le Duc Dainemarche estoit assiéé des Payens  
en sa ville de Mayence.*

## CHAPITRE XV.

**A** Pres que Charlemagne eut la benediction du Pape, si print congé de luy, & cheuaucha tant qu'il arriua en France accompagné de sa noble cheualerie. Et quand ils furent arriuez, nouvelles vindrent à Ogier de sa dame Bellicenne, laquelle luy rescriuoit qu'il vint le plustost qu'il pourroit par deuers elle & qu'elle auoit eu vn beau fils, qui estoit à luy, & qui en son baptisme auoit esté nommé Baudouin, dont Ogier fut moult ioyeux. Et incontinent enuoya à Bellicenne, & à son fils plusieurs beaux draps de soye, & le Roy se rememora des grands vaillances qu'Ogier auoit faites contre la gent Payenne, & le voulut guerdonner. Si luy donna plusieurs terres, & places aux pars de Beauquisin, & la conté de Beaumont. Et tantost apres vindrét nouvelles en cour, & en special à Ogier, comme le Duc auoit perdu tout son pays par les Payens, excepté sa ville de Mayence, où s'estoit pariuré contre le Roy Charlemagne, & qu'il auoit laissé son fils Ogier serf à Charlemagne. Quand la femme cogneut vn iour que la famine e-

estoit si grande à Mayence, que chacun estoit contraint de manger chats & rats, si dist au Duc en ceste maniere. Monseigneur, ie cuide que nostre Seigneur nous veut punir pour nos pechez : car ie cognois que vous n'avez frere ne parens qui vous vueille ayder ne de corps ne de biens. Et pource que vers eux ne pouuez trouuer aide ne confort, rescriuez au Roy Charlemagne, qu'il ait pitié de la Chrestienté, non pas de vous, & que si vous avez foit fait enuers luy, que vous estes prest de l'amender au taux des douze Pairs de France. Desquelles parolles fut fort courroucé : car il luy souuint de son fils Ogier le Dannois, & ne sçauoit s'il estoit mort ou vif. Si luy dist le Duc. Allez sotté, dequoy vous meslez vous, i'aurois plus cher m'en aller rendre au grand Turc, sans ia crier mercy à Iesus-Christ, que de prier Charlemagne, qu'il me vint secourir pour la promesse qu'au tres-fois ie luy auois faite, c'estoit de luy aller faire hommage, laquelle chose ne luy ay pas tenue. Helas! monseigneur & amy, se dist la duchesse, qu'est-ce que vous dites. Et voyant qu'il n'y auoit remede, & que le Duc estoit si endurci, pour pensa à soy-mesme de rescrire vne lettre au Roy comme il eust pitié du Duc de Dannemarche, & de son pays que les Sarrazins ont destruit, & que si le Duc a offensé sa majesté, il est tout prest de luy amender à l'auis des douze Pairs de France. Si fut la lettre escrite diligemment, & fist tant qu'elle robba le signet de son mary en dormant, & la lettre fut scellée, & enuoyee par Enguerrand de Mayence cousin germain de la dame, lequel promist feire le voyage. Or est parti le messagier pour aller à l'ost du Roy de France, & tant cheuaucha par ses iournees qu'il arriua à Paris, où Charlemagne tenoit ses estats lequel par grand hastiueré cuidant que le Roy fust bien ioyeux des nouuelles, se presenta d'uant luy present sa baronnie, & presenta sa lettre: mais aussi tost qu'il ouït parler du Duc de Dannemarche il fut mal content, & changea couleur. Adonc le Duc de Naimies print la lettre & luy laissa passer son mal talent. Quand Charlemagne eut passé le grand courroux qu'il auoit, le Duc Naimies luy remonstra qu'il ne luy falloist pas tant tenir son courage, & que Dieu qui auoit tant enduré de peine pour nous pardonna, bien à ses ennemis, neantmoins ses belles remonstrances dist, qu'il n'en feroit rien, & que tousiours quand il auoit besoing, luy mandoit telles choses. Et en outre dist qu'il estoit bié aisé que les Payens le molestoyent en telle maniere, & que quand ils auroient tout conquesté son pays qu'il le reconqueroit au trenchant de l'espee. Et encores plus fort, que s'il sçauoit cheualier qui allast à son aide & secours qu'il le feroit de malle mort mourir. Et cependant vn cheualier qui auoit ouy & entendu les grosses paroles de Charlemagne, cherchoit le vaillât Ogier, & ne le pouuoit trouuer si legerement comme il eust bien voulu, & toutesfois tant vint, & alla parmi la salle du palais qu'il le trouua. Et tantost Ogier luy demanda que c'estoit qu'il vouloit, & pourquoy il le cherchoit. Le cheualier luy conta la teneur des lettres du Duc de Dannemarche son pere, & comme Charlemagne en auoit tenu si peu de conte, & auoit dit que si aucun cheualier entreprenoit de le secourir, sans son sçeu, qu'il luy feroit abbatre la teste de dessus les espaules. A ces paroles Ogier s'arresta longuement, & ne sçauoit que dire ne que faire tant se trouua esbahy, tant de la perte des terres de son pere, comme du courroux du Roy. Parquoy alla incontinent vers Charlemagne.

*Comment le Roy aduisa Ogier, & l'appella pour parler à luy, & luy donna congé  
d'aller ayder à son pere, & comment il desconfit les Payens,  
& fut Duc de Dannemarche.*

## CHAPITRE XVI.

Tout



Out ainsi qu'Ogier fut arriué chez le Roy, si entra dedans la chambre. & si tost que le Roy le veit il l'appella, & luy dist en se cuidant iouer. Ogier venez à moy, ie vueil qu'incontinent vous alliez vers vostre pere le Duc de Dannemarche, pour le secourir contre les Payens, qui luy ont gasté ses terres & pays, estes vous content d'y aller. Lors respondit Ogier au Roy, Sire vous estes mon Roy, & mon seigneur, & puis qu'il vous a pleu le me commander, ie ne l'oseroye refuser: mais suis deliberé d'accomplir vostre vouloir. Puis dist le Roy, serez vous bien si mescognoissant, de luy prester secours veu le des honneur qu'il vous a fait. Helas! Sire, ie suis son fils, & s'il me battoit de iour en iour il me conuiendrait prendre patience. Outre plus qui n'ayme son pere, son profit & son honneur, il n'est pas aymé de Dieu ne du monde. Donc Sire, c'est raison que ie m'en acquitte, puis que vostre noble vouloir me l'a ordonné. Ce dit le Duc Naymes: vrayement Ogier vous auez moult chaudement prins le Roy Charlemagne: car ie croy qu'il n'auoit pas intention de vous y enuoyer. Puis que ie l'ay dit, ne m'en desdiray pas, dit le Roy: mais par ma foy ie n'entends pas que vous meniez nul de mes gens, fors vos subiects. Adonc Ogier le Dannois dist. Sire i'en suis content. Alors partit luy trentiesme pour aller au secours de son pere. Adonc partit Ogier avec ses gens cheuauchant tant par terre que par mer, & ont eu si bon vent, & si à gré qu'il est arriué à Mayence, là où il trouua qu'on faisoit l'obsequie de son pere, dont il fut fort desplaisant. Or fut le service fait, & si bien ordonné qu'on ne scauroit mieux faire, & fuisse pour vn Roy. Et pour ouyr le conte comme le pere d'Ogier estoit mort. Il est vray qu'un iour fut conclud que tous les gendarmes qui estoient dedans Mayence, deuoient faillir pour courir sur l'ost des Payens: car il n'y auoit plus de viure dedans la ville. Si faillit le Duc franchement bien accoustré de gens & de bons soldats, à laquelle faillie firent si bon portement qu'ils mirent tous les Payens en fuite, si que depuis ne se peurent rallier ne rassembler. Mais toutesfois l'effort fut si terrible que d'un costé & d'autre y eut grande occision de gens. Entre lesquels le Duc fut choisi qui ia estoit trauaillé & fut enclos des Payens, lequel on ne peut iamais guarentir qu'ils ne l'eussent nauré iusques à mort, si firent tant les Chrestiens qu'ils rauirent le corps dedans la cité de Mayence à l'ayde du benist createur à qui est son ame recommandée. Et ainsi qu'on faisoit l'obsequie Ogier arriua à Mayence, ainsi que i'ay deuant dit.

Quand l'obsequie fut fait, Ogier print force gensdarmes, & tant poursuiuit ces Payens qu'il les mist hors au trenchant de l'espee, tellement que tous ceux qui entendoient le portement qu'il faisoit, se venoient rendre sans mander à son aide. Et tant besongnerent allegrement & de ioyeux courage, qu'ils occirent les Payens & en viderent le pays deuant qu'il fut trois moys passez. Quand Ogier les eut dechassez si se mist à enquerir du gouuernement du pays. Et recueillit ses hommages, & visita ses hommes & donna les offices de ses villes, & commanda reparations à estre faites où il estoit besoing, pour le plustost qu'il pourroit s'en retourner à la cour de Charlemagne, & fut par l'espace de cinq ans ou enuiron. Or ennuyoit-il ia au Roy que plustost il ne retournoit. Et en un iour de Pentecoste il en souuint au Roy, & dist en ceste maniere. Ie m'es bahis d'Ogier qui par si long temps a esté à conquerir ses terres. Et en disant la parolle voici entrer Ogier, dont tous se prindrent à rire. Si luy demanda le Roy Charlemagne qu'il auoit tant fait. Si luy respondit & luy dist. Sire on sçait bien quand on va, mais on ne sçait quand on reuient. Depuis que ie ne vous veis i'ay fait faire l'obsequie de monseigneur mon pere. Et à force d'armes i'ay deschassé les maudits Payens au plustost que i'ay peu. Apres i'ay receu les hommages de mes subiects. Et ay visité les villes & fait faire reparatiôs, & comis officiers. Et croyez, Sire, que ie n'ay pas longuement reposé: mais i'ay eu bien à besongner. Et suis venu pour vous faire hommage de mes terres. Et pour parfaire son hommage le

baissa

baïsa en signe d'humilité. Et le promist servir dorenavant ainsi qu'il est deu, & qu'à son cas appartient, comme depuis le fist. Mout fut ioyeux le Roy de sa venue, & print son hommage, & croyez que onc chenalier ne servit plus chèrement son Roy que fist Ogier tellement que par toutes terres on ne parloit que de ses hauts fats.

*Comment le Roy Charlemagne s'en alla à Laon en Lannois, & comment le bastart d'Ogier qu'il avoit engendré à la fille du chastelain Garnier à saint Osmer arriva chez le Roy pour veoir son pere, & comment Charlot le tua d'un eschequier en jouant aux eschets.*

## CHAPITRE XVII.



**E**T ainsi qu'il print volenté au Roy d'aller tenir son parlement à Laon, & qu'un iour qu'il festoyoit la baronie, arriva le fils d'Ogier nommé Boudouin. Et l'enfant ainsi arrivé vint demander son pere Ogier qui luy fut montré. Adonc quand Ogier le vit, pource qu'il luy ressembloit il l'aymoit tant que merueilles, & le mena deuant le Roy Charlemagne, & luy dist. Sire amisez le bel ouurage que j'ay fait: Comment se dist le Roy, est-il à vous? ouy se dist la mere, dist Ogier.

Qui est sa mere, dist le Roy. Certes se dist Ogier la belle Bellicenne fille de vostre chastelain Garnier de saint Osmer, adonc dist le Roy. Je le retiens de ma cour, & veux qu'il soit à moy, & bien tost au plaisir de Dieu, veu son bon gouuernement, ie luy feray des biens. Et Ogier le remercia honorablement. Lors quand Ogier fut party d'avec le Roy Charlemagne, & qu'il veit que le Roy prenoit Boudouin en si grand'amour, il fut mout ioyeux: Si veit un espreuier en perche & le voulut manier, son pere luy demanda s'il estoit bon fauconnier. Et il dist qu'ouy, dont son pere en fut plus ioyeux que deuant. Si le mena parmy la ville: mais chacun qui le voyoit apres luy, demandoit s'il estoit son frere, il respondit qu'ouy. Quand les gentils-hommes & Damoiselles entendirent qu'il estoit son fils, ils l'en aimerent mieux la moitié: car chacun & chacune depuis le petit iusques au grand de tout son pouuoir s'efforçoit de luy vouloir donner robes, bagues, ioyaux, & de toutes nouvelles choses. Et estoit l'enfant tant propre, & seruoit tant honnestement son pere que l'on ne scauroit mieux demander, & volontiers Charlot le fils du Roy s'esbatoit à chascque fois avec luy: car ledict enfant luy faisoit volontiers service. Et un iour entre les autres comme Charlot venoit de la chasse Boudouin s'auança d'aller querir son espreuier pour le mettre en la perche, & puis luy vint deschausser ses houx. Quand ce vint sur le vespre tournoyèrent un peu en la salle, & il print volenté à Charlot de iouer aux eschets. Si demanda à Boudouin s'il y scauoit rien, il luy respondit qu'ouy.



qu'ouy. Adonc luy commanda qu'il allast querir l'eschequier, & si tost qu'il fut venu chacun assit son ieu. Quand Charlot commença à iouer tira vn petit paonnet & print vn cheualier. Et Boudouin qui fin & subtil estoit tira le sien & leua & print deux cheualiers de son roc, & luy dist eschac, en luy disant, Monseigneur Charlot nous aurons tantost la fin de ce ieu. Puis courut Charlot son roc, & print vn paonnier. Adonc le ieune enfant Boudouin, traict son cheualier, & la mis auptes de son Roy, Charlot tira son roc, & Boudouin luy dit. Monseigneur vous estes mat, & Charlot luy dit par plusieurs fois. Laissez ceste raillerie ou ie vous promets par ma foy que vous vous en repentirez. Monseigneur se commença à dire Boudouin a Charlot, cela vaut mieux que ne faiet tout le ieu: car le ieu des eschers & de telle proprieté qu'il ne demande que le langage ioyeux, toutes-fois Charlot tout mal content de Boudouin, & de ce qu'il se truffoit de luy, il luy dist. Ha! fils de putain aueutre, qui te fait ainsi truffer de moy, ton pere Ogier ne m'oieroit ainsi outrager en ieu comme toy. Adonc luy respondit Boudouin. Vous dites mal d'ainsi outrager ma mere: car elle n'est pas telle que vous dites. Si mon pere s'est voulu avec elle amoureusement esbatre, elle ne fist tort à nully. Et si vous assurez & iure que si vn autre en auoit autant dit de ma mere, ie le mettrois en tel estat que iamais ne luy souuendroir d'en parler, & Charlot saisit l'eschequier & dist ainsi. Et paillard bastard vous en faut-il tât parler. Si haussa l'eschequier & lui dôna si grâd coup qu'il luy enfondra toute la ceruelle, & luy saillirent les deux yeux de la teste, & cheut mort au milieu de la place. Quand Charlot apperçeu qu'il estoit mort il se print à fuir, & fut toute la Cour troublee. Il alla vn escuier hastiuement le dire au Roy Charlemagne qui moult en fut troublé & fist retraire son fils Charlot: car grandement craignoit la fureur de son pere Ogier. Si en fut parmy tout le pays du Roy Charlemagne vn si tref-grand murmure les vns avecques les autres qu'on n'en scauroit que dire.

Tantost apres qu'Ogier vint de la chasse, vn escuier vint au milieu de la cour au deuant de luy, & luy dist Monseigneur où allez-vous? Et il respondit. Je m'en vay par deuers le Roy, pour luy monstrier vn nouveau espreuier que j'ay apporté. Ne vous chaille se dist l'escuier, vous luy monstrez assez à temps. Adonc ouyt vne voix au palais qui parloit de son fils, lors vn des escuyers luy dist. Helas! Sire, la piteuse aduenture que ceans est aduenue, comment se dist Ogier. Par ma foy, Sire dist l'escuyer vostre enfant est trespasé, & l'a tué Charlot le fils du Roy Charlemagne, du tablier d'or en iouant aux eschers. Ogier entra au Palais, & vit son enfant mort estendu, si le courut baïser à grand haste en disant: He! mon fils Boudouin, est-ce le guerdon que j'auray d'auoir serui le Roy que son fils t'ait mis à mort. Ce n'est pas la premiere fois qu'il m'a cuidé faire desplaisir: mais il peut bien estre assuré que si le rencontre, iamais ne marchera sus pieds de terre que son pere ait. Cousin ce dist le Duc Naymes, ne vous desconfortez aucunement, le Roy est bon & sage qui vous en fera la raison, il faut que vous l'entendiez parler. Si vint le Roy en la salle où il estoit, & voyant Ogier ainsi courroucé luy dist. Ogier venez ça mon amy, r'apaisez vostre dueil, bien scay que vous estes courroucé & non sans cause. Je vous promets que puis que la chose est telle aduenue, ie vous feray telle amende que vous serez content & laissez à tant vous tourmenter. Quand est à moy, se dist Ogier, ie ne demande autre amende fors rencontrer le faux glouton qu'en ce point l'amis: car en tel payement de moy il en sera payé. Adonc le Roy commanda puis qu'il ne vouloit prendre amende raisonnable, qu'il eust à vider hors de son royaume. A ces parolles Ogier tira son espee & luy va courir sus, & n'eust esté vn escuyer qu'estoit à la Royne qui se mist entre deux il l'eust occis: mais l'escuier reçut le coup & luy osta la teste de dessus les espaulles, & cheut tout roide mort. Et le Roy voyant l'outrage d'Ogier, escria la seigneurie, dont en la salle y eut grand chapplis: car Ogier en tua & blessa largement: toutes-fois

il n'eust pas eu du meilleur si n'eust esté aucuns de ses parens qui luy donnerent & prestèrent passage, dont le Roy fut moult courroucé, & fut vn si grand trouble par la cour qu'on ne scauoit qu'on deuoit faire. Et quand Ogier fut hors du palais, les chevaliers s'assemblerent avec le Roy, & luy remonstrentent comme Ogier le Dannois n'auoit pas le tort de soy courroucer d'auoir perdu son enfant qu'il aimoit si chèrement. De ce fut le Roy fort irrité, & pareillement aussi de l'excez qu'il luy auoit voulu faire, si commanda qu'on alast apres, mais tout son fait auoit esté apporté tout prest & cheual & seile. Et le Roy encore tout courroucé fist partir ses gens pour lui couper chemin, & luy-mesmes se mit en armes sur les champs. Quand Ogier se vit poursuiure, si fut tout esbahi, & commença à soy r'aduiser, & choisir le Roy, si coucha sa lance, & dist que pour venger la mort de son enfant que ce n'estoit point dedanger si le pere compare l'office & crime du fils, & broche des esperons broiffort si impetueusement qu'il fist renuerseir homme & cheual, dont le Roy en cuida mourir, tant dudit coup comme du des-honneur, & encores estoit Ogier delibéré de lui faire pis, si n'eust esté le grand secours qu'il vit venir, & tost qu'il vit releuer le Roy, il dit à soi mesmes que le meilleur ne seroit pas pour lui si en ce lieu demeuroit longuement.

*Comment Ogier se partit du champ où il auoit fait trespucher le Roy Charlemagne.*

*& comment Charlemagne quelque desplaisir que luy eust fait*

*Ogier encores le louoit-il.*

## CHAPITRE XVIII.



Vand Ogier vit que le champ e lui pouuoit demeurer entre tant de nobles chevaliers, il se partit pour gaigner le bois Et Charlemagne de s'en retourner à Laon tout dolent & triste de ce qu'on n'auoit peu empoigner Ogier, deuant qu'il eust peu gaigner le bois, & disoit à ses gens, vous m'avez tres-mal secourus : car si vous eussiez rien valu vous l'eussiez accueilli. Ha ! Sire, dist le Duc Naimés, il ne vous couste que es à le dire : mais vous pouuez clerement cognoistre que c'est le plus fort & le plus terrible que l'on scauroit trouuer en place, & à ce dist le Roy ie l'ai bié cogneu :

gneux: car i'ay bien les costez tous mouluz du coup qu'il ma baillé, & cuide que le Diable lui à forgé le bras. Si est le Roy & toute sa compagnie retourné en la ville de Laon, là ont mené grand courroux & lamentations, & ont fait venir les dames & damoiselles pour aucunement eux resjouir. Quand il s'euvint au Roy Charlemagne de ses morts en la salle; il commanda les faire tous enterrer honorablement, ce qui fut fait par ceux à qui la charge auoit esté donnée. Si est le Roy monté à sa chambre, & les dames de costé lui, qui lui conterent plusieurs passetemps pour lui faire passer son dueil & le mettre en ioyeuseté: mais tousiours retournoit à parler de la grande force & hardiesse d'Ogier le Dannois. Je retournerai à Ogier & laisseray à parler de Charlemagne.

*Comment Ogier deuiut brigant, & assambla trois ou quatre cens hommes cuidans retourner en son pays: mais Charlemagne luy couppa le chemin, pourquoy fut force au pauvre Ogier de s'enfuir hors de France.*

CHAPITRE XIX.



Gier tira outre dans le bois, & quand il eut gaigné le bois il cheuaucha tout à son aise, & s'en alla de chasteau en chasteau, & de ville en ville. Et ne trouuoit nuls pour l'amour de son los & de sa renommée qui ne s'efforçast de lui faire seruice, & tant fist qu'il arriua à Beaumont en la terre que le Roy lui auoit donnée. Quand il fut à Beaumont pres de Beauuoisin sur la riuere d'Aise l'ogement y fist sa demeurance. Et qu'il vit qu'il n'auoit plus nul recueil d'aucune seigneurie d'homme, si fut tres-mal content, & aduisa comme il pourroit auoir soudoyers pour courir quelque part. Si se mist Ogier à espier les bourgeois & marchands de Paris tant qu'il assambla vne grand' finance. Et qu'il eut assez pour soudoyer trois ou quatre cens gendarmes, il fist tant qu'il assébla les plus vaillans qu'il peut trouuer: car nul ne venoit à lui qui ne fut pour attendre son homme. Et pour abbreger s'en cuida tirer à Dānemarche où il auoit de fortes places: mais Charlemagne bien s'en douta & lui fist trancher le chemin, & y enuoya si grand nombre de gendarmes que tout le pais fut incōtinent plain, les villes prinſes & reduictes en la main du

Roy, dont Ogier fut mal content. Si ne sçauoit bonnement qu'il deuoit faire : car autant qu'il auoit esté aimé en France, autant plus estoit hay de tout le monde tant pour l'amour du Roy, que pource qu'il estoit deuenu Brigand. Et quand le Roy sçut qu'il estoit à Beaumont où il faisoit tant de detrouffes, le Roy manda tant de ses gens d'armes que la terre en estoit couuerte : mais il n'y auoit gueres de gés d'armes qui n'eust la cognoissance des grâds faits d'armes qu'il auoit fait pour le Roy en plusieurs lieux, qui ne craignoient autant à luy faire de plaisir qu'à Charlemagne : tous eslois force leur estoit de faire leur deuoir, & tât ie chasserent, & tuerent de ses gens de chasteau en chasteau & de place en place qu'il fut force qu'il vuidat le Royaume de France. Et tant cheuaucha ledit Ogier qu'il arriva en Lóbardie, & ainsi qu'il cheuauchoit parmi vne grâde forest, il trouua vn cheualier tout seul qu'auoit perdu ses gens en chassant vn sanglier, lequel il auoit ia prins & tué. Et quand il l'eut aduisé si le salua, & le cheualier luy rendit humblement son salut, & côme il partoioit de la beste aux chiens, Ogier luy dist. Or ça Sire, des nouueles de par deça. Le cheualier veneur luy dit, veritablemēt, Sire, ie n'en sçay nulles, fors qu'en ceste forest n'y fait pas trop sē. Pourquoi? dit Ogier. Pource dit le veneur que hier y furēt plusieurs gens de bien destruits & mis à mort. Halie dit Ogier cela ne deuez pas craindre : car ie vous promets que ie ne cognois qu'une douzaine des meilleurs cheualiers de France, que s'ils estoient icy pour moy assilli, iamais ne retourneroyent en France dire nouuelles qu'ils m'auroyēt trouué. Adonc le cheualier veneur luy demanda son nom, lequel luy dist volótiers, & en ceste maniere. Helas! Sire ie suis Ogier le Dannois fils de Geoffroi de Dānemarke, lequel pour recompense du seruice & honneur que j'ay fait au Roy de France, son fils Charlot a mis à mort mon propre fils Boudouin que j'auois engendré à la belle Bellicenne fille du chasteain de saint Osmer, dont ie suis plus courroucé que fut iamais pauvre cheualier. Quand le cheualier Beron entendit que s'estoit Ogier, il fut esmeruillé comment il pouoit ainsi cheuaucher seul, qui auoit eu la conduicte de vingt mille homes en la court de Charlemagne sur les mesreans, & non pas seulement vingt mille : mais estoit chef de toute l'armée de France, si luy dist : Sire, attendez moy vn peu, & pourmenez vostre chual, puis ie parleray à vous plus à plain. Si commença ledit Beron à corner pour assembler ses gens qu'il auoit perdu en la forest, lesquels s'assemblerent, le cheualier Beron fist porter la beste au Roy Desier de Pauie, & fut mal content que ses gens l'auoyent laissé en si perilleux danger : car le sanglier estoit si grand que de long temps on n'auoit veu le pareil.

Or retourne le conte à Ogier le Dannois attendant le bon cheualier Beron afin de parler avec luy. Lequel se desconfortoit ameremēt à par soy, en disant. Helas! qui vit iamais si mal fortuné cheualier que moy, est il homme au monde qui peut porter le grand tourmēt en quoy mon corps est pour le present, considéré les honneurs, biens & fortunes que j'ay eues par cy deuant en France, & tant familièrement ait esté aimé du Roy, de la Royne, & de tous les douze Pairs de France, & generally des grâds & des petits, que bouche ne sçauoit dire ne raconter les grands biens & hōneurs que j'y auois, & pour vn coup, auoit perdu la gloire du bien & hōneur de ma cheualeresque iuēesse Hal Boudouin mô fils, helas mon ami, l'heure & le iour fut perilleux quand la belle Bellicenne t'engendra. Cōbien que tu n'en es en rien coulable : mais tout le mal que maintenāt ie souffre en procede : car pour l'amour & grande affection que j'auois en toy à cause du bon commencement que tu auois, m'a fait faire tant defforts, & feray si Dieu n'y met remede, que de mes mains ie estrangleray ce maudit fils d'iniquité & de malediction Charlot, le fils de Charlemagne : car ce n'est pas la premiere faute qu'il m'a faite. Et à ces paroles vint le cheualier Beron qui luy fist rompre ce courroux, & dist à Ogier. Vrayement cheualier ie croi à mon entendement que vous ferez bien recueilli là où ie vous meneray. Où est-ce? dit Ogier. Sire cheualier dist Beron ce n'est pas loing d'ici, c'est à Pauie chez le Roy Desier de Lóbardie, car il a grâde de guerre

de guerre contre les Milannois, dont les trefues faillent aujourdhui ou de main du plus tard. Sçachez sertainemēt que le Roy desier sera moult ioyeux de vostre venue : car pour icelle cause m'a il fait venir par deça pour luy estre en aide. Adonc dit à Ogier, s'il vous plaist gētil cheualier, vous & moy serōs cōpagnons & freres d'armes. Et ie vous en remercie grādement dit Ogier, de ce qu'il vous plaist me presenter. Si cheuaucherēt tāt qu'ils arriuerent aupres de Paue: mais premierement qu'ils fussent en la ville, vrayement se dit le cheualier Beron, ie voudrois sçauoir si vous estes delibere de demeurer icy ou ailleurs: car seurement puis qu'ainsi ie vous ay trouuē, ie veux vser le demeurant de ma ieunesse avec vous. Or luy respondit Ogier, certainement ie vous remercie: car ce n'est pas pour bien qui soit en moy: mais pour la noblesse & honneur qui est en vous. Et puis qu'ainsi est qu'il vous plaist de demeurer icy, ie me consens de demeurer avec vous.

*Comment Ogier le Dannois arriua à Paue, & à l'aueu du cheualier Beron, le Roy Desier de Lombardie le recueillit moult honorablement, & la fut moult aymē pour les vaillances qu'il fist au seruice du Roy Desier.*

## CHAPITRE XX.



**E**T puis apres ces paroles finces, ne retardent qu'ils n'entrassent dedans Paue. Et en cheuauchant parmy la ville, tout le monde regardoit Ogier pour la grāde beauté, & aussi le beau maintien qui estoit en luy, & disoyent que c'estoit le plus beau cheualier que iamais eussent veu par dela. Quand ils furent descendus ils vindrent deuant le Roy Desier & firent leurs salutations & honneurs, & apres que le Roy Desier eut entendu leur salut, si demanda au cheualier Beron qui estoit le gentil cheualier qu'il auoit amenē. Sire, Ogier le Dannois fils de Geoffroy Duc de Dannemarche.

Et fut son grand pere Doon de Mayence, la plus cheualeureuse lignee de France. Si interroqua le Roy Ogier: car assez auoit ouy parler de ses vaillances, & luy demanda comme il auoit laissé l'Empereur Charlemagne: Sire dist Ogier, il est vray que l'auoye engendré vn beau fils à labelle Bellicenne fille du Chastellain de S. Osmer. Or est ainsi que l'enfant s'en vint par deuers moy, & puis le presentay au Roy Charlemagne, qui le print en grand amour, & luy promist faire beaucoup de bien, combien que l'anoye à l'heure assez de biens plus qu'il ne m'appartenoit. Es ainsi, que l'enfant venoit sur la croissance & force cheualeureuse, vn iour que Charlot le fils de Charlemagne venoit du gibier, Boudouin mon fils couroit au deuant pour prendre son espreuier, & laus vostre hōneur, le deshouser. Et puis Charlot luy dist qu'il allast querir l'eschiquier, & que prins luy estoit enuie de iouer aux eschets, & luy demanda s'il y scauoit rien: Boudouin respondit qu'oui. Et en iouant Boudouin se commença à railler, & luy dist, que s'il ne scauoit autre chose ce ieu seroit tantost finy. Si luy reprocha Charlot qu'il estoit bastard & fils de putain. Boudouin mon fils qui estoit courroucé que tant continuoient ces iniures luy dist franchement, que si vn autre que luy & de plus basse condition, luy en disoit autant, qui luy osteroit la vie du corps. Et à ces parolles Charlot luy dist: Et fils de ribaude t'en faut il tāt parler. Si hauca l'eschequier qui estoit d'or, & en donna si trefgrand coup sur la tēte de mon fils Boudouin qu'il luy fist renuerser les yeux, & le laissa mort en la place. Et adonc ie venoye de la chasse & recontray vn escuyer qui me cuida faire retourner que ie n'entraisse point au palais: mais le cry & grand murmure que i'ouïs dedans le palais de mon fils me fist monter amont, & comme tout hors du sens n'eut point de patience d'escouter le Roy Charlemagne qui me presentoit recompense, laquelle chose ie n'eusse fait iamais ny ne prendroye quand ie deusse estre tout detenché par piece. Adonc quand Charlemagne vit que ie ne demandoye que celui qui auoit fait le coup, lequel estoit son fils Charlot seul heritier, me voulut bannir de son Royaume, & à ce mot le cuiday assener: mais l'assenay vn escuyer de la Royne que fis tomber mort par terre. Adonc me voulut faire assaillir. Si en occis ainsi qu'il en vint, & eut là des amis qui pour me gaarentir s'employèrent tant que montay sur mon destrier ainsi que ie suis à present. Et quand Charlemagne sceut que i'estoye hors de la ville de Laon, pour m'enuahir vint en armes sur moy avec grand compagnie, & m'appella deux ou trois fois que ie me tournasse, & que ie demeureroie. Las moy, estant courroucé retournaï couchai ma lance & lui donnay si grand coup que ie ruay homme & cheual par terre, tellement que ie cuidoye qu'il fust mort, si fis tant que i'eschappay de la presse & me sauay dedans vn bois. Si m'a tant dechassé que ie m'en suis venu en ce pays, vous priant que li vous auez affaire d'un cheualier que me reteniez de vostre court.

Le Roy Desier oyant les affaires d'Ogier, veit & cogneut que pas sans cause n'estoit party de France, & le recueillit amiablement, & promist à Ogier qu'il le defendroit contre tous ses ennemis, & qu'il ne se doutast de rien: mais que le lendemain il attendoit auoir affaire aux Millannois, & qu'il en fust bonne loyauté, & que de la mesme heure il vouloit qu'il portast sa banniere laquelle charge print Ogier. Si fut appressé le soupper, & fut Ogier serui treshonorablement, & menegent grand ioye & consolation, & en soupant parlerent de leurs besongnes & affaires. Et en deuisant le Roy esperoit que le Conte de Milan deuoit venir deuant Paue, & Ogier dit, laissez les venir, & toute leur puïssance: car tant y en viendra tāt y en demeurera. Et sur le tard que chacū s'en voulut aller reposer, le Roy le fist conuoyer à sa chambre, & ne tarda gueres que de deux iours apres qu'Ogier fut arriué, que le Conte de Milan ne vint deuant Paue à tout son armée, & fist semondre le Roy, que s'il vouloit batailler tant contre tant, qu'il se trouuast sur les champs. Et le lendemain au matin saillit le Roy Desier qui courut sur les Millannois avec le gentil Ogier le Dannois, & Beton, qui si vaillamment se porterēt qu'ils des-

confirent

confirent le Conte & toutes ses gens, & tant qu'il amena dedās Paue le Conte de Milan avec trente deux cheualiers de nom.

Or fut le Roy Desier si ioyeux que iamais ne fut tant. Si presenta à Ogier deux de ses chasteaux dont l'un fut chasteau fort, ce sont deux chasteaux de grande deffence dont Ogier le remercia grandement, & de trente deux cheualiers qu'ils prindrent, eurent autant de finance que deux chariots peurent porter. Si fut Ogier recompensé d'une partie de ses pertes, & en tindrent les Lombards si grand conte qu'en toute Lombardie on ne parloit d'autre choses fors de la vailance d'Ogier le Dannois, & le print le Roy en si grand' amour que ce fut merueilles, & tousiours disoit Ogier au Roy Desier, Sire, ie vous prie m'auoir pour recommandé, & qu'il soit de vostre grace me donner si bon port & faueur & aussi bonne deffence, si que du Roy Charles de France ie ne puisse auoir aucun desplaisir, n'estre de luy ne par luy prins en aucune maniere: car ie cognois que si ie cheoye en ses mains en tout le seruice que ie luy ay fait le temps passé ne me sçuroit garder qu'il ne me fist beaucoup de mal. Adonc le Roy Desier luy dist, qu'il n'y pensast iamais, & qu'il estoit pour le deffendre franchement enuers tous ses ennemis, & qu'il luy tiendroit bonne & loyalle promesse. Si firent grand chere son compagnon Beron & luy: car par toute Lombardie estoient aimez comme Dieu, à cause du grand bien qu'ils firent au Roy Desier d'ainsi deffendre sa terre: car iamais n'auoyent ouy parler de la pareille destrouffe.

*Comment Charlemagne ouyt dire qu'Ogier auoit esté receu à Paue de par le Roy Desier & sa femme la Roïne, dont fut ledict Charlemagne très courroucé: pourquoy il manda Bertrand fils de Naymes pour assigner idurnee au Roy Desier s'il ne luy vouloit rendre Ogier, & de la responce que fist ledict Roy Desier.*

## CHAPITRE XXI.



Pres celle iournee grande & profitable pour le Roy Desier, le Roy Charlemagne ouit parler des grandes vailances qu'Ogier auoit faites, & du grand conquest qu'il auoit gaigné, si fist incontinent assembler les douze Pairs de France, & leur dist. Or escoutez seigneurs & Barons, j'ay entendu par vn messager comment Ogier le Dannois est de present à Paue, & comment le Roy Desier a conquesté en fait de guerre le Conte de Milan, & bien trente deux cheualiers de nom ou plus, dont il a gaigné grande finance à laide de ce maudit glouton Ogier le Dannois, qui tant m'a donné d'ennuy. Si veux mander au Roy desier qui tient les terres de moy par hommage, comment qu'il soit sur peine d'encourir mon indignation & de perdre son royaume, qu'il m'enuoye incontinent ce glouton & larron Ogier, ou autrement s'il refuse de ce faire ie luy iray mener mon ost, & luy degasteray ses pays, & s'en tiennescœur. Si me soit acoup trouué vn messager: car ma volonté est à cela deliberee. Quand les douze Pairs eurent cela entendu, si dirent sainte Marie or est il bien mesauenu au Royzume du despartement d'Ogier. Sire, dist le Duc Naymes. C'est l'un des plus grands maux qu'onc aduint en vostre Royaume, ne seroit-il pas plus licite le laisser viure en paix, que tant molester le royaume pour vn seul homme, qui plus ne s'efforce à vous faire desplaisir. Vous cognoissez sa proüesse, & qui luy fera outrage, il s'en vengera pour y mourir: or puis qu'il ne dit mot, il est comme banny & fugitif du royaume, ie conseille qu'on le laisse, sous correction, ensemble de tout vostre conseil. Si dist l'Archeuesque Turpin, il fait mal resuciller le chat qui dort. Et posé qu'Ogier ne vous puisse nuire, si cognois

vognois ie son cœur noble qu'il ne laissera ia à regner, soit bien ou mal. Vous estes en paix Dieu mercy, si vous prie laissez viurè Ogier là où il est, puis que plus rien ne demande à personne, & ainsi dirent les autres Pairs: mais leur langage ne valut rien & demanda le Roy vn messagier pour enuoyer vne lettre au Roy Desier. Adonc dist le Duc Naymes. Sire il ne vous y faut autre messager que moy: car si Dieu plaist ie feray le message iuxte la teneur de la terre. Alors dist le Roy ie ne vueil pas que vous y aliez: mais cherchez moy vn autre messagier. Adonc luy presenta Bernard son fils, & luy bailla l'escuyer Poncet pour luy tenir compagnie, dont le Roy fut content, & luy dist. Qu'il dist au Roy Desier de bouche outre la lettre, qu'il luy enuoyast ce larron Ogier qu'il tenoit avec soy, ou autrement il luy destruiroit sa terre. Adonc Bertrand dist qu'il le feroit volontiers. Et luy dist le Roy qu'il n'esparnast or n'argent pour le faire amener sur vn destrier comme vn larron. Adonc dist Bertrand que tout cela luy diroit. Si fit amener ces cheuaux & print congé du Roy.

Bertrand est party pour accomplir son message au Roy Desier, & a tant cheusuché qu'il est arriué à deux lieues pres de Dijon, là où il se voulut reposer & enuoya son homme Poncet pour faire apprestre le disner. Tantost vint Bertrand monté à cheual & s'en vint galopant vers Dijon pour y estre à disner. Tout ainsi qu'il arriua à la porte on luy fist commandement qu'il s'arrestast & qu'on vouloit sçauoir qu'il estoit: & Bertrand dist qu'en as tu affaire? si luy dist qu'il ne passeroit point qu'on ne sçeuist qu'il portoit, & de fait le print par la bride, & le cuida icter en la rue: mais Bertrand tira son espee, & luy couppa la teste, alors le monde commença à crier qu'on le print, & Poncet voyant qu'on le suiuoit ainsi, luy demanda qu'il auoit fait, & il dist: C'estoit vn folastre qui ne me vouloit laisser passer, & ie luy ay couppé la teste. Ha! suiez vous en dist l'hoste: car vous ne logerez point ceans. Adonc Bertrand le tua & l'hostesse aussi. Et tantost le monde cria plus que deuant & alla on querre le chastelain, dont Bertrand & Poncet laisserent là le disner & monterent sur les creneaux, si fut la maison abandonnee, & firent tant les gens qu'ils gaignerent vne galcrie où estoit Poncet, & le prindrent, quelque bone desfée qu'il fust, & si tost qu'ils l'eurent prins ils l'interroguerent qui estoit son maistre qui auoit fait tant de mal; si respondit que c'estoit vn des Gentils-hommes de l'hostel de Charlemagne qu'il enuoyoit en Lombardie en message: & on luy demanda son nom, & il dist qu'il estoit fils au Duc Naimés de Bauiere. Si fist le chastelain reculer la commune qui fort estoit eschauffee. Adonc descendit Bertrand, & si tost qu'il fut descendu le chastelain luy pria qu'il luy pardonnast, & qu'il ne sçauoit pas qu'il estoit: mais voyant la commune ainsi eschauffee ne sçauoit pas qu'il deuoit faire. Touchant la mort de mon nepueu ie la vous pardonne dist-il, & Bertrand dist, dites à vos gardes qu'ils soyent plus courtois aux gens du Roy Charlemagne. Adonc se partit Bertrand de la ville de Dijon, & s'en alla tant qu'il peut accompagné de Poncet tant qu'il fut pres de la cité de Paue où il deuoit faire son message.

Quand Bertrand fut arriué dedans la ville, il s'en alla au palais du Roy & y cuida entrer franchement: mais il luy conuint parler au portier premierelement, & dist qu'il luy fist ouuerture, & qu'il estoit à Charlemagne Roy de France, & qu'il vouloit hastiement parler au Roy Desier, parquoy le portier l'alla incontinét dire au Roy, & le Roy luy dist, qu'il le laissast entrer, & quand il fut entré il monta au palais, & si tost qu'il fut môté & qu'Ogier l'eut choisi si dist à son compagnon. Or Dieu merci voicy vn de mes parens & fils au Duc Naimés de Bauiere, j'aurai à ceste heure des nouvelles de Charlemagne. Si salua Bertrand le Roy, & luy dist en ceste maniere. Roy Desier, le puissant Roy, empereur Charlemagne se recommande à vous, lequel est bien informé que vous tenez vn glouton, vn larron nommé Ogier le Dannois, lequel est bāni & exilé de son royaume, pour ses larcins & grandes



des rebellions, si vous mande par moy ceste lettre, & vous dis de bouche que vous le luy e nuoyez sur vn destrier lié estroitement, sanglé en maniere d'un larron : & si ainsi ne le faites, il vous destruira vos terres & vous mettra en Exil. Et quand Ogier ouït ainsi jeter ses gros mots, il luy dist. Venez-ça Bertrand, qui estes mon parent, dôt vous meut de dire ces outrages de moy. Si dist Bertrand, ie ne suis de rien vostre parent, vostre pere vous forestagea chez le Roy & vous laissa serf, & en seruitude serez tant que serez en vie. Adôc dist le cheualier Beron, saul l'honneur du Roy vous mētez, & si n'estoit l'honneur du Roy & d'Ogier vostre parent, ie vous montrerois que vous n'estes qu'un fol. Or se dist le Roy Desier, allez vous en. Retournez dire à vostre Roy, que ie maintiendray la querelle d'Ogier que voicy encontre toute sa puissance, que nullemēt ie ne tiens ne pense tenir à hommage n'autrement la valeur d'un denier, & que s'il me vient voir, ie cuide que ce sera à ses despens. Et pource dist Bertrand qu'il luy a exilé son pays, occis ses gens & dommagé son corps, ie prends iournee pour luy à l'encontre de vous. Ce respondit le Cheualier Beron, laissez le venir seulement : car s'il vient il y aura plus perte que gain. Et à ces paroles Bertrand s'en partit, & se fist conuoyer par son hoste, & s'en alla repaistre pour partir incontinent. Lors le Roy Desier voulut enuoyer Beron & trois ou quatre de ses gēs pour luy remontrer son bec iaune : mais Ogier qui sage & rassis estoit ne voulut pas à nulli meffaire sans cause, si voulut aller soi-mesme. Adonc parla à luy longuement en luy remontrant qu'en l'hostel & en la presence du Roy on ne deuoit iamais, en messages, vser de rigoureuses paroles. Et que pource que Charlemagne menassait si fort le Roy Desier, lui demanda en son non iournee contre son maistre le Roy, qui luy accorda, & luy dist tout plainemēt que ce n'eust il esté qu'il ne s'en fuc pas ainsi retourné : mais Bertrand n'en tint gueres de compte. Si luy dist Ogier qu'il luy pleust le recommander à tous ses parens de par delà. Bertrand dist qu'il n'en feroit rien, & qu'il n'estoit pas à luy : mais à Charlemagne, & qu'il allast chercher ses seruiteurs pour faire les messages. Adonc s'en retourna vers le Roy, & luy dist Ogier ce qu'il auoit fait avec Bertrand, dont le Roy fut bien ioyeux.

Ainsi que Bertrand le messager, & son homme Poncet furent hors, ils rencontrerent le plus beau destrier que le Roy eut, ne qui fut en toute Lombardie, excepté Broiffort il trouua vn ieune escuier, qui le venoit d'esbattre, & faire galopper sur les champs, si descendit à terre, & dist à l'escuier. Descend paillard où tu es mort. Si luy haüça le pied de l'estrier, & le iette de l'autre costé, & quand l'escuier vit qu'il s'en alloit, si s'en est allé criant à la courtoise, trouué vn larron à la porte qui m'a jetté de dessus vostre grand destrier, & l'emmeine. Adonc le Roy Desier commanda d'aller apres. Or seigmit Ogier courtain son espee, & le cheualier Beron aussi, & monterent à cheual, & vont apres, & tant firent qu'ils atteignirent Bertrand. Et Ogier luy escrie, ha ! messagier qui appelles les autres larrons, or auons nous à ceste heure prouue. Si coucherent les lances, & Ogier heurta fort le haubert de Bertrand : mais toutes les deux lances vollerēt par eschats, & acoüvint le cheualier Beron, & ainsi que chacun tira son espee, Beron s'arresta à son homme Poncet, & luy donna si grand coup, qu'il le ietta de son cheual à terre, & Bertrand heurta le cheual des esperons & gaigna le bois : car ainsi qu'Ogier cuidoit aller apres, toutes ses fangles s'opirent, & la refne de la bride, dont Ogier fut bien marri de ne qu'il ne pouuoit suivre Bertrand : mais le laisserent aller franchement. Et quand Beron le vit ainsi aller, il en fut moult controucé. Quand Ogier & son compaignon fuier retournerent, ils cōptèrent le fait au Roy Desier, le quel en fut mal content : mais Ogier cōpta sa fortune, dôt il se l'appaisa, & n'estoit pas sans cause s'il estoit fort marri : car il lui auoit desrobé le meilleur cheual apres broiffort qu'on sceut trouuer en place, si ce passa le duel petit à petit, & n'en laisserent point à faire ioules & tournois pour les dames, tellement que par toute Lombardie estoit si grand tenō d'Ogier, & de Beron son compaignon, qu'on ne parloit d'autre chose, & par chacun droit demandoit Ogier

au Roy li Charlemagne le venoit assaillir, s'il l'attendroit franchement corps à corps. Et il respondit qu'ouy: mais il ne cuidoit pas que iamaiz Charlemagne le deust venir assaillir: toutesfois se monstra tousiours humain enuers Ogier. Le laisseray à parler du Roy, & d'Ogier, & parleray de Bertrand le messager qui desroba le destrier du Roy Desier.

Bertrand cheuauchant qu'à Paris est arriué, & est venu faire reuerence au Roy. Lequel dist, Bertrand mon amy, qu'elles nouvelles apportez-vous du Roy Desier. Auez vous amené Ogier le Dannois prisonnier. Sire dist Bertrand, ie vous promets que le Roy Desier m'a respondu qu'il ne tient rien de vous, & ne vous doit ne foy ny hommage, & m'a dit que pour la vaillance & loyauté qu'il a trouué en Ogier, il est delibéré de le maintenir & soutenir encontre tous ses ennemis mortels: car il a bien desserui, & n'a que faire se dist-il des debats qu'auz les vns contre les autres, & que si vous allez à son royaume, & pais que ce sera plus à vostre destruction qu'à vostre profit. Et de fait de par vous ie luy ay donné fiance en sa personne, & aussi Ogier vous vint desfier de par luy. Or fist assembler Charlemagne tout son conseil pour sçauoir qu'on y deuoit faire. Et ne sçauoyent bonnement les douze Pairs de France qu'ils deuoient respondre ne dire, & disoyent que si Ogier viuoit longuement le royaume de France estoit en tref-grand dangier. Si fut conclud puis que c'estoit la volonté du Roy d'aller par delà contre le Roy Desier, qu'il estoit de nécessité de faire crier ban & arrière ban parmi toutes les parties du royaume de France. En Flandres, en Picardie, en Poitou, en Berry, en Auvergne, & Gascongne, & que chacun fust tout prest sur le printemps venant foy rendre à Paris pour accompagner le Roy par tout où il luy plaira aller. Le Roy fist marcher son ost au mois de May qui ne plaisoit gueres aux douze Pairs de France: car ils cognoissoient bien que ce ne venoit que par vindication. Or laisseray à parler du Roy Charlemagne qui fait marcher son ost, & retourneray à Ogier le Dannois & au Roy Desier.

Tout ainsi qu'Ogier faisoit ordinaire chatan iour de solliciter le Roy Desier pour la doute qu'il auoit du Roy Charlemagne: car il cognoissoit que s'il estoit prins vne fois, & qu'il fut entre les mains, il n'auroit pas du meilleur. Si trouua le Roy d'une opinion, & de iour en iour luy disoit qu'il ne doutast de rien de luy, & que tout ainsi qu'il luy auoit promis il luy tiendroit, & qu'il se trouuoit bien tenu à luy. Mais pource que son compaignon Beron cognoissoit la condition du Roy Desier ne voulut deceuoir Ogier le Dannois: mais luy dist selon l'experience de son cœur, mon frere, & mon amy Ogier, pource que ie cognois la complexion du Roy Desier: & qu'il est à deux enuers & n'y a nulle assurance, si ne vous voudrois conseiller de trop vous y fier. Et quelque chose que le Roy Desier vous die, ne vous y fiez que bien à ppoint: car à la fin des causes vous trouuerez en dangier. Luy dist-il à Ogier, de l'auoir Dieu merci pour sondoyer dix ou douze mille bons gens d'armes, pour vaillamment vous seconrir quand mieux trouueray. Dont Ogier fut grandement esbahy, tant de la mauuaise du Roy Desier que de la liberalité du cheualier. Ogier l'en remercia moult. Et à ces parolles arriva le Queux Guerin frere dudit Beron à qui il dist, frere vous soyez le bien venu. Or est-il vray que Charlemagne vient par deça pour le cuidoier auoir, & s'il l'auoit entre ses mains il le feroit mourir de male mort, & ne tardera guères qu'il ne vienne devant Paris & tout son ost. Or comme ie luy ai dit, l'ay encorés d'auoir pour sondoyer dix ou douze mille hommes pour tenir un an contre Charlemagne, & toute sa puissance. Pource vous prie mon frere que vous vous teniez avec luy, & que vous luy donniez bon conseil, confort & aide en toutes ses besongnes & affaires, & ie m'en vois par villes & chasteaux chercher soudoyers à force, des meilleurs, & des plus vaillans, des plus forts & puissans que ie pourray trouuer en toutes contrées & en tous pays.

Lors est parti d'avec son compaignon Ogier en luy disant, à Dieu compaignon de franc

courage & de bonne amour. Et Guerin frere du lit Beron fut moult ioyeux d'auoir rencontré vn si noble & vaillant cheualier & de si grand renom comme Ogier le Dannois. Car quiconque aime volontiers armes, chetche volontiers les bons cheualiers pour voir leur prouesses. Or s'entreteignent eux deux chaz le Roy Desier tant qu'il vint nouuelles que l'ost de Charlemagne s'approchoit de Paue. Si dit à Ogier, or cognoy ie bien que Charlemagne fait approcher son ost deuant Paue, si le faut donner de garde que chacun se trouue en armes pour aller au deuant sans le laisser planter mais à leur bien venue failir dessus eux hastiement: car le plus chaudement qu'on y pourra aller, tant mieux sera. Si vous prie qu'on aille crier par la ville que tout homme qu'aura puissance de porter baston, soit demain au matin appareillé pour aller à l'encêtre de l'ost de Charlemagne. Ainsi fut crié par la ville. Si eussiez veu Lombards murmurer contre le Roy Desier, qui auoit Ogier recueilli dont venoit si grande guerre en leurs pais. Si deuiferent le soir, le Roy Desier, Ogier & les cheualiers, qu'ils deuoient faire: car le Roy entreprit que le lendemain ils feroient rengier leurs batailles deuant l'ost des François & les assudroyent vaillamment, ce qui fut fait. Et fut eslu Ogier à porter l'escigne du Roy Desier. Si fist le Roy rengier ses batailles deuant l'ost des François, & ainsi qu'ils furent tresbien arangez, le Roy Desier n'attendoit que Charlemagne, & avec son ost fist la desmarche.

*Comment les osts des deux Roys Charlemagne & Desier sont ordonnez l'un deuant l'autre pour donner l'assaut, & comment chacun de sa part firent leurs subuerrions au vent, & firent chacun d'une part & d'autre grand vaillantises: mais à la fin conuint à Ogier le Dannois de s'enfuir, pour ce que le Roy Desier l'auoit laissé au fort de la bataille.*

## CHAPITRE XXII



Il est que les batailles furent ordonnees, chacun de son costé fist leuer les bannieres & estendars, tant que estoit noblesse, & incontinent que les trompettes commencentrent à sonner, Charlemagne brocha des esperons sur son destrier. Et incontinent qu'Ogier le vit venir monta sur broiffort son bon cheual & mist sa lance en couche, & donna si trefgrand coup de lance à l'Empereur Charlemagne, qu'il ietta homme & cheual par terre, & fut Charlemagne en trefgrand dangier de mort plus que iamaïs n'auoit esté. Adoncques faillirent d'une flotte le Due Naymes qui vint de sa lance abbaire vn cheualier Lombard. Girard de Vienne choisit l'autre, & le Conte de Iuilliers & Boudouin de Flandres, Thierry d'Ardaime, & Richard de Normandie estoient tous assemblez pour remonter Charlemagne sur son destrier, ce nonobstant les cheualiers Lombards leurs donnerent beueusup d'aire deuant qu'il fut remonté. Et tandis qu'ils furent à remonter Charlemagne, Ogier estoit toujours en recherche pour cognoistre Charlot, qu'il desiroit trouuer sur toutes les hommes du monde, & de si grand desir & affection y alloit qu'il ne laissoit rien deuant luy qu'il ne fust passer dessous le tranchant de son espee: car il s'en alloit criant parmy toute la bataille des François, où est ce traistre Charlot qui a occis mon fils, & qui est cause des maux que j'ay souffert: car ie ne veux pas mourir que ie ne face de luy comme il a fait de mon fils que tant j'aimois. Adonc fit si grand portement qu'il occist Gatier d'Orleans, Gille de Poitiers, Anthoine de Bourdeaux & à Guerin de Toloze auua le bras dextre. Si disoyent les François à haute voix. He Dieu! le grand dommage de voir tant de nobles François passer par d'sous la main d'Ogier. Lors à celle grande crice des François, le Roy Desier s'auança de courir sur les François & se mist à flotter avec Ogier & le Conte Guerin, qui trefvaillamment se portèrent. Mais apres que le Roy Desier estoit seul, Charlemagne le choisit &

d'un coup de lance le renuerça sur le col de son cheual tellement qu'il le cuida tuer. Adonc Charlemagne tira ioyeuse son espec & luy vouloit trencheder la teste: mais le Comte Guerin luy vint bailler si grand coup de lance qu'il le fist chanceler sur son cheual, & à ce coup les cheualiers Lombards faillirent, & tant firent de vaillances qu'ils rebouterent les François, tant qu'ils remonterent le Roy Desier. Si cogneut le Roy Desier que son cas n'alloit pas bien, & disoit à par soy que c'estoit la plus grande folie que jamais auoit faict d'auoir receu Ogier en son Royaume, & se repentit d'auoir le iour entré en bataille, & disoit que c'estoit grande folie de soy mettre en l'indignation de Charlemagne pour Ogier. Adonc Ogier voyant que le Roy Desier auoit le courage failli, si dist au Roy Desier & à tous les Lombards. Seigneurs suiez nous Guerin & moy, & ie vous promets que l'ost des François ne vous arrestera point. Si se mirent en deux en l'estour par telle façon que ce fut le plus cruel assaut que jamais on y eust veu euecote: car Ogier estoit si eschauffé qu'il n'y auoit si puissant cheualier François qui l'osast attendre. Et tindrent long temps le champ, & le Roy Desier reprist courage & se mist dedans le chapplis, là où il receut de grands coups: car quand les François le cogneurent en la bataille, & qu'Ogier estoit empesché autre part, ils faillirent sur luy, & tant luy donnerent de trauail que si Ogier ne l'eust alors secouru, il estoit demeuré: car les gens l'auoyent desia abandonné.

Lors quand Ogier l'eust ainsi empesché il brocha son destrier des esperons, tellement qu'il fist des François si grand desconfiture que chacun luy faisoit voye. Si tost que le Roy Desier fut eschappé de la presse si dist à par soy qu'il n'y retourneroit pas. Et ainsi qu'il s'en vouloit fuir à Paris il rencontra le cheualier Beron le compagnon d'Ogier, qui luy dist. Helas Sire! laissez vous ainsi le bon champion Ogier le Dannois qui tant vous a fait de plaisir & de service, lequel vous rendit dedans vostre palais le Conte de Milan avec trente deux cheualiers de nom qu'il conquist de bonne guerre par sa vaillance. Et comment, Sire, est-ce la promesse que tant de fois luy auez faite en ma presence. Et à tant s'enfuit le Roy Desier avec deux mille gens d'armes qui firent tant qu'il gagnèrent la ville. Lors le gentil cheualier Beron voyant que le Roy Desier & la plus part des Lombards auoyent abandonné Ogier, sis'en alla avec ses douze mille hommes fraiz en menant grand bruit & criant à haute voix vive Dannemarche, & ainsi qu'Ogier entendit le cri, si cogneut bien que le cheualier Beron estoit arriué & courut sur les François mieux que deuant, si rencontra Richard de Normandie à qui il destourna son escu, & luy donna si grand collee de courtoisement colée & chappée qu'il descendit bien auant, & si couppa le collet du Duc Normon, tant qu'à peu qu'il le couppa le col, & si tua à mort Gerard Crochon & troncha le bras au Conte de Soissons, & puis mist à mort l'Archeuesque de Noyon: & brief, tout ce qu'il rencontra mit par terre, tant qu'il fut forcé que les François se retraissent en pou arriere. Si fut raconté à Charlemagne, qui en fut courroucé. Si fist assembler les François & cria à haute voix saint Denis mont ioye, qui vindrent assaillir Ogier si cruellement que, ce n'eussent esté les dix ou douze milles hommes de Beron il estoit mort: mais comme Guerin faillit hors de la forre & vailloit ront estonné sans sçauoir qu'il deuoit faire, & ne sçauant si Ogier estoit mort ou viue, si dist le noble cheualier Beron à son frere. En tant que vous m'aimez ferez moy & me venez monstrier Ogier: & Guerin dist, ie le feray volontiers: car c'est le plus notable, le plus vaillant & le plus assésuré que jamais armes portast.

Quand le cheualier Beron Ogier qui estoit à peu de gens. Car il n'auoit pas plus de trois cens hommes, nonobstant le secours d'auenturellement venu si estoient ils plus de dix contre un, adonc quand eurent cogneu Ogier: se lance tout au trauers de la bataille avec ses dix milles hommes qui de recheue firent à haute voix vive l'émarche, & si tost qu'Charlemagne les appurent si dist à ses gens. N'ayez pas grand diabletie, nous auons maltraité

nant prins ce maudit glouton Ogier: mais incontinent qu'il doit choir en nos mains il luy vient secours de toutes parts. Ogier voyant son compagnon arriué avec ses gens, se print fort à resjouir en remerciant Dieu: car il cognoissoit bien que l'heure de sa destruction estoit venue si n'eust esté la diligence de son bon compagnon. Adonc la force luy redoubla & entra en la flotte plus auit que iamais, si se voulut fourrer Guerin apres luy: mais tost l'aduifa Regnaud de Flandres, lequel coucha ça lance & le vint attraindre ou costé senestre & si puillamment le ferit qu'il le tomba mort par terre, dont Ogier fut terriblement courroucé & aussi pour se venger de sa mort, vint audit Regnaud, & luy donna si grand coup de Courtain sur l'espaule droite qu'il le fendit iusques à la ceinture, dont ce voyant ainsi les François en furent terriblement courroucez, & le monstrerent à Charlemagne, qu'en fut terriblement dolent, & ce voyant Eudon de Langres & Gerard de Vienne eux deux le choisirent. Si prirent chacun vne lance, & vindrent courir tous deux en vn coup sur le vaillant Ogier, & luy donnerent deux si grands coups de lance qu'ils tomberent homme & cheual par terre, & Broiffort se leua & s'enfuit parmi la prairie. & les François coururent apres pour prendre ledict cheual: mais iamais ne se voulut laisser prendre à personne du monde. Or est desmonté Ogier dont Benoist voyant le meschef où il estoit, fist tant qu'il recouura vn destrier en recognoissant l'honneur qu'il luy auoit fait de le faire cheualier de sa propre main: car de meilleur ne le pouuoit pas estre, & les cheualiers François qui ailleurs occupez estoient ne luy empescherent le remonter. Et quand il fut remonté si le trouua tant esperdu d'auoir changé son cheual Broiffort qui l'attendoit parmi les piez où les François l'auoyent cuido prendre par plusieurs fois: mais tellement les frappa qu'à aucons Bonta les tripiails au Soleil; aux autres rompit les iambes, aux autres les bras. Si retourna Ogier qui estoit tresdolent de la mort du cheualier Guerin que tant il aimoit, & comme Ogier se voulut mettre en l'estour si trouua son compagnon Beron qui luy demanda où estoit son frere Guerin; si luy respondit: Ogier il a esté tué par vn cheualier François, lequel de mon espee Courtain l'ay occis & mis à mort en la place & gisent mort pres l'un de l'autre. Lors le bon cheualier Beron le trouua dessous vn chesne & volontiers l'eust baissé s'il eust osé: mais il n'osoit pas tant attester: car il luy eust fallu descendre de son cheual.

Alors le cheualier Beron se print à regretter son frere le Conte Guerin. Adonc dit à Ogier trespiteusement. Helas! Ogier mon ami, j'ay perdu mon frere Guerin que tant j'aimoye chier, & tous nos hommes, & sommes peu de gens contre si grande multitude de François. Je fais vœu à Dieu dist Ogier, que deuant que ie parte de la meslee ie feray mains enfans orphelins & maintes femmes veufes, & pouront bien dire les François que la folie de Charlot qui tua mon enfant Boudouin leur aura costé cher. Adonc Bertrand le fils du Duc Naymes de Banieres vint frapper Beron par derriere d'une lance, & tellement le frappa qu'il le tua mort par terre. Quand Ogier vit le coup & cogneut que son compagnon Beron estoit mort, si se trouua si courroucé & si estonné qu'il ne scauoit qu'il deuoit faire. Si commença à dire & vouër à Dieu son pere le Createur que tant comme il viuroit il ne cesseroit iusques à tant qu'il eust prins vengeance. Et a cecoup fit le Roy Charlemagne assembler sa cheualerie sur Ogier, tellement que tous les cheualiers l'assailirent & se getterent sur luy, & tellement si porta qu'il occist Boudouin d'Auignon, le Conte de Brice, & Regnaud d'Alençon. Et ainsi qu'il eust desconfit les cheualiers, si aduifa Ogier que le ieu n'estoy pas bon pour luy, & qu'en la bataille ne pouuoit plus guerres acquieser. Il se depart & brocha des esperons, & ainsi qu'il fut sus le chemin où deuoit passer si auisa le bon cheual Broiffort qui l'attendoit ainsi comme vn bon seruiteur eust attendu son maistre, dont Ogier se trouua fort resiouy, & dist à Broiffort. Tu as gagné d'estre aujourd huy bien pensé: car tu m'as esté loyal. Si monte ledict Ogier dessus & si tost qu'il fut monté brocha des esperons, & quand il fut vn peu esloigné il auisa Bertrand le fils du Duc Nay-

mes qu'auoit couché sa lance pour venir vers luy. Si se tira à quartier & le laissa passer. Et quand il fut passé, Ogier picqua Broiffort des esperons, & vint deuers Bertrand. Ha ! dist Ogier vous y mourrez, & Bertrand luy dit glouton & larron que vous estes, maintenant y demeurerez : car voicy Charlemagne & sa puissance. Et Ogier regarda s'il y auoit personne. Et quand il ne vit nulli si se approcha de Bertrand & lieue l'espee Courtain, & luy dist Bertrand, le diable vous à b en icy amené car vous y demeurerez non pas moy. Adonc Ogier luy donna si grand coup sur la fenestre espaulle, qui luy trencha tout le haubert, & le couppa en deux pieces, & cheut mort à terre : puis cheuaucha moult légèrement le noble chéualier Ogier le Dannois :

Puis vint tantost Charlemagne & tous les chéualiers qui d'assez pres suiuoient Ogier, si trouuerent Bertrand le frs du Duc Naymes mort. Si luy dist Charlemagne, auisez Naymes, quelle recompense vous auez d'Ogier à qui vous auez fait tant d'honneur & de seruiue. Ha ! se dit Naymes. Le grand malheur qui m'est aduenus, que mon fils auoit eschappé la iournee si vaillamment à son honneur, or suis ie à present sans enfans. Ha Ogier ! ie cognois que seurement i'auray vengeance de mon enfant, combien que l'attende. Or dist le Roy Charlemagne. Seigneurs cheuauchez si roidement que le me puissiez amener : car qui le m'amenera aura de moy ce qu'il voudra. Adonc vn François monté à l'aduantage, print vne lance & cheuaucha si roidement qu'il atteignit Ogier & coucha sa lance, & Ogier se destourne vn peu comme celuy qui bien scauoit le tour, & quand il fut passé, Ogier picqua Broiffort, & en s'approchant du François, luy donna si grand coup sur le heaume, qu'il luy fendit la teste iusques aux dentz : tant qu'il cheut mort, si picque & s'en va. Quand Charlemagne & ses gens eurent trouué l'autre mort, & que plus ne peurent voir Ogier, si furent moult esbahis, & disoyent l'un à l'autre. Mon Dieu qui est l'homme qui vit iamais telle chose que d'Ogier, ie croy que iamais ne fut le pareil, & Charlemagne dist en mal heure fut il né pour moy. Ha ! Sire, se dist Naymes, que plusieurs meres maudiront l'heure & la iournee que vous eustes tels debats ensemble : & Charlemagne dist ie n'en puis mais : mais le meschant à voulu outrager ma personne. Or le laissons au diable à qui il soit, & nous en allons à nos tentes iusques à vne autre fois : car par la foy que ie dois à mon createur, iamais ne cesseray iusques à ce que ie l'auray en mes mains, soit vif ou mort. Sur ces parolles s'en retournerent car la nuict s'approchoit.

Or est Charlemagne retourné en ses tentes, & le pauvre Ogier comme tout esgaré s'en est retourné à Panie, & dist au portier, mon amy ie vous prie que me faciez vn plaisir, c'est qu'il vous plaise d'aller deuers le Roy Desier, & luy direz qu'il luy plaise me faire ouurir la porte, & que mes ennemis ne sont pas loing qui me suiuent, en luy souuenant du Conte de Milan, & des trente cheualiers, & de la bone volonté que volontiers luy prestay, & qu'il le me rende tout maintenant si c'est son plaisir, & adonc fut là vn Lombard à qui Ogier auoit fait autresfois plaisir qui luy dit, qu'il y itoit luy mesmes, & qu'il scauroit incontinent sa volonté, & s'il vouloit qu'il y entraist : & il y alla & le salua humblement, & luy dist en ceste maniere. Sire, le pauvre Ogier est deschaffé de ses ennemis & vous prie qu'il vous plaise de recognoistre à ceste heure le plaisir qu'autrefois vous à fait touchant le conte de Milan. Ha ! dist le Roy à foy mesmes. Eddir à Ogier, y estes vous retourné. Par saint Jean deuant vostre despartie, ie vous rendray à Charlemagne, & ainsi feray ma paix. Et dist au messager. Dis au portier qui le laisse entrer, & qu'il vienne à moy dans mon palais, & le messager retourna, & le fist mettre dedans Panie : & si tost qu'il eust fait adouber son courrier Broiffort, monta au palais, & s'en alla tout droit en sa chambre, & vne damoiselle luy auoit fait chauffer de l'eau pour le lauer & esluier du sang & secuer dont son corps estoit tout noircy. Et incontinent qu'il fut lavé & nestoyé s'en alla deuers le Roy Desier qui estoit assis à table attendant Ogier, & si tost qu'Ogier fut venu, entra

en la chambre & le Roy le fist assoir. Et ainsi qu'ils furent assis, & qu'ils eurent presque souppé, le Roy demanda à Ogier comme la journée s'estoit portee. Et Ogier luy respondit, pauurement pour nous. Sire, dont ce me poise: car ie cuidoye bien la journée meilleure pour nous qu'elle n'a esté: car quand chacun eust besongné de grande prouësse comme j'ay monstté le chemin, tous les François y fussent demeurés, & eussions eu Charlemagne ceans prisonnier: mais vos gens estoient tous lasché de courage & le cogneuz du premier coup: car pour quelque chose que ie sceusse faire, ie ne les peux eschauffer: & le Roy dist, par ma foy i'en suis bien courroucé. Et puis le Roy luy demanda qu'estoyent deuenus Beron & Guérin, & Ogier luy dist: Par ma foy, Sire, il n'en faut pas mentir: car ils sont tous deux morts: car ie vous promets que ceux qui les ont tuez n'en ont pas eu moins: car Regnaut de Flandres tua Guérin premier, & luy mist sa lance dedans le corps, & si tost comme ie l'appertceuz, ie vins de mon espee & luy auallay d'un coup l'espaule droite iusques à la ceinture, & à Bertrand qu'abbatit Beron ne luy en fis pas moins. Si cessèrent le parlement de ceste guerre, & tousiours disoit la Royne. N'est-ce pas grand dommage qu'il doie tant mourir de gens pour deux personages. Et le Roy Desier branloit moult souuent la teste.

*Comment le Roy Desier vouloit rendre Ogier à l'Empereur Charlemagne, & comment la Royne femme du Roy Desier pour la grande amour secrette qu'elle auoit à Ogier l'engarda d'icelle trahison, si coucherent ensemble.*

## CHAPITRE. XXIII.



Pres que le Roy Desier & Ogier eurent souppé, ils prindrent congé l'un de l'autre, & Ogier s'en alla en sa chambre comme il auoit accoustumé. Et quand il y fut, la Royne vint au Roy Desier & luy dit en ceste maniere, mon amy, ie suis moult esbaye que c'est que vous avez intention de faire de ce cheualier Ogier, lequel sera cause de faire destruire vous & vostre royaume. Certes ce dist le Roy Desier incontinent le presenteray entre les mains de Charlemagne, si qu'il tiendra dorenavant mon royaume en bonne paix: si dist au Roy, c'est à vous sagement parlé: mais pourtant elle disoit au plus loing de sa pensee. Puis fist le commandement à un Abbé qui là estoit, qu'il luy escriuit promptement vne lettre pour enuoyer à Charlemagne, & l'Abbé dist vous serez tres-bien: car autrement, vous mettez vostre royaume en tresgrand danger, laquelle chose fut faite, & la lettre signee & sellée fut baillée à un valet d'escurie, pour de celle heure l'aller porter à Charlemagne & incontinent que le Roy eut commandé il s'en alla reposer: car encores estoit il trauaillé de la journée. Et la dame qui tousiours pensoit à ce qu'elle auoit ordonné, deux escuyers des plus familiers qu'elle eust leans, qui prindrent le mesfagier & le mirent en prison, & commandement de par le Roy au geolier qu'il ne fût si osé ne si hardy de luy donner relasche aucunement. Apres que les entreprises furent assurees, la Royne vint en la chambre d'Ogier qui n'estoit leans gueres assuree si vint heutter à la porte secretement. Et adonc Ogier print sa secrete & son haubert, & puis print courtain son espee, & alla ouurir la porte. Si demanda qui s'estoit. Adonc la Royne dist. Ogier mon amy ouurez hardiment, dont fut esbahy en son entendement, & dist Dame vous soyez la tresbien venuë. Et pour estre plus à son priuë enuoya les deux dames en bas, dont l'une faisoit tousiours le guet aupres de la chambre du Roy, & l'autre parmy le palais comme de ce faire estoit bien instruite. Or la Royne ainsi demeurée avec ledit Ogier le print & le fist asséoir sur le liect en le baisant & accollant luy disoit. Helas! Ogier mon amy, vous estes le plus noble, le plus beau, le plus vaillant, le plus preux qui soit en ce mon-

de, & duquel mon cœur est le plus feru. Mon amy baisez moy & m'accollez vne bonne fois : car vostre amour me tourmente par telle façon que ie ne puis viure ne durer. Si dist Ogier helas dame ! que diroit vostre mary qui tant est beau, noble preux, & hardy, quand il cognoistroit ceste desloyauté par moy luy estre faicte, lequel tant m'aime & tant m'a fait d'honneur. Je vous monstreray à cest heure, dist la Roynie, Ogier mon amy, l'amour dequoy vous ayme le Roy. Si luy monstra la lettre dont Ogier se trouua tout esperdu. Et embrassa la dame laquelle se despouilla toute nuë, & quand il la vit si honneste, si se coucherent nu à nu, & firent la beste à deux dos, & oublia à celle heure Ogier tous les travaux qu'il auoit eu le temps passé, pour remunerer la Roynie des diligences qu'elle auoit faites pour luy, & n'y eut autre mal, sinon qu'il fut trop tost iour.

Quand Ogier apperceut que le iour apparoissoit, la Roynie dist à Ogier. Je vous diray mon amy. Il vous faut penser de vous garentir à seureté : car incontinent que le Roy sera leué il voudra parler à vous pour cuider mettre en effect & execution le contenu de promesse, dont il estoit bien loing. Et pour obuier à tous dangers ie vous meneray icy derriere chez vn mien parent que j'ay, là où serez bien gardé, & à seureté : car elle mesme luy aida en habit dissimulé à le reduire chez sondit parent, & là fut honnorablement receu, & ce fait la Roynie s'en retourna & se fist habiller en son habit Royal. Et quand le Roy fut leué il cuida trouuer Ogier pour faire à sa volonté ainsi que promis l'auoit : mais il ne le trouua pas, dont il fut fort estonné. Quand l'Empereur Charlemagne vit que le iour fut grand, si voulut faire marcher son ost vers Pauie pour la faire prédre d'assaut. Si veiffiez lors charrier gros arbres & fagots pour remplir les fosses, & mesmement grosses arbalestes de passe, & plusieurs autres instrumens à prendre villes d'assaut. Quand le Roy Desier entendit le bruit des gens d'armes, fut moult esbahy, & ne scauoit que ce vouloit dire, si monta la muraille de la ville, & va appeller vn des cheualiers du Roy nommé Geoffroy, & luy dist Cheualier que ie parle à vous s'il vous plaist. Qui vous fait faire ses approches de ma ville ? C'est le Roy Charlemagne dist le cheualier qui vous a en grand haine, pource que ceste nuit auez recueilli en vostre palais son ennemy Ogier, & pource à delibéré de faire prendre vostre ville d'assaut deuant qu'il soit deux iours d'icy. Or escoutez ce dist le Roy Desier. Vrayement il est vray que tout tard ie le recueilly sur l'esperance de le liurer à Charlemagne, & luy enuoyay hier au soir vn messager qu'il se teint asseuré que ie le luy rendrois entre ses mains : mais ie vous promets qu'à ce matin il est eschappé, & si nay veu de puis hier au soir né luy né le messager. Adonc respondit le cheualier Geoffroy, par la foy que ie dois à mon créateur ie vous promets que si i'estois Charlemagne, ou que ie fassé son lieutenant en ceste guerre, que ie destruirois de ceste heure vostre royaume, & vous ferois pendre au milieu de vostre ville de Pauie. Et comment voulez vous entreprendre de trahir le plus noble cheualier du monde, & le voulez rendre es mains de son aduersaire pour le faire mourir. Vous n'êtes pas vn Roy : mais vn cruel tirant, & de ceste heure ie le vois dire à Charlemagne, & luy conseilleray de prendre vostre ville d'assaut.

*Comment le Roy Desier saillit de Pauie pour assaillir les François, & y eut forte bataille : & eust esté le Roy Desier prins si n'eust esté Ogier qui sur ce arriva & fist grande desconfiture : mais à la fin luy fut force de s'enfuir à Chasteau fors.*

## CHAPITRE XXIII





**Q**uand Charlemagne vit Geoffroy qui retournoit, lequel auoit parlementé avec le Roy Desier, si luy demanda que c'estoit qu'il auoit tant parlemété avec luy. Par ma foy, Sire, ie vous diray la verité, il est vray qu'il se venoit excuser pource qu'il auoit recueilly Ogier : mais c'estoit sous esperance de le vous rendre, & dit ainsi que hier au soir vous enuoya yne lettre par vn messager que vous tenissiez seur de luy, & qu'il vous rendroit Ogier entre vos mains : mais qu'onques puis ne vit Ogier ny le messager. Or Sire, pour entendre son cas vous pouvez cognoistre qu'il est traistre de le faire venir boire & manger en son palais, & puis le lurer es mains de son ennemy, c'est trop faire en Iudas. Si me semble qu'il seroit bon d'affaillir Parie d'affaut. Ce qui fut ordonné par le Roy. Le Roy Desier fist armer ses gens acoup, & par vne faulx poterne, dont les François ne se guettoient point, faillit accompagné de cinq ou six mille combattans, lesquels assaillirent par derriere les François, & firent sur eux de grands faits d'armes. Et fut l'estarmouche si aspre que les François auoyent du pite : mais Charlemagne voyant s'escria mont-joye saint Denis, parquoy les François prirent courage, & se porterent tellement qu'ils mirent les Lombards en fuite tât qu'ils sentissent venir secours : car à Ogier qui estoit demeuré chez son hôte dedans vne chambre avec la belle Aigremonde la Roïne : tardoit grandement qu'il n'alloit voir comme le Roy Desier se portoit. Si dist à la Roïne qu'il estoit temps qu'il print congé pour aller voir si le Roy Desier se portoit vaillamment encontre les François, si se mist la Roïne apres pour luy aider à armer, & dist à la Roïne très humblement. Madame cent mille merdis, des bonnes herbes, & des bons passetemps que m'auez fait, tousiours au ez vn seruiteur en moy, ie le vous promets. Et si d'auenture ie demeure dedans Chateau fort, souuent auez de mes nouuelles. Et quand la Roïne l'eut armé bien à son plaisir, si l'embrassa, & le print par le menton, & le baisa doucement, si qu'Ogier le Dannois fut tout rassisié, & remonté de toutes les malheurtéz qu'il auoit eues par deuant, & commanda la belle Aigremonde à Dieu, & s'en va sa lance sur la cuisse, & print congé de son hôte. Gonnaut, & s'en va se recommandant en la grace de Dieu.

Incontinent & parti de Paue Ogier, & est sailli sans ce qu'aucuns luy ait fait destourbier n'empeschement, & galoppe de loing pour voir la bataille des François, & des Lombards. Et tellement qu'un cheualier François choisit le Roy Desier par si grande puissance qu'il renuersa homme & cheual par terre, dont les Lombards furent fort esbahys. Et quand Ogier vit qu'il fut à pied & aculé que plus n'en pouuoit, si iettoient darts, espees & demi lances sur son corps, tant que ses gens ne pouuoient plus resister, iusques à la venue d'Ogier qui tant se porta vaillamment, & mist sa lance au trauers du corps dudit cheualier. Apres tira son espee courtain, si abbatit à terre Thierry d'Ardaïne, Richard de Mondidier, & l'Archeuesque Turpin, & bien trente trois cheualiers François, que tous par terre abbatit l'un ça l'autre là, tant qu'il fut force aux François de laisser la mestee, & eux retirer arriere, dont Charlemagne fut tresmal cōcent. Et si dist à ses cheualiers, Messieurs, n'est ce pas ici vne diablerie de ce faux glouton, & larron Ogier, que le Roy Desier me celoie, tout cecy estoit nostre, & tous les Lombards desconfits, n'eust esté sa venue. Et tant fist Ogier qu'il reconut un destrier au Roy Desier & que par force il le remōta, & fut esbahy le Roy Desier qu'il ne luy scauoit dite nulle parole, & Ogier luy dist. Roy Desier à ceste heure ie vous desfie de mort apres lesquelles paroles dites voyans les François se rallier à grand flottes, broche des esperons son bon cheual broiffort & le laissà là, & le Roy Desier de fuir & de gagner la cité, & Charlemagne & tous ces gens se mirent à courir apres Ogier, & laisserent aller le Roy Desier. Si fist bonne diligence le pauvre Ogier de gagner pays. Et quand il fut sort esloigné d'eux si ne scauoit bonnement où il alloit, fors qu'il trouua en son chemin un compagnon passant à qui il demanda volontiers le chemin à Chateau-fort, & il respondit qu'il print le chemin à main senestre, & il luy demanda s'il y auoit encores bien loing, & il luy respondit qu'il iroit bien au giste. Si se print à cheuaucher, & tantost qu'il fut un peu loing en son chemin il rencontra deux pelerins qui venoyent de saint Iaques & de Rome, & leurs noms estoient Milles & Amy, les deux plus loyaux compagnons que iamais furent sur terre: car l'un pour l'autre endurerent plusieurs grands maux, & pource que d'eux & de leurs faits ont esté plusieurs liures faits & escripts, ie les laisse pour obuier prolixité: car il ne touche de rien la matiere presente. Si vint à eux Ogier, & leur dist, rendez vous ribaut, car à present vostre mort est iurée, & fut par despit: car l'un auoit espousé la fille de Charlemagne, & ils dirent: Ha Sire! sauuez nous la vie, car nous sommes pelerins qui venons du voyage saint Iaques, & sommes vrais confez & repentans, & il dist. Et puis que vous estes en bon estat ie vous veux à ceste heure faire mourir. Si tira courtain & les tua tous deux. Si aduisa l'ost de Charlemagne & brocha des esperons pour gagner le chateau. Et quand Charlemagne vit le vessallage qu'Ogier avoit fait de pelerins, il commença à crier. O faux & desloyal glouton, ne seras tu iamais saoul de persecuter mes bons parens & amis. N'est-ce pas icy vne grande pitié. Je n'en cognois point de pareille. Or de Dieu soit-il maudit qui sa plaissance prent à vser de vengeance contre ses pelerins. Si les fist mettre le Roy en sepulture, & à ceste heure là, fist poursuivre Ogier plus que devant.

Lors Ogier voyant approcher de luy les François heurta broiffort des esperons, & tant cheuaucha qu'il vint la grand tour du chateau. Si brocha broiffort des esperons, & plus fort en plus fort, & tellement qu'il peut voir tout le chateau & feut pres. Or retourne-ray à parler du Roy Charlemagne quand il vit & apperceut la haute tour du chateau-fort, il dist à un gentil-homme de son hostel, qu'auoyt esté en garnison dedans ledit chateau avec le cheualier Beron qui lors estoit seigneur, que c'estoit de ce chateau. Lequel luy respondit. Sire, ce chateau est à un noble cheualier nommé Beron, lequel par grande espace de temps auoit tenu ce chateau contre le Roy de Paue, & aussi pareillement contre plusieurs grands princes & seigneurs de par de ça, qu'en fin finale

furent

furent contraincts faire appointement avec ledict Baron : car autrement il les eust desconfits. Et si Ogier y estoit vne fois de sept ans la force & toute la puissance de deux royaumes ne le scautoient auoir, quelques bons entendemens qu'ils sceussent employer. Or retournons à Ogier qui n'y apperceut personne dont il fut grandement esbahy : car il voit les François qui de pres le suyuoient. Et ainsi que les gens du chasteau faillirent pour le bruit qui estoit sur les champs. Si estoit la Benoist qui dit à Gelin le fils de Guerip. Par ma foy voyla l'ost du Roy Charlemagne, & croy qu'il vient mettre le siege deuant le chasteau, & en regardant veit Ogier qui estoit poursuiuy des François. Las! ce dist Benoist, allons seigneurs, ie vous en prie, secourir le plus vaillant cheualier qui soit sur la terre, c'est Ogier le Dannois que le Conte vostre pere a si cher tenu en sa vie, lequel m'a fait cheualier. Adonc dist Gelin, à moy ne tiendra : mais allons ie vous en prie. Si partirent du chasteau bien trois cens. Et tandis qu'Ogier attendoit s'il cognoistroit personne de dedans le chasteau, vn cheualier François luy cria demeure, demeure, tu ne peux eschapper que tu ne passes par dessus ma main, & coucha sa lance. Si n'attendit pas Ogier la desmarche de son cheual : mais vint à luy de grand aideur & tel coup luy donna de courtain qu'il le jetta la teste d'une part & le corps de l'autre. Adonc les gens du chasteau firent tel effort, qu'autant qu'ils en pouuoient venir des François ils les mettoient par terre, & puis quand la flotte vint ils recueillirent Ogier, & puis se lancerent dans le chasteau.

Lors sont recueillis Ogier & gensdarmes dedans le Chasteau, dont le Roy Charlemagne fut grandement courroucé. Et le Duc Naimés de Bauiere luy commença à dire en ceste maniere. Helas! Sire, vous ne me voulustes pas croire, dont tousiours mal nous en aduient, vous cognoissez, ou pouuez cognoistre tant de bons cheualiers & aussi tant de nobles & vaillants soldats son passez par dessus le taillant de son espee, & feront encores si Dieu n'y met aucunement provision. Si vous prie, Sire Empereur, qu'appetit vous vienne de faire partir tout vostre ost & de retourner en vostre Royaume de France : car tant plusicy serons & tant plus y acquerrons de deshonneur, & honteux reproche, & vous mesmes le cognoissez assez. Si vous prie que nous prenions tous le chemin pour faire le retour en France. Certes dist Charlemagne, par la foy que ie dois à mon Createur, i'amaïs ne cessaray iusques à ce que j'aye eu ce glouton mort ou vif. Et ne m'en parle i'amaïs homme, car autrement ie luy monstreroie qu'il ne seroit pas sage. Si sont tous assemblez deuant le chasteau & sont demeurez là deuant pour atteindre s'ils verront aucun venir de là dedans pour parlementer avecques luy : mais vn seul n'en sceurent cognoistre n'apnercevoir. Or laisseray Ogier dedans le chasteau fort, & aussi Charlemagne deuant, & parleray du Roy Desier de Paue, du parlement qu'il fist à son retour avec la belle Aigremonde sa femme.

Quand le Roy Desier de Paue fut party du camp, il fist tant que pour l'ayde d'Ogier il eut assez de temps & espace pour entrer dedans Punic. Et quand il fut entré dedans la ville & monté au palais. Si estoit moult courroucé, & en dist tresmal à la Roynie car pour le grand plaisir qu'elle print à Ogier ne se donna garde du prisonnier qu'elle auoit fait emprisonner lequel yllist, ne se v par quelle maniere, & fort troublé de l'empeschement qu'on luy auoit donné, dist tout à par soy, qu'il n'en scauoit bien venger. Et adonc quand le Roy Desier apperceut le messager venir il luy dist. Dea messager, Dieu vous doint mal an. pourquoy ne m'avez vous donné la respôce de la lettre que vous auez portee. Las, Sire, ie vous enie merci, pardonnez moy : car ie vous conteray la maniere & la façon pourquoy il me semble que vous vous devez contenter de moy. Or dis, dist le Roy. Sire ainsi que vous m'eustes baillé la lettre si vindrent dix de vos escuyers, l'un m'osta la lettre que le portoye, & l'autre me mist en prison fermee, dont ne pouuoie trouuer le moyen d'issir.

Or est-il ainſi que ie vous dis par mon ſerment & par la foy que ie dois à mon Createur & à vous. Adonc le Roy fiſt venir ledict eſcuyer, & luy diſt qu'il luy contaſt la maniere comment cela auoit eſté faiſt exploiſté. Sire, diſt l'eſcuyer, madame la Roynne vint à moy & me dit que ie guettaſſe ledict meſſager que vous enuoyez à Charlemagne, & que ie luy oſtaſſe ladite lettre qu'il portoit, & que ie le miſſe en priſon: mais ie ne ſçauois pour quelle cauſe. Ha! diſt le Roy, on ſçaura la verité. Adonc la Roynne commença à courir ſon faiſt, & dit: Monſeigneur, il n'eſt p̄s bon de croire ce que l'eſcuyer propoſe. Vous ſçavez que ie ſuis la premiere qui vous ouurit, & declairay le moyen: parquoy vous vous en deuiez acquitter, & que ſi autrement le faiſiez, vous ſeriez en l'indignation de Charlemagne & en danger de perdre voſtre royaume à iamais, il vous en doit bien ſouuenir. Ce faiſt, diſt le Roy eſtrange: mais ie ne ſçay comme ceci ne à qu'elle occaſion l'eſcuyer le pourroit auoir faiſt: car s'il eſtoit du lignage d'Ogier, ie ne ſçauroye que dire: ſi diſt l'eſcuyer. Par ma foy & ſur mon ame, il eſt ainſi comme ie l'ai dit. Et ſi y a encore plus, elle en eſtoit tant amoureuſe qu'elle en perdoit les pieds: car ie l'ay cognéu. Si diſt le Roy, ie t'en priſe beaucoup moins de ce que tu ne me le diſois. Ha! diſt-il, ie n'en puis rien ſçauoir par ce moyen: mais ie trouueray autre façon, parquoy l'en auray bonne cognoiſſance. Lors la Roynne toute eſplorée, diſt au Roy, comment, Sire, n'auray-ie non plus de credit enuers vous qu'un ſimple eſcuyer eſtranger, & vrayement l'apperceoi maintenant que bien peu me priſez: mais quelquesfois aduiendra que tout ainſi que vous iouïz des voſtres, ce ſera raiſon que l'en face des miennes. Si fiſt tantost le Roy venir ſix cheualiers d'honneur, auxquels il deliura la Roynne ſur leur vie, & qu'ils la miſſent en vne priſon bien fermée, iuſques à ce qu'il la leur demandera. Si la prirent & puis la menerent en vne chambre bien fermée, & l'eſcuyer eſtoit auſſi en vne autre priſon. Or laiſſeray à parler du Roy Deſier & des priſonniers, & parlerai de Charlemagne qui a aſſiégué Chateau fort pour prendre Ogier le Dannois.

*Comment Charlemagne arriva à Chateau fort, & y miſt le ſiege, & entra le tenir iuſques à ce qu'il auoit Ogier le Dannois mort ou viſ. Et du terrible engin que le Roy Charlemagne y fiſt faire.*

## CHAPITRE XXV.

**A** Pres que le Roy Charlemagne eut apperceu la deſconfiture qu'Ogier auoit faite de ſes gens deuant le chateau: il va iurer que iamais de là ne partiroit iuſques à tant qu'il euſt Ogier, viſ ou mort. Si fiſt aſſoir ſon ſiege pres du chateau, & fiſt lever trente trefz & paillions à moult grand diligence. Et Ogier qu'eſtoit dedans, nonobſtant quel fut fort las & ſon haubert tout deſmaillé, ſi vouloit il encore ſaillir ſur les François, cherchant toujours l'opportunité d'euoir Charlot, auquel diſt Benoïſt. Ogier, mon amy vous ne ſaudrez huy de ceans ſi vous me voulez croire: mais au fort voſtre plaisir ſoit fait. Adonc Ogier, diſt à Benoïſt. Je vous prie que faciez armer vos gens ſi ſerons vne ſaillie ſur les François: car l'ay grande enuie de trouver mon ennemi à deſcouuert, ſi ſeroit bon ainſi qu'ils ſont encotes empeſchez à leurs tentes de leur liurer vne eſcarmouche. Et ce diſant Gelin l'enfant du Conte Gueſin, ſi lui vint demander l'ordre de cheualerie. Si luy diſt que volontiers luy donneroit, & au nom de Dieu luy donna l'accollee de courtain qui tant bonne eſtoit, & diſt. Je fais ici un ieune cheualier pour lequel ie prie la Trinite que l'ordre qu'il reçoit luy doint cœur, valeur & prouèſſe pour prendre vengeance de ſon pere & de tous ſes bons amis, que les François à outrance ont tué, & mis à mort. Dont Gelin le remercia moult grandement, ſi furent les gens d'Ogier tous



tous prests pour faire leur saillie. Puis laisserent le chasteau garni pour faire leur recueillie. Adonc Benoist & Gelin & les autres à flotte, & Ogier qui demeura le dernier fut le premier à l'ost. Et le petit Gelin à beaucoup de lance abbatit à terre Girard & Huon de Meneschiez & le grand bouteiller du Roy. Et les renuersa tous trois sur le beaupré. Et adonc quand Ogier le vit, si dist à Benoist, ha ! si ce chevalier vit longuement il fera des beaux faits d'armes : car voila beau commencement. Si mirent sur les François & en si ent grand' occision : mais l'ost de Charlemagne vint frapper dessus Ogier & ses gens, que force fut d'eux retraire dedans ledict Chasteau fort. Et puis leuerent les ponts & fermerent les portes. Adonc les gens de Charlemagne demeurèrent dehors moult courrouceez qu'ils leurs estoient eschappéz : mais de remede n'y avoit point. Et Charlemagne dist au Duc Naimmes, parle qui en voudra parler : mais ie ne cuide point qu'homme humain sceut faire cela sans mauvais art. Et le Duc Naimmes luy commença à dire. Ie ne scay de dequoy c'est qu'il se fait ne comment : mais c'est le plus terrible dequoy i'ouïs oïques en ma vie parler, & nous pourra grandement dommagier & tout le royaume semblablement, tandis qu'il demeurera en ce chasteau, vous en voyez desjà l'experience. Si iara derechef Charlemagne que i'amaï ne bougeroit de deuant qu'il neust destruit Chasteau-fort, & fait prendre Ogier qui tant nous fait de maux. Voire ce dist le Duc Naimmes qui le pourra prendre, c'est pour sauuer leur serment.

Et quand Ogier fut dedans le chasteau & tous ses gens recueillis, si furent terriblement ayses d'avoir fait si bonne escarmouche : Mais Ogier, se sentoït fort biellé des playes qu'autrefois avoit eues. Si se fist envelopper dans vn fiens de cheuaux bien chaude-

ment, pour consoler tout son corps, & là passa la nuit & fist tout recueillir pour eux prendre repos. Le lendemain au matin ainsi que Charlemagne & ses gens auisoyent comme ils pourroyent assaillir le chasteau, & n'y auoit nul qui sceut trouuer la maniere pour la force du lieu, dont Charlemagne & tous les gens estoient esbahis. Alors va arriuer vn maistre charpentier qui dist au Roy. De l'assaillir vous ne scautiez : mais pour greuer & guerroyer ceux de dedans, ie feray bien vn certain engin, où il chaura bien mille hommes dedans, & le pourra ont bien mettre deuant le chasteau, & combattre main à main, & les battre de pierres, sans que les autres leur puissent faire mal ne les empêcher de rien. Et Charlemagne luy dist. Si tu fais ce que tu dis, ie te donneray ce que tu voudras. Adonc il charpenta tant que son engin fust prest de leuer, dont Charlemagne fut ioyeux. Or retourneray au lendemain que les François eurent leurs pavillons releuez & remis sus bout, & ceux qui faisoient parmi la prairie loges & cabanes ne sceurent l'heue qu'Ogier faillit dessus eux accompagné de Benoist & Gelin, & frapperent parmy l'ost de Charlemagne comme ils auoyent fait le soir deuant, lesquels abbatirent trefz, tentes & pavillons & mirent le feu par tout, & Ogier s'en alloit de tente en tente, & de pavillon en pavillon pour chercher son aduersaire Charlot : mais iamaïs ne le pouuoit trouuer. Et quand on sceut qu'Ogier estoit aux tentes, l'ost suruint incontinent qui tout acoup s'esmeut : mais ce fut trop tard : car Ogier & ses gens commençoient déjà à retourner, & se rebouterent dedans chasteau fort, dont depuis ne saillirent iusques à ce que l'engin deslaidit fut deuant chasteau fort, parquoy leur fut force de saillir dehors : car l'engin porta bien mille hommes dedans qui getterent feu, tant qu'ils bruslerent maisons, greniers, chambres, & estables, tant que les habitans ne s'osoyent nullement descourir : dont Ogier & ses compagnons ne scauoient que faire, sinon eux garantir es salles basses de pierre : car le feu destruisoit tout, & s'ils eussent duré longuement ils estoient en grand dangier d'estre tout destruits.

Et quand Ogier eut assez aduisé l'engin & considéré le dommage qui leur faisoit, & de dangier où ils estoient, il dit à Gelin & à ses compagnons. Messigneurs il vaut mieux aduenturer le corps & la vie que viure en dangier. Pource si me voulez croire serais vne faillie, dont les vns se mettroient aux armes contre ceux qui gardent ledit engin, & les autres ne seruiroient fors à fies & haches de couper, & mettre par pieces ledit engin. Si consentent tous à ce conseil. Lors se mirent en armes & firent ordonner leur faillie ainsi qu'il fut dit. Et sy tost que Geoffroy d'Anjou les aduisa venir, fut monté & armé de toutes pieces, la lance au poing pour se defendre contre Ogier & ses gens. Et le premier qu'il rencontra rua homme & cheual par terre : mais Ogier qui n'estoit pas loing l'aida à le releuer, & Ogier coucha sa lance & vint ataindre ledit Geoffroy, tellement qu'il le perça tout au trauers, & fit si vaillamment que six vaillans cheualiers rua morts par terre. Et cependant les autres rompoient l'engin, & furent tous ceux qui le gardoyent mis à mort. Et incontinent apres les François l'allerent dire à Charlemagne. Si fut l'ost incontinent armé, & vint Charlemagne qui dist à Ogier. Ha mauuais glouton, ne cesseras tu iamaïs de me courroucer & destruire mes gens, ie te promets que ie ne departiray iamaïs d'icy deuant que ie ne t'aye mort ou vif. Si respodit Ogier. Vous ne me scauriez faire pis que vous auez fait : mais auant que ie departe, ie vous monstreray que ie ne vous crains gueres. Si heurtabroiffort des esperons & donna de courtain son espee à vn cheualier en la presence de Charlemagne, si qu'il le renuersa mort, dont Charlemagne fut courroucé. Adonc faillit Naimes de Bauieres & ses compagnons qui le cuiderent enlorre, dont mourut plus de trois cens des gens d'Ogier. Et Ogier les fist separer l'un çà l'autre là, par telle maniere que force fut leur faire voye, & s'en retourna vaillamment dedans ledit chasteau & Charlemagne s'en retourna & ses gens. Or laisseray à parler de Charlemagne qui s'en retour-

ne à

ne à ses tentes, & parleray du Roy Desier de Pauc qui auoit fait mettre en prison la Royne sa femme & l'escuyer.

Le Roy Desier de Pauc qui auoit fait emprisonner la Royne & l'escuyer qui l'auoit accusée, fit interroguer la Royne pour venir à la verité des choses. Si respondit la Royne, que de ce que l'escuyer l'accusoit elle ne scauoit nouuelles, ne que iamais n'auoit en ce pensé: car ce eust esté contre sa volonté. Et non autre chose ne peut-on scauoir d'elle, si fut remise en prison. Si fut l'escuyer interrogé & se couppa des propres paroles qu'il auoit au deuant dites. Et en outre dit l'escuyer, pource que ie ne le puis pas prouuer, ie veux à ceste heure liurer mon gage de bataille, si la Royne a cheualier ou gentil-homme qui pour elle vueille leuer, s'il plaist au Roy de le consentir, & fut preseté le gage au Roy. Si ne le voulut onques receuoir iusques à tant qu'il eut enuoyé vn messagier a Charlemagne qu'à celle heure fut delibéré luy transmettre. Et pour abbreger il fist venir le messagier, & luy dist en ceste maniere. Tu iras deuers le Roy Charlemagne, & luy diras de par moy que ie me recommande cent mille fois à sa bonne grace, luy requerant pardon de ce que ie me suis armé contre luy, & que ie fusse allé par deuers luy à son secours, si ne fust la Royne ma femme, que ie detiens en prison, pource qu'elle me trahit le soir que luy cuiday liurer Ogier le Dannois. Et que s'il luy plaist me pardonner ie luy enuoyeray des viures à foison, & gens d'armes tant qu'il luy plaira me mander. Si fist partir le messagier incontinent, & luy en chargea de retourner tost pour scauoir le vouloir de Charlemagne. Lors partit ledit messager pour aller en l'ost de Charlemagne. Or est-il ainsi qu'Ogier le Dannois, & ses compagnons de Chateau-fort auoyent vne espie de iour en iour en l'ost de Charlemagne, lequel y estoit quād le messager du Roy Desier arriua en l'ost, & dist à Charlemagne. Je vous saluē de par le Roy Desier, lequel se recommande à vous, vous requerant pardon, de ce qu'il s'est armé contre vous, vous suppliant luy pardonner, & vous viendrait secourir si ne fust la Royne qu'il a fait mettre en prisō pour scauoir la verité de la trahison qu'il luy fut faite le soir qu'il vous deuot rendre Ogier le Dannois, & l'escuyer qui la accusée est prest de baillet son gage. Alors quand Charlemagne l'eut entendu, il dist. Qu'on la recoiue, & si elle ne trouue qui le recoyue pour soy, qu'on en face bonne, & briefue iustice, & qu'on la face brusler: car elle la bien deseruy, si elle est vaincue du cas. Outre plus, dis au Roy de Pauc qu'il enuoye des viures en l'ost, & que tout luy est pardonné. Et me recommande bien à luy. Adonc le messager print congé du Roy Charlemagne, & s'en retourna à Pauc.

Quand l'espie dudit Chateau-fort eut entendu toutes les parolles du messager du Roy de Pauc, si s'en alla tout droit au chateau, si tost qu'il fut arriué Benoist luy demanda. Or sa d'oū viens tu, scais tu rien de nouueau, que dit Charlemagne de nous? Par ma foy se dist l'espie, il vous menasse bien, & dist que iamais ne partira de Chateau-fort tant qu'il ait Ogier mort ou vif, & si ay veu vn messager que le Roy de Pauc enuoyoit au Roy Charlemagne, comme il luy demandoit pardon de ce qu'il s'estoit armé contre luy, & que luy mesmes le fust venu secourir n'eust esté la Royne qu'il veut faire brusler parce qu'elle fist escapper Ogier de mort, & Charlemagne luy a mandé qu'il la face brusler s'elle demeure vaincue du cas, & qu'au surplus tout luy est pardonné, & qu'il enuoye des viures seulement en l'ost. Or se dist Ogier, & n'y a il autre chose; nenny respondit l'espie. Helas! se dist Ogier que dois ie faire, si ie ne fusse cogneu par delà nous y allissions vous & moy, mon ami Benoist. Nous ferons autrement dist Benoist, nous irons Gehin & moy, & tant ferons que s'il y a qui vueille donner gage nous le recevrons, & ferons sa querelle bonne, & luy sauuerons la vie. Ce seroit tres-bien besongné dist Ogier, & pour bien besongner seurement vous luy porterez vn beau signet d'or qu'elle me donna à ma departie, qui vous en donnera la cognoissance. Si sont partis, & ont tāt cheua-

ché qu'ils sont arrifuez chez le Roy de Paue, & il leur dist. Seigneurs qui vous amene icy, n'est pas Ogier à Chateau-fort qui est à vous. Oui dist Benoist, à la mal'heure, dont nous en sommes desheritez, & demeurez en la haine de l'Empereur Charlemagne. Et comment, dist le Roy Desier, & il respondit. Ainsi comme il s'enfuyoit de la bataille, & ne scauoit ou auoir refuge, si trouua le chateau ouuert & se lança dedans. Et quand il fut dedans nous en fumes tous grandement esbahis, & dismes entre nous. Helas! qu'il nous est bien mal aduenu, au moins nous auons celuy, par qui sont tant venus de maux au pais de Lombardie, il le faut bien gardet si en ferons vn present à Charlemagne. Si fismes tous d'un mesme consentement, & baillâmes foy l'un à l'autre: mais ainsi que nous le cuidions sur le vespre le liurer au Roy, vn gallant flateur qui fut là, & vn parure, luy conta toute l'entreprinse. Si vint vn homme entré frapper de son espee sans plus s'enquerir, tant qu'il nous fut force d'auffer la porte, & si ne scauions où nous guarentir n'auoir nostre refuge, sinon à vous comme vers nostre Roy, & Seigneur. Et aussi voicy Golin qui vient faire deuoir de l'hommage qu'il vous doit à cause de ses fiefs, terres & seigneuries, voila les deux causes qui deuens vous nous ont amenez.

Vassaux & tres-bons amis, vous soyez les tres-bien venus, dist le Roy Desier, & puis les commença à accoller, & fut trescontent de leur venuë. Et ainsi qu'ils furent de par le Roy Desier receus, voicy arriuer le messager qui reuenoit deuers Charlemagne, lequel vint saluer le Roy, & luy dist. Sire, le Roy Charlemagne vous salut de par moy: Et tout le mal talent qu'il auoit avec vous à l'occasion d'Ogier où autrement il vous pardonne entierelement, & ne vous dourez que iamais il vous face desplaisir s'il ne vient de par vous: mais se recommande tresfort à vous, & vous mande qu'incontinent vous faciez transmettre de viures en son ost, ils en ont bien besoing, outre plus touchant madame la Roynne il vous mède que vous informiez de la trahison, & que s'il est trouué qu'elle soit coupable du cas, que vous la faciez brusler. Si respondit le Roy Desier, qu'aussi feroit il. Si print le Roy Desier Benoist qui là estoit venu, & luy dist. Helas! gentil vassal, ie suis le plus deshonoré Roy qui iamais porta couronne. Or est il ainsi qu'Ogier le Dannois soy enfuyant d'une iournée qu'il auoit eue avec Charlemagne, s'en vint à la porte pour demander entree, si me pensay en ce point que m'auiez conté que si te le rendois es mains de Charlemagne qu'il tiendrait dorenavant mon royaume en bonne paix, si te reteuz, & ainsi que nous eulmes souppe, ie fis escrire vne lettre pour envoyer à Charlemagne: mais celle Roynne maudite ma femme pour acomplir sa luxure fist prendre le messager & le mettre en prison par vn escuyer que ie tiens semblablement, si ne peux trouuer façon de scauoir la verité: mais quand sa trahison sera descouuerte, ie la fey jetter en vn feu & a doir publiquement. Adonc Benoist dist. Ha Sire! vous me donnez aduertissement d'une chose, dont plus ne me souuenis. Car j'ay ouy raconter à Ogier, que quand il vint au vespre comme il entra en vostre ville, & comme il fut chez vous receu il trouua vn escuyer Lombard en vostre cour bien secret. Si se douta de vous & non sans cause, si dist à l'escuyer, mon ami, vous cognoistez que ie suis en grand danger: car ie doute que le Roy ne me vueille liurer es mains de Charlemagne, car ie cognois bien que s'il me tenoit ce seroit fait de moy, si vous priez gentil escuyer que vous ayez l'œil à me garder, & par l'ame qu'au corps me bat, si vous voulez venir à Damemarque, tout ie suis seigneur & Duc, ie donneray deux des meilleurs places qui soyent en toute ma terre & en ferez seigneur, puis nous là arriuez ie vous donneray vn marc d'or. Quand l'escuyer l'eut entendu, il le remercia grandement, & dist qu'ainsi le feroit, & pour abbreger trouua le messager seul & l'emprisonna, & puis vint à Ogier pour luy monstrier la lettre que vous auiez escripte. Et à ces parolles le Roy Desier enuoya querir la Roynne sa femme, & l'escuyer pour debat-



tre la trahison deuant toute la seigneurie. Si dist le Roy Desier à l'escuyer ainsi que Benoit luy auoit dit. Si deffendit l'escuyer, & dist au Roy plainement. Sire ie veux mourir si ce ne sont deux traistres qu'Ogier enuoye pour deliurer la Royne, vilain se dist Benoit, vous mentez, sauf l'honneur du Roy qui est icy present: car il scait bien que nous ne sommes pas renommez tels: car long temps a qu'auons esté ses subjects & ses hommes. Vray: mēt ce dist le Roy Desier il est vray, ny iamais ne fus seray que de ceux la de la lignee. Or Sire, puis qu'en vostre presence nous à accouplé de trahison, pour l'honneur de noblesse & pour la bonté de la Royne vostre femme, ie jette presentement gage contre luy, soustenant deuant tous qu'elle est bonne & loyalle, & qu'Ogier le Dannois n'eut que faire, ne que iamais ne fût ne pourpensa, & est de ce fait nette & toute innocente. Et ledit Lombard par grand courroux le reçut, & dist Benoit ie te promets que deuant que la nuit soit venue ie te monstrey si tu as droit ou tort de m'accoupler de trahison: car ie te promets que ie t'en feray repentir. Si ordonna le Roy la bataille au lendemain pource que de ce iour ne ce pouuoit pas faire: mais il commanda aux deux champions que chacun baillast pleige, & que le lendemain au matin chacun se trouuast en armes dedans la ville, & Benoit dist. Sire, voicy Gelin qui me pleigera s'il voûs plaist. Tres-volontiers dist le Roy Desier, & l'autre bailla ses gens qu'il auoit pour ses pleiges. Adonques furent les deux champions pleigez. Alors requist la Royne au Roy qu'il luy pleust donner lieu pour festoyer son champion & son pleige, ce que le Roy accorda volontiers.

La Royne fist mener les deux cheualiers en vne forte tour là où furent bien à leur aise pour deuiser, & furent bien seruis à leur plaisir, & ainsi qu'ils furent entrez en parole, le cheualier Gelin s'approcha d'elle en luy disant. Le noble champion à qui vous donnez cet anneau d'or à sa departie se recommande cent mille fois à vous, lequel pour recognoissance des nobles seruices & plaisirs que vous luy avez faits par cy deuant nous à icy transmis, comme vous auez veu, & que plus à plain vous cognoistrez. Lors la Royne humblement remercia le champion & le messagier avec, en leur disant que pour l'amour d'Ogier tout l'anois & ioyaux qu'elle auoit, estoient à leur commandement. Or cognois-je dist elle que toutes dames le doiuent seruir, quand de son noble vouloir & amoureuse affection m'à transmis deux si tresnobles cheualiers. Lesquels, de si bon cœur festoyoit & baiſoit, & accolloit: tant pour l'amour d'Ogier que pour le noble vouloir des deux cheualiers. Or dist la dame à Benoit. Noble cheualier, & mon aymé champion, vous cognoissez assez la verité de ceste matiere, il me semble que pour amour, & pour sauuer la vie que ce n'est point parjurement: car la bouche parle d'un costé, & le cœur a sa pensee à part: mais Dieu ne desire iamais la mort du pecheur: mais qu'il s'amende, & conuertisse, & pour cela mon champion, il me semble qu'il n'y a point de danger. Nenny non, dist Benoit, laissez nous faire nous deux. Adonc la Royne ordonna à quatre dames seruir les nobles cheualiers, & que rien ne leur soit esparné, ce que firent les dames. Le lendemain au matin que Benoit apperçut le iour, si dit à l'escuyer Gelin: Mon compagnon il me semble qu'il est iour, & qu'il est tēps de penser à nos affaires. La Royne les vint faire leuer, & dist, Messieurs il me semble qu'il est temps de vous commencer à armer: car tantost sera l'heure qu'il vous conuiedra vostre corps esprouuer pour l'amour de moy, & du cheualier Ogier le Dannois, que pleust à Iesus que pour vous, & pour luy ie sceusse en moy le mien employer. Si la remerciaient grandement. Si commença Benoit à s'armer, & Gelin à luy ayder, & l'arma tresseurement. Et adonc le Roy Desier enuoya ouurer la porte, si fist assaillir la Royne, son champion, & ses quatre dames. Si furent les deux cheualiers ordonnés, & deux dames de la Royne pour accompagner Gelin le pleige de ladite Royne, qui demurerent enfermez tous en ladite tour. Si enuoya ledit Roy Desier scauoir si l'Euesque estoit prest d'aller aux champ. Lors partit l'Euesque

avec vn beau reliquaire, qu'ils firent au bout du champ. Adonc fist on sçauoir aux champions qu'ils venissent au champ.

Or est le Roy Desier entré au champ avecques toute sa baronnie. Le champion Benoist & la Royne ensemble, & le champion Lombard apres, & tout incontinent le messagier de la bataille appella le cheualier Lombard, lequel vint à l'Euesque, si luy fist mettre les mains sur les saintes reliques, & luy dist ainsi, noble cheualier vous iurez par la foy de vostre corps, & par la part que vous pretendez en Paradis, que vous n'estes coupable ne consentant de la trahison que le Roy impose sur la Royne, ne que jamais n'en sceustes plus auant que ce que vous en auez dict deuant le Roy, & par les saintes reliques qu'icy voyez. Voire vraiment respondit le cheualier Lombard, puis baïse les reliques. Adonc par ledict messagier fust Benoist appelé, lequel respondit que ce n'estoit pas à luy à iurer veu qu'il entreprenoit la bataille pour autrui. La Royne fut appelée pour iurer & l'Euesque luy dist, Dame iurez sur ses saintes reliques, par la part que vous pretendez en Paradis que la trahison dont vous estes accusée par ledict Lombard, vous estes innocente, & que jamais n'eustes compagnie charnelle avec Ogier. Non ce dist la Royne, puis on la fist seoir en sa place & fist on sonner les trompettes.

*Comment les deux Champions bataillèrent, & quelque bon droit que le cheualier Lombard eust si fist il desconfist & mis a mort par le champion Benoist.*

## CHAPITRE XXVI.



**A**insi qu'ils eurent fait serment d'un costé & d'autre commencèrent à brocher leurs chevaux des esperons, si coucherent leurs lances, & toutes deux assenerent sur les harnois, tant que les lances vollèrent en pieces & les escus se fendirent. Adonc ils passerent tout outre, & mirent les mains aux espées, tellement que le cheualier Lombard y exploita vaillamment: car de si grand coups donna sur Benoist qu'il luy

entama

entra la chair tant que ledit cheualier Lombard luy escria à haute-voix. Auicourd'huy verra le Roy Desier la trahison. A ce dist Benoist, or n'es tu pas la où tu cuides, Si luy ramena vn coup de taille sur son heaume, & si le coup eust bien prins il luy eust fendue la teste iusques aux dents, & le cheualier Lombard retourné dessus, lequel vaillamment se porta tellement qu'on disoit que la victoire seroit sienne: mais Benoist qu'au premier coup ne s'efforçoit nullement, luy donna si grand coup sur l'espaule dextre, puis recourut vn autre coup sur l'espaule senestre, & luy aualla à terre le bras & l'escu. Adonc dist le Roy hautement. Je cognois bien à ceste heure qu'à grand tort i'auois accusé la Roynne dont ie me repents. Et à l'auallément de son escu & de son bras qui s'en allerent par terre. Alors s'escria le Lombard, ha! faux traistre & desloyal, or cognois ie bien que Dieu punist aussi bien les iustes que les autres, qu'en mal'heure i'entray huy en ce champ pour faire bataille, & maudite soit ma vie qui tant dure. Adonc Benoist craignant qu'il ne dist quelque mot qui luy portast dommage, luy donna si grand coup d'espee qui luy fist voler la teste au loing. Adonc le Roy s'auança & baïsa la Roynne en luy criant mercy, laquelle en remerciait Dieu luy va dire, en Dieu soit les mercis. Ne soyés pas si hastif d'entreprendre les choses que vous ne soyés seur premier que par quel bout vous en deuez faillir. L'Archeuesque & toute la baronnie eurent grand'ioye que la Roynne fut trouuee innocente du crime que ledit escuyer Lombard luy mettoit dessus. Si la conduirent iusques au palais en tres grand'ioye, & menoyent les pleiges Lombards si grand courroux qu'ils ne sçauoyent quelle contenance faire.

Or s'en alla le champion Benoist desarmer, & son compagnon Gelin son pleige fut incessamment mis hors de là tour où il estoit, dont les cheualiers & dames en menoyent grand'ioye. La Roynne bien ioyeuse. vouloit faire, appareiller le soupper pour festoyer son champion & son pleige. Lors Benoist respondit qu'il ne faillloit ià, & qu'Ogier les attendoit trop, si ne sçauoyent quel besoyn il pouoit auoir eu: mais ce qu'il vous plaira luy mander nous l'accomplirons volontiers. Si mena Benoist à son secret & luy donna la charge de deux cheuaux d'or & d'argent. Ce fait Benoist alla prendre cōgé du Roy qui luy donna vn bon destrier, & plusieurs loyaux, & grand' quantité d'or & d'argent. Et entre toutes les autres choses la Roynne dist à Benoist que le bon Ogier luy mandast son plaisir & que volontiers l'accompliroit quelque perte & dommage qu'il en deust aduenir, & sur ce point dirent à Dieu au Roy & à la Roynne.

*Comment Benoist & Gelin frapperent sur l'ost du Roy Charlemagne & perdirent l'or & l'argent que Aigremonde enuoyoit à Ogier.*

## CHAPITRE XXVII.

**L**E T adonc quand seldiets cheualiers furent descendu du palais, ils prirent & cueillirent cinq cens hommes pour leur ayder à mener la finance. Cheuauchèrent du long de la nuit tant qu'ils vindrent deuant Chasteaufort. Et quand ils furent là arriuez si cogneurent que l'ost estoit à repos. Si entreprirent d'aller frapper sur l'une des bandes de l'ost sans auoir le sens de mettre leur argent en seureté: mais ieuneffes les gouerna, & allerent frapper dessus. Et tout en vn moment l'ost s'esueillit & se mist en armes: mais ils en mirent à mort beaucoup deuant qu'ils fussent armez: mais quand ils furent en armes lors y eut grande escarmouche. Adonc Benoist commença à crier, vive Dannemarche, si se prirent à eschauffer les gens d'armes & se frapperent dedans la flotte, tellement que la plus part y demeura: mais mal print à Benoist & Gelin, car on leur vint estouper le passage pour entrer à Chasteaufort, si que nul

lement n'y scauoient passer. Si s'efforcèrent tellement qu'il fut forcé aux François de leur ouurir le passage ; mais de cinq cens hommes que Benoist & Gelin auoyent n'en demeura que trente. Et Benoist & Gelin furent demontez & se sauuerent aux marais, car la nuit fut cause de leur saluation. Tantost apres les François se retirerēt chacun à la tente & tant se trainerent de lieu en lieu, Benoist & Gelin ainsi blesez qu'ils estoient, tant qu'ils gagnerent le chasteau, & si tost que le guet les apperceut ils furent grandement ioyeux, si leur allegent ouurir la porte, mais Ogier fut moult esbahy de ce qu'ils estoient ainsi accoustrez, & luy dirent. Le diable puisse auoir part à la querelle de la Roïne, & comment dist Ogier. Par ma foy ce dist Benoist l'auoye fait tous les efforts qu'il estoit possible de faire & sauué le corps de la Roïne, dont le Roy Desier n'elle ne fust iamais plus ioyeux. Si nous donnerent deux mulets chargez d'or & d'argent, de bagues & ioyaux & cinq cens hommes que nous auons prins de peur de trouuer quelque rencontre. Et adonc quand nous auons esté dedans l'ost, nous auons euidé auoir quelque proye si que en la fin finale de nos cinq cens hommes n'en auons plus que trente que voicy, & nous ont tous desconfits & fort blecez, si bien qu'il y appert. Adonc Ogier, respondit de tout cela ce n'est rien puis que ie vous reuoy. Or ça dist Ogier la dame se recommande elle pas bien à moy. Ouy vrayement se respondirent les cheualiers, & au departir elle nous dist que tout ce qu'il vous plairoit luy mander elle l'accompliroit quelque dommage qui en peut aduenir. Le l'en remercie bien grandement dist Ogier, or ça dist Benoist, mon amy Ogier, ie m'esbahis de Charlemagne qui autrement ne se aduise de prendre chemin, vous & nous demeurerons tousiours icy enclos, & au destruisement de nos corps sans rien acquetter, fors toute misérabilité : car ie cognois bien de Charlemagne que jamais d'icy ne partira qu'il ne vous ait mort ou vif, & du tout destruit ce chasteau. Si dist Ogier, ie ne cuide point qu'en brief il n'ennuye à Charlemagne & qu'il ne face vn tour en Franco. Puis l'auois beau aller à Dannemarche, là où ie trouuerois gens assez pour me dresser contre luy : car iamais tant qu'il viue n'aura paix avec moy, que premier ie n'aye son fils Charlot pour en faire à ma volonté, & brief sçachez que tant que ie trouueray vn quartier de pain, si ne l'abandonneray ie point. Mon amy Ogier, touchant le chasteau il est vostre comme nostre, ie ne l'entens point autrement, & croyez que nous sommes bien affectionnez de vous y seruir de toute nostre puissance. Or aduint que durant ces paroles il vint vn ieune Prince de France à l'ost, nommé Loys, qui venoit voir son oncle Charlemagne. Quand le Roy le vit, il luy fist vne grande recueillie, & luy promist que le lendemain au matin il le feroit cheualier. Le lendemain le Roy fist faire de grands tournoyemens à la prairie là où il fit son neveu cheualier, accompagné de cent autres cheualiers & fut fait vn grand triomphe.

Si fust Ogier ennuie de ces tournoyemens & demoura là tout pensif, si luy dit Benoist. Ogier mon amy declarez moy vostre pensément. Auez vous d'ail de ce que ne pouuez venir au dessus de vostre intention. Vous cognoissez que ce n'est rien que de nous, vous vistes le cheualier Beron qui tant vous ayma, quelles nouvelles fait on plus de luy, pas vne. Helas ! mon amy Benoist dist Ogier, ie voy ces tournoyemens qui me font tāt de ducil & de vergongne, que si i'auois puissance de frapper dessus, ie les ferois bien autrement escarter. Ogier Benoist & Gelin saillirent à l'heure de disner avec trois cens hommes, & allerent heurter aux tentes, & s'enverserent toutes les tables & treteaux par terre. Alors Ogier vint à la tente de Charlot, & à l'entree donna si tresgrand coup de son espee sur le tref ou estoit le dragon, cuidant pour tout vray assener dessus Charlot le fils de Charlemagne, que son espee courtain entra bien vne paume & demie dedans : mais vn esuyer qui bien fut aduise decouppa la tente tant que Charlot peut passer par là, & ce pendant qu'Ogier tiroit son espee de dedans le bois où elle estoit demeurée, de peur qu'il auoit

de la rompre, si fut assailly de grand multitude de François, lequel vaillamment se defendit. Et Benoist qui portoit l'enseigne y fist vn beau portement : car des François fist grande occision. Et Gelin couche sa lance & en donne a vn François, lequel il perça parmi les flancs, & tomba mort à terre. A ce coup saillit Rambaux de Frize à Gelin & de sa lance luy perça son haubert, & luy laissa le fer dedans le corps tant qu'homme & cheual tomberent. Et ce voyant Benoist print le corps avec l'aide d'Ogier, & le porterent dedans le chasteau : mais deuant que partir Ogier choisit Rambaux, si bien qui luy ietta vn coup d'espee en l'estomach, tellement qu'il rendit l'esprit, & en ce point gaignerent Chateau-fort : car les François ne vindrent pas assez à temps. Et combien qu'Ogier, à ce coup eust fait des grande vaillances : toutesfois si eust il plus perte que gain : car il perdit le bon cheualier Gelin, fils du Conte Guerin, & avec ce de trois cens bons combattans n'en retourna que trente dedans le chasteau : toutesfois Ogier, avec son peu de gens teint toujours Chateau-fort au mieux qu'il peut. Or retournons à Charlemagne que tout ce matin auoit triomphé par la prairie : mais Ogier leur troubla toute la feste, si fist venir Charlemagne vers luy son fils Charlot, pour sçauoir comment il estoit eschappé d'Ogier le Dannois, & Charlot luy conta le peril en quoy il auoit esté, si fut fort esbahy des grandes entreprinse qu'Ogier faisoit, & comme il s'osoit enhardir de tant tenir contre luy. Et eust esté bien tost delibéré de le laisser là, n'eust esté le deshonneur qu'il eust peu auoir : mais pource qu'il voyoit qu'il auoit tant esté la deuant, puis l'abandonner sur la fin, si print à dire que iamais il ne s'en retourneroit iusques à ce qu'il en vist la fin. Parquoy fist assa- uoir à tout l'ost que chacun doresnauant se trouuaist sur son guet : car la nuit Charlot ne dormoit en son lit seurement, or est Ogier entré dedas le chasteau avec Benoist à si peu de gens qui luy demeurèrent, & quand ils virent mort le noble Gelin, les yeux leur son- doient en larmes, & aussi faisoient il à Benoist à leurs gens. Hé Dieu ! dist Ogier, le grand dommage qui nous est huy aduenu, par la mort de ce ieune cheualier : car i'ose bien dire que c'eust esté le plus vaillant cheualier qui eust esté au pais : Le lendemain Ogier, fist en- terrer le corps de Gelin, dedans l'Eglise & le fist ensepultrer honnorablement. Et du des- pit que Charlemagne eut de l'escarmouche qu'Ogier luy auoit faite au festoyement de son nepueu. Il fist faire des engins pour tetter des pierres au chasteau, lesquels engins gre- uerent fort Ogier & ses gens, tant que nullement n'osoyent aller ne venir en lieu descou- uert qu'ils ne fussent en dangier de mort, & dura si longuement qu'ils abbattirent tours, maisons, & salles, tât qu'il fallut mettre leurs cheuaux és caues voutees : car plus n'y auoit remede. Si se print Ogier à s'ennuyer de ces engins, & tellemēt qu'il dist à Benoist, que re- mede n'y auoit, fors faire vne saillie pour desrompre tous ses engins. Si saillirent tous fors vn escuyer pour les remettre au retour dedans le chasteau. Quand ils furent armez ils s'en allerent à ceux qui gardoyent les engins, & les mirent à mort & rōpirent les engins. Puis s'en allerent ietter dessus l'ost, & tant destruirent de François que ce fut merueille, si vint Huon de Nantes assener Benoist tellement qu'il le rua mort par terre. Et, quand Ogier le Dannois vit cela il dist. Huon as tu fait le coup, ie te promets que i'en veux à toy, si bro- cha son cheual & luy donna si grand coup decourtain qu'il le mist en deux pieces. Si en fu- rent portees les nouuelles à Charlemagne, qui dist en ceste maniere, ô mon Dieu n'auray- ie iamais la fin de cest homme icy, seray- ie toujours pour vn personnage en subiection de tenir frontierie contre luy, sans nullement oser desmarcher ne venir ne çà ne là. Si dit le Duc Naimés. Je croy qu'il soit enragé, & croyez quelque bon que faciōs sur luy, que quel- que matin qui luy montera en la teste, il sortira & s'en ira là où il luy plaira : or brief dist Charlemagne, s'il ne s'en volle comme vn oiseau si l'auray- ie, & me laissez faire.

Et quand Ogier eut fait le coup sus Huon de Nantes, tout l'ost s'assembla sur luy. Si vindrent heurter & avecques si petit de gens qu'il auoit fist reculer les François au tréchant

de l'espee si terriblement que ce fut force qu'ils eussent entrée au chasteau, & sitost qu'il fut entré dedans ledict chasteau, se print fort à douloir & desconforter à par soy, tant de la perte des deux bons cheualiers qu'il auoit nouuellement perdus, que de la mort de son enfant Boudouin lequel il aimoit tant, ensemble toute sa noble compagnie Françoisse ou tant il auoit eu d'honneur & de bien, & qui pour luy eussent tant fait: si cogneut bien estre trop diffamé entre les hommes, & dist à soy-mesmes qu'il n'est pas loing de la mort. Si Dieu ne luy fait grace: car la multitude des aggrauéz courroux qu'il a eü en sa vie, qui de present luy viennent au deuant, le tourmentent trop asprement, tant qu'il ne scauoit qu'il deuoit faire, & puis disoit. Or ay-ie esté icy desia cinq ans que j'ay passé douloureusement comme vn homme mis hors de son liberal arbitre, & mis en toute douloureuse captiuité. Je ne sçay plus où ie me puisse fier si me faut abandonner lié & couche, & geü désormais en mon haubert & tout armé comme celuy qu'à chacune heure a ses ennemis pres de ses oreilles, & ceindre courrain mon espee, en laquelle j'ay plus de fiance qu'en homme de mere. Si fut en ceste tribulation longuement, & ses gens pareillemēt n'entendoient rien en son cas. Si estoient les gens d'un costé & luy d'autre qui ne scauoient ce reconforter l'un l'autre: mais estoient comme tristes & espoüantez. Et vn soir qu'Ogier estoit bien endormy, si se leua vn mauvais paillard & traistre larron des gens d'Ogier nommé Herquembaut, lequel dist à les compagnons: Messieurs ie vous prie escoutez moy, vous deuez sçauoir & cognoistre que nous sommes comme prisonniers: car nous ne sommes pas à nous mesme: car si nous sommes prins vne fois, nous sommes morts sans respit, & pource qui peut guarentir sa vie il fait beaucoup. S'il est ainsi Seigneurs qu'ensemble d'une opinion nous voulons rendre le chasteau à Charlemagne, & Ogier semblablement, nous auons de luy tout ce que luy voudrons demander, & demourerons tousiours en sa bonne grace. Si se consentirent tous à la mort du pauvre Ogier le Dannois, Si s'en alla Herquembaut vers Charlemagne. Et quand il fut hors du chasteau il trouua Hardre le capitaine du guet qui luy demanda où il alloit. Et il respondit qu'il alloit vers le Roy Charlemagne pour luy liurer Chasteaufort, dont Hardre fut moult ioyeux, & le mena par deüers le Roy Charlemagne pour parler à luy.

Alors le Roy fut ioyeux d'ouyr ainsi parler Herquembaut, & luy dist qu'il luy donneroit ce qu'il voudroit, si ainsi le faisoit, & dist à Hardre, allez & faites diligence & prenez tant de gens comme vous voudrez. Et ainsi qu'ils sont partis pour y aller, Ogier estant audit chasteau aduisa & cogneut que ses gens ne faisoient point bone chere, messieurs se dist Ogier, ie cuide cognoistre que vous estes lassé de ceste guerre. Je vous diray, ceux qui s'en voudront aller si s'en allent, & prennent ce qui leur semblera bon de ce chasteau. Si ne respondirent rien, si print yn cierge & tout armé s'en alla reposer, & ceignit son espee courrain, & mist son cierge à costé de soy, & ainsi qu'il fut endormi ses ennemis se prirent à marcher, & en dormant aduint le plus terrible songe à Ogier, ainsi que Dieu par aduenture le vouloit, qu'il se trouua en vn si grand peril qu'il ne scauoit qu'il deuoit faire si tresfort fut estonné du songe. Moult subitement se leua & print ledit cierge à vne main & son espee à l'autre, & descend en la salle où il cuidoit trouuer ses gés: mais il n'en trouua pas vn, dont fut bien esbahy. Adonc cercha & ainsi qu'il montoit en trouua vn à qui il bailla si grand coup de son espee qu'il luy aualla toute l'espaule, tant que le pauvre foldat se print à crier. Ha! se dist-il, Sire louiez deuez l'heure qu'en ce point vous vous estes leué: car Herquembaut estoit allé querre les François pour prendre le chasteau & vous rendre es mains de Charlemagne. Haa tribaudaille ne vous dis-je pas hier au soir que ceux qui s'en voudroyent aller s'en allaient & qu'ils prissent des biens du chasteau ce qu'ils en voudroyent prendre. Adonc cercha & ainsi qu'il les trouua cachez: vn apès l'autre les mit tous à mort, & tellement y ouura qu'il ne demeura que Herquembaut, &

Hardre

Hardre le capitaine luy dist. Sus vassal il est temps de diligenter en nostre fait, accomplissez vostre promesse, & il dist laissez moy aller parler à mes gens pour sçauoir si Ogier dormoit tousiours. Or auoit ja, Ogier le Dannois, clos toutes les portes, dont bien luy en print: car il les auoit trouuee toutes ouuertes. Si vint hurer Herquembaut, & Ogier, alla porter la lumiere en la salle, & Herquembaut vint encores heuiter, & à la tierce fois Ogier, contrefit sa voix le mieux qu'il peut, & luy demāda qu'estes vous, & il respondit, c'est Harquembaut ouurez hardiment, or ça fait Ogier: il repose & luy auōs ionē d'un bon tour, & comment. Sainct Iean dist Ogier, nous luy auons desrobbē courtain son espee. Ha! que c'est bien besongnō dist Harquembaut: mais que Charlemagne la tienne dist-il, il ne la donneroit pour rien. Or allez dist Ogier, parler à nos compagnons qui sont la bas: car ils veulent bien parler à vous. Et lors incontinent qu'Ogier le vit descendre en bas si le suyuit, & frappa le traistre Harquembaut, tellement qu'il luy rompit la ceruelle, & par ce point fut il vengē de ses gens. Et alors commença à crier aux François, mes seigneurs, si vous voulez achepter mon chasteau, il le vous conuient achepter de moy: car vous ne l'aurez point si vous ne l'auez au trenchant de l'espee. Si commencerent à fuir tant qu'ils renuersoyent les vns dessus les autres de peur qu'ils auoyent. Si alla Ogier monter sur broiffort & saillit sur les François qui s'enfuyoyent deuant luy, & Ogier ataignit vn François qui estoit cousin de Berenger, si luy couppa la teste de quoy les François furent moult courroucez: mais nul ne si osa arrester, & quand ils virent que trop duroit la poursuite, si crièrent parmi l'ost à la trahison. Adonç les gendarmes saillirent à grands ffortes, dont Ogier fut contrainct de retourner en son chasteau, & puis pendit les traistres qui l'auoyent cuidē trahir, & en auoit en chacun creneau vn. Et quand on eut contē à Charlemagne l'entreprinse de telle trahisō se trouua fort esbahy, il faut se dist-il, que le diable le gouuerne. Combien que quand il estoit en France il estoit de bonne conscience.

*Comment Ogier le Dannois print du mesrain, & les habilla en façon de gendarmes & en mist à chacun creneau vn, & comment l'Empereur Charlemagne fist assaillir derechef ledict Chasteau fort.*

CHAPITRE XXVIII.

**R**egardez doncques quel executeur de iustice, luy mesmes auoit pendu à ses creneaux ceux qui auoyent machiné la trahison: mon Dieu que serace de cest homme, cinq ans & demy sont ia passez sans auoir trouuē façon de le pouuoir prendre, ny le chasteau aussi, qu'est vne grande besongne. Et si a faict tant de grandes faillies, dont j'en suis mal content: mais ie me reconforte grandement: car ie cognois que de viures n'a plus gueres, & aussi de gens encores moins, si qu'il sera contrainct de se rendre, & abandonner le chasteau. Je vouldroyē qu'il eust ia commencē, dist le Duc Naimmes: mais ie cuide que sa volentē en est bien loing, toutesfois il faut presumer des choses ainsi qu'on en voit les coniectures. Or dist le Roy, si faut-il essayer de prendre le chasteau, ie cognois certainement que dedans n'y a plus nulles gens de defence, si commanda à faire de grandes eschelles & longues pour vn assaut: mais Ogier qui pas n'estoit oyssi dedans ledict chasteau couppa du mesrain dont il auoit assez, & les habilla en façon de gendarmes, leur vestit des bons haubers & des bons heaumes, & en mist à chacun creneau vn. Quand les François les auiserent si en furent moult esbahis, & les monstreient au Roy Charlemagne qu'en fut moult troublē, & dist. Où tous les diables peut-il trouuer tant de soldats, ie m'en esbahis grandement, ie cognoissroyē qu'il n'en pouuoit plus gueres auoir. Car pensez qu'il fist pendre tous ceux qui auoyent con-

senty à la trahison, donc n'en pouuoit il gueres auoir. Le ne scay que se peut estre dist le Duc Naimés, il n'est personne qu'il ne fust faillir dehors du sens: car quand on cuide auoir faict, c'est toujours à recommencer.

Adonc Charlot commence à dire. Le cuide que monsieur mon pere soit hors du sens, il a la tenu le siege bien sept ans contre ce chasteau, lequel n'est encores prins, si veul ie parler à luy. Car Charlot auoit veu les gensdarmes au creneaux ainsi que s'ils vouloyent menasser les gensdarmes de l'ost du Roy Charlemagne, dont ledit Charlot fut moult esbahy, si leur fist tirer plusieurs traits d'arbalestes, & d'autres bastons: mais iamais ne bougeoient, parquoy les gensdarmes n'osoyent assaillir ledit chasteau. Si s'en alla Charlot deuers le Roy son pere, & luy dist: Monseigneur mon pere ie m'esmerueille comme les gens d'Ogier sont si asseurez: car ils ne bougent point pour traict qu'on leur tire. Vrayement dist-il ie m'en esbahis grandement. Ogier les leuoit l'un apres l'autre. Il haussoit le bras à l'un, apres l'autre, qu'un homme n'auoit en tout l'ost de Charlemagne qui ne dist franchement. Vrayement Ogier le Dannois à recouuert des plus vaillans gensdarmes, que nous vismes oncques: car pour chose du monde n'abandonneroyent les creneaux. Se dist Charlemagne il faut que ce soyent diables, ou qu'Ogier soit fayé, ou ie ne scay que ce diable peut estre. Et chacun en disoit son opinion: mais touchant qu'on scache assaillir le chasteau, homme iamais ny consentit. Sidist Charlot à l'Empereur son pere, monseigneur mon pere ie vous diray, ie cognois bien que l'ay tort contre Ogier, si vous voudroye bien prier de faire paix, & accord avec luy, si ainsi estoit ie m'en iroye outre mer en Hierusalem, où ie passerois le temps iusques à six ou sept ans, puis deuers vous retourneroye: Si dist le Roy à Charlot. Vous estes bié abusé. Bref ie vous iure Dieu & promets sur ma loy que si ie tenoye Ogier, comme ie pense le tenir en brieif, pour l'or d'un royaume ne le laisserois eschapper que ie ne le fisse pendre, & estrangler, & ne m'en parler plus, or dist Charlot vostre plaisir soit fait & en auienne ce qu'auener pourra. Si fist Charlemagne assembler à ce iour au disner tous les Princes & Seigneurs de nom de tout son ost pour auoir consultation avec eux. Et au milieu du disner Ogier monta à cheval, & saillit de chasteau-fort, si s'en vint sur broiffort à la tente de Charlemagne, où estoit le disner. Et si tost qu'il eut auisé Charlot si haüça le bras, & de sa lance heurta si fort la table, cuidant abbattre Charlot qu'il rua la table s'en dessus dessous, si que Charlot qui estoit mûcé sous la table fut guarenti de mort: car il demeura contre terre, la table dessus, si qu'Ogier ne le peut ferir. Lors Ogier auisa Charlemagne qui estoit assis au bout de la table, & l'eust bien tué s'il eust voulu: mais il se retira & tua l'escuyer qui le seruoit au disner, si furent les seigneurs de leans tous esperdus, & se commença l'ost à armer. Et Ogier soy retirant au chasteau frappa sur vne des bandes de l'ost fermement. Mais quand il vit que mal alloit pour luy, brocha des esperons, regardant aux creneaux les soldats de bois, & vit que tout alloit bien.

Charlemagne s'eschappa belle, aussi son fils Charlot, que l'un d'eux ne scauoit dire lequel l'auoit plus belle eschappée, si se prirent à remercier Dieu, qui les auoit ainsi prefernez de mort. Et deuiserent là les Princes, vne grande piece de la vaillance d'Ogier, & disoyent que c'estoit dommage du temps qui s'estoit perdu là deuant, & de la mort de tant de si nobles gens, & qui eust tiré sur les ennemis de la Chrestienté, qu'on eust mieux besongné, mais quand la chose estoit si tref-auant que honte seroit de faire departie, veu qu'Ogier ne pouuoit plus gueres auoir de viures ne gens, si conclurent au vouloir de Charlemagne qu'on attendroit encores vn peu de temps. Le Roy eust volontiers déclaré son intention, mais la parole ne luy pouuoit reuenir à son aise, de la peur qu'il auoit eüe d'Ogier. Or quand Ogier fut retourné au chasteau, & vit qu'il n'auoit plus de viures ne gens, se print tres-fort à doubloir de la perte de ses gens, & aussi qu'il n'a-



voit plus de quoy tirer auant, si luy fut force d'escorcher vn cheual pour viure, & fist tant qu'il ordonna tout son fait, lava ses escuelles, & mist son pot au feu, & tournoit par ses creneaux pour faire remuer ses gens d'armes de bois, & sur le vespere cuida soupper: mais il ne trouua blé ne pain, fors tant seulement qu'un petit quartier, adonc il commença à regretter les bonnes compagnies qu'il auoit eues dedans ledict chasteau de Benoist & Gelin, dont il fut contraint de plourer, & cogneut que plus il ne pouuoit leans demourer. Or ne scauoit il que faire de saillir par desespoir sur l'ost ou allonger sa vie pour fuir le lieu contentieux, il estoit sur ces deux propos: mais il ne scauoit lequel il denoit faire, si auisa son bon cheual Broiffort, & l'espouffetoit & disoit. Ha! bon cheual, que tu m'as esté de diuerses escarmouches. Las que dois-je faire, & lors qu'il l'eut gentement espouffeté, sellé & bridé, tout prest de monter dessus / si le mena dessus le pont leuis. Et ainsi qu'il parloit à par soy, là arriuerent deux postes ou pourfuyans de gens qui couppoient de l'orge pour leurs cheuaux, lesquels eurent grand peur, nonobstant ne bougerent: car ils ne s'osoient remuer.

Le bon Ogier disoit à par soy. Las pauvre chetif, & desolé que ie suis, or n'ay ie plus compagnie, seul suis comme vne pauvre beste, sans auoir qui me reconforte, sans pain ne chair, sinon que des pauvres cheuaux qu'il me faudra meurdrir & occire. Et encores si i'auoye du pain, ie m'entretiendroye tant qu'il y auroit cheual: mais il ne m'est pas possible de plus attendre, or pour faire ma derriere main, ie demoureray encores iusques à minuit: mais par la foy de mon corps Charlot sera bien endormy si bien ne le resueille, si se remist dedans le chasteau iusques enuiron la minuit: mais les pourfuyans qui auoyent entendues ces nouuelles, & menasses qu'il faisoit, si alierent au pavillon de Charlot, & luy conterent comme tout le secret d'Ogier auoyét entendu, & comme il estoit tout seul au chasteau & à minuit vous doit chercher en vostre pavillon, or vous en donnez bien garde. Et Charlot les remercia grandement. Si se pourpenfa qu'il auoit tort d'Ogier, & qu'il yroit par deuers luy tout seul & luy crieroit mercy: mais qu'il se mettroit en armes. Si ce fist armer tresbien, puis monta à cheual, & s'en va par deuers le chasteau.

Adonc quand il fut deuant le chasteau si choisit vn creneau, & appella tant qu'il peut, hau Ogier le Dannois, que faites vous: parlez à moy: si dist Ogier. Qui est ce qui m'appelle, C'est Charlot le fils de Charlemagne qui veut parler à vous. Et qui vous meut à ceste heure de venir parler à moy, dist Ogier. Et ie le vous diray dit Charlot. Pource que ie me sens tenu à vous touchant vostre fils, ie suis venu par dauers vous cognoissant l'affaire que vous auez & indigence en quoy vous estes: car ie scay bien qu'il y a bien six iours que vous ne mangeastes de pain, & n'avez mangé autre chose que chair de cheual, que vous mesmes auez fait cuyre, dont ie suis moult esmerueillé comment vous pouuez viure. Puis y a vne autre chose, vous n'avez plus de soldats: car ceux que vous mistes en les creneaux ne sont qu'hommes faits de bois, que vous mesmes auez ainsi accoustrez des harnois de vos gens qu'avez occis & mis à mort. Et comme diable peux tu scauoir ces choses que i'ay tenues si secrettes, dist Ogier. Je scay bien, dist Charlot, par vn moyen que ie vous diray: car ainsi comme vous estiez sur le pont du chasteau, en pensant à vous mesme, & en vous desconfortant, vous auez dit toutes icelles parolles. Et dessus le pont y auoit trois ou quatre espies qui vous escoutoient, qui m'ont recité tout ce qu'avez là raconté à par vous, & autres choses que pour le present ie laisse: mais en effect s'il vous plaist me prendre à mercy, ie vous promets qu'après la mort du Roy monseigneur mon pere, ie vous donneray la moitié de mon royaume, & de l'heure presente vous feray rendre toutes les lettres & seigneuries qui sont à vous, & donner recompense vailable à vostre plaisir: en my la parie en signe d'humilité me despoillera en chemise, & nue teste, & iray à genoux vous baiser la bouche, vous criant mercy de l'office que ie vous ay fait, s'il vous plaist me

pardonner, & des ceste heure, apres vous auoir satisfait des choses dessusdictes, me partiray pour aller au saint sepulchre faire penitence. Et i'aymeroye mieux, dist Ogier, pour l'honneur de moy, & des miens chercher mon pain d'huys en huys, & circuir tant de pais que ne purroye marcher, qu'il me fut reproché que pour la vengeance de mon enfant ie voulüsse prendre profit ne recompense, combien que l'excez que i'ay fait d'auoir tant occis de nobles gens, & grand partie de mes parens, ie cognois que i'ay mal fait, sinon que la cause me tiendra pour excusé deuant Dieu, & ainsi le crois: mais autre appointement ne pense faire, ne iamais auoir recompense sinon sang pour sang, & enfant pour enfant. Se dist adonc Charlot, deuant vostre departemēt vous auez doncques intētion d'accomplir vostre volenté. Si dist Ogier quelque chose qu'il en doyue aduenir ie fineray mō intention ou ie mourray en la peine. Adoncques Charlot dist en ceste maniere. Noble Duc ce me poise qu'autre accord ne se peut faire. Or puis qu'ainsi est quand vous partirez de ce chasteau ie prie à Iesus Christ qu'il vous vueille conduire. Et Ogier luy respondit, Or va depar le diable qui te puisse rompre le col. Adonc se partit Charlot, & incontinent Charlemagne l'appella, & luy demanda qu'il auoit tant parlementé avec Ogier. Si luy conte Charlot toute la maniere ainsi que dessus ay recité. Et comme il s'estoit submis à luy crier mercy en toutes les manieres qu'il s'estoit peu auiser, & tres-honorablement luy satisfaire. Or ça, dist Charlemagne, ie m'esbahis comme il peut fournir tant de viures. Par ma foy dist Charlot, ie vous promets qu'il y a cinq iours qu'il ne mangea de pain, & ne mange que de cher de cheual quel luy mesme fait cuire & habille: car il n'a plus homme ne femme avec luy. Et ses soldats que vous voyez aux creneaux, sont hommes de bois, lesquels il a armez, & leur a pendu au col les escus, ainsi que vous les voyez. A ce l'o peut cognoistre vn vaillant homme de guerre: car il est subtil de pratiquer ses defences. Se dist Naymes, c'est le nompareil homme du monde, auez vous pas veu pource que nous voulions donner l'assaut au chasteau comme il fist grand diligence de resister contre nous, & noslmes oncques entreprendre la hardiesse, & si est failly vaillamment depuis, il faut dire que c'est le plus vaillant & victorieux qui soit en ce monde. Si laisserent ce parlement, & Charlot print congé pour aller en sa tente, & chacun se departit. Si dist Charlemagne au departir. Or qu'on s'appareille pour luy liurer l'assaut demain au matin. Et ainsi chacū se recueillit chez soy: mais Charlot qui n'estoit pas assure de son giste, fist faire à son chamberlan deux couches, l'une bien parée, en laquelle il fist coucher vn tronc de bois, & luy toquer la teste comme à vn Prince l'autre qui n'estoit point parée il le coucha dedans.

Lors quand ce vint apres la minuit Ogier tout triste, & desconforté d'ainsi abandonner le chasteau, en regrettant derechef les nobles cheualiers du chasteau qui estoient morts, & principalement la mort de Boudouin, faillit du chasteau comme tout forcené, & laissa le chasteau tant bien garni & artillé, & disoit bien souuent à par soy, las chasteaufort, faut-il que ie t'abandonne, l'à où i'ay esté si a mon aise, & ay demeuré en si grand assurance, or cognois ie bien qu'incontinent que ie seray failly, Charlemagne qui ne m'ayme gueres te fera de tous points razer & demollir, & abbatre. Ha! la grand perte que ce sera, or est il à present force & contrainte que ie t'abandonne. Or faillit dehors, & fist le signe de la croix, en se recommandant à nostre Seigneur, auquel comāda son corps & son ame, si s'en partit monté sur Broiffort vne lance ferme & forte en la main, & auisa le Dragon qui estoit sur la tente de Charlot, si passa par vne poterne, & secrettement entra dedans, & vint dedans la tente, si vit les deux lits: car tousiours y auoit vn cierge allumé dont choisit le liēt paré où estoit le tronc de bois couché, & heurta deux fois de sa lance, si ne scauoit si c'estoit Charlot qu'il auoit tué ou non. Si getta le paillon par terre, & ainsi qu'il ouit l'ost qui se leuoit, & luy deuant & de brocher Broiffort des esperons. Et ainsi que Charlemagne l'ouyt tout le monde se mist à courir apres, les uns d'un costé les

les autres de l'autre: car pource qu'il faisoit vn peu brun, on ne sçauoit qu'elle part aller iusques à tant qu'il vint sur le iour. Et quand le iour fut apparu Ogier vit que Charlemagne approchoit de luy, si pensa de luy donner vn tour de lance, & le retourna & m'est en-couche. Ha! se dist Ogier faux & maudist Roy, ne cesseras-tu iamais de pourchasser ma mort, à ceste heure tu peux bien penser que la tienne est bien pres, & heurte Broiffort, si luy donna si grand secoullé qu'il rua homme & cheual par terre. Et adonc tira courtain son espee, dont il l'eust mis à mort n'eust esté le Due Naymes & les autres qui vindrent à flotter, & fut force qu'il tira auant: car quand Charlemagne fut remonté il eust atteint de bonne heure Ogier, si n'eust esté vne grand' riuere qu'il passa outre sus Broiffort, dont Charlemagne & son fils Charlot en furent quasi hors du sens: mais il suruint vn cheualier qui leur dist. Haa que faites vous? nous voulens auoir ce ribaut qui s'enfuit: ie vous enseigneray bien comme vous l'aurez cheuauchez icy au long & incontinent vous trouuerrez vn pont si serez au deuant de luy, si firent ils: mais il les auisa bien pres de luy, dont il fut moult esbahy, & ne sceut que faire fors de retourner de l'autre part en brochât Broiffort tellement qu'il gaigna vn port de mer où il se sauua en vne nauire qui s'en alloit en Turquie. Quand les François le virent entrer dedans, ils furent tous esperdus & dirent à Charlemagne. Mal auons exploité que ce glouton nous est ainsi eschappé. Certes dist Charlot, ce me fera chier vendu: car il ne cessera iamais tant qu'il m'aura trouué à l'esquart, de cela n'ayez nulle peur mon frere, dist Louys. Vous voyez qu'il s'enfuit de pais en pais, ie croy que iamais en France ne retournera. Adonc l'Empereur Charlemagne dist. Si cognois qu'aucuns de ses parens le recelle, par la foy que ie doy à mon createur ie le feray dolent toute sa vie. Et pourtant garde foy chacun de mesprendre.

*Comment Ogier le Dannois monta sur la mer, & comment Charlemagne s'en alla par deuant Chasteaufort, où il recueillist tout son ost pour s'en retourner en France.*

## CHAPITRE XXIX.



**O**R est le pauvre Ogier le Dannois monté sur mer, & s'en va vers Rome. Et le Roy Charlemagne s'en alla loger, en vne abbahye pour se raffreschir avec ses gens. Et le lendemain s'en allerent recueillir leur ost par deuant Chasteaufort, & allerent tous ensemble reuisiter ledit chasteau, & pour voir, & cognoistre facilement tout le secret d'iceluy chasteau, & les viures qu'Ogier le Dannois pouuoit encores bien auoir, & le nombre des gens d'armes, qui luy estoient bien demeurez, si furent dedans ledit chasteau à leur beau loisir, & y trouuerent tant seulement pour tous viures chair de cheual, dont les François, s'en esbayrent moult grandement. Et n'y eut celuy qui ne dist franchement. Haa! le grand dommage, que ce fut au Royaume de France, quand ce glouton Charlot par sa grand cruauté, & grande folie mist à mort Boudouin son fils, hélas! iamais tel meschef n'aduint en France: car orques puis tous les bons gens d'armes, ne cessèrent d'appetisser, & diminuer de iour en iour, & sont des plus vaillans morts, dont c'est grand dommage: car Ogier le Dannois tant qu'il eust vescu en France, iamais nully ne ce fut ingeré ne forcé d'y entrer par force, ny semblablement marcher sur la Chrestienté, Si fut ce dommage remonsté par plusieurs fois au Roy: mais il ne sçauoit qu'il deuoit dire. Et quand ils eurent tous rega dé la subtilité, habilité, force & bonne diligence, si le plaignoit chacun, & maudissent l'heure, & le iour que la fortune estoit aduenue à Charlot d'auoir occis son fils. Si s'en vouloyt retourner en France le Roy Charlemagne en France par tresgrand hastiueré, pour sçauoir des nouuelles: mais premier fist venir deuant soy les plus grands Barons de la cour, & specialement ceux qu'il sentit estre du lignage d'O-

gier, & leur fist iurer sur leur foy, & sur la damnation de leurs ames : que dorenavant où ils pourroyent trouuer ledit Ogier à leur aduantage, qu'ils seroyét tenus de toute leur puissance le prendre ou le faire prendre, & de l'amener en France: siné luy faire à sçauoir, & qu'ils ne le soustiendroyent en leurs chasteaux, n'en quelque lieu que ce fut, qu'incontinent ne le fissent sçauoir pour leur descharge. Aquoy nulli n'en fust refusant : mais le iurerent franchement, dont depuis aucuns se repentirent grandement, comme vous orrez cy apres. Le serment & la reuissitation faite du chasteau, Charlemagne se partit pour retourner à Paris: & Charlot & Loys s'en allerent par vn austre chemin. Or sont ainsi partis les François, comme vous auez ouy. Si fut par le Roy Charlemagne cōmandé à l'Archeuesque Turpin, qu'il allast en ambassade à Rome par deuers le Pape pour aucuns affaires, dont il luy donna charge, & ne suiuit pas l'ost : mais departit avec peu de gens, & cheuaucherent par le pais de Lombardie. Et quand vint à approcher les limites de Rome, se voulurent vn petit rafraeschir, & cheuaucher à petites iournees : car long temps y auoit qu'ils n'auoyent reposé à leur aise : Si auoit enuoyé querir le Roy, l'Abbé de saint Faron de Meaux, pource qu'il estoit sage & discret, pour accompagner ledit Archeuesque, & s'assemblerent dela les monies.

Or retourneray à Ogier qui ne fist pas si grand chemin comme il cuidoit, & descendit plustost à terie qu'il ne pensoit : car tousiours auoit peur d'estre suiuy, si se mist bié à trois ou quatre iournee de Rome. Et ainsi qu'il fut pres d'Yuoire, il trouua la belle riuieré d'un costé, & la belle fontaine de l'autre, & luy las, & trauillé se print à regarder la beauté du pays, & la verdure & la frescheur de la belle fontaine, si fut contraint de descendre incontinent : & son cheual qui de tout le iour n'auoit mangé luy aualla la bride & le mist à la verdure, & luy se mist deüssous vn arbre, & mist son heaume d'un costé, & son escu de l'autre, & de trauail, soucy, & melancolie fut contraint de reposer & dormir. Mais ainsi que l'Archeuesque Turpin, d'adventure, passoit par le chemin, il print appetit à l'escuyer de l'Archeuesque, d'un peu lauer sa bouche à celle fontaine, & quand il fut pres de ladite fontaine, si aduisa Ogier, & fut tout esbahy, & tant que le sang luy esmeut tout. Pais vit apres le cheual Broiffort qui païssoit l'herbe. Adonc s'en retourna à l'Archeuesque son mistre, & luy dist. Monseigneur voulez vous voir vne belle prinse : & comme il dist l'Archeuesque, ie vous monstreray, dist l'escuyer Ogier le Dannois endormi sous vn arbre deuant la fontaine, & a son heaume d'un costé, & son escu de l'autre. Alors l'Archeuesque fut moult doulent pour le serment qu'il auoit fait à Charlemagne, & tant qu'onceques plus n'aima l'escuyer: mais le ietta hors d'avec soy : car force estoit à l'Archeuesque, puis que tant de gens le sçauoyent, d'y mettre la main. Si dist à l'Abbé de Saint Faron, monseigneur l'Abbé que vous semble, vous sçauéz que nous sommes d'Eglise, & ne deuons pas estre cause de la mort à nully, d'autre part ie suis vn des Pairs de France, qui ay fait sermēt au Roy de luy fidellemēt garder son bié, son hōneur & son profit, & le preseruer de tout peril, dommage & esclandre. Et qui pis est me fist iurer à son departement dedans Chasteaufort, de non iamais celer Ogier: mais qu'en lieux aduérageux, où le pourray trouuer, seray tenu de le prendre, & le luy mener. Si ne sçay que s'en dois faire. Adonc l'Abbé de saint Faron luy dist, Helas! Sire, s'il est de vostre bon gré laissons dormir Ogier: car ie le cognois si fort & si outrageux que nous ne serions ia ioyeux de son resueil : car par ma foy il nous mettra tous à mort, & s'il ne nous tue à ceste heure, quel que autrefois nous pourra rencontrer. Si aduiserent entre eux que si Charlemagne le sceuoit vne fois que volontiers ne le laisseroit eschapper. Alors dist vn Moine dudit Abbé que l'un prendroit son heaume, l'autre son escu, l'autre montera sur son chenel, & l'autre luy tirera son espee. C'est tresbien dist, se dist l'Archeuesque Turpin, ainsi soit fait: car mal leur moyen ie ne sçay.

*Comment Ogier le Dannois fut prins en dormant, pres d'une fontaine, par l'Archeuesque Turpin, & mené à Reims, là où il fut prisonnier iusques à ce qu'il fut deliuré, pour combattre un terrible Geant nommé Bruhier.*

## CHAPITRE XXX.



Donques le conseil prins du tout deliberé, l'un print son cheual, l'autre son heaume, l'autre son escu, & l'autre son espee. Et quand chacun fut saisy de son cas. Alors vindrent assaillir Ogier fort & vaillamment, & quand il cuida prendre son espee & tous ses habillemens, fut plus esbahy que deuant, & à lors ne sceut que faire sinon de courir à son cheual broiffit: mais plus ne le veit aupres de luy, dôt ne sceut que faire, fors qu'il trouua vn Moyne à qui il donna si grand coup de poing, qu'il le ietta par terre mort, & print la selle de son cheual. Si n'y auoit si hardy qui osast approcher de luy, & tant que la selle luy dura entre les mains, si s'en deffedit merueilleusement. Si aduifa l'Archeuesque Turpin, & luy dist. Ha! Archeuesque Turpin, mal fuste vous oncques engendré, vous estes mon cousin: mais iedoute que le lignage faudra à ceste heure. Adonc Ogier, voyant qu'il n'auoit plus que les estriers il se deffendoit, cuida monter sur vn cheual: mais l'on luy destourna la iambe, & fut renuersé par terre, si fut prins & lié, & d'adventure passoit par là vn chevalier qui l'alla dire à Charlemagne.

Tant cheuaucha l'archeuesque Turpin, & Ogier le Dannois, & l'Abbé de saint Faron de Meaux, & tous leurs gens qu'ils arriuerent à Reims, & ledit chevalier est arriué en la ville de Paris, chez le Roy Charlemagne qui tenoit les estats, & quand Charlemagne fut leu de son siege, si le vint saluer, en disant. Sire ie vous saluë de par l'Archeuesque Turpin, lequel pour vous aliger de tous courroux vous amaine Ogier, qu'il a prins du costé de la riuiere d'Yuoire par grand subtilité, & luy compta comme de la selle d'un cheual il s'estoit si longuement deffendu, & aussi comme d'un coup de poing il auoit abbatu vn Moyne de dessus son cheual mort, & que plusieurs de la selle & des estriers auoit abbatus mort par terre. Adonc luy demanda où estoit l'Archeuesque. Et le chevalier luy respondit, qu'il pouuoit bien estre à Reims. Si luy enchargea le Roy qu'il allast hastiement dire à l'Archeuesque qu'il vint parler à luy, & qu'il luy amenast Ogier: car incontinent luy feroit trancher la teste, & le feroit pendre à Montfaucon, ainsi que pieça luy auoit promis. Lors se partit le chevalier pour aller à Reims. Et ce pendant Charlot qui la matiere auoit entendu, dist au Roy. Monseigneur mon pere, ie vous prie qu'il vous plaise prendre le pauvre Ogier à mercy, de qui ie tiens grand tort de luy auoir sans cause & sans raison occis & mis à mort son enfant que tant aimoit: & confidez, Sire, que qui m'auroit tué en telle maniere, si vous scauriez tenir sans prendre vengeance: pourtant vous prie de techief, & supplie tant humblement comme ie puis, qu'il vous plaise faire appointement avecques soy, luy qui est le miroiër & l'exemple de toute cheualerie: l'honneur des preux, la louange des nobles, & le plus digne d'honorable recordation qu'on sçache en tout le monde. Car aduisez d'Alexandre le grand, Artus de Bretaigne, Iudas Machabeus, Hector de Troye, & Lancelot du Lac, encôre n'aurez leu de nul d'eux qui ait fait approche de la quarte partie des vaillances qu'il a desia faites. Or aduisez qu'il vient encore sur la force quelles vaillances il pourra faire le temps aduenir. Mais il ne si pouuoit consentir à cause du nepueu de la Roïne que tant aimoit, qu'il auoit tué & les deux bons pelerins: Miles & Amis. Si conclud que iamais n'en auroit pitié ny mercy, & dist qu'il auroit raison pourquoy: car plusieurs fois s'estoit efforé de le mettre à mort, & qu'il n'auoit point tenu à luy. Parquoy dist à son filz Charlot que iamais ne luy en parlaist.

Quand le cheualier fut à Reims il salua l'Archeuesque, & luy dist, monseigneur le Roy se recommande à vous, & vous mande qu'alliez parler à luy, & luy menez Ogier. l'iray volontiers dist l'Archeuesque, si fist habiller six bons hommes d'armes & cinquante archiers, si se partit: mais premier fist apporter l'espee d'Ogier & encharges à son chamberlan de la garder expressement, & son cheual pource qu'il estoit grand & fort, fut mis à charier & trainer la pierre de l'Eglise où il demeura par l'espace de sept ans. Apres ce fist l'Archeuesque s'en alla par deuers le Roy & le salua hautement. Et le Roy luy demanda comme il se portoit, & il luy dist que tresbien la sienne grace, si luy print à compter comment il auoit prins Ogier le Dannois, & luy dist. Sire, il est bien vray, & sçay de vray qu'on le vous a dit. Car tout ainsi que j'alois à Rome pour parfaire mon voyage pres de la riuere de Rome, ie le trouuay endormi, & n'eust esté la tromperie que nous luy fîmes, il nous eust prou donné d'affaire. Je n'ay point de souuenance que pour homme humain ie puisse iamais parler d'un séblable: mais toutesfois ie l'ay amené & est en mes prisons bien estroittement enfermé. Ce dist Charlemagne maintenant le conuient auoir pour véger la vergongneuse honte qu'il nous a faite deuant Chasteaufort: car tout le monde en parle, & dit (ainsi qu'on m'a rapporté) s'il estoit necessaire un homme estre sept ans deuant vne place. Pour l'appaiser aussi tous les grands outrages qu'il a faits à tant de gens de bien: si veulx qu'on le face venir & qu'il ait la teste tranchee en ceste cité de Paris: & son corps sera pendu à Montfaucon: voila la sentence que j'en ordonne estre faite. Adonc respondit l'Archeuesque Turpin. Ha Sire, pardónez moy: car ie ne sçache homme au monde quel qu'il soit, que quand il voudroit faire mourir un de mes parens si vilainement, que pour vendre & aliener tout tant que j'ay vaillant, que ie n'en prinse cruelle vengeance, & iusques à l'oppositiõ du reliquaire de mon Eglise: car toute la lignee qui est moult grande en seroit deshonorée à tousiours mais: Mais, Sire ie vous diray, j'ay mes prisons bonnes & fortes, si seroit plus honorable de le faire mourir par indigence en prison qu'autrement: car parauanture il y a cent bons cheualiers en vostre cour qui volontiers employeroient leurs corps à sa deliurance, si dist Tierri. Sire, monseigneur l'Archeuesque parle bien: car à bien ramener toutes les choses à memoire, en commencement d'armes à apprins avecques vous, & vous a si fort exaucé en prouesse, & fait vostre nom tant redouter qu'au monde n'a Roy plus craint que vous, vous cognoissez les grands vaillances qu'il a fait pour vous contre vos ennemis infidelles & comme toute Romanie a mis en pacification: car sans son ayde impossible estoit de parfaire l'entreprise: pource l'opinion de l'Archeuesque me semble tresbonne. Ha dist Naimés, n'ayez ia le cœur si felon de vouloir mettre à mort celuy qui tant bien vous a serui: si loyaument aymé & si vaillamment entretenu: car homme ne sera par aduerture iamais trouué le pareil, & si le nom estoit commun par le Royaume qu'il fut mort, vous auriez vos ennemis infidelles chacun iour à vostre porte, & encore suis grandement esmerueillé que durant ces diuisions ils n'ont entrepris de marcher par deça. Si seroit meilleur & profitable de le faire mourir es prisons en luy baillant petit de viande, que sa gloire fust ainsi miserablement exterminée: nonobstant que ie n'aye cause nulle de luy pourchasser bien à l'occasion de la mort de mon fils Bertrand, mais nature me fait condescendre à raison. Et tous les autres Barons dirent pareillement comme dessus.

Les nobles remonstrances ouyes par Charlemagne, il fut si pressé qu'il se cōsentit à l'ordonnance de l'assistance, & principalement de l'Archeuesque qui l'auoit cōquesté: & dist qu'il vouloit qu'il eust petite pension afin qu'il ne languist guerres. Je suis cōsent dit l'Archeuesque qu'il n'ait par iour qu'un quartier de pain: & vne tassa plaine de vin, & vne piece de chair. Et si vous dy bien, Sire: ce dist l'Archeuesque, que vous n'ayez quatre si grans limiers les plus affamez de toute vostre cour, que si fort mengeassent à deux repas, qu'il seroit bien à un, dont le Roy se contenta de son dist: & en furent tresioyeux les assistants. Si

furent grand' chere celle iournee pour l'amour des actions, qui auoyent esté faictes pour Ogier. Adonc l'Archeuesque s'en retourna pour ordonner la prison d'Ogier, & tenir promesse: car en faisant l'appointement luy fut enchargé de rendre contesfois qu'il plairra au Roy de l'auoir, & de non faillir iamais sans son consentement. Lesquel'es choses il tint iusques à la fin, que vous orrez quand il viendra à point. Puis l'Archeuesque print congé de Charlemagne, & de la Baroniaie: & s'en retourna à Reims pour voir son prisonnier Ogier. Et luy retourné fist faire vne chambre pour Ogier, qui estoit secrette, & fist meurer tout autour de muraille haute: & cela faict l'Archeuesque fist venir Ogier le Dannois deuers luy & luy dist. Beau cousin, vous sçauiez comme vous auez fort mesprins deuers Charlemagne, & les grandes peines que vous luy auez faict endurer. Si a esté toute la Baroniaie, & moy pour vous: car en effect le Roy n'auoit autre deliberation fors de vous faire mourir à deshonneur, & honte: mais tant auons faict à l'ayde de nos bons amis qu'il vous a laissé en ma charge, pourueu que ie ne vous donneisse qu'un quartier de pain pour iour, vne plaine tasse de vin, & vne piece de chair. Dont Ogier se trouua bien esbahy: mais l'Archeuesque luy dist qu'il estoit deliberé de faire cuire d'un septier de blé chacun pain, dont il auroit assez d'un quartier pour iour, vne tasse de vin, d'un septier, & la piece d'un mouton entiere. Ne fera ce pas assez. Si dist Ogier soit tout faict à vostre plaisir. Et vous tenez pour prison en ceste gente chambre, que ie vous ay faict faire, en me promettant non iamais en faillir sans ma licence. Ce qu'Ogier promist en la main de l'Archeuesque. Si le mena en la prison où il demeura l'espace de sept ans, ou enuiron, & souuent s'esbattoit avec luy aux eschets, & aussi souuent le menoit disner avecques luy. Ces choses furent ainsi un espace de temps, & pour la grand' pitié que les Barons auoyent d'Ogier vindrent un iour par deuers Charlemagne, & parla premier Girard de Roussillon. Sire, vous sçauiez que ia long temps auez tenu mon oncle prisonnier. Si c'estoit de vostre bon plaisir luy donner deliurance pleniere, il me semble que feriez bien, & que vous fassiez aucū bon appointement. Adonc dist le Roy Charlemagne. Qui vous faict parler d'Ogier. Par le Dieu en qui ie croy, ie ne sçache homme n'enfant en ma cour que s'il me venoit parler de luy, que ie ne luy fisse trancher la teste. Et est mon edict. Lequel il commanda estre publié parmi la ville de Paris, & fut crié qu'on ne parlast plus du prisonnier Ogier le Dannois en nulle maniere, dont apres le cry nul ne fut si hardy d'en parler en bien ne en mal. Parquoy le monde estoit moult esbahy, & presumoit-on mieux qu'il fut mort que vis. Qui eust esté un tres grand dommage pour le royaume de France comme vous oyez cy apres.

*Comment le grand Bruhier Roy de Babylonne cuidant qu'Ogier le Dannois fut mort s'en vint en France pour la destruire, accompagné de trense Roys Sarrazins, & quinze Admiraux.*

## CHAPITRE XXXI.

**L** conuient parler du Soudan Bruhier, qui auoit enuoyé en France, deux espies pour enquerre du gouuernement du Royaume, & principalement si Ogier le Dannois estoit encores en vie. Si entendirent les espies tant à Paris comme à Reims qu'il estoit mort. Si s'en retournerent faire leur message. Et ainsi qu'ils sont arriuez outre mer, si dirent au Roy Bruhier. Sire nous venons de là où vous nous auez enuoyez: mais il n'y a autre nouvelles sinon qu'Ogier le Dannois est mort. Et un iour que nous estions à Paris, Charlemagne fit crier que nul si hardi, ne fust de parler d'Ogier le Dannois, sur peine de confiscation de corps, & de biens. Adonc le Roy Bruhier fut tresioyeux de telles nouvelles, & dit par son dieu Mahô, qu'il s'en vouloit aller en France pour le faire couronner



Roy, & mettre Charlemagne à martyre. Or estoit ce Bruhier, haut de quinze pieds, & fort à l'aueuant. Si fist assembler le iour saint Iean Baptiste, plusieurs Roys, & Admiraux Sarrazins. Et ledict Bruhier estant en chaire selon leur mode, dist à Iustamont son frere, & à Isore son fils, & à plusieurs autres Roys, Admiraux, & autres grands Princes, & gneurs, il y a ia long temps que l'aouye delibere d'aller en France, & me faire couronner Roy, & mettre à martyre Charlemagne, qui tant de maux nous a fait, & tous les Chrétiens : grands & petits destruire, & brusler aussi leurs Eglises. Et ce pouons nous bien faire maintenant : car i'ay arregaidé par art magique ou nigromance, que nullement ie ne puis mourir, fors par la main d'Ogier le Dannois. Et i'ay entendu pour vray que ledict Ogier est mort : car Charlemagne la fait mourir en ses prisons. Il nous faut aller venger la mort de nostre oncle Brunamont. Or fus seigneurs qu'en dites vous ? Sire, respondit le Roy Carahu, & si le Roy Charlemagne a fait mourir ledict Ogier, nul bien ne luy en peut venir : car autre chevalier vaillant n'a qui le puisse secourir. Et s'il est ainsi ie végeray la mort. Et là estoit Golaffie qui les prescha en leur loy bien vne heure. Alors se partirét, & s'en retournerent chacun faire habiller son harnois, & gens. Et cependant on fist apprester nauires & galeres, tant que toute la mer en estoit couverte. Et apres que tout fut appresté chacun vint apprestant son ost vers la mer d'Inde, où là se trouuerent trente Roys Sarrazins, & quinze Admiraux, tant qu'ils estoient bien trois cens mille combattans, & le Soudan Bruhier, Iustamont son frere, & Isore son fils, lequel fist porter trois de leurs dieux d'or pour leur deffence, c'est à sçauoir Mahon, Mercure, & Baraton. Puis il y fut ledit Roy Carahu, lequel fut esleu pour porter la bannière Sarrazine, comme le plus vaillant de tous. Si se mirent sur mer en grand triomphe, & plaighoist fort le Roy Carahu, la mort de son ami Ogier, disant que s'il se fust adressé vers luy au temps qu'il estoit en diuision avec le Roy Charlemagne, qui luy eust aidé de cent mille combatans.



*Comment les Payens prindrent terre es marches d'Allemagne, & comment ils bruslerent tout le pays, & les hommes, femmes & enfans mirent à leste.*

## CHAPITRE XXXII.



Pres que les Payens eurent longuement nagé, s'en vindront prendre terre sur les marches d'Allemagne où ils bruslerent villes, villages & chasteaux: car ils estoient si grand nombre de gens, que la mer estoit toute couuverte. Car en la cōpagnie estoient trente Roys Payens, & vingt Admiraux, c'est à sçauoir le Soudan de Babylonie, le Roy Iustamont son frere, & Isore fils du Soudan, Carahou Roy d'Inde la Major & s'amie Gloriande, & semblablement l'Accabiaux & le Roy d'Occanie & le Roy Turpin, & le Sire d'Iuoire, & aussi le maistre des Payens, nommé Golaffre, lesquels ainsi destruisant le pays, arriuerēt en la ville de Coulongne là où ils furent bien escarmouchez de la part des Chrestiens. Mais le lendemain ils prindrent leur Roy, & firent vne croix là où ils le crucifierent en despitant Iesus-Christ, & luy percerent le costé, & le firent tout courir de traict. Si leuerent le siege, & gaignerent le pays tant qu'ils passerent le Rim & allerent au Liege, & tourmentoyent moult les Chrestiens. Pais ce voyant le Duc d'Ardaue que son pays estoit ia degasté, il monta à cheual pour aller dire les nouuelles à Charlemagne, & luy conta comment ils estoient descendu sur les costes d'Allemagne, où ils auoyēt gasté tout le pays, & puis auoyent prins le Roy de Coulongne, & en despit de Iesus-Christ l'auoyent crucifié, & l'auoyent frappé d'une lance au costé, & si firent environner tout son corps de traicts. Adonc Charlemagne se trouua moult esbahy. Si manda incontinent tous les vassaux de son royaume que chacun sans heure ne terme se trouuaist à Paris, sur peine de confiscation de corps & de biens, & qu'il luy estoit surueni vn moult grand affaire, ce qui fut fait, & vindrent tous, & eux venus le Roy leur declaira le cas comment les Payens auoyent mis tout le pays à feu & sang, & en despit de Dieu auoyent crucifié le Roy Ansoys. Et le Duc Thierry en a apporté les nouuelles, & sont desjà entré au Liege. Si fait marcher l'ost.

Les Payens venans en France en destruisant le pays s'approchoyent de Laon: mais Charlemagne y artina qu'incontinent fist reparer, & renforcer la ville, & fist apprester ses gens & faire bon guet aut & bas, & furent faites les monstres des Chrestiens dedans ledict Laon, & se trouuerent bien cent mille combattans qui estoient bien peu enuers les Payens, toutesfois ils estoient gens de fait qui auoyent bon desir, & affection de deffendre la loy Chrestienne. Or vint le Roy Bruhier deuant la ville de Laon en vne loge qu'il fist faire de fueilles. Et incontinent dist à vn de ses gés Va moy dire à ce gloutō de Charlemagne qu'il m'enuoye dix de ses Cheualiers pour iouster cōtre moy, & si par les cheualiers ie me trouue vaincu ie leueray mon ost, & m'en iray sans faire dommage à nul: sinon ie le feray mourir de male mort, & destruiray toute la Chrestienté. Alots le messager print vne branche d'Oliuier en signe de paix, & s'en vint deuant la ville de Laon, crier en son langage qu'il vouloit parler à Charlemagne, & qu'on luy ouurist la porte. Adonc eut là vn truchement qui l'entendit, & l'alla dire au Roy. Sire, dist ledict truchement. Il est venu vn cheualier deuant le bouleuare qui dit en son langage, qu'il luy ouure la porte, & qu'il veut parler à vous. Charlemagne dist qu'on luy ouure la porte, & si sçaura on qu'il veut dire. Adonc on luy ouurit la porte, & si tost qu'il fut entré, le truchement le mena deuers le Roy Charlemagne. Et quand il fut deuant luy il faignoît ne sçauoir parler François: mais le truchement qu'autresfois l'auoit veu en France le descela: car luy mesme estoit truchement. Si salua le Roy, & toute la baronnie, & voulut parler son langage Barbarisque: mais le Roy Charlemagne luy dist qu'il parlast François: ou qu'il luy baillast par escrit. Lors le

messager parla bon François, & luy dist. Sire le Roy Bruhier Soudan de Babylonne, vous mande de par moy, qu'incontinent vous luy esuoyez dix hommes des meilleurs qu'avez en vo're cour pour batailler contre lui: & si par eux se trouue vaincu, si il leuera son ost & s'en yra: & s'il les peut vaincre il vous deposedera de vostre royaume. Lors Charlemagne interroqua le messager, quel l'homme c'estoit que le Soudan Bruhier. C'est le plus merueilleux homme que vous vistes oncques, dist le messager: car il a bien quinze pie's de long: & a les yeux rouges comme charbons: & a entre les deux yeux vn grand pied d'espace. Il faut bien a l'egalité qu'il ait la teste bien grosse. Il a les bras tous nerfs, & a le point si dur, & si massif que vous n'avez coursier si tresgrād ne si tresfort que d'un coup de poing ne vous ruast par terre: & les dents luy saillent de deux doigts hors de la bouche: & a la barbe iusques à la ceinture: & ne doute nul homme de ce monde: sinon cestuy que vous au'z fait mourir dans vos prisons, que l'on rōmoit Ogier le Dannois! Ha, se dist le Roy prenez ce ritaut & le mettez par pieces: car il a rompu mon edit. Si fut puins, & mis à mort, & par vn engin ietté hors de la ville deuant l'ost des Sarrazins. Si fist l'Empereur Charlemagne armer tout son ost, & fist ouvrir les portes de ladicte ville, & sonner trompettes & clairons, & saillit l'Empereur Charlemagne en grand triomphe accompagné des douze Pairs de France. Et le Roy Iustamont vn fier Payen vint au Roy Bruhier, & luy dist, Leuez, sus, & gardez l'aduantgarde: les François saillent en grand puissance. Je voy bien que nous aurons vn grand assaut.

*Comment Charlemagne saillit de la ville de Laon, accompagné des François, pour assaillir les Payens, & Sarrazins: & y eut une merueilleuse bataille, tant que le Roy Carahen fut prins prisonnier des François.*

### CHAPITRE XXXIII.



Donc se leua Bruhier, & fist-on sonner les trōpettes si impetueusement que l'air en retentissoit, & à tant furent assemblees les batailles de toutes parts. Et quād Charlemagne vit saillir tant de bannieres de la partie des Payens, si en fut tout esmerueille, & là estoit le Roy Carahen qui alloit prendre congé de sa femme la belle Gloriande. Et quand elle vit Carahen en point pres d'entrer en bataille, si luy dist. Sur toute l'amour que vous m'aymez je vous prie que l'aye le faux Charlemagne, afin de le mettre en mes prisons, où assez luy feray endurer de peine vengeance la mort d'Ogier le Dannois, ce qui luy promist. Et pareillement iura ledit Carahen à Bruhier de le mettre à mort, ou le tenir prisonnier en vengeance son amy Ogier. Or auoit ledit Carahen en sa charge cent mille combatans, & estoit Rubion sus vn Elephant, & portoit l'estendart. Et le Roy Iustamont estoit d'une autre part qui descendoit accompagné de cinquante mille Turcs. Lors se mist le Roy Bruhier à l'auantgarde avec cinquante mille Turcs, dont il y auoit cinquante Roys. Adonc quand Charlemagne vit la compagnie des Sarrazins si grande, si fut moult esbahy, & pria Dieu qui ne voulsist pas mettre en oubly la Chrestienté. A ces paroles vit l'ost des payens d'une part & d'autre, & dist au Duc Naymes, Haa! Naymes qui vit oncques si grand'armée, pour Dieu retournons arriere: car impossible seroit à nous de resister à l'encontre de ces infidelles maudits, retournons nous le plat deuers nous, au moins si nous sommes les plus foibles nous pourrons fuir iusques à Soissons. Si dist Naymes, c'est bien aduisé à vous, soit fait ainsi que vous l'avez dist. Lors les François de rengèrent pour gagner la montagne, afin que s'ils se trouuoyēt en danger qu'ils se puissent mettre à sauueté. Et quand les Payens virent que les François desmarchoyent: ils se prirent tous à crier. Or à eux: car la iournee est nostre: tous les Chrestiens sont ja desconfits sans coup ferir: car ils s'en fuyent.

Rubion

Rubion qui lors pourtoit l'estendart pour son oncle Carahen, eust bien voulu que son oncle & l'estendart eussent esté à tous les diables : car Rubion iamaïs n'auoit aimé Carahen, qu'estoit l'un des plus vaillans Turcs, selon la Loy que iamaïs fut veu parties d'Orient. Mais le traistre Rubion le faisoit pour l'amour de la belle Gloriande, dont il estoit si amoureux qu'il n'arrestoit en place : & le bon Carahen qu'estoit tant noble & loyal en sa loy, qu'on n'eust iamaïs trouué le pareil, ne s'en estoit iamaïs douté. Or n'auoit il plus d'heritier que luy : Si cognoissoit bien que s'il estoit iamaïs mort, le Roy Bruhier le couronneroit Roy, & n'attendoit que l'heure. Et pour entendre le cas, Carahen autresfois auoit fait promesse à Charlemagne (pource qu'il luy sauua la vie, quand par le moyen d'Ogier, Charlemagne eut conquis Rome) que iamaïs il ne feroit contre les Chrestiens & fideles : mais iamaïs ne l'auoit voulu declarer à homme. Si luy fut bien mal : oncques ne rua coup sur Chrestien ; & en receut mille d'espee & de lance, tousiours en ce deffendant, dont le Roy Rubion le sceut bien cognoistre en temps & lieu.

Carahen aduisant l'escu de Charlemagne entre les autres le recogneut, pource qu'il l'auoit veu à la guerre de Rome, parquoy fut bié deliberé de faire faits d'armes avec luy, non pas avec autre : car il ne vouloit pas faucher sa foy : mais seulement pour soy venger de la mort d'Ogier, & tant le chercha qu'à peine il n'auoit fors de trouuer lieu de rencôtre : il auoit la lance toute preste de luy liurer l'assaut s'il le pouuoit récontrer, & en lieu desconuert, Rubion qu'estoit aupres de son oncle Carahen ne luy faisoit que reprocher que ce n'estoit pas bien fait à luy ne vaillamment exploité son corps pour la loy Payenne, quand il ne faisoit fait d'armes sur les Chrestiens : car s'il eut voulu rompre sa foy il eut grandement greué la Chrestienté, ce qu'il ne fist pas, dont il respôdit à son nepueu. Haa ! beau nepueu ie le promis vne fois à Charlemagne que iamaïs ne m'armerois contre les Chrestiens : mais iamaïs ie ne l'ausay dire au Souda Bruhier, qu'aussi ne fait-il ja besoing, car il y a gens asses, toutesfois Rubion le sceut bien noter en son courage, neâtmoins Carahen estoit deliberé que s'il rencontroit Charlemagne pour la vengeance d'Ogier, de soy combattre à luy. Derechef Rubion dist en son courage qu'il ne cesseroit iusques à ce qu'il l'eust depossédé de son royaume, la bataille finie, & le faire mourir comme traistre, & qu'il espouseroit Gloriande. Carahen non pesant à nulle trahison n'aussi au faux & maudit pensement de son nepueu Rubion, crie tousiours parmi la bataille. Où est ce maudit glouton Charlemagne, lequel a fait mourir si très-crûellement mon bon compagnon & amy Ogier le Danois, ne le rencontreray-je point. Forte fut la bataille d'un costé & d'autre car de Payens y auoit si très-grand nombre que toute la terre en estoit couuerte, pensez quels chaplis il y auoit, or sont les batailles meslees si qu'on ne pouuoit pas choisir à son aduantage son ennemy : car le Soudan Bruhier menoit telle tempeste que c'estoit vne merueilleuse chose, neantmoins Carahen crioit, ne trouueray ie point ce selon Charlemagne pour venger la mort du noble Ogier le Danois. Charlemagne le regarda & dist. Haa ! faux Payen, parles-tu de luy. Et quand Carahen l'apperçeut si broché des esperons son cheual & firent vne grande rencontre, tellement que Carahen rompit sa lance, & Charlemagne tint sa lance si ferme qu'il rua homme & cheual par terre qui fut vn très-grand coup. Alors Charlemagne cria à haute voix : Sus seigneurs que faites vous, saisissez ce maudit Payen, il fut prins & mené à Laon par cinquante chevaliers. Et Rubion jetta l'enseigne par terre, & voulut prestement alier accuser Carahen de trahison à Bruhier : mais Charlemagne faisant retirer ses gens de peur de l'arrière garde des Payens : se sont vaillamment retirez dedans la cité. Les Payens aussi dedans leurs tentes, par le moyen de Rubion, dont Bruhier cuida enragier : & pour faire sa paix & venir au dessus de sa trahison vint à Bruhier, & à Iustamont & à Isore, & leur dist. Seigneurs entendez la trahison que nous a fait Carahen mon oncle, & comment donc se dist Bruhier : vous

avez meschammét besongné vous autres qui avez la fleur des batailles, par ma foy dist-il, ie cognois que vous estes trop lasches, & avez donné occasion aux Chrestiens qui tant peu de gens estoient de faire la poursuite contré nous, & n'avez pas bien fait. Sire dist Rubion ne fût par moy. Et que fistes vous de mon enseigne dist Bruhier. Par ma foy dist-il. Sire, ie le vous diray. Il est vray, que quād Carahu mon oncle fut en bataille, il ne donna oncques coup d'espee: mais quand ie luy disois qu'il n'employoit autremét son corps en la bataille, & qu'il seroit cause que nous prendrions la fuite si cherchoit tousiours Charlemagne pour iouster à luy: mais quād il le vit il ietta à terre vostre enseigne & se rendit avec luy, & est allé à la ville de Laon pour se faire baptizer. Cōment se dist Iustamont seroit il bien si hors du sens luy qu'à laissé la belle Glorinde par deçà, la personne qu'il aime au monde le mieux. Si respondit Rubion, Il faut qu'elle luy ait fait quelque desplaisir. Parquoy Bruhier fist assembler le conseil. Si retourne à la prise de Carahu: car le Roy Iustamont le vit prendre, & quand il vit qu'il fut rué par terre, il choisit le Duc Thierry d'Ardaïne & à la chaude luy donna si grād coup de lance qu'il le rua par terre, & lors fust prins avecques trente cheualiers qu'ils emmenerent avecques le Duc Thierry.

Charlemagne retourné dans la ville de Laon, assēbla les douze pairs de France & toute la seigneurie. Et puis a fait amener Carahu deuant luy, pour luy faire trancher la teste, ce que le conseil ne voulut iamais souffrir, quand Carahu fut venu: & le conseil assēblé. Si dist Charlemagne audit Carahu. Venez ça faux & maudit glouton, comme avez vous esté si hardi & si fol de faucher vostre foy. Vous sçavez bien qu'à Rome vous ptomistes que iamais vous ne vous armeriez encontre les Chrestiens, n'y ne presteriez ayde ne secours pour leur faire guerre. Sçavez que vilainement vous feray mourir. Roy François dist Carahu, vous ne l'oseriez auoir entrepris. Car si vous l'auiez fait, ie ne cognois pas Bruhier si lasche qu'il ne vous en fist repentir mille fois, & si vous iure que si les petits enfans de l'age de sept ans en pouuoient eschapper de ceste guerre, que toute leur vie auroient cause de plorer la vengeance de moy: car ie ne dis point auoir faillý, ne pour les Chrestiens, n'encontre eux ne me suis point armé: mais tant seulement pour venger la mort de mon compagnon & bien aimé, Ogier le Dannois. Lors que Charlemagne l'eust ouy nommer, il commença derechef à crier: Ha! bon gré en ait Dieu. Otez moy ce faux glouton Payen, & le mettrés tost à mort: car derechef il a transgressé mon edit. Si veux qu'incontinent soit mis par pieces, & voyla la sentence que l'en ordonne. Hola, Sire! dit Gerard le fils du Duc Thierry de Dordōne, vous cognoissez bien que monseigneur mon pere en vostre seruice a esté prins, lequel est en moult grand dāger ie vous prie au nom de la Passion de nostre Seigneur Iesus-Christ auoir de luy mercy. Or ne me parlez plus de cela dist Charlemagne: car en effect puis que la sentence est donnée ie veux qu'il passe le pas. Or ce dist le Duc Naymes ne faites pas chose à la chaude: dequoy vous vous repentiez apres, si le me laissez entre mes mains, ie le garderay, puis par le conseil sera delibéré ce que nous en deurons faire.

De l'autre partie, c'est assauoir en l'ost des Payens auoit vn grād debat touchant la trahison, dont Carahu estoit accusé par Rubion son nepueu. Si vint derechef ledit Rubion à Bruhier accompagné de cinq ou de six Roys Payés qu'il auoit subornez, & luy dist. Sire Roy Bruhier, vous cognoissez assez le Roy Carahu mon oncle coupable, quand il s'en est allé rendre à nostre partie aduerse l'Empereur Charlemagne, & qu'en l'estour de la bataille n'a auourd'huy frappé coup: car de pieça leur auoit promis. Vous sçavez que ie suis son nepueu & seul heritier, si m'en dōnez à present la courōne & domination, les autres Roys dirēt, Sire Bruhier vous le pouuez faire: car il vous a tousiours biē serui iusques à maintenant ce qu'il fist: mais ce royaume ne luy dura guieres ainsi que vous orrez cy apres. Or est-il ainsi qu'il fut couronné Roy, & s'en alla au pauillō de Carahu son oncle,

& s'appuya sur son liest, & fist appeller la belle Gloriande, & incontinent qu'elle fut venue comme toute mal contente des dures nouvelles qu'elle auoit entendues de Carahen, si lui dist Rubion. Dame Gloriande puis qu'il a pleu au Roy Bruhier de sa grace me couronner Roy d'Inde la Majour que mon oncle possedoit. Je n'entends point que vous en diminuez vostre estat ne vostre train : mais vostre party aurez comme moy & en demeurerez Roynne comme parauant si c'est vostre plaisir. Vous cognoissez que ia pieça vous eusse prie d'amour ce n'eust esté de la peur de la fureur de mon oncle : parquoy à present me voyant Roy pacifique vous presente la moitié de ma couronne. Et ainsi qu'il se voulut auancer de la baiser elle se recula : car elle auoit bien le courage autre part. Si dist à Rubion laissez moy en paix : car la chose va bien autrement que vous ne pensez. Detechef Rubion la voulut baiser à force, & elle leue son bras & luy abbatit deux dents. Or vint la nuit & n'en osa le Roy Rubion faire nul semblant : mais dist à soy mesmes. Puis qu'autre appointement ne pouuoit faire qu'il s'en chamoieroit bien autrement deuant qu'il fust nuit & iours passez. A celle heure la belle Gloriande accompagnée de deux de ses damoiselles, alla deuant la ville pour voir s'ils verroyent personne pour conter à Carahen le malheur qui luy estoit aduenu par son nepueu Rubion, & y furent toute la nuit sans rien faire. Et du matin ainsi que Rubion l'auoit espice vint à elle accompagné de ses gens, & la mena à Bruhier en disant. Sire, aduisez comme vous vous deuez fier au Roy Carahen, or cognoissez à present que la trahison est à ceste heure manifestee : car comme i'estoye aux escoutes pres de la ville, ie la trouuay qu'elle attendoit à la porte pour soy faire baptizer, & pour soy rendre avec le Roy Carahen, elle ne scauroit dire le contraire. Ha faux & maudit traistre, sauf l'honneur du Roy Bruhier, il n'est pas vray, mais hier au soir il vint à mon paüllé & me voulut forcer dont ie me deffendis & luy abbatist de mon poing deux dents, c'est pourquoy il me mist ecla dessus. Tout ce que i'ay dist dit Rubion, ie le maintiendray pour verité. Ha maudite Gloriande dist Bruhier, as tu fait ceste grand folle, par mon dieu Mahon, vous en serez arsee & bruslee publiquement, & les faux Chrestiens seront tous pendus avec vous, pour vous tenir compagnie. Lors fist faire les apprests pour en faire iustice apres disner.

Finablement s'en partit vne espie de là où estoit le siege des Payens, lequel auoit esté transmis de par le Duc Naimet, & par Gerard le fils du Duc Thierry, lequel auoit entendu qu'ils deuoyent incontinent faire pendre les Chrestiens, pource il dist à Charlemagne. Sire voulez vous secourir Thierry & les trente cheualiers qui sont es mains des Payens, faites armer vos gens : car toutes les iustices sont leuees, pour apres disner les attacher sans point de faute. Et comment les scais tu, dist Charlemagne, enuoyez dist l'espie quelqu'un sur le mur & on les verra bien, & moy mesme en ay veu donner la sentence. Adonc fut Charlemagne grandement courroucé, & dist au Duc Naimet qu'on fist crier l'assaut & que chacun y fust incontinent : mais Naimet le conseilla sagement & sans aucun dommage. Sire, vous auez le Roy Carahen prisonnier, rendez le franchement aux Payens, & ie scay de vray que tous vos gens seront rendus. Ha dist Charlemagne, vous m'en ferez faire vne grande villennie : car il a rompu mon edict, dont la sentence & delia donnée, si ne le puis faire. Ha dist Naimet faites ainsi que ie vous dis, ou mal vous en viendra. Vous cognoissez que Carahen n'a point rompu vostre edict, ie vous en diray la cause : car il ne scauoit pas la deffence que vous auez faite, & d'autre part il n'est pas Chrestien. Prenez vous pour homme vne creature qui n'est point baptizé, ie ne le repete point homme, & pource il n'est pas digne de mort. Comme se fera ocy dist Charlemagne. Vous renuoyerez le Roy Carahen sur sa foy, & en cas que Bruhier ne deliure les Chrestiens, il retournera tenir la prison ainsi comme il a autrefois fait. Si fist Charlemagne venir Carahen & sur sa foy luy fist promettre d'accomplir les choses dessus dites. Ce qu'il promist & certainement accompli : mais au departir dist à Charlemagne. Gardez vous de moy, car si ie vous

rencontre vne fois, ie ne veux auoir affaire qu'à vous. Et adonc se partit le bon Roy Carahen, & quand il fut arriué en l'ost des Payens il trouua les Chrestiens qui estoient de genoux prians Iesus Christ qu'il leur fut en ayde & secours. Et aussi la belle Gloriande estoit aupres du feu, en chemise, si prioit son Dieu Mahon qu'il eut pitié d'elle. Et sur ce point vint & arriua Carahen qu'encores rien ne scauoit de la grande trahison que son neveu le Roy Rubion luy auoit faicte & pourchassée. Et incontinent qu'il vist Gloriande si la fist reuetir, & semblablement les cheualiers, & vint deuant le Roy Bruhier, & dist Sire, qu'est-ce que vous voulez faire de madame Gloriande, & de ces cheualiers Chrestiens? Dea Carahen, dist Bruhier, i'auoye entendu que vous en estiez allé en la ville de Baon pour vous faire baptizer. Qui est ce qu'à dist ces paroles? C'est Rubion vostre neveu, pourquoy luy ay donné vostre royaume, & faict heritier de toutes vos torres & seigneuries. De cela suis innocent dist Carahen: car le Roy Iustamont estoit present quand Charlemagne m'abatit à coup de lance, & fut prins & mené de cinquante cheualiers, & me deuoit faire prendre deuant qu'il beust ne mangeast. Et fut accordé premierement qu'il estoit de vostre vouloir de renvoyer tous les prisonniers que vous tenez qu'il estoit content de me renouer.

*Comment Carahen vainquit en champ de bataille son neveu le Roy Rubion, qui l'auoit accusé de trahison & fut vaincu par le dict Carahen.*

### CHAPITRE XXXIIII.

**A**DONC respondit Bruhier, i'an suis content, pourueu que vous vous vueillez combattre pour celle trahison dont vous avez esté accusé, & Gloriande aussi: Vrayement dist Carahen voicy que ie feray. Je l'entreprendray par telle condition & maniere que si ie suis vaincu, moy & tous les Chrestiens seront pendus, & la belle Gloriande bruslée. Et si Rubion est vaincu, seul sera pendu. Et ie l'accepte dist Bruhier. Or fut le champ ordonné, & tous deux s'allerent armer, & puis furent conduis au champ mais Rubion eust volontiers renoncé à son entreprise s'il eust osé: mais il estoit bien tard. Et cependant que les iustes s'assemblerent Charlemagne fist armer tous ses gens, & faillirent sur la montaigne pour voir le deduis. A tant s'assemblerent les deux champions, & chacun courcha sa lance. Si rompit le Roy Carahen la sienne. Et le Roy Rubion vint ataindre Carahen par le heaume & l'enleua à tout sa lance, dont le monde fut tout esbahy & disoit chacun que s'il estoit bien pour luy qu'il seroit vaincu. Mesmement les pauvres cheualiers en furent moult espuueneux & esbahis, si ne scauoient que faire fors seulement prier nostre Seigneur qu'il voulsist donner victoire au Roy Carahen. Grand dueil fut en Carahen quand il se trouua sans heaume, il ne luy estoit demouré que la cote de maille, dont il n'estoit pas trop assuré, & dist hautement à Rubion. Ha faux traistre & desloyal: or void on bien que ta esté tel comme i'ay dit, or me demeurera ton royaume en despit de toy.

Ha fils de putain i'amaïs mon frere ne t'engendra ie te renie, ie vueil bien que tu le sçaches, ne i'amaïs ta mere n'ayma mon frere, ie le ay dit tout franchement. Aussi i'amaïs tu ne m'aymas sinon pour auoir mon royaume: mais ie t'engarderay bien si ie puis. Si vindrent à belles espees l'un contre l'autre, & ruerent de grands coups tant que le feu failloit de leurs espees: mais du second coup la lance de Rubion ne fut pas rompue. Si fist encores vne cource de lance sur Carahen: mais ledit Carahen, luy de couppa la lance par tronçons. A ce coup cui la Rubion tira son espee: mais Carahen fut dextre. Et d'un re-

vers luy couppa toute la main & cheut par terre, dont le Roy Carahen fut moult prisé de subtilité & grande diligence: mais quand le Roy Rubion vit sa main par terre, & le sang ruisselet contre val. Les François & pauvres Chrestiens en louèrent Dieu: car ils esperoyent leur pleniére deliurance. Carahen à ce coup luy escria. Ha fils de putain, à ce coup l'on cognoistra qui aura du meilleur: car ie te monstreray à te chastier d'accuser vn tel homme comme moy de trahison sans cause: car garde toi de moy. Lors Rubion sans mot sonner de la main fenestre tira son espee, cuidant descharger sur Carahen: mais Carahen s'auança sur luy, & luy donna si grand reuers qu'il luy couppa la moitié de la cuisse, si saillit le cheual de peur qu'il eut & l'esbranla, tant qu'il tomba à terre tenât son espee en sa main. Et quand il fut à terre il lança son espee & couppa la iambe au cheual de Carahen. Ha faux traistre dit-il, ne scauois tu assener sur moy sans blesser mon cheual. Si empoigna son heaume, & à force le tira hors de sa teste, & de son espee luy donna si grand coup qu'il luy couppa l'espaule. Si dist Rubion. Ha pour Dieu mon oncle vueillez auoir pitié, & compassion de moy: car soyez certain que j'ay bien desserui: car ie me suis plusieurs fois efforcé de vous faire mourir pour auoir la belle Gloriande, & croyez que folles amours m'ont esmeu à ceste trahison. Si vous supplie mon seigneur mon oncle auoir pitié & compassion de moy. Et deuant que ie meure que ie vous baise. Et le Roy Carahen qui estoit fort pitoyable luy octroya, & vint pour le baiser: mais Rubion luy donna si tresgrand coup de poing sur le visage qu'il luy abbatit deux dents de la bouche, & print vn petit cousteau qu'il auoit, & luy cuida fourer dedans la gorge: mais le Roy Carahen, qui fut fort vertueux luy estraignit le bras, tellement qu'il ne le pouuoit remuer. Si luy tira le Roy Carahen les deux yeux de la teste, Adoncques s'escria. Haa! qu'à tous les diables d'enfer puisse estre mon corps liuré. Si appella Rubion incontinent le Roy Bruhier pour luy dire, & raconter toute la verité de la trahison. Si vint le Roy Bruhier, & luy dist, or ça te tiens tu vaincu. Helas! il est bien raison: car ie vous promets que j'ay accusé à tort & mauuaise ment l'vn des plus vaillans qui soit d'icy en Babylonne: car autrement ne le trouuay iamais. Si le descharge icy de la grande trahison, & faueteé que ie luy auois mise sus. Adonc le Roy Bruhier ordonna qu'il fust pendu & estrangé publiquement deuant tous.

Et quand il fut pendu Bruhier fist venir les chevaliers Chrestiens, & leur donna congé & leur dist. Seigneurs retournez par deuers le Roy Charlemagne, & luy contez cōment vous auez esté deliurez. Et comme ie me trouueray demain en la garde en la vallée. Là où j'attendray armé dix des meilleurs chevaliers qu'il ait en sa cour. Et que si d'aduenture ie suis vaincu ie m'en retourneray sans dommager le Royaume des Chrestiens, sinon ie l'osteray de France & le liureray à tourment, & destruiray toute la Chrestienté. A ce respondit le Duc Thierry. Tu n'en aura pas dix: mais moy tout seul s'il plaist à mon Createur ie te combattray. Nonobstant ce dist Bruhier, amenes encores avec toy dix de tes compagnons. Je m'y trouueray tout fin seul, & à tant te suffise. Si dist le Roy Carahen recommandez moy au Duc Naimés, & à tous les barons de par de là, si s'en retournerent. Et Carahen s'en retourna festoyer la dame Gloriande qui fort troubles auoit esté de Rubion à cause de la trahison, qui lui auoit esté imposée, & dont Bruhier estoit moult ioyeux, car il aimoit moult Carahen, & fut grand ioye demenee en l'ost de ce qu'il estoit sauué & preserué de mort, aussi s'amie Gloriande menoit grande ioye de la triomphante victoire que son mary Carahen auoit eue. Les prisonniers Chrestiens retournerent en la ville de Leon sont arriuez deuant Charlemagne lequel ont salué & à dist le Duc Thierry. Si nous vous remercions de nostre bonne deliurance. Et à dist Bruhier que vous luy enuez dix de vos chevaliers pour combattre cōtre luy, par ainsi que s'il est vaincu il s'en retournera comme j'ay deuant dist. Et quand j'ay cela entendu j'ay prins iournée à luy.

demain au matin, dont Charlemagne ne fust pas content, ne tous les autres cheualiers. Ha dist le Roy vous n'yrez pas. Par ma foy dist-il, Sire si feray s'il vous plaist: car ie serois deshonoré à tousiours entre les chrestiens. Mon intencion est qu'auplaisir de Iesus-Christ ie luy donneray assez à besongner: car i'ay bonne volonté de mourir en ceste querelle. Adonc son fils Gerard le requis tant de fois qu'il n'eust point à faire la bataille: car il n'estoit pas heure de le laisser aller tout seul, & luy requist encore vne fois à genoux qu'il delaisast celle bataille. Adonc respondit vne fois pour toutes, que pour personne qui lui en parlait iamais, qu'il n'en feroit rien, & que puis qu'il auoit vne fois entreprinse qu'il la passerait en peine d'y demeurer. Or sont les François & Chrestiens bien aydes de ce que la deliurance des cheualiers est faicte, & menerét toute la nuist grand' ioye iusques au lendemain matin que le Duc Thierry appella son fils Gerard, & se fist armer honnorablement, & quand il fut armé si vint prendre congé du Roy Charlemagne, lequel le pria au nom de Iesus-Christ qu'il n'y allast point, Thierry dist: qu'il y iroit, & qu'il n'y auoit remede puis qu'il auoit promis. Adonc vindrent dire à Thierry que Brohier l'attendoit long temps y auoit. Il respondit que bien tost partiroit pour y aller, & si l'attendirent les cheualiers pour lui faire compaignie.

Or s'en partit le Duc Thierry soy recombmandant à Dieu, & faisant le signe de la croix, & s'en va là où Bruhier l'attendoit. Et si tost qu'il vit le faux Payen, si luy dist. Haa faux mescreant, ie te deffie au nom de Iesus Christ. Or t'approche se dist Bruhier, & quand il fut pres de lui, il donna si grand coup de poing à son cheual qu'il le tua, & puis chargea Thierry sur son col & l'emporta en son ost. Et alors Charlemagne, & ses gés qui estoient sur la montaigne aduiserent comme Bruhier l'auoit tauy, si en furent moult esbahis, & s'en retournerent dedans Laon, & ne scauoient qu'ils deuoyent faire, si disoyent au Roy. Que vous semble, Sire, de ce faux Roy qu'est si terrible. Iamais ie ne veit le pareil dist Charlemagne. Haa Oliuier, & Roland i'eusse bien affaire de vous à ceste heure, que maudit soit le traistre Ganelon, qui fut cause de vous faire mourir. Ie ne scay que ie dois faire, ne si ne scay aduiser comment on y pourra besongner. Et l'un deux luy dist. Il n'y a au monde son pareil, & qui en brief n'y remediera il sera pour destruire la Chrestienté quelque bonne puissance que nous puissions auoir. Le pauvre Gerard de l'autre costé est qui pleure son pere, & tous ses gens pareillement. Quand Bruhier fust arriué en son ost, il deschargea le Duc Thierry sans lui donner relasche. Ha cedist le Roy Carahen. Sire il fait bon vser de conseil, vous cognoissez bien que c'est l'un des plus grands qui soyent en l'ost de Charlemagne. Et quand il aura de vos gens prins, par icelui pourriez auoir deux des meilleurs des vostres. Et parce se contenta Bruhier, & commanda qu'on le gardast tres-bien, & s'il eschappoit par quelque façon, qu'il n'en seroit pas content. Adonc le Roy Carahen le print sur sa charge, & deslors le mena en son tref en garde à la belle Glo riande, laquelle le print en sa garde: car desia le cognoissoit bien. Si sont les Payens renforcez grandement pour la vaillance qu'a faite le Roy Bruhier. Et le courage des Chrestiens affoibli, si qu'ils ne scauoient que faire.

Lors le Roy Bruhier a prins sa lance, & s'en est allé en la garde comme devant pour attendre les cheualiers de Charlemagne. Si cria encore qu'on luy enuoyast dix combattans, & qu'à vn seul ne se daignerait combattre. Si l'auisa le Roy d'Angleterre, & vouia à Dieu qu'il se cōbattroit ou qu'il mourroit à la poursuite. Si se fist armer incontinent, dont Charlemagne ne fust pas content: car il l'aimait tresfort, & estoit vaillant homme. Quand Bruhier le veit si print sa lance pour la sacher debout pour plus aisement la prendre: mais il la sacha bien vn pied & demi en terre. Et quand il fut monté il vint à Achar, & dist, comment viens-tu tout seul? Qui dist-il, pourquoy? va t'en querir cinq ou six de tes compaignons dist Bruhier. Ie ne veux que moy dist Achar, car au nom de Iesus-Christ



l'esprouueray ta force. Si mist sa lance en arrest, & le frappa par son escu, & iamaïs ne le sort nō plus esbranler, qu'un gros arbre, dont il fut tout estonné. Retourne dist Bruhier si me crois va querir des autres, ou tantost seras mal venu. Mais si n'eust esté par vergongne, le bon Achar fut retourné: mais toutesfois il ne voulut. Lors luy dist encores Bruhier, va dire à Charlemagne qu'il renonce la loy de Iesus-Christ, ou que ie le feray escorcher deuant qu'il soit gueres de temps. Il ne cuide point ce dist le bon Achar que tu soyes homme humain. Si luis se dist le Roy Bruhier, & fusmes quinze freres de pere & de mere, dont nous sommes encores treize en vie d'une mesme stature & grâdeur. Si luy demanda Bruhier, commēt il auoit nom. Il luy respondit i'ay nom Achar Roy d'Angleterre, or luy dist Bruier. Si tu ne t'en retournes bien tost, tu peux bien dire que iamaïs tu ne iouras de terre ny de royaume que tu ayez. Ne te chaille dit Achar, si ietta sa lance, & tira son espee, & Bruhier coucha sa lance sur faute, & luy donna si terrible coup qu'il le perça tout à trauers. A tant saillirent quatre cheualiers Doon, Nantueil, Gerard de Rossillon, Morant, & Naymes d'Ardaïne, & mirent entre'eux quatre lances sur fautes, & frapperent sur luy: mais Bruhier n'en tient conte, toutesfois ils le poursuiuoient vaillamment mais il bleça Doon en la iambe, & si n'eust esté le Roy Iustamont qui fist vne saillie avecques ses gens, Bruhier eust eu affaire: mais quand ils les virent s'en retournerent.

Quand ils furent retournés dedans Laon, si compterent au Roy la vaillance de Bruhier, & luy dirent que s'estoit le plus vaillant que iamaïs fut au monde: car nous auons quatre de nous couché quatre lances, & n'en a croullé moins qu'une toure. Haalbrief, se dist Doon, ie ne sçache au monde pareil. Et au bon Roy Achar, par ma foy dirent ils, Si re il luy a passé tout outre le corps. Hal pour Dieu dist Charlemagne, faites tant que vous recourriez le corps, si le ferons enterer honnorablement. Si respondirent qu'il se feroient ils. Adonc s'allèrent armer, & saillirent hors la porte. Si descendirent où estoit le corps, & le prindrent & porterent dedans Laon, si fut enseueilly honnorablement. Adonc demanda le Roy qu'il estoit de faite au surplus: car il estoit fort estonné, & plus tost eust on trouué remede qu'il luy eust esté parler d'Ogier: car ils cognoissoient qu'Ogier estoit bien pour luy. Pendant lesquelles choses ils eurent à Charlemagne que le Roy Achar auoit vne belle fille prestee de marier, si l'envoya tantost querir pour la marier à son gré, & appella vn cheualier accompagné de plusieurs autres cheualiers. Et leur dist qu'ils allassent incontinent à Londres en Angleterre querir la fille du Roy Achar, & qu'il la vouloit marier hautement à son plaisir, & qu'ils fissent la meilleure diligence qu'ils pourroyent. Lesquels furent incontinent prests pour accomplir leur message. Et pendant les douze Pairs de France se sont assemblez pour entrer en paroles d'Ogier le Dannois qui leur faisoit si grand faute, car si plustost l'eussent eu il ne fust pas mort tant de vaillans cheualiers. Si tindrent les douze Pairs leur parlement pour auoir le principal moyen par lequel ils deuoyent entrer en paroles avec le Roy Charlemagne d'Ogier: il n'y auoit celuy qui sceust trouuer moyen ne façon d'entrer en paroles avec luy. Adonc quand ils furent tous assemblez, le Duc Naymes de Bauieres leur commença à dire en ceste maniere: Messieurs, nous sçauons que nous sommes en danger, & que chacun iour perdons tant de bons cheualiers si nous conuient trouuer façon, & moyen d'ouir les paroles à Charlemagne: car si Ogier prend la bataille encontre le Roy Bruhier, il le decouffra. Meseigneurs vous sçavez il du Payen par vint deuers le Roy, qui dist que le Roy Bruhier ne deuoit pourgoir sa vie ou son honneur par Ogier, & qu'il l'auoit trouué par son sort, pource, seroit il bon d'en faire la question par aucune maniere, & me semble que qui auroit vn hardy cheualier, qui vouldroit gagner cent escus pour soy aduenturer pour semonster au Roy le cas, & luy dire seulement qu'il perdra son royaume, s'il ne met Ogier hors de prison. A ce respondit vn cheualier nommé Gerard, lequel entreprit son

luy vouloit tenir promesse de faire le deuoir. Et on luy promist de luy bailler ce qui luy estoit promis sans nulle faute, & luy bailler outre-plus vn cheual le meilleur qu'on scauroit trouuer, sellé & bridé à la descende au palais, en luy accordant qu'e s'il auoit aucun mal ne dommage luy reparer au double, en promettant les vns aux autres quand le lieu seroit opportun qu'on luy feroit à scauoir, & qu'on feroit ce qui luy estoit promis, les autres dirent ny plus ne moins.

Quand les douze Pairs eurent faite leur entreprinse s'en allerent vers Char'emaigne, si on perlé de plusieurs choses, & touchant le Roy Bruhier n'y ont sceu trouuer aucun appointment. Adonc le Duc Naymes voyant Charlemaigne assez ioyeux des bonnes nouuelles, touchant le secours qu'on luy enuoyoit de Paris, enuoya querir le cheualier pour perornir son dit, & dist qu'on luy apprestat ce qui luy auoit esté promis, ce qui fut fait. Si vint ledit cheualier, & puis monta auant. Et s'en vint franchement deuant le Roy Charlemaigne en presence des douze Pairs, & luy dist. Sire, Dieu vous sauue, ie ne scay que vous auez en pensée de faire car vous perdrez vostre royaume si vous ne boutez hors de prison Ogier le Dannois. Si commença le Roy à crier, prenez ce paillard & qu'on en face iustice. Si trouua son cheual prest à la porte, & vuida pays tout incontinent. Adonc les seigneurs s'en retournerent vers le Roy, & puis n'est-il pas print dist-il. Ouy dea Sire, laissez nous en faire seulement, car il sera appointé à son deu, aussi la il bien desseruy. N'est il pas bien outrageux, ce dist Charlemaigne de me venir parler de mon ennemy mortel duquel ie ne prendrois pas vn royaume si le tenois en vie: Sire, dirent-ils, il nous semble sonbre vostre correction que vous luy deuiez demander pourquoy n'y à quelle occasion en parloit. Alors dist Charlemaigne comme luy eust on demandé: car on n'a sceu qu'il est deuenue. Et puis s'en alla reposer, & cependant le Duc Naymes & les autres Seigneurs dirent aux enfans des Princes qui alors estoient en court, qui estoient du lignage d'Ogier le Dannois. Enfans vous deussiez chacune heure crier deuant le Roy Charlemaigne Ogier, à haute voix, affin qu'il le mist hors de prison. Et les enfans dirent que si feroient-ils & tantost que Charlemaigne saillit de son repos, les enfans vindrent crier deuant luy, Ogier, Ogier, est en prison, & chacun d'eux si crioit de son costé tant qu'il ne scauoit au quel il deuoit entendre & entre les autres en vint vn qui luy dist. Sire mettez Ogier dehors de prison ou vous perdrez vostre royaume, & vos gens prendront laquerelle contre vous. Si se departirent les enfans comme deuant avecques les cheualiers, criers. Ogier, Ogier, Ogier le Dannois, dont quant ils partirent d'avec le Roy Charlemaigne il fut grand temps qu'il ne pouuoit dire mot. Lors quand il eut assez songé si dist au Duc Naymes. Ne suis ie pas bien abayé de ses gens qui me vont rompant la teste demandant Ogier, qui m'a tant fait de mal & de peine, vous le scauez bien. Je ne scay qu'à present les meurs ainsi à le demander. Sire ce dist le Duc Naymes, s'il voust teneit à plaisir d'en ouir parler, par aduerture on en pouroit parler en telle maniere que vous y prendriez quelque plaisir & reconnaissance. Helas! treschier Sire, vous pouuez bien cognoistre qu'il y a deux causes qui les peuent mouuoir, l'vne par aduerture nostre Seigneur, qui est cause de tout bien, l'autre si est en tant qu'il est leur parent outre plus Sire, puis que nous sommes en ce z si auant en paroles, ie vous en veux dire mon opinion: car ie suis tenu à vous administrer conseil, confort & aide en tous vos affaires. Or Sire, il est vray que vous n'eussiez en vostre viuant mieux affaire de preux & vaillans gens que vous auez maintenant, & vous cognoissez que les deux plus vaillans de vostre royaume n'oseroient entreprendre la bataille contre le soudan Bruhier pour en venir à leur honneur. Si voyez tenez Ogier en prison qui est le plus vaillant de toute la Chrestienté, & y furent Roland, & Olivier, & tous ceux de la table Ronde. Parquoy ce considéré Dieu permet que par aduerture il vous en aduertist, & vous en donne la cognoissance. Touchant Ogier le Dannois, si commença à dire Char-

lemaigne

lemagne, ie ne croy pas qu'il soit encores en vie : car on luy ordonna si petite pitance que ce que l'on bailloit pour le iour ce n'estoit pas pour desjeuner. A ces paroles le Duc Naymes luy dist. Sire il est encotes en vie, & de sa despence pour sauuer le serment que l'Archeuesque vous fist, il fait cuire tous les iours vn pain d'vn septier de bled & luy en donne vn quartier, puis fist faire vne tasse qui tenoit vn septier semblablement, & d'vn mou-ton faisoit deux pieces. Est-il vray dist Charlemagne. Seurement dist Naymes ouy. Si le voudrois ie bien dist le Roy : car si ainsi estoit nous viendrons à mon aduis au dessus de ce selon Bruhier. Sire, ce dist le Duc Naymes, vous souuient-il des paroles du messagier du Roy Bruhier, & comment dist Charlemagne. Il vous dist que Bruhier auoit trouué par fort qu'il ne pouuoit estre desconfist, sinon par Ogier le Dannois, dont trop mieux vaut faire accord avecque Ogier, qu'attendre vn si perilleux & infortuné melchief. Alors Charlemagne appella les plus nobles de sa cour: car il vouloit vser de cōseil, & dist Mes-seigneurs ie cognois bien que les maudits Payens ont prins conclusion de destruire nous & toute la Chrestienté, qui de brief n'y mettra remede, parquoy nous confians qu'Ogier soit encores sain & plein de vie, & croy que luy seul est assez suffisant & hardy pour prendre champ de bataille à ce maudit Bruhier, qui nous viendrait à vn grand bien pour le secours de la Chrestienté: car autre remede ie ne scaurois aduiser, pourtant scauoir fandroit s'il en vouldroit prendre la charge, pource messeigneurs i'ay voulu ouurer la matiere pour venir à la Royalle verité, si veux que me donniez vostre opinion si respondirent les douze pairs. Sire si vous pouuez faire qu'Ogier si accorde ne vous chaille du demeurant: car il en viendra bien à bout. Or donc se dist le Roy, Naymes vous viendriez avec moy pour m'accompagner & deux cens gens d'armes bien en point, si irois à Reims querre Ogier, & composer avec luy dont le Duc fut d'accord.

*Comment Charlemagne partit de Laon pour aller querir le prisonnier Ogier, dont l'accord fait entre eux, & comment Charlemagne fut contrainct de liurer son fils Charlot à Ogier, pour en faire à son plaisir, & comment l'Ange ainsi qu'il vouloit couper la teste de Charlot luy reuint le bras & des parol.*



CHAPITRE XXXV.

**A**DONC Charlemagne se mist à cheminer, avec le Duc Naymes, & bien deux cens gens d'armes de fait, si s'en partit de la ville de Laon, & tant ont cheuaché, qu'ils sont arriuez à Reims, là ont trouué l'Archeuesque Turpin, qui n'estoit pas allé à Laon, pource qu'il auoit la garde d'Ogier le Dannois, si salua Charlemagne, & luy donna sa benediction, dont le Roy s'en trouua moult ioyeux & demanda à l'Archeuesque tout bas, si Ogier viuoit encores. Et l'Archeuesque luy respondit qu'ouy, & qu'il faisoit assez bonne chere. Or ça dist Charlemagne, est-il encores aussi fort comme il souloit, ouy dist l'Archeuesque, & plus delibéré de prendre les armes qu'il ne fut jamais. Or bien dist Charlemagne, or luy allez demander s'il vouldye faire accord avec luy quelle composition il me vouldroit faire, & le mettez seulement dehors. Adonc le bon Archeuesque se partit de Charlemagne, & s'en vint à Ogier, bien ioyeux & luy dist. Or ça Ogier, si le Roy vous vouldoit prendre à mercy & vous pardonner toutes les iniures que luy auez faites, ne seriez vous pas content de le servir comme parauant. Ogier luy respondit, de quoy luy requerray ie mercy, du mal qu'il m'a fait, voylà bien parlé à vous & d'vn grand sens. Et comment voudriez vous donc qu'on vous mist en appointment ensemble, ce dist l'Archeuesque: ce qui m'en fait parler n'est sinon que les douze Pairs de France l'ent ont estonné, tant qu'il luy a esté force de condescendre en

appointement, si me dites plainement vostre totale volonté & deliberation. Adonc dist Ogier le Dannois, ma volonté & deliberation est de iamaiz ne faire appointement que premier ie n'aye son fils Charlot pour en faire à ma volonté. Or laissez celle vindication dist l'Archeuesque, & demandez quelque autre chose: car cela ne fera il pas. Brief dist Ogier le Dannois autre appointement iamaiz ie ne feray pour personne qui m'en puisse parler en peine d'yser toute ma vie en prison. Lors quand le bon Archeuesque vit qu'Ogier n'auoit autre deliberation l'alla raconter au Roy, dont le Roy fut fort dolent, & dit Charlemaigne à l'Archeuesque qu'il y allast encores, & qu'il luy dist que toutes ses seigneuries luy seroient rendues, & auoit recompense telle qu'il la voudroit: mais de luy bailler son fils pour l'occire, la chose seroit trop cruelle. Sur quoy respondit Ogier que jusques à ce qu'il eut végeance d'enfant pour enfant, que iamaiz au seruice du Roy ne porteroit armes. Adonc le bon Archeuesque l'alla dire au Roy, & le Roy luy pria qu'il y allast encores, & qu'il menast le Duc Naimmes avec luy. Et quand Ogier vit Naimmes il luy fist la reuerence. Si luy dist le Duc Naimmes, or ça Ogier, comme vous portez-vous, estes vous point lassé d'estre prisonnier. Par ma foy dist Ogier le Dannois, pour neant dirois ie le contraire: car vous ne m'en croiriez pas. Or ça dist le Duc Naimmes, voicy ce bon Archeuesque qui a cuidé vous appointer avec le Roy, n'auz vous point encores oublié le courroux de vostre fils Boudouin, forcé m'a esté d'oublier le courroux du mié. Touchant vostre fils dist Ogier, cela fut fait en fait de guerre, dont grandement il me desplait, mais à l'heure il m'estoit forcé de le tuer ou l'estoye mort, si fait asses qui sauue sa vie. Il est vray dit le Duc Naimmes, or touchant cela Dieu pardonne aux trespassz. Ha Ogier, faillez hors si irois à l'esbat vn peu sur les chäps pour prédre de l'air. Si le mena deuant le Roy Charlemaigne & quand le Roy le vit il luy demanda comme il se portoit, il luy respondit que tresbien, & qu'il auoit aprins à parler la sienne merci. Or ça Ogier, laissons toutes ces choses & venons au point, ne voulez vous pas accorder avec moy, Ony bien Sire, dist Ogier: mais que vous faciez ce que i'ay dit à messeigneurs ici. Ha! ce dist le Roy Charlemaigne, qui seroit celui qui me voudroit conseiller de bailler mon propre fils entre les mains de mon ennemi. Pour nulle rien iamaiz ne ni consentirois. Et bien ce dist Ogier ie sçai bien le lieu d'ot ie suis parti, adieu vous dis: car ie suis d'accord d'yser toute ma vie là dedans: car aussi suis ie tout accoustumé. Si s'en retourna coucher à son repos sans plus y auoir de pensément. Et quand les seigneurs ouyrent l'opinion d'Ogier, ils ne sçurent plus que dire sinon de sçauoir la derniere opinion du Roy.

Sire que dites vous qu'il est de faire, & si tost qu'il luy souuint deliurer son fils il menoit tel desconfort qu'il ne sçauoit qu'il deuoit faire. Charlemaigne les réuoya pour sçauoir si Ogier estoit deliberé de lui accorder sa demande, & s'il oseroit bien aller auenturer son corps pour combattre le Roi Bruhier qui estoit venu deuant Laon. Tres-volontiers Sire, nous en ferons la diligence. Si s'en vindrent deuers Ogier, & lui demanderent, or ça Ogier, ferez vous point le vouloit du Roi. Je suis resolu de faire appointement avec lui ainsi que i'ay dit & non autrement dist Ogier. Et s'il estoit ainsi qu'il voulist faire à vostre appetit, le voudriez vous pas seruir aussi bien que vous fistes iamaiz en armes, ouy dist Ogier, mieux que iamaiz. Je vous dirai, il est vray que le Roi Bruhier, a amené son ost deuant Laon, & amis le siege deuant, & par chacun iour demande dix des meilleurs cheualiers de l'ost du Roi, & pource si voulez accorder la bataille, le Roi vous accordera ce que vous demandez. Et quand il ouit parler que Bruhier estoit deuant Laon, il s'estendit si fort en la prison qu'il recula deux carreaux de pierre des autres bien deux doits, dont les cheualiers en furent tout esbahis, & puis s'en retournerent deuers le Roi, & lui conterent ce qu'il leur auoit enchargé, & qu'il feroit tout ce qu'on voudroit: mais qu'on lui deliurast Charlot, si dist le Roi. He Dieu! que t'ay ie fait, ie suis bien puni à la rigueur d'estre

estre & demeurer subiect à vn mie serf : & deliurer en ses mains mô propre fils pour accomplir sa volenté. O maudit Bruhier à la malle heure fus tu né pour moi , tant tu me donnes de peine, trauaux, & tourment. Helas Sire, dist Naimés, il vaut mieux perdre vne personne seule que cinq cens mille : car toute Chrestienté s'en va perir. Pensez que nostre orgueil & dure obblination est en partie cause de nostre infortune. Allez dist le Roi & dites à Ogier, que ie feray tout à sa volenté & luy liureray Charlot à sa bonne mercy. Si retournerent à Ogier, & luy dist Naymes. Beau nepueu tirez vous auant, vous nous donnez assez de peine : mais vous estes pour recompenser tout à vne fois. Messeigneurs dist-il qui n'eust eu affaire de moy, i'eusse encores beaucoup demeuré ceans auant que le Roy m'eust daigné reuisiter, orça dist Ogier, est-il donc conclud. Par ma foy dirent ils, ouy. Où est dit-il mon cheual, mon espee, & mon escu : il m'est force de mon faict recouurer, si le menerent deuant le Roy. Orça Ogier, dist le Roy, Bruhier est venu deuant Laon qui est deliberé de destruire la Chrestienté : & on ne peut trouuer cheualier qui ose combattre à luy qui tantost ne soit vaincu : mais en demande dix à la fois, si esperons qu'il y aura assez de vous, nonobstant sa grand' fierté.

Or respondit Ogier, Sire ie vous promets que s'il plaist à mon Createur de me garder ma force : & me maintenir en l'estat où ie suis, que en brief ie deliureray la Chrestienté du faux Payen Bruhier : & fut-il plus puissant qu'il n'est : mais il faut que i'aye ma bonne espee courrain : & aussi mô bô cheual Broiffort, lequel m'a sauué la vie en diuers passages : car ie sçay bien qu'il n'y a cheual en France qui si bien me sçeust porter. Lors respôdit l'Archeuesque Turpin : touchant vostre espee ie la vous rendray bien : mais vostre destrier Broiffort ie ne sçay qu'il deuint quand vous fustes prins aupres la riuiere d'Yuoire. Adôc Ogier commença à se plaindre, & disoit. Ha ! mon bon cheual, iamais ne trouueray cheual qui si bien me puisse porter. Ogier, ne vous desconfortez point dist Charlemagne, i'en ay vn qui ma coûté plus de trois cens escus, ie croy qu'il vous portera bien. Sire faites le venir dist Ogier, & ie l'essayeray. Lors fut le cheual amené à Ogier, lequel monta dessus, mais il le fist ployer sous luy, & quand Ogier fût qu'il ployoit si descendit, & bailla au cheual si très grand coup qu'il le fist tresbucher, & dist. Ha ! maudict cheual, tu es pour faire deshonneur au cheualier qui seroit sur toy. Et adonc Ogier, dist à Charlemagne, Sire, ie ne sçauroye combattre contre le Payen Bruhier, si ie n'ay cheual qui me puisse porter. Et le Roy respondit, ie me suis auisé que i'ay vn cheual en mon estable lequel Bertrand le fils du Duc Naymes me presenta quand il alla à Paue, & me dist qu'il l'auoit osté aux pages du Roy Desier. Haa ! Sire, ie suiuy longuement Bertrand pour luy oster ce cheual dequoy vous parlez. Orça qu'il soit amené pour sçauoir s'il me pourroit porter. Lors fut amené le cheual, il mist le pied en l'estrief, & monta dessus, & aussi tost qu'il fut monté le cheual commença à ployer par telle façon que s'il ne fut descendu, homme & cheual fussent cheus. Et quand Ogier, veit cela il n'y eut que courroux en luy, & bonta le cheual par telle force qu'il le fist agenouiller, & recommença plus fort que deuant à regretter Broiffort & disoit. Ha ! Broiffort mon bon cheual, maudit soit-il qui vous embla : car Bruhier le Paien n'aura garde de moy si ie n'ay cheual qui me puisse porter. C'est bien le cômun proverbe qu'o dit qu'vnm'alheur ne vient point tout seul : car à l'heure que ie fus prins chascun tascha me desrober. Ie ne sçay comment ie puisse aller combattre contre ce Payen si ie n'ay vn cheual qui me puisse porter. Lors il commença à regretter son cheual plus fort que deuant. Et ainsi qu'Ogier se descôfortoit de son cheual, vn moine qui estoit en la presence qui estoit de l'Abbaye de Faron de Meaux commença à dire. Sire Ogier vostre cheual Broiffort est en la ville de Meaux, lequel depuis que vous fustes prins n'a fait que mener & charier des pierres en l'Abbaye de S. Faron, laquelle l'Abbé fait edifier tout de neuf. Ha se dist Ogier, celui là qui mist mon cheual à tizer me prise bien peu : car

vrayement oncques si bon cheual ne tira pierre, & maudict soit-il qui luy a prins le mestier. Or sus qu'il mesoit allé querir, & incontinent le Duc Naymes, & l'Archeuesque se pattirent de Reims, & prindrent le chemin droit à Meux, si firent tant par leurs iournees qu'ils amenerent le cheual d'Ogier lequel estoit tout changé: car il estoit tout pelé & tout emponillé.

Quand Ogier vit son cheual, si pensa que ce n'estoit pas Broiffort: mais le cheual luy faisoit bonne cognoissance, & luy hanniit, & baye la gueulle, & frappe des pieds en terre, ne plus ne moins que s'il voulust danser, tât que le Roy en fut tout ébahy, & aussi furēt tous les Parens, & cheualiers qui là estoient presens. Ha se dit Ogier, par ma foy damp Abbé vous auez esté moult long-temps à bastir vostre Abbaye: mais ie vous promets que si ie vis gueres que ie la destruiray en moins d'un iour naturel. Si monta dessus Broiffort, & commença à donner des esperons, si se print à sauter comme deuant. Si ordonna Charlemaigne à penser d'Ogier le Dannois, & de son cheual, à fin que le lendemain il peut partir pour estre la de bon heure. Le lendemain au matin chacun print la voye pour aller à la cité de Laon, dont le peuplé fut moult ioyeux pour la venue du vaillant Ogier. Lors quand Ogier fut leué il s'en alla vers le Duc Naymes, & luy dist. Or ça bel oncle qu'est-il de faire, vous sçavez ce qui m'a esté promis. Ie vous prie que ce qu'on m'a promis me soit tenu, ou sinon ie sçay bien que j'ay affaire: adonc Naymes s'en alla vers Charlemaigne & luy dist. Or Sire pour abregier tout, il est necessaire d'accomplir ce que vous auez promis à Ogier, ou autrement serions pis que deuant. Faites moy venir Charlot, dist Charlemaigne. Quand Charlot fut venu il luy dist. Haa mon fils mal besongnas quand si grand meschief feis, car lors que ie cuidoye estre à seureté, mes ennemis sont arrivez à ma porte. Las monseigneur mon pere ie n'en puis mais, à mal faire ne gist qu'amende, Non, se dit le Roy, & pource vous ay enuoyé querir pour vous declarer mon courage. Vous sçavez, & cognoissez que j'ay tousiours resisté au vouloir d'Ogier de consentir à luy faire satisfaction telle, laquelle chose ie n'eusse point fait se n'eust esté le peril que ie voy en quoy nous sommes pour le present: car nous ne pouuons vider Bruhier ne son armee, qu'ils ne destruisent nous & la Chrestienté. Or est venu Ogier pour nous venger de ce maudit Bruhier, si vous voulez consentir à ce qu'aons ordonné. Haa Sire dist Charlot, ie ne veux pas desdire ce qu'il vous a pleu ordonner: mais qu'il ne touche à la vie. Par ma foy il touche la vie, dist le Roy: car nous auons ordonné qu'aujourd'huy ie vous dois liurer, en la meue d'Ogier pour faire de vous à sa volōté. Helas dist Charlot ne sçauriez vous bailler autre suffisante recompense que mon corps. Vous parlez bien: mais tout ce que vous dites n'est pas à propos: car la promesse par moy faite est irrenocable, si nous ne voulōs souffrir, & attendre le destruisement de toute la Chrestienté: parquoy seroit bon se me semble de parler encorcs à Ogier luy monstrier le cas & que ce fust son plaisir de prendre de nous autre recompense: car il peut bien sçauoir que quand il aura occis mon enfant que iamais ie n'sçaurois nourrir amour avec luy. Parquoy ie vous prie seigneurs allez deuers Ogier, & luy remonstrez le cas au nom de la passion de nostre Seigneur qu'il vueille prendre autre recompense. Sire, dist le Duc Naymes, nous irons volontiers: mais ie doute que nous ne perdrons que le temps que nous y mettrons: or vous cognoissez que le prolongement de ceste guerre n'est nul profit à vostre royaume. Si vous prions de n'y faire plus de delay: car il est temps de besongner. Si sont retournez deuers Ogier, & ont laissé Charlemaigne, & Charlot plorans, & ont trouué Ogier qu'estoit en l'estab, où il faisoit penser son cheual. Adonc l'ont appelé, & luy ont remonsté le grand dommage que ce seroit de faire l'outrage à un fils de Roy: mais se dirent les seigneurs demandez quelque autre recompense, & vous l'aurez. Alors leur dist Ogier, le Roy est il de deux parolles par la foy que ie dois à Dieu s'il ne le veut non fais ie moy, & ne l'en tēdez autremēt: car ie n'en feray autre chose.

se. Adonc s'en retournerent vers le Roy, & luy dirent qu'il n'y auoit autre remede: dont il fut fort troublé. Helas dist illi' me doit bien peser quand il faut que ie m'humilie deuant mon homme: & que ie luy baille mon fils aîné pour en faire à sa volôré. Ie croy que Roy ne fut iamais si abbaissé comme ie suis à présent. Haa Bruhier Dieu te püssé confondre: bien te dois hair: quand par toy faut que ie sois aussi abbaissé, que ie mette mon chier fils entre les mains de son ennemy mortel pour en faire à sa volônté. Alors se mist à souspirer plus fort que deuant, & à celle heure Charlot fut amené en la salle Si s'alla ietter à deux genoux deuant Ogier les mains ioinctes, & luy cria mercy en plorant tendrement, tant qu'il n'y eut si dur cœur en la compagnie qui ne se mist à plorer pour la pitié qu'ils auoient de Charlot le fils de Charlemaigne, sinon Ogier qui regarda courtain qui pen doit à son costé, & dist qu'il en feroit la teste à Charlot voller. Et adonc il se ietta deuers Charlemaigne, & luy dist. Sire Roy, vous voulez vous acquiter de vostre promesse, & ie m'acquiteray de la mienne, ou sinon ie sçay, que i'ay à faire. Lors Charlemaigne se print à plorer tendrement tant qu'il cuida pasmer, & s'en vint à sa chappelle plorant, & se mist à deux genoux, les mains ioinctes contre le ciel, & commença à faire en ceste maniere son oraison.

Mou Dieu mon createur qui formas le ciel, & la terre de nulle chose & tout ce qui est dessus, qui creas les Anges, & les mis en ton Paradis: mais par leur orgueil Lucifer le quel tu auois fait le plus beau des autres, & tous ses complices tresbucherent en enfer, dont depuis pour remplir les sièges qu'estoient vuides par le tresbuchement desdits Anges, creas nostre premier pere Adam, du limon de la terre, & luy baillas Eue nostre premiere mere pour l'accompagne, laquelle tu formas d'une des costes d'Adam, & puis tu les mis en Paradis des delices, duquel par leur peché furent iettez, & vserent leur vies depuis en peine, pour lequel peché estions en la subiection du Diab'le: mais pour reparer l'offence tu enuoias ton chier Fils la seconde personne de la Trinité icy bas en terre pour prendre chair humaine auantre de la glorieuse vierge Marie, laquelle le porta, neuf mois en ces precieux costez, & le iour de Noel l'enfanta sans douleur, & sans peine, lequel voulut estre adoré des Pastoureux, & au iour de sa natiuité s'apparut une estoille en Orient, laquelle virent les trois Rois, là le vindrent adorer, & luy offrirent or, encens, & mirre, & lequel chemina trente & deux ans parmy le monde preschant nostre sainte foy, dont par envie le traistre Iudas le vendit aux faux Iuifs trente deniers, lesquels Iuifs le prirent au iardin d'Oliuet, & le menerent deuant Pilate pour le condamner à mort, & pour le crucifier, & Pilate le fist despouiller & attacher à vn pillier, & le fist battre de grosses escorgees, tant que le sang luy degouttoit depuis le chef iusques à ses precieux pieds, & fut son couronnement d'une couronne d'espine, & puis luy mirent la croix sur le dos, & le menerent au Mont de Caluaire, & là le crucifierent au milieu de deux larrons, & luy donnerent à boire du fiel, & du vinaigre mellez ensemble, & puis Longis luy perça son precieux costé d'une lance, dont il en saillit sang & eau, & puis apres fut mis au sepulchre, & au tiers iour ressuscita, & s'en alla aux enfers, & les rompit & en ietta les ames dehors, & avecques eux le benist iour de la sainte Ascension monta es cieux, & le iour de la Pentecoste enuoya le saint Esprit à ses Apostres: & au iour du grand iugement viendra iuger les vifs & les morts. Mon Dieu ainsi comme ie croy tout cecy estre vray, ie te prie qu'il te plaise d'adoucir le cœur d'Ogier par telle façon qu'il ne face nul mal à mon cher enfant. Et depuis dist. He glorieuse vierge Marie aussi vraiment comme ie croy que tu es vraye mere de Dieu, & que tues là sus en la gloire assise à la dextre de ton glorieux Fils Iesus-Christ autrosne diuin, ie te prie qu'il te plaise preserver mon enfant qu'il n'ait nul mal. Et quand Charlemaigne eut fait son oraison il vint en la salle en plorant, & trouua son

son fils Charlot qui faisoit moult grand dueil. Alors Charlemagne dist à Ogier. Voulez vous auoir mon fils. Ouy dist Ogier, ie ne desire autre chose sinon què me venger de luy. Helas dist Charlemagne, Duc debonnaire, iè vous prie que vous ayez pitié de mon fils Charlost: car il n'y a chose en ce monde que i'aime que luy. Et le Duc Naymes dist. Sire qu'attendez vous, que vous ne deliurez Charlot à Ogier le Dannois: quād vous aures perdu vostre fils Charlot, vous auez encores vostre fils Loys qu'est assez suffisant pour tenir vostre royaume. Haa Sire Naymes, vous me baillez vn confort qui pas grandement ne me conforte.

Quand Charlemaigne vit qu'il n'y eut remede, si print Chalot son fils, & le mena à Ogier en plourant, & luy dist. Tenez Sire Duc, voyez là mon cher fils que ie vous liure à en faire à vostre volonté. Charlot estant à deux genoux s'escria, & dist. Haa bon Duc Ogier, au nom de nostre Seigneur Iesus Christ qui pardōna la mort en l'arbre de la croix ie vous supplie qu'il vous plaise me pardonner l'offence & l'opprobre que ie vous ay faicte, & aussi ie vous promets que ie m'en iray si loing que iamais ne seray veu en France, sinon par vostre congé. Par mon chef, dist Ogier, iamais ne māgerez, & lors a prins Charlot par les cheueux & tira son espee. Et quand Charlemaigne le vit il cuida sortir de la salle: mais en plorant cheut à terre tout palmé. Alors tous les Princes qui là estoient se sont escriez. Sire Ogier souffrez vous à tant, en l'honneur de celui qui pendit en croix pardonnez à Charlot, Regardez en quel danger vous mettez la personne du Roy. Et Ogier respondit qu'il ne luy en chaillloit de la mōrante d'un denier: mais qu'il se vġeroit de Charlot qu'auoit occis son fils, d'une main tenoit Charlot, & de l'autre haussa sō espee affin de luy coupper la tēste. Mais Dieu qui ne vouloit pas oublier Charlemaigne qui si humblement l'auoit requis, ennoya un Ange de Paradis, qui retint le coup de l'espee d'Ogier, & luy dist. Ogier tu en as faict assez, Dieu te mande par moy que tu n'en faces plus, & que tu pardones au fils de son amy Charlemagne, & aussi te mande que tu ailles combattre contre le Roy Bruhier, & il te sera en ayde en tous tes affaires. Et rendit là moult grande clairté dedans la salle, dont tous ceux qui estoient là furent tous esbahis, & l'Ange s'en alla que nul ne sceut qu'il deuint.

Et quand Ogier le Dannois ouyt ce que l'Ange luy dist, si remist son espee au fourreau, & print Charlot, & le baïsa, par tresgrand'amour en loūant Iesus Christ du grand miracle qui leur estoit aduenū. Lors les Barons l'allerent dire au Roy, lequel commença à louer Dieu en disant. Mon Dieu ie te loue & remercie, de ce qu'il t'a pleu par ta benigne grace de garantir mon fils de mort. Je vois & cognois que tous ceux qui te prient de bon cœur, ne demeurent point desconfortez. Adonc Charlemaigne dist aux Barons. Messieurs ie vous promets que i'ay esté aussi troublé que ie fus oncques pour choses quem'aduint. Lors s'en est venu à Ogier, & luy dist, Sire Duc ie vous en remercie. Haa Sire, remercier en deuez nostre Seigneur: car par luy a esté vostre fils deliuré de mort, & sçay bien que c'est pour le bien qu'est en vous. Et quand le Roy l'entendit si l'alta embrasser par grand'amour, & tous les Barons qui estoient presens p'oroyent de ioye, & de pitié tant pour la paix qu'estoit faite entre Charlemaigne & Ogier le Dannois, que pource que Charlot estoit guaranty de mort. Or fut Ogier tresioyeux & demanda au Roy quand feroit son plaisir de commencer la bataille qu'il en estoit contēt. Et le Roy luy dist. Ogier mon amy puis que Dieu nous a donné ceste grace d'estre amis, nous auons prou fait, sçachez que Bruhier nous enuoyera bien tost de ses nouvelles. Or pōnt cause de prolixité ie laisse la grand ioye qui lors fut demenee des Princes de l'hostel de Charlemaigne. Apres l'appointement ne tarda gueres, que Bruhier ne vint deuant la ville pour sçauoir si Charlemaigne fourniroit dix cheualiers pour batailler avecques luy, par telle condition, que s'il estoit vaincu qu'il s'en retourneroit ainsi qu'il auoit promis, c'est à



dire sans molester la Chrestienté : car autrement c'estoit son intention de persecuter la Chrestienté. Et incontinent qu'on sceut qu'il fut venu: Charlemaigne fist habiller l'Archeuesque Turpin, & le fist celebrer messe por l'amour d'Ogier: car chacun se mist en grande deuotion pour prier Dieu, qu'il luy voulsist donner victoire : & si tost que la messe fut chanté Charlemaigne fist deslouier Ogier le Dannois, & desleuna auecques luy.

*Comment Ogier le Dannois alla ioster contre le Soudan Bruhier, & l'escist, & comment Iustamont, & Ifore allerent auecques dix mille Payens dedans un bois pour cuider prendre Ogier & comment Ogier les y trouua où ils tenoyent la belle Clarice, fille du Roy d'Angleterre.*

## CHAPITRE XXXV.



**Q** Vand Charlemaigne, & Ogier eurent desleuéné, & prins leur repas. Ogier print à s'armer & ceignit courtain son espée, qu'il baïsa de bon cœur. Si fist armer prestement son bon cheual, & quand il vit Ogier, se print à hannir tant estoit ioyeux de ce qu'il auoit recouuert son maistre. Ha Broiffort comment vous estes esueillé, vous n'avez cause de tant hannir: car vous avez à faire vne grande iournee. Et quand il fut monté, mist son heaume, & print sa lance, si commanda à Dieu Charlemaigne, & son fils, & toute la batonnie. Or furent les portes ouuertes, & fut bien conuoyé honnorablement, & puis se retirèrent sur la montaigne. Si s'en alla Ogier le Dannois tout droit en la place où il vit Bruhier, & son escuyer qui luy aydoit à armer. Si luy demanda Bruhier s'il voyoit ame venir, ouy dist l'escuyer vn cheualier bien monté. Quel blason, porte-il, dit Bruhier, Il le porte d'argent à vn aigle de gueules & vn escu de sable, se dist l'escuyer. Adonc souuint à Bruhier de son songe. Si monta à cheual pour aller en sa tente. Mout fut esbahy Ogier, quand il vit Bruhier monté, & qu'il s'en retournoit en sa tente. Si luy dist l'escuyer venez hardiment: car Bruhier n'arrestera gueres, il va querre aucune chose qu'il à oubliée. Si s'en va Bruhier deuers Iustamont, Carahen & Ifore son fils, & leur

dist Messeigneurs il m'est venu vn cheualier nouveau le plus vaillant & le plus fort qu'on sçauoit trouuer, or ne sçay si se pourroit estre Ogier le Dannois : i'ay songé ceste nuit qu'un merueilleux dragon lequel auoit esté sept ans en cage s'en venoit par deuers moy par si tresgrand rigueur avec ses ongles qu'il me desrompoit toutes les mailles de mon haubert & me faisoit tant de peine que ie ne sçauois ou tourner. Et quand ie me detournois d'avec luy il retournoit derechef plus fort que deuant la moitié, tant qu'il me rompit toute la chair de ses ongles, & en fin me fendit le cœur en deux pieces, dont ie fus esperdu tant que ie ne sçauoye que deuenir. Adonc respondit Carahen, ie ne sçay si se pourroit estre Ogier: mais si s'estoit Ogier il vous donneroit de la peine largement, combien qu'à mon intention il ne seroit pas pour vous : mais il est habille diligent. Pource, suis venu querir mon oignement si sera bien terrible s'il me peut vaincre. Si le commanda à leur dieu Mahon. Carahen estoit tout esbahy qui pourroit estre ce cheualier : car il n'en sçauoit nul plus vaillant qu'Ogier le Dannois. Et ainsi que Bruhier partit, le Roy Iustamont & le Roy Isore furent prests de gagner la montaigne avec mille combattans pout empoigner Ogier le Dannois, se mal alloit au Roy Bruhier. De ceste entreprinse ne sçauoit rien Ogier le Dannois.

Bruhier retourna pour entreprendre la bataille avec Ogier le Dannois, & si tost qu'il fut retourné si dit à son escuyer qu'il s'en retournast, afin qu'ils ne luy fust reproché qu'il eust aydé à conquieser Ogier. Adonc l'escuyer porta les nouvelles à Carahen. Et quand Bruhier le vit il appuya sa lance en terre & luy dist. Or ça cheualier tu es venu tout seul, que n'as tu amené tes compagnons. Aquoy faire dist Ogier, ie ne meine nuls compagnons.

Si respondit Bruhier. Pource ie dis que tu ne me sçauois faire mal, ie n'ay membre sur moy fors la teste, que si tu les auois coupez l'un apres l'autre que ie ne fusse guery incontinent, dont Ogier fut moult esbahy. Lors se print à recommander à Dieu en faisant le signe de la croix, & dist à Bruhier affuble ton heaume que ie ne te charge: car autrement tu ferois tres grande folie. Et en ce mocquant dit Bruhier. Frappe hardiment & ne m'espargne point. Ha! se dist Ogier. Iamais Ogier le Dannois ne frappa cheualier qu'il ne fust armé de tous points. Et comment se dist Bruhier, cuides tu ressembler à Ogier le Dannois. Nenny non, ne t'y compare point: car pour toy ie ne me daignerois haster d'un seul pas.

Lors broucherent des esperons & firent deux coups de lances fort merueilleux. Car ainsi grosses qu'elles estoient vollèrent en éclats que ne leur demeura que les pongnees. Or auoit Ogier, grand enuie du cheual de Bruhier nommé Bouchant qui estoit si puissant, le sien estoit cassé & non sans cause: car il auoit esté sept ans mal pensé & auoit eu mout grand trauail. Nonobstant ce il tira son espee courtain, & Bruhier la sienne, laquelle auoit bien sept pieds d'allumelle, & estoit richement orné d'un beau pommeau de fin or tout massif. Or s'en vint Bruhier frapper sur Ogier de son espee si impetueusement qu'elle entra en son blason bien un pied & demy, dont Ogier eut tres grand peur. Si luy donna de courtain son espee si grand coup sur son heaume qu'il luy aualla sur l'espaule si terriblement qu'il luy couppa toutes les lames qu'il attaignit & le naura en la chair bien auant, dont Ogier luy dist. Or ça Bruhier as tu senty quelle mouche ra point. Ha! se dist-il à Ogier, si tu ne fais plus fort ce n'est icy riens: car ie te monstreray pourquoy. Et il mist la main à l'arçon de la selle ou pèdoit son oignement, si en print un peu & en fiotta la playe, & fut guery incontinent. Moult fut Ogier courroucé quand il vit la playe guerye. Si le rassura, Bruhier, & Ogier luy, & s'entredonnoient de si grands coups que le feu estinceloit des espees, si dit Bruhier. Par Mahon à ceste cognois ie que tu es Ogier le Dannois: car iamais homme ne me dura tant entre les mains come tu as fait. Ha! se dist Ogier, ce n'est icy

que commencement : mais deuant qu'il soit nuict ie te feray cognoistre mon nom : mais vne chose te diray. Ie te sauueray la vie si tu veux laisser la maudite creance de Maho qui n'est qu'une idole faite de la main d'homme mortel, & croire en Iesus-Christ qui tout le monde forma & crea. Et si tu le veux adorer & seruir, le Roy Charlemagne te donnera la moitié de son Royaume, & seras moult honnoré & prise. Ha! ce dist Bruhier de me parler de ces folies de ton Dieu qui se laissa ainsi pendre comme vn meschant larron, i'amaï ne m'y consentirois: mais renonce à ta foy & croy la loy de Mahon, & si tu le fais ie te promets que ie te donneray en mariage vne sœur que i'ay la plus belle qu'on scauroit trouuer ne choisir en lieu ne place. Et avec elle te donneray vn riche royaume & si te sauueray la vie.

Ie te prie ne parle iamaï de ceste folie, dist Ogier. Ie te demande où prent-on c'est oïgnement de quoy tu gueris si soudainement? C'est du propre baume de quoy le prophete Iesus-Christ fut oingt quand il fut au sepulchre dist Bruhier: car les Iuifs le gardoyent richement en thresor, & en guerissoient gens de toutes maladies. Or vint Vespasien deuant Ierusalem & Titus son fils qu'y mirent le siege, laquelle fut pour abreger prinse d'assaut, si furent tous les Iuifs prins & occis & mis à mort. Entre les autres y estoit vn nommé Ioseph d'Abarimathie qui scauoit la verité dudit oïgnement & le donna à Titus pour guerir aucuns de ses cheualiers: lequel garda ledit oïgnement l'espace de sept ans en son thresor, mais aduint vn iour que le Soudan de Babylonne voulut retourner en Ierusalem pour le reconquester & auoir. Si print la cité d'assaut dont luy demeura ledict thresor où estoit ledit oïgnement, lequel fut apporté en Babylonne: & à tant esté là que par succession de temps il est venu en ma main & n'est point au monde plus grand thresor qu'il est: car il n'y a royaume pourquoy ie le donnasse. Or auise dist Ogier: c'est oïgnement que tu as procédé de mon Dieu Iesus-Christ, & tu t'en aydes contre luy pour cuider destruire & effacer son saint nom. Si dist Bruhier s'il estoit si puissant qu'il eut creé le monde comme tu as dit: cuide tu qu'il me l'aislast ainsi viure qu'il ne print bien tost vengeance de moy, & qu'il ne fit ouurir la terre pour me plonger dedans. Ha! se dist Ogier, pauvre d'esprit, & aussi d'entendement ie te promets que iamaï il ne desire d'auoir vengeance du pecheur: mais attend de iour en iour qu'il s'amende & face penitence de ses pechez. A tant Bruhier vint vers luy & luy donna si grand coup de son espee par derriere qui luy fendit tout son haubert & le hocqueton, tellement qu'il luy fist vne grand playe. Mais Ogier n'en tint conte: car ainsi que le coup cheut à terre Bruhier demeura tout courbé. Ogier fut diligent & luy donna si grand coup sur la teste qu'il luy aualla toute vne ioüe, & incontinct qu'elle fut cheute si descendit & reprit sa ioüe & la reioignit de l'oïgnement dessusdit. Si fut Ogier plus esbahy que deuant, & dist à soy mesme. Mon Dieu que dois ie faire: or voy ie que coup que ie puisse faire sur ce maudit Payen ne le peut greuer: mais est guery incontinct. Ie te prie mon createur qu'il te plaise auoir souuenance de moy. Or est remonté le Payen Bruhier plus frais que deuant & va dire. Ie congnois à present que tu es Ogier si ay pitié de toy qu'il te faille mourir en ta jeunesse. Croy en ma loy & ie te feray le grand de Sarrazinesme. Adonc vint Ogier assaillir de plus grand force Bruhier que parauant, parquoy ce maudit Payen requist à Ogier vne heure de relasche pour soy reposer: ce qu'Ogier luy accorda. Si se descendirent tous deux & alla ledict Payen attacher son cheual. Et quand il l'eut attaché il s'en alla reposer: mais il ne pouuoit reposer pource qu'il auoit la teste trop basse. Lors luy porta le noble Ogier vne grosse pierre sous la teste: parquoy le Payen Bruhier cogneut qu'il estoit fort noble.

Ie me tairay des deux champions qui sont demeurez seuls au champ, & retourneray à parler du Roy Carabeu, qui demanda au messagier qui estoit party d'avec Bruhier quel cheualier s'estoit qui faisoit la bataille avec le Roy Bruhier, & il luy respondit qu'il n'en

ſçauoir rien:mais luy deuifa le blason qu'il portoit:c'eſt aſſauoir vn *Angle de gueules & vn faux eſcuſon de ſable bordé d'azur*. Si demanda quel cheual il auoit, ſi luy dit qu'il eſtoit Bayard, & qu'il auoit les quatre pieds blancs. Et au deuis cogneu bien Carahen que c'eſtoit Ogier le Dannois, dont il fut grandement reſiouy & le fut embrasser ſ'il euſt oſé:& la belle Gloriande auſſi. Et le noble Duc Thierry auoit en ſon cœur ſi grand lieſſe qu'il ne ſçauoit quelle contenance tenir, ſi menerent vne grande conſolation. Charlemaigne ſemblablement & ſes gens qui eſtoient ſur la montaigne menerēt grand ioye de ce que le faux Bruhier auoit trouué ſon pareil. Lors eſt retourné le meſſagier d'Angleterre cependant que les deux champions eſtoient en repos. Si arriuerent en vn petit bois qui eſtoit en la montaigne où ils trouuerent le Roy Iuſtamont & ſes gens qui deſroberent la fille du Roy d'Angleterre, & tant leur donnerent de peine qu'ils ne ſçauoyent deuenir: mais tant beſongnerent que touſiours alloient & venoyent pour empêſcher l'outrage du Roy Iuſtamont. Si retourneray aux champions. Et pource qu'il ennuyoit à Ogier, ſi appella Bruhier, quand il eut faite ſon oraïſon. A ces parolles ſe monterent leſdicts champions & s'entrefaillirent ſi puïſſamment de leurs eſpees que s'eſtoit grand horreur d'ouyr les coups ſeulement qu'ils donnoyent l'un à l'autre: Et ſ'auança Bruhier & donna de ſon eſpee ſur Ogier:mais le coup deſcendit ſur Broïffort, tellemēt qu'il le tua & ne fut pas de merueilles, Ogier tomba par terre: Et l'eueſt le Payen getté ſur ſon cheual pour l'emporter à l'oſt ſe n'eueſt eſté qu'Ogier, fut diligent de tirer vn couſteau qu'il auoit, & luy bouta au coſté, dont le Payen fut contrainct de le laiſſer:mais cheut à terre, & le pourſuyuit ſi vaillamment Ogier, qu'il paſſa par deſſus luy & luy oſta l'oingnement qu'il auoit & ſans dire mot, Ogier ſe retira vn peu arriere & guerit ſes playes toutes ſaines deuant que Bruhier ſ'en aperçeueſt, ſi vit Charlemaigne & ſes gens le tour qu'il auoit fait au Payen, & diſoyent l'un à l'autre. Je ne ſçache au monde ſon pareil.

Lors quand Bruhier cogneut qu'il auoit perdu ſon oingnement ne ſçeut quelle contenance tenir:mais eſtoit pis qu'enragé, ſi diſt à Ogier le Dannois. Ha faux traïſtre, tu m'as faucement trahy de m'auoir ainſi oſté mon oingnement. Payen tu ne diſ pas vray diſt Ogier: car ie l'ay vaillamment conqueſté, & me repés que pluſtoſt ny ay auſſé: car ie n'eueſſe pas tant ſouffert comme i'ay. Adonc luy vint Bruhier deſcharger ſi grand coup ſur le coſté ſeſtre qu'il luy couppa haubert & hocquetō, & luy aualla vne piece de chair. Adonc Ogier, la print & avec ſon oingnement la reioignit ſans qu'il y apparueſt aucunemēt, dōs Bruhier euda enragé. Adonc Ogier luy donna ſi grand coup ſur le coſté dextre qu'il luy deſtrenchā plus de cent mailles de ſon haubert, & trenchā ſon hocqueton tāt qu'il entra dās la chair bien auant. Si ietta de ce coup vn ſi tresgrād cry que biē ouyr le peurēt tous les Payēs: qu'en fuēt moult courroucez, & ſe trouua ſi trouble qu'il ne ſçauoit que faire: car il y auoit perdu ſon oingnemēt dōt il eſtoit ſi courroucé qu'il n'e pouoit plus. Et comme tout enragé vint vers Ogier, ramener ſi grand coup que ſe n'eueſt eſté ſon eſcu qui fut garant, il en euſt fait deux parties: toutesſois il entra en l'eſpaule d'Ogier le Dannois bien vne grād paume & demie dedās la chair. Lors fut Ogier biē auſſé, & diligēt en ſes affaires. Si print toſt de l'oingnemēt du Soudā Bruhier & fut guarēti incōtinēt. Si frappa ſi grād coup ſur ſō eſpaule dextre qu'il entra dedās la chair vn grād pied, tellemēt qu'il luy aualla toute l'eſpaule. Lors cria le Roy Bruhier plus fort & plus haut que deuant, tellement que le Roy Iuſtamont le pouoit bien entendre du bois, nonobſtant que pas ne l'entendit: car il eſtoit par trop eſlongné pour euidē auoir la fille du Roy d'Angleterre qu'il auoit belle aperçeue: neantmoins l'eſpee qu'il auoit enuoyee pour veoir quand la bataille ſeroit finie, luy cria tant qu'il peut. Roy Iuſtamōt ſi vous voulez iamais voir voſtre frere en vie, ſi le venez voir, car cartainement ils'en va mourir. Or ne reſpondit le Roy Iuſtamont mot ne demy, auſſi ne l'entendit-il pas: car il eſtoit empêſché ailleurs, ſi

estoit Bruhier fort blecé tellement que force luy fut de soy trainer cōme vne beste, si luy disoit. Or ça Bruhier te souuiedra-il que tu as trouué en France Ogier le Dannois? Helas! dist-il ouy, le Roy Carahen le m'auoit tousiours bien dist que si ie me trouuoie vne fois en France que ie trouueroie le plus vaillant des vaillans, à quoy ie cognois qu'il disoit verité, parquoy ie me repens à ceste heure d'y estre venu. Mais puis qu'ainsi est ie cognois que c'est force de moy rendre, & suis bien ayse que vous ayez honneur de m'auoir combattu, dont pour l'amour de vous ie suis bien d'accord de me faire baptizer, & apres nous serons freres d'armes, j'en suis bien d'accord se dist Ogier le Dannois.

Alors Bruhier luy pria au nom de Iesus-Christ qu'il luy donnast vn peu son oignement. Et Ogier, qui tant charitable estoit cuidant qu'il se rendist vaincu, luy donna volontiers pour soy guerir à celle fin qu'ils allassent tous deux ensemble à Laon, & le Payen luy auoit promis que iamais ne luy feroit mal ny desplaisir. Mais depuis qu'il luy eut baillé, bien s'en cuida repentir: car si tost qu'il fut oingt de l'oignement, il se trouua guery de toutes ses playes, & quand il fut guery, Ogier luy demanda son oignement. Et Bruhier luy dist, ie te monstreray si tu es homme à qui ie me doyne rendre. Si empoigna son espee & vint frapper si grand coup qu'il luy aualla la moitié de son heaume, si l'estonna tellement qu'il fist plus de vingt tours & tomba à terre. Ce voyant Bruhier le chargea sur son col le cuidant emporter sur son cheual Bouchant: mais de coup d'auenture il heurta à vne pierre, si qu'ils tomberent tous deux par terre. Et quand Ogier, qui legier estoit vit ce, de courtain qu'il tenoit en sa main luy donna si grand coup entre col & chappel qu'il luy fist voller la teste sur l'herbe. Et Ogier, print le cheual Bouchant, & monta dessus & si tost qu'il fut monté dessus, vindrent à luy bien milla payens, si ne scauoit quelle part tourner, si tourna vn peu à quartier, & gaigna vn petit boccage où estoit embusché le Roy Iustamont, & si tost qu'Ogier, eut gaigné le bois, là rencontra Berard à qui on auoit osté la fille du Roy d'Angleterre. Lors luy dist Ogier. Ha! faux Payen, à ceste heure est vostre vie finie, Ha Sire, pour Dieu mercy dist Berard, ie ne suis pas Payen, ie suis Berard, l'infortuné quand j'ay perdu la belle Clarice: fille du Roy d'Angleterre, que les Payens m'ont ostée dedans le bois. Or t'en va dist Ogier, vers le Roy Charlemagne, & luy dis qu'il m'enuoye de gens à force & que les Payens m'ont assaillie en ce boccage & ne te soucie de la dame: car au plaisir de Iesus-Christ, te la guarentiray bien. Si ne cessa tant qu'il fut deuers Charlemagne, qui luy enuoya le Duc Thierry de Nantueil avec dix mille hommes.

Puis se print Ogier, à crier. Ha mau lit Payen à ceste heure te despeschera comme j'ay Bruhier ton frere, or tenoit Iustamont la belle Clarice, & luy auoit toute rompue sa corte pour la violer, & la bonne dame ne luy pouuoit autre deffence sinon l'esgratigner & luy donna du poing sus le visage: puis apres sont arriuez les gens qu'auoyēt veu Ogier qui le cherchoit, & luy dirent. Helas Sire, sauuez vostre vie & la nostre. Voicy le champion qu'à occis le Soudant Bruhier, sauuez vous ie vous prie: & il s'en fuit à ses gens, si fut contraint de laisser la belle dame Clarice. Et ainsi quelle souspiroit hautement. Ogier, la va trouuer toute de fatourné, ses robes déchirés, & luy dist. Haa! madame comment vous portez vous. Las Sire, tresbien à vostre commandement. Or ça vous ont ils fait des honneurs: Non Sire, la vostre mercy, & ainsi qu'il s'en retournoit avec la dame il rencontra le Duc Thierry qui fist la bonne poursuite contre les Payens. Lors salua Ogier humblement en le remerciant de la bonne diligence qu'il auoit faite pour toute la Chrestienté. Adonc luy dist Ogier, pourluyuez hastiement: car ie retourneray bien tost apres vous: si aduisa la dame Ogier, luy dist. Haa Ogier vous n'allez pas comme he. mitez. Non se dist Ogier, j'ay aujourd'huy fait vne grande tournée: car j'ay occis vn Roy Payen. Et alors passa outre le Duc Thierry suyuant les Payens de veuë en grand diligence qu'e-

estoient vn grand nombre. Et en suyuant lesdits Payens, ont rencontré Charlemaigne qui leur a dit, il faut retourner au demeurant, affin de les destruire tous: mais quand Ogier le Dannois fut vn peu plus auant, bailla à Berard la charge qu'il auoit de la belle Clarice pour l'emmener à Laon. Puis s'en retourna avec Charlemaigne qui vaillamment se combattoit aux Payens, & fut force à Iustamont de faillir de la bataille, & laisser ses gens pour garantir son corps. Adonc quand vn cheualier rayen vit qu'il se mettoit en fuite appella le Roy Isore, affin qu'il faillist hastiuement de la bataille: car s'il ne fut failly à celle heure il n'enfust pas failly quand il eust voulu. Alors le Roy Isore appella le bon Roy Carahu, & luy dist en ceste maniere. Helas Roy Carahu! ie vous prie conseillez moy, vous cognoissez bien que mon pere le Roy Bruhier est mort, & que mon oncle Iustamont est desconfist. Si seroit bon de se sauuer qui pourroit. Par ma foy dist le Roy Carahu, il fera assez qui eschappera aujourd'hui. Et pource que vous vous en conseillez à moy, qui me voudra croire nous gagnerons pays, & essayerons à sauuer nos corps, & retournerons là d'où nous sommes venus: car i'apperçoy que nos gens sont tous estonnez & esbahis, & les François marchent sur nous de plus fort, si n'y cognois autre remede fors ce que ie vous ay dit. Si broche des esperons le Roy Isore, & s'en va fuyant apres Iustamont son oncle. Adonc Ogier se fourre en la bataille, & broche son cheual Bouchant des esperons, & croyez que tout ce qu'il rencontre s'en va par terre, & si auant entra en la bataille que le Roy Carahu l'aduisa. Si luy escria de loin. Hau cheualier qui es tu, ie te prie ne me celle point ton nom. Adonques respondit Ogier. Haa Sir, ie vous cognois, ie suis Ogier le Dannois que Charlemaigne à tenu sept ans en prison, si ay entendu que pour moy estiez venu d'outre mer pour venger ma mort contre Charlemaigne, dont ie vous remercie, & aussi madame Gloriande vostre femme, vous priant tant commé ie puis que vous en veniez à la ville de Laon vous faire baptizer, & croire en Iesus-Christ, & en bonne foy de toutes les terres & seigneuries que i'ay vous en aurez ce qu'il vous plaira, & serons compagnons d'armes si c'est vostre plaisir. Lors respondit Carahu, ie vous prie mon bon amy Ogier le Dannois ne m'en parlez iamais: car pour tout l'auoir du Royaume de France ie ne renonceray ma loy: mais ie vous donneray la moitié de mon royaume, & amenez de vos prestres avec vous, & ie vous promets que ie leur feray temples & Eglises pour solenniser vostre Dieu, dont Ogier le remercia, & prindrent congé l'un de l'autre. Adonc les Payens prindrent tous la fuite, dont tant en demeura que ce fut chose merueilleuse. Or sont les Payens fuis: mais le Roy Carahu, qu'auoit Girard de Rossillon, & le Duc Thierry prisonniers, les arma tous deux gentement, & les renuoia sans payer denier ny maille ne rançon, & leur dist. Seigneurs vous estes en armes gentement. Lors luy bailla à chacun vn bon destrier, & leur dist. Allez seigneurs & me recommandez cent mille fois au vaillant Ogier le Dannois. Si le remercient tres grandement, & sa femme la belle Gloriande qui grandement leur chargea la recommander à son bon amy Ogier le Dannois: & ainsi prindrent congé les vns des autres. Adonc sont les François retournez dedans la ville à grand ioye & à grand liesse regrantiant nostre Sauueur Redempteur Iesus-Christ, qui si bien les auoit gardez & deffendus de ses maudits Payens. Et si tost qu'ils furent dedans la ville de Laon, vindrent les deux prisonniers que le Soudan Bruhier auoit prins, lesquels vindrent à Ogier le Dannois, & luy dirent: Gentil Duc de Dannemarche, nous vous remercions: car le noble Roy Carahu qui nous tenoit prisonniers n'a oncques voulu rien prendre de nous: mais nous à tous deux faict armer, & habiller en la maniere que vous voyez, nous enchargeant, lui & sa femme la belle Gloriande, vous faire cinq cens mille recommandations. Messeigneurs de bonnes nouvelles suis moult ioyeux, en remerciant le noble & vaillant Roi Carahu, & sa noble femme la belle Gloriande & vous pareillement.

*Comment Berard de Bruis presenta au Roy Charlemagne la belle Clarice fille du Roy d'Angleterre, laquelle le Roy Charlemagne donna en mariage à Ogier le Dannois, & comment Ogier le Dannois apres les nopces alla en Angleterre là où il fut receu honorablement & couronné Roy dudit pays.*

CHAPITRE XXXVII.



Restoit le Roy Carakeu moult ioyeux de l'appointement qu'il auoit fait avec Ogier, & fist assembler tout son conseil, & alors que tout fut assemblé, voicy venir Berard de Bruis, lequel avec sa noble compagnie, amena deuant le Roy la belle Clarice fille du Roy Achar, en son viuant Roy d'Angleterre. Et si tost que la dame vit le Roy si le salua, & le Roy aussi elle, ensemble tous les douze Pairs de France, & toute la bastonnie. Alors dist Berard de Bruis Noble Empereur, or est verité, que quand vous cogneustes, que le Roy d'Angleterre auoit esté tué par Bruhier, vous menuoyastes à Londre pour amener la belle Clarice fille du Roy d'Angleterre, nous nous trouuastes en tresgrand danger à l'entree du bois n'eust esté la bonne poursuite d'Ogier. Et toutesfois l'auons iusques icy amené deuant vostre royale Majesté pour y pouruoir à vostre bon plaisir. Si regarda Charlemagne Ogier à qui il dist, Ogier mon amy il me semble que feriez bien de prendre quelque noble femme en mariage : dont vous feriez prisé & honoré. Sire dist Ogier, ie feray tout ce qu'il vous plaira. Et vous dame, il me semble que vous feriez bien de prendre quelque honneste personnage pour regir le royaume qui vous a succédé. A vostre vouloir soit fait Sire, dist la dame. Or bien dist Charlemagne. Ogier ie vous la donne pour femme, & veux que de ceste heure soyez espousez. Lors s'en allerent à l'Eglise, & l'Archeuesque Turpin les espousa. Si fut la feste la plus triomphante, que iamais homme vit tant de la victoire comme de l'assemblément des deux nobles personnages. Et puis apres le Roy voulut retourner en France. Et quand il fut à Paris, il donna congé à tous les cheualiers, & gens d'armes de s'en aller en leurs maisons iusques au mandement du Roy. Et quand Ogier eut vn petit seiourné à Paris, si demanda congé au Roy pour s'en aller prendre possession du Royaume d'Angleterre, & se faire couronner Roy. Laquelle chose le Roy fist volontiers : mais qu'il fut prest de reuenir quand il plairoit au Roy de le mander. Or print Ogier le Dannois congé de toute la Baronnie de France, & avec luy sa femme la belle Clarice, & mena avec luy Berard de Bruis qu'auoit amené la belle Clarice en France.

Le noble Ogier le Dannois, & sa compagnie cheuaucherent tant qu'ils arriuerent au port, puis monterent sur mer, & eurent vent à gré, tant qu'ils arriuerent à Londres, où ils furent honorablement receuz. Et là à grand honneur fut Ogier couronné Roy du pays. Et puis quand il eut longuement seiourné au dit royaume d'Angleterre, & qu'il eut receu les hommages des seigneurs. Si eleut vn regent pour gouverner le pays, & puis s'en alla en Dannemarche remettre tout en sa main & visiter son frere, & son nepueur & tous les habitans. Et ainsi qu'Ogier alloit voir ses parens, celui là que plus il desiroit voir s'estoit desia party de Dannemarche de la maison de son pere le Duc Guyon frere d'Ogier qui tant estoit preux, & vaillant, si luy auoit dist le Duc Guyon en ceste maniere. Gautier mon fils, & amy l'ay entendu dire que depuis vn peu de temps, mon frere vostre oncle Ogier le Dannois, à appointement avec Charlemagne, & luy compta la maniere comment tout en estoit adueni, & luy pria qu'il l'allast voir à Londres, & l'accompa-

gna de quatre escuyers, & tant cheuaucherent qu'ils vindrent au port, & là sejournerent tant seulement vn iour pour eux rafreschir. Et ce temps pendant, Ogier ordonnoit de son royaume, & par le moyen de son conseil laissa à Berard en gouuernement son royaume d'Angleterre.

*Comment Ogier le Dannois, apres qu'il eut baillé le gouuernement du royaume d'Angleterre à Berard de Bruit, fust assailly en vn bois de cent hommes d'armes, & comment Gautier son nepueu vint à la reconffe, & luy sauua la vie, puis passerent outre mer, & s'en allerent en Dannemarche.*

### CHAPITRE XXXVIII.



Il se partit Ogier pour aller en Dannemarche tant seulement à huit cheuaux dont se fut simpleste: car le traistre Berard fist faire assemblée par ses parents de cent hommes d'armes, lesquels allèrent le guesler en vn bois, afin que le dit Berard peût paruenir à le couronne d'Angleterre. Et estoit la guide Mery nepueu dudit traistre Berard. Et d'iceux fut assailly si terriblement qu'il ne scauoit ou retourner, toutesfois il se mist en deffence: mais la deffence ne peut resister qu'incontinent tous les gens ne fussent occis. Et luy que ne pouuoit resister à tant de gens, fut mis en tel estat qu'il n'auoit ny harnois ne demy: & fut ietté dessus son cheual à terre, & nauré en plusieurs lieux. Mais ainsi que nostre Seigneur, iamaïs à ses bons seruiteurs ne faut. La arriua Gautier nepueu dudit Ogier, tres-vailant cheualier. Lequel voyant Ogier ainsi desmonté, & nauré à eutrance vint à ces maudits traistres, & leur dist. Faux chiens mains entagez que faites vous. Si dist à ses quatre escuyers qui estoient avecques luy. Seigneurs secourez ce cheualier qui tant vaillamment s'est deffendu. Lors tirerent leur espees, & tant donnerent de coup à ces traistres, que tous les occirent, excepté Mery qui s'enfuit, & bien luy en print: car autant en eut comme les autres. Adonc Gautier & ses escuyers si allerent au bon cheualier qui tant lassé & desconforté, & luy dist Gautier. Cheualier comment vous portez vous? Dieu vous doint bonne vie. Tresbien Dieu mercy, & vous ie vous desseruiray le plaisir que m'auiez fait: car ie suis Ogier le Dannois Roy d'Angleterre, & Duc de Dannemarche. Adonc Gautier se descendit, & vint embrasser son bon oncle Ogier le Dannois en plorant, & luy commença à dire. Ha mon oncle ie vous salue, tant Dieu m'a fait heureux d'auoir trouué ceste rencontre, & Ogier luy dist. Beau nepueu vous soyez le tresbien venu: car vous n'eussiez sceu venir mieux à point, vous ne ces quatre gentils escuiers. Or ça beau nepueur prenez c'est oignement, & en oignez mes playes. Si se despoüilla tout nud: quand elles furent oinctes il fut guéri incotinét. Lors auisâ Gautier la propriété de c'est oignement qui tant estoit aromatizant, & de grand vertu, & dist bel oncle c'est oignement est party d'une bonne boutique, on n'en treuve gueres chez les apoticaires. Non bon nepueur, à vostre venue ie vous donne c'est oignement. Grand mercis, dist Gautier, ie ne trouuay iamaïs qui tel don me donnast, & pour l'amour de vous ie le garderay cherement. Lors amenèrent le cheual Bouchant à Ogier, & puis monterent à cheual, & quand ils furent tous montez si cheuaucherent vn peu. Puis s'arresta Ogier, & pensa qu'il auoit affaire ou de retourner à Londres pour faire inquisition de la trahison, ou de s'en aller pour faire son voyage. Si dit à luy mesme, que puis qu'il estoit eschappé de celle fortune, qué folie seroit de s'en retourner. Adonc cheuaucherent iusques aux hautes, pour eux mettre sur mer, & eux arriuez au haure, se firent charger sur mer pour aller iusques à Dannemarche. Quand ils furent chargez trouuerent vent à gré, &



tant nagerent qu'ils vindrent arriuer au pays de Dannemarche, où à esté le bon Roy Ogier le Dannois receu honnorablement.

Adonc le Duc Guyon son frere se vint recueillir à moult grand triomphe en son palais, & furent inuitez tous les Barons, & seigneurs du pays de Dannemarche pour venir visiter leur naturel seigneur, & celuy la sur tous les viuans digne de louange, & de grand memoire. Si fut faicte vne moult grand' feste tant solennellement qu'oncque mais en la duché de Dannemarche on n'en auoit veue la semblable. Et pres que la feste fut passée. Ogier parlementa avec le Duc Guyon son frere, & luy conta tout l'affaire qu'il auoit en faillant hors de son royaume d'Angleterre. Et comment se n'eust esté son nepueur Gautier, il eust esté mort, lequel se porta vaillamment, & comme il luy auoit donné de l'oignement du vray baume dont nostre Seigneur Iesus Christ fut embaumé, qui est si vertueux qu'il n'est mébre si vaillamment couppé que si incontinent est oingt, qui ne soit subitement guery. Adonc respondit le Duc Guion. C'est vn noble, & riche don. Or ça dist Ogier son frere pource que i'ay des biens de fortune, plus largement qu'il n'appartient, vous delaisse franchement la duché de Dannemarche, par ce moyen toutesfois que l'hommage m'en demeurera. Grand mercy mon frere, c'est bien raison que l'hommage vous en demeure. Et à ceste heure vous en fais, & vous reclame mon naturel Seigneur. Et quād ils eurent assez deuisé la nuit approcha, & chacū s'e departit pour aller reposer: mais quand Ogier fut à son repos, vn Ange vint, & luy dist hautement: Ogier, entends à ce que ie te veux dire, & annoncer. Sçaches que Dieu te mande de par moy, que tout seul tu t'en ailles vers lacié d'Acre où tu trouueras le Roy Iustamont, lequel faict au Roy Iean d'Acre grād guerre, si entreprendras la bataille, à l'encontre de luy, & vaincras ledit Iustamont: puis apres seras couronné Roy dudit lieu d'Acre. Si fut faict par l'Ange vne moult grand' clarté, & demeura là Ogier le demeurant de la nuit assez pensif, regatiant nostre Seigneur Iesus Christ qui en ce point l'auoit faict reuisiter, luy suppliant l'auoir en sa garde. Le laisseray à parler d'Ogier, & parleray de Berard de Bruit. Berard ayant veu le retour de Mery, demanda comme tout alloit, lequel luy dist que mal, que tout estoient morts: mais l'assura d'Ogier, disant qu'il estoit mort dedans le bois. Adonc Berard luy dist qu'il fust secret & qu'il luy feroit des biens. Alors s'e va Berard à la Roïne, & luy dit. Certes madame, scachez qu'il est venu vn messagier lequel à apporté certaine nouuelles que monseigneur vostre mary est mort. Qui, Ogier, se dist elle. Voire se dist Berard. Et plus fort, ie vous monstreray vne certification comment Charlemaigne le mande par expres. Et pour laquelle lettre il vous mande de vous trouuer à Paris pour vous rematier à son plaisir. Adonc respondit la Roïne. Haa Berard, ce n'est pas la premiere trahison que vous auez voulu faire & ne vous chaille, ie le feray bien quand i'en sçauray la verité. Car iamais on ne le sçeut prendre impourueu, qu'il n'ait tousiours si bien exploicté qu'il est venu au dessus de ses besongnes. Par ma foy dist Berard il est ainsi que ie l'ay dist: car à la descendue de Dannemarche il fut rencontré d'aucuns de ses ennemis François qui l'ont occis. Adonc la Roïne Clarice cheut toute pasmé, & de celle heure enuoya en Dannemarche pour en sçauoir la verité. Si dist au messagier, mon amy quand vous serez en Dannemarche, enquez vous diligemment de mon amy Ogier la Dannois, & luy dites que Berard auoit affermé qu'il estoit mort, & qu'il doit aller par deuers Charlemaigne pour m'auoir en mariage. Et luy dites que ie m'enuois à Paris deuers Charlemaigne lequel m'a mandee pour moy remarier. Et n'arrestez pas longuement ie vous en prie tant qu'ayez fait vostre message. Adonc se partit le messagier. Or auoit Berard enuoyé à Paris deuers Charlemaigne luy faire sçauoir la mort d'Ogier, dont Charlemaigne fut moult doulent. Toutesfois il manda à Berard qu'il conduisist tousiours sagement le Royaume. Si monstra Berard les lettres à la Roïne, dont elle fut tres dolente. Adonc elles cogneut que les choses estoient

vrayes , & fist son appareil pour aller à Paris. Alors Berard qu'auoit ouuert le tresor d'Angleterre fit porter à Charlemaigne huit cheuaux chargez d'or, affin qu'il luy donnast en mariage Clarice. Et partit ledict Berard avec la Royne accompagné de deux cens hommes. Mais quand ils furent pres de Paris se reposèrent vn peu , & ce pendant enuoya Berard , les huit cheuaux chargez d'or par vn sien Cousin à Charlemaigne , & quand il paruint à Paris trouua Charlemaigne, lequel luy demanda, mon amy , qu'est-ce que vous apportez ? Ce sont dist-il , huit charges d'or que Berard de Bruit vous enuoye : & pource qu'Ogier le Dannois est mort , si s'estoit vostre bon plaisir de luy donner la Royne , en mariage, il vous en donneroit tous les ans autant. Adonc respondit le Roy , mon amy, dites à Berard qu'il vienne en Allemagne: car il m'est force d'y aller, & là ameine la Royne, & luy dites que ie la luy feray espouser. Si s'en retourna le messagier & le Roy s'en partit pour aller en Allemagne. Or laisseray à parler du Roy, & de Berard, & parleray du messagier que la Royne auoit enuoyé en Dannemarche.

Or est Gerar le messagier de la Royne arriué en Dannemarche , où il trouua Gautier, à qu'il demanda où estoit son maistre Ogier. Adonc Gautier l'y mena Et quand il vit Ogier, si le commença à saluer. Lors Ogier luy demanda, Gerard mon amy , quel vent vous meine ? Par ma foy , Sire , dist Gerard, ie ne sçay rien de bon. Mais madame la Royne la belle Clarice, m'enuoya par deuers vous , pour sçauoir ce que Berard de Bruit luy a donné à entendre : car il luy a affermé sur son ame que vous estiez mort , & qu'on vous auoit tué en chemin , si l'a mandé au Roy Charlemaigne & luy a enuoyé huit sommiers chargez d'or pour espouser madame la Royne vostre femme , ce que le Roy luy a ostroyé. Adonc se trouua Ogier , tout esmeu , si luy dist , Dieu mercy vous cognoissiez bien qu'il n'est par vray : mais il n'a pas tenu à luy n'a ses parens. Et si n'eust esté mon nepueu qui est icy, i'estoye là demeuré: car il me sauua la vie. Combien qu'il en reschappa vn nommé Mery qui cuydoit bien que ie fusse mort. Mon amy conseillez moy que ie dois faire , si ie retournay deuers la Royne , ou si ie dois aller en Acre , pour accomplir le commandement de Dieu: Alors son frere luy dist, mon frere vous estes plus tenu à accomplir le commandement de Dieu que celui des hommes: parquoy ie vous conseille qu'alliez en Acre. Alors Ogier se disposa pour aller en Acre , & enuoya Gautier son nepueu vers la Royne pour testifier qu'il estoit en vie, & luy bailla vn anneau , que la Royne luy auoit baillé à son departement. Si luy ordonna de s'en aller deuers le Roy , & luy dire qu'il s'en va en Acre , combattre Iustamont, le frere du Roy Bruhier , & dites au Duc Naymes mon oncle qu'il ait mon cas pour recommandé.

Or ainsi qu'Ogier montoit sur mer pour aller en Acre, aussi faisoit Berard, pour aller en France , & ne tarda gueres qu'il ne fut à Paris. Et quand le Roy eut ouy messe , vint Berard de Bruit se jeter à ses pieds en le saluant tres-humblement. Adonc le Roy luy redit son salut, & luy dit Berard mon amy, ie suis ioyeux de vous veoir, or ça comment ce porte la Royne. Tresbien Sire, à vostre noble plaisir. Et comment, ne l'avez vous pas ameneé ? Ouy Sire, dit-il, vrayement. Je me recommande à vostre treshonorée grace: car si s'estoit vostre vouloir de me faire ce bien , ie vous fourniray d'un grand tresor par chacun an. Alors le Roy conuoiteux de finances luy commença à dire, laissez moy faire seulement, amenez la disner & ie parleray avec elle. Je feray vostre plaisir dit Berard. A tant le Roy alla au palais, & Berard alla querir la Royne, & ainsi qu'elle fut arriué le Roy la print par la main, & la mena à vne fenestre. & quand ils furent à leur priuée, le Roy luy dist. Or ça madame, j'ay entédu par Berard de Bruit vostre amy, que vostre bon seigneur Ogier est mort, vous n'estes pas ynedame pour demeurer sans partie, c'est assauoir quelque hōme honorable qui sçache gouverner vostre royaume , & exercer vostre iustice. Et aussi pareillement tenir vostre peuple en bonne paix. Or est il que voicy Berard de Bruit: vn noble seigneur

Duc de vostre terre & loyal cheualier, lequel ie vous veux dōner pour seigneur: car il me semble qu'il vaut bien. Ha ha Sire! ne parlez plus de cela. Berard ne cherche sinon mon deshonneur, si vouldroye bien qu'il vous dit la maniere comme il est mort, & qui l'a tué car en bonne foy, s'il est mort il en a esté cause, & sçait bié plus auant qu'il ne dit: si vous prie Sire, ne me parlez plus de Berard. Charlemaigne rout indigne contre elle luy deffédit sur peine de perdre son auoir de non habandonner la Cour, dont elle fut mal contente: car elle auoit peur que le Roy ne le luy fist prédre par force. Si s'en retourna au logis, & tousiours Berard estoit apres pour luy en parler: mais il perdoit sa peine: car pour rien ne le vouloit, ce temps pendāt le Roy eut fait ses besongnes en Allemaigne, & fut deliberé vn leudi de faire vne grande feste pour prédre congé de ses barōs & seigneurs d'Allemaigne & aussi pour faire le mariage de Berars de Bruit, & de la Roïne d'Angleterre. Or estoit Gautier le nepueur d'Ogier le Dannois arriué au port le matin, pour aller celuy iour en la Cour, & se vint loger en vne bonne hostellerie, & puis il demanda à son hoste qu'elle heure il estoit, bien, si dist qu'il estoit enuiron dix heures, & que le Roy estoit assis à table, & que la Roïne d'Angleterre y estoit: parquoy on deuoit faire le mariage d'elle, & de Berard de Bruit. Adonc se fist deshouser vitemēt puis se vestit & accoustra bien hastiuement le plus richement qu'il peut, puis dist à ses hommes. Festoyés vous tresbien & faictes bonne chere: car ie m'en voy chés le Roy, & mena avec luy vn ieune page qui estoit gētil-homme, si leur dit qu'ils le laissassent entrer, ou qu'il leur en prendroit mal. Quand il vit qu'ils n'en vouloyent rien faire il tira son espee, & deschargea sur eux en disant. Mescēts pailhards à qui cuydez vous parler, si se retira en la chambre où estoit le disner, & récontra vn des maîtres d'hostel du Roy, qui luy dist, Monseigneur on ne vous souffrira pas entrer à tout ceste espē, & ainsi qu'il le voulut frapper il s'ēfuit, puis entra en la salle & regarda là. Si trouua vn escuyer à qui il demanda qui estoit ceste dame qui estoit tāt belle. Il luy respondit que c'estoit Clarice la Roïne d'Angleterre. Adonc il vit venir les mets qu'on apportoit pour mettre sur les tables, & voyant qu'il ne faisoit là rien si print vn entremets d'vn paon qu'on portoit deuant le Roy, & fist son assiette tres-hōnorable, en faisant la reuerēce au Roy comme bien aprins. Si demanda le Roy qui estoit ce ieune cheualier, par la foy de mon corps dit-il encores n'en ay-je point veu ny cogneu de plus beau ny de plus honneste, & luy demanda qu'il estoit, Gautier luy respondit, Sire vous me cognoistrez auior d'huy auant qu'il soit vespre. Si se tourna vers la Roïne, & luy dist. Madame ie vous saluē de par vostre loyal amy Ogier, afin que vous ne croyez Berard de ce qu'il vous dira, voila qu'il vous enuoye. Si cogneur bien l'anneau & la pierre: car tenuē l'auoit longuēmt. Helas! ce dist elle gentil cheualier ie vous en remercie grandement. Si auoit amené avec soy Gerard: mais il ne vouloit pas si tost se monstrier. Adonc la Roïne Clarice le fist boire en coupe, & le traistre Berard auoit tousiours l'œil dessus luy.

Or ainsi qu'on luy apportoit vn mets pour porter à la Roïne, si dist secrettement Berard à Gautier, pource qu'il cognoissoit qu'il estoit aymé d'elle, portez à celle dame ce beau mets voyez icy, & vous me ferez plaisir. Cuides tu, dit Gautier, que ie sois venu d'outre mer pour te seruir. Or te sers toy-mesme si tu veux, ie cognois bié que i'auray affaire à toy de plus pres. Lors tira Berard vn couteau, & le cuida bouter au ventre de Gautier: mais Gautier fut habille si luy estraignit si fort la main qu'il le luy rompit en pieces. Et à ce coup Gautier sans faire bruit n'y noise s'en retourna chez son hoste, si fist armer tous ses gens & luy mesme se fist armer. Et quand ils furent bien accoustrés il les mena, & auoyent tous leur manteaux dessus leurs armes. Et quand vint à l'entree les portiers luy dirent. Ha! n'est-ce pas vous qui tirastes au matin vostre espee contre nous? Retournez vous en seulement: car vous n'y entrez pas. Si feray, ce dist Gautier, vueillez ou non, si ri-

ra son espee & le tua, & tous les autres s'enfuyrent, & puis luy & ses gens s'en allerent en la salle où le Roy disnoit, & tira son espee dont il donna vn si grád coup à Berard, que s'il ne ce fust laissé cheoir dessoubz les pieds du Roy Charlemaigne, il l'eust tué & fendu en deux pieces, & tellement frappa qu'il couppa le hanap du Roy qu'estoit tout d'or. Quand le Roy vit le grand outrage, s'escria. Barons prenez ce ribaud: car ie vouë à Dieu que ie le feray traîner à la queue d'un cheual, & pendre au gibet. Adóc se leuerét Gerard de Roussillon, le Duc Naymes, le Dœc Thierri d'Ardaine, & tous les autres barons & seigneurs, & adonc commença vne dure feste: mais la Roïne d'Angleterre se leua incontinent: & dit à Berard. Helas messeigneurs gardez ce cheualier: car il est fils de Guion de Dänemarche nepueu d'Ogier. Adonc se partirent les seigneurs de la salle, & le Roy retourna avec Berard au palais. Et y eut largement des seruiteurs blesez. Or s'estoyent recueillis les seigneurs, & la Roïne d'Angleterre avec eux, qui leur monstra l'anneau qu'Ogier enuoioit. Or estoyent-ils tous de la parenté d'Ogier, parquoy auoyét grande affection que sa cause fut bonne. Si conclurènt qu'il estoit force de remonstrier au Roy la maniere du mariage de ceste Roïne d'Angleterre, & qu'il estoit force d'enquerir de la mort d'Ogier le Dänois premierement. Adonc le Duc Naymes voulut parler au cheualier pour scauoir la principale cause qui l'auoit amené, & dont estoit venu le desbat qu'ils auoyent eu ensemble si soudainement. Gerard & Naymes s'an allerent heurter en la salle, & Gautier demáda qui s'estoit, ouurez hardiment se dist Naymes & donc ouurit la porte, & quand ils furent entrez si l'interrogerent d'où pcedoit ce desbat. Ie le vous diray volontiers, dist Gautier. Il est vray que ie sus fils du Duc Guyon de Dänemarche frere d'Ogier, lequel estoit en nostre maisón quand vn messagier d'Angleterre luy r'apporta que la force luy estoit qu'il s'en retournaist en Angleterre, ou autrement il perdroit la Roïne & son Royaume. Car on auoit rapporté & dit au Roy Charlemaigne qu'il estoit mort. Si pensa à luy mesme qu'il deuot faire: car le soir de deuant vn Ange de Paradis luy estoit venu annoncer qu'incontinent il s'en partist pour aller en Acre prendre bataille contre Iustamont, frere de Bruhier qui vouloit destruire Acre. Et pensant à ses deux choses voulut premierement exccuter le commandement de Dieu: parquoy me donna charge de venir pardeça. Or est vray que mon pere auoit entendu que mon oncle Ogier auoit fait son appointment avec le Roy, & m'auoit enuoyé vers luy en Angleterre pour luy faire seruite, & mon oncle fut aussi disposé pour venir en Dänemarche: mais quand il fut party, en vn bois qu'estoit entre Londres & le port fut assailly, & n'estoit que luy dixneufiesme, & ils estoyent cent gens d'armes bien armez, lesquels pour quelque deffence qu'il peult faire, car il n'estoit pas armé, le mirent en tel point que si Dieu ne m'eust là admené ils l'eussét tué. Mais quand i arrivay là, & que ie le vis ainsi vaillamment se deffendre, ie dis à mes gens qu'ils se missent tost sur ces mastins qui vouloyent ainsi destruire ce vaillant cheualier, & fismes si dur effort que de cent n'en demeura qu'un qui se sauua par bien fuir. Or auoit mon oncle Ogier, du baume qu'il auoit cōquesté sus Bruhier, si se despouilla tout nud, & luy oingnit toutes les playes, si fut guery prestement, & monta à cheual, puis nous nous en allasmes en Dänemarche, dont il s'en partit pour aller en Acre, lequel m'a icy enuoyé. Et quád i'ay esté dedans la salle, Berard du Bruit m'est venu presenter vn mets pour presenter à la Roïne d'Angleterre: & ie luy ay respondu que ie ne suis pas venu d'outre mer pour le seruir si a tiré vn cousteau & m'a cuidé frapper dedans le ventre: mais ie le luy ay rompu en ses mains, & luy ay bien fait cognoistre qu'il n'auoit pas affaire à vn petit enfant. Neueur dist Naymes, quand le Roy vous mandera venez parler à luy. Aces paroles arriuerét les gens du Roy par grands courbes armez pour chercher Gautier qui de bon appetit disnoit, & ainsi qu'ils furent arriuez, le bon Roy cōmanda qu'on print ce ribaut, qui ainsi l'auoit troublé à son disner. Sire s'il vous plaist dist Gerard de Roussillon vous ferez venir le cheua

cheualier dire les causes de ce trouble. Qu'é dites vous Naines, dist le Roy, Sire dist Naines, vous estes le mirouer de tous Chrestiens, & de iustice: mais il me semble que vous deuez faire inquisition du cheualier, assauoir mon s'il à tort, & s'il est coupable, nous mesmes ayderons à en faire iustice: car il est de nostre lignage: mais qui luy feroit outrage le lignage en prendroit telle vengeance qu'il en feroit memoire à perpetuité. A ces paroles le Roy fut esbahy, & aduisa Berard de Bruit, qui commença à chager couleur, & puis dist, C'est bié raison qu'il soit ouy en sa cause: mais pour vn ieune cheualier, il est fort courageux. Si respondit Gerard de Roussillon, autrement ne seroit-il pas du lignage. Et pour scauoir la cause de ce trouble, le Roy commanda faire venir deuant luy le vaillant Gautier, lequel incontinet y vint, & d'une grande hardiesse salua le Roy, lequel luy dist. Or çé cheualier d'où estes vous, Sire dit-il, ie suis de Dannemarche fils du Duc Guy, & nepueur d'Ogier le Dannois. Dites vous dist le Roy. Ouy seurement dist Gautier, or ça vostre oncle Ogier le Dannois est mort, en scauez vous rié. Certes dist-il Sire, c'est d'oc depuis que ie suis party de la maison: mais il n'a pas tenu à Berard, que voicy, qu'il n'est mort. Et si Dieu, & aduventure ne m'eussent amené en la place, mon oncle Ogier estoit mort. Alors cōpta au Roy, toute la trahison de Berard, ainsi qu'auz ouy dessus. Et s'il y a personne qui vueille dire le contraire ie suis tout prest de le prouuer en champ de bataille, ainsi que par vostre bon conseil sera ordonné. Quand le Roy ouyt ses nouvelles, si dist à Berard, Berard que dites vous à ces paroles que ce cheualier à dit contre vous. Sire se dist Berard ie suis prest & appareillé de m'en defendre, & voila mon gage, & Gautier le leua en disant. Et ie te monstreray la verité: car ie le scay bien. Atant furēt prins les pleigos d'une part & d'autre: mais le Roy ne se pouuoit tenir de parler du gentil Gautier: car souuent luy souuenoit de la grand' peur qu'il luy auoit faite, & dist au Duc Naymes. Si le cheualier vit longuement il aura aussi grand' force que son oncle: car il à ja bon commencement. Lors la Roïne d'Angleterre fut toute consolée, quand elle vit que Barard de Bruit, fut ainsi accusé de sa trahison: car elle se doutoit bien qu'il y auoit fauceté.

*Comment Gautier le nepueur d'Ogier le Dannois, desconfit en champ de bataille Berard de Bruit, lequel auoit voulu faire mourir le vaillant Ogier le Dannois par traison.*

## CHAPITRE XXXIX.

**L**E iour fut assigné par le Roy Charlemaigne à vn iedy. Et furent mandez les champions pour eux trouuer dedans ledit champ, or se fist armer, Gautier par ses gens, & par ses oncles, & principalement Gerard de Roussillon, lequel luy dist. Que si Dieu luy faisoit celle grace de luy donner la victoire, qu'il estoit content d'accomplir le voyage de Ierusalem, & aller voir le saint sepulchre, & le cheualier Gautier respondit, de cela ne vous souciez: car l'ay intention qu'à mon bon droit Dieu nous dōnera victoire, or ay-ie force & courage, & avec cela i'ay du baume que mon oncle conquesta quand il occist Bruhier, pourquoy ie ne crains hōme. Si s'en allerent ioyeu sement pour entrer au champ, & incontinet qu'ils y furent, Berard vint bien armé, & si tost qu'ils furent entrez, s'entrecheutèrent terriblemēt: mais nul d'eux ne perdit la selle: mais firent leurs lāces voller en l'air par esclats. Leux cource faite, Gautier mist à coup la main à l'espee, & vint ataindre Berard sur le heaume, tant que le coup luy alla sur l'espaule, & entama la chair bien auant. Adonc dist Gautier à Berard auez vous commencement de guerre à vn ieune homme qui vous donnera luy à cognoistre, que quiconque

fait trahison que par trahison luy retourne sus. Si cuida Berard entager de despit, & outre plus, luy dist Gautier, Berard vous cuidez estre marié, & voulez rauer & espouser la femme de mon oncle : mais ains qu'il soit nuict vous espouserés les fourchez. Lors Berard par grand felonnie tira son espee, & donna si grand coup sur le heaume à Gautier, que l'espee luy tourna en la main, & vint tóber le coup sur la croupe du cheual, si qu'il tournoya bien quarante iours, tellement que du regimbement qu'il faisoit, tua le cheual de Berard à terre. Gautier moult diligemment descendit, & vint à Berard, d'un coup luy couppa la iâbe. Adóc ietta Berard vn si grãd cry que ce fut grãd merueille. Lors dist le Roy qu'estoit aux fenestres du palais. Aduisez que c'est que des gens, on ne les cognoist pas pour les voir. Vrayement se dist le Duc Naymes, le sang ne peut mentir, vous voyez desia la proiësse du cheualier. Aduisez donc quand il aura vn peu luyuy les armes que ce pourra estre. Lors dist le Roy c'est vn beau commencement de cheualier & croy que s'il estoit gueres avec son oncle, qu'il seroit pour faire parler longuement de luy. Gautier qui descendu estoit dist à Berard viens ça traistre te rens tu, es tu content à ceste heure de dire la verité de ta trahison, & Berard ne respondit rien. Et quand Gautier vit que rien ne respondoit, il vint à luy, & luy donna vn moult grand coup, dont il ietta vn fort grand cry. Adonc dist Gautier. Or ça maistre Berard que dist le cœur, ha! mon amy ie me rends à vous: puis que ie suis en ce point, & que vostre oncle n'est pas mort. le vous prie que ie ne sois pas pendu: mais qu'on me face mourir en prison, ainsi que bon vous semblera, & faites venir le Roy & luy compteray la trahisón. Adonc Gautier alla vers le Roy, & luy dist. Sire ie vous prie tant que ie puis, qu'il soit mis aux prisons, & que là il finisse sa vie honteusement sans estre pendu: car i'ay grand pitié de luy. Et adonc le Roy commanda qu'on le suiuit. Si allerent incontinent deuers ledict Berard & luy demanda le Roy qu'il vouloit dire. Certainement dist-il ie me tiens pour vaincu: car i'ay cuidé faire mourir son oncle, pour l'amour de la Roïne Clarice d'Angleterre, pour conuoitise d'auoir son royaume: mais trefchier Sire, humblemēt ie vous supplie qu'il vous plaise que mon corps ne soit point pendu, ne mis à mort si honteusement. Par ma foy dist Charlemaigne, tout l'auoir d'un royaume ne vous en garentiroit pas. Si commanda qu'il fust attaché à la queue de son cheual, & traîné hastiuement aux fourches. Si fut pendu & estranglé. Et le vaillant Gautier demeura en champ, & en la grace du Roy, & de tous les seigneurs, Si fut le champ leué, & fait vn grand triomphe, & tout le iour le Roy fist tresgrand honneur à Gautier, & le fist son chambellan. Si vint tantost la Roïne Clarice le remercier grandement pour son seigneur & mary qui si bien l'auoit vengé, & le festoia honnorablement. Et alors fut Charlemaigne bien esbahí de Berard: car il eut bien pensé autrement, & depuis ayma moult le gentil Gautier, tellement que Charlot en fut enuieux, & en cuida venir grand noise: car à tort estoit ledict Gautier, comme orrez cy apres.

*Comment Ogier le Dannois par le commandement de Dieu partit de Dannemarche, & passa sur mer pour aller en Acre pour se combaire contre Iustamont, & quand il fust en Acre il ne trouua nul qui le vultist loger.*

## CHAPITRE XL.

**R**Euenons à Ogier qui est sur mer, & à tant nagé par ses iournees qu'il est arriué pres d'Acre. Et si tost qu'Ogier eut auisé la ville, si leur demanda quelle ville s'estoit qu'il voyoit. Ils luy responderent que c'estoit la cité d'Acre. Si leur pria qu'ils le descendissent, & que s'estoit là où il auroit à besonger. Quand Ogier fut descendu à terre. Messieurs, se dist-il, n'y viendrez vous pas pour

pour vous rafraeschir. Et ils respondirent ce n'est pas nostre cas: car les viures y sont trop chiers. Et Ogier ne reposa tant qu'il fut en la ville, & ainsi qu'il entra dedans la cité tout le monde qui le voyoit se moucquoit de luy. Si vint à l'hostel d'un bourgeois, & luy dist. Mon amy ie vous prie que ie soye logé, & incontinct le bourgeois entra dedés, & luy ferma la porte, & pourquoy fermez vous la porte, dist Ogier, si s'en retourna à vne autre porte qu'il trouua ouuerte, & voulut entrer dedans à tout son cheual. Adonc le vallet de la maison luy dit. Hola, hola, n'entrez point ceans: nous n'auens que faire en nostre maison de tels baufteurs: car nous auons assez de tels tous les iours, retournez à mont, & allez chez les templiers, & vous serez leans bien soudoyé, & bien gouvernés. C'est ce dist-il ce qu'il mé faut: car depuis le matin ie ne beu ne mangeay. Mais si tost qu'il arriua en l'hostel des templiers ils fermerent les portes, & Ogier dist au maistre de leans. Monseigneur on m'a dit, que vous logez les soudoyers qui viennent par deça. Je vous prie logez moy. Par ma foy mon amy vous n'estes pas l'homme qu'il nous faut: car vous despendriez plus en un iour que ne sçauriez gagner en quinze. Puis Ogier pensant qu'il ne pouuoit saillir d'estre mal logé, pour ce iour retourna par la porte où il estoit entré, & trouua un grand hostel tout ouuert, & la femme qui filloit à la porte, & luy dist. Venez ça m'amie seray-ie bien logé pour aujourd'huy ceans. Par ma foy monseigneur regardez s'il y a rien qui vous plaise, n'espargnez chose qui y soit. Si la remercia grandement, puis descendist, & mist son cheual en l'estable: mais ce n'estoit pas le plus fort. Si demanda à l'hostesse, & puis m'amie auez vous que manger. Par ma foy dist elle Sire, ie vous diray mon cas leurement, mon bel amy, i'ay quatre enfans lesquels vont tous les iours querir leur vie ez riches maisons, pour l'honneur de Dieu, s'il vous plaist manger de ce qu'ils apporteront, est à vostre commandement, de quoy Ogier la remercia, & luy dist. Par ma foy madame ie vous diray la verité. Je suis un cheualier d'outre mer qui ay despendu beaucoup d'or & d'argent, & tellement qu'il ne m'est demouré, denier ne maille: mais i'ay encorés Dieu mercy bon cheual & bon harnois, pour en gagner plus en un iour que nous ne sçaurions despendre d'icy à un an. Monseigneur ie vous diray dist l'hostesse, nous ferons le mieux que nous pourrons, non pas ce que nous voudrions. Je vous remercie hostesse dist Ogier. Si fist du feu pour mettre cuire un peu de lard qu'on luy auoit donné seulement pour faire trois lardons, tant que le plus pauvre enfant de la maison l'eust bien mangé plainement. Si vint sur le soir, & arriuerent les enfans qui venoyent de pourchasser leur vie. Si entra le premier un qui auoit nom Garnier, & estoit le plus aimé, si osta son chapeau, & salua Ogier honnestement, & la mere luy dist, où est le soupper que vous auez apporté. Par ma foy ma mere nous n'auons sceu trouuer en la ville un morceau de pain ne de viande: car le Roy Iustement à destruit toute la ville: car nul n'ose apporter des viures en la ville pour l'amour des Payens qui sont si pres d'icy & encorés dit-on que demain le siege sera plus pres, si nous en retournons sans rien apporter. Haa se dist la meretque ferons nous, nous auons icy un soudoyer logé qui n'a ne croix ne pile, ne nous aussi semblablement, ie ne sçay que nous deuons faire, ie vous diray dist Garnier, il a de bons gaiges, faite moy ce plaisir de me bailler quelque chose, si aurons pour passer ceste nuict, puis si viendra demain quelque chose de quoy on les desgagera. Haste respondit Ogier le Dannois qui à coup l'entredit, vraiment tu es tres bon garçon, & parles bien: mais que le tavernier le garde bien. Ne vous fouciez se dit Garnier, vous l'aurez toutesfoies que vous voudrez. Auies les gros boucles qui sont à mon escu, ils sont d'argent doré. Bien laissez moy faire dist Garnier. Si s'en alla à la taverne, & print dessus ledict escu iusques à quinze sols tant de pain que de vin, & de chair, si dist au tavernier que le lendemain au matin on luy bailleroit son argent, adonc retourna, & s'en vint à la maison. Et quand la dame vit

que tout fut venu, elle mist la nappe, & fist à chacun bonne chere. Lors le vin n'arresta gueres qu'incontinent il fut force d'y retourner, & Garnier demanda combien il en apporterait, & Ogier luy dist. Ce que tu voudras mon fils. Si s'en retourna à la tauerne, & en apporta autant que deuant, & Ogier luy dist. Combien en as tu apporté, autant que deuant dist Garnier, car ie me suis auisé qu'il vous faudra desieuner. Si vous fist Ogier tant boire & manger femme & enfans, que tous estoient endormis parmy le iardin, & les fist tresbien courrir. Adonc se leua de table, & alla visiter Bouchant, qui estoit à l'herbe iusques au ventre, si le pensa tresbien, puis vint à la dame, luy dist. Allumez du feu, & me mettez de la paille aupres, si me coucheray là. Ha! dist-elle ne parlez plus de cela: car vous serez plus honnestement dedans ma couche. Non se dist Ogier, pour ceste nuit ie passeray: mais vne autresfois nous ferons meilleure chere, Ogier se reposa le mieux qu'il peut & le lendemain les Payens coururent deuant Acre, & prindrent quinze moynes prisonniers, d'une abbaye qui estoit aupres, & prindrent tout l'or & l'argent d'icelle abbaye. Mais l'abbé disoit que le Roy Isore l'auoit asseuré, toutesfois il ne laisserent biens quelcôques. Encores estoit-il bien matin, & n'estoit pas Ogier leué: mais si tost qu'il ouyt le bruit, se leua & vestit haubert, & saillit à la porte, & trouua vn moyne, comment se dist-il deuriez vous icy estre vous qui estes si grand, si puissant & si fort. Alors Ogier dist à son hostesse. Je vous prie dame que i'aye mon escu: car sans cela ie ne puis rien faire. le m'y en vois se dist la bonne dame. Et pource qu'elle n'auoit gage qu'elle peut porter, li y mena son fils Garnier, & dist au tauernier, mon fils, ne vous bailla il pas hier au soir l'escu d'un soudoyer. Ouy se dist-il, apportez vous argent. Non Sire: mais ie vous amene mon fils en gage iusques à ce qu'ayez argent.

*Comment Ogier le Dannois saillit hors de la ville d'Acre, où il desconfit en champ de bataille le Cormorant, & tous les Payens qu'en sa compagnie estoient, & deliura quinze moynes que les Payens emmenoyent liez, comme larrons.*

## CHAPITRE XL L

**A**Lors dit le tauernier. Escoutez que ie vous diray ie vous bailleray volontiers l'escu, par tel conuenant que s'il meurt en la guerre, vostre fils Garnier me seruira iusques à tant que l'an sera accompli, ie suis ce dist-elle contente: car c'est un moult notable homme. Et pour un denier qu'il vous doit il vous en baillera quatre. Adonc luy rendit son escu. Et quand Ogier le Dannois leut il demanda à sa bonne hostesse, comme auez vous fait avec luy par vostre foy. Par mon chief ce dist-elle, pour l'honneur de vous i'ay laissé mon fils en gage, & en tel cas que si vous demeurez en bataille il doit seruir un an durant: mais il ne m'en chaut en l'honneur de Dieu ce fait tout, Ne vous chaille dame dist Ogier, tel payera nostre escot qui ny pense pas. Adieu vous command iusques au retour. A tant s'en partit Ogier, & s'en alla grand erre cheuauchant suyuant les autres & en vne valec auisa les Payens qui tenoyent quinze moynes tout attachez ensemble, alors se mit auant, en la floute, & le Roy Cormorant, & luy s'entreheurerent si terriblement que la lance de Cormorant volla par esclats, & celle d'Ogier nom, mais perç: tout outre ledit Cormorant, tellement qu'il le rua mort à terre. Et quand Ogier, le vit par terre s'escria. A mort ribaux, par mon Dieu Iesus Christ tous y demeurerez. Adonc se print à frapper d'un costé, & d'autre sur ces Payens, que de tant qu'ils estoient n'en demeura pas un qui ne print la fuite, foies bien trente qui demurerent sur le champ morts & occis. Et ce fait auisa les quinze moynes attachez les uns aux autres, comme bestes qu'on meine vendre, si s'approcha d'eux, & leur osta leur bandes qu'ils auo-



noyēt deuant les yeux, & les deslia. Et gaigna tout l'or & l'argent, & ioyaux, qu'ils emmenoyent de ladite abbaye, tellement qu'il emmena en Acre, vne charge d'or, & tout ce qu'ils auoyent conquis. Et fist tout mener chez son hostesse, puis fist appareiller vn grand dîner, & fist crier parmy la ville que tous ceux qui voudroyent aller dîner se trouuassent à dix heures à son logis, & qu'ils seroyent bien festoyez. Et quand le Roy lean d'Acre, ouit le rapport qui fut fait d'Ogier, si le voulut aller voir. Et dist qu'il faillloit bien que ce fut vn puissant cheualier d'auoir fait tel conquest. Pourquoy le Roy, sans plus faire d'arrest fist amener son cheual pour, l'aller voir. Si partit le Roy & s'en alla chez l'hostesse d'Ogier, où le dîner deuoit estre fait. Si despleut au Roy qu'il n'estoit pas bien informé de la cause pourquoy Ogier, auoit fait preparer ce dîner en si pauvre maison, toutesfois le Roy entra dedans & passa au iardin, où il vit les tables dressées. Si dist aux Barons de sa Cour, il faut bien que ce soit vn grand homme & iamais ne fut extraict de petite generation: mais ie vois à ce que i'en puis ia cognoistre que c'est vn tresnoble cheualier, si le veux ouyr parler & voir sa cōtenāce. Adonc demanda où il estoit. Lors vn de ses gēs dist à Ogier, cheualier voila le Roy qui vous demande. Comment se dist-il, est venu le Roy en ceste compaignie? ouy seurement se respondit-il. Voyez le là où il vous attend pour parler à vous. Si luy fist le Roy la reuerence en ceste maniere. Gentil cheualier nostre Seigneur vous benisse, & Ogier respondit, Sire vous soyez le bien venu. En ce petit logis voudroit vostre noble seigneurie prédre icy vn peu desbatement, ouy dea dist le Roy, mais ie voudroye bien sçauoir s'il vous venoit a plaisir d'où vous estes & vostre nom? car en bonne foy vous estes fort à louer. Par ma foy, ce dist Ogier, ie suis de Dannemarche, & me nomme on le viel cheualier. Or ça viel cheualier plairoit-il de venir dîner en mon palais. Ouy Sire, si c'est vostre plaisir, toutesfois Ogier luy promist, quand le Roy eut esté grand temps au iardin de rechief dist. Cheualier vous trouuerez assez qu'entretiendra vos gēs: allōs au palais de ceste heure: car ce n'est pas icy lieu pour vous ne pour moy. Sire vostre plaisir soit fait. Adonc le Roy le mena au palais, mais deuant qu'il parust il dist à sō hostesse, que s'il la mādōt qu'elle y alla, & qu'elle mena son fils Garnier. A celle heure s'en alla Ogier, & laissa ses gens qui estoient vne grande assemblée, qui furent tous bien festoyez. Et quand ils furent au palais, Ogier salua la Royne & les seigneurs, dames & damoiselles. Et ainsi qu'il le vouloit faire asseoir, si luy dist plainemēt. Sire ie vous promets que ie ne sçauois n'y boire ne manger si ie n'auois ma bone hostesse qui tant m'a fait de seruice & plaisir. Se dist le Roy, soyez vous la seurement: car ie vous promets que ie l'en uoieray querir pour l'honneur de vous, si l'en uoya querir par deux de les cheualiers. Et quand les cheualiers furent partis, le Roy luy demanda qu'elle grand'affinité il auoit trouuée en celle femme, ie vous diray dist Ogier. Ie vous promets qu'ainsi que l'arrinay hier en vostre ville d'Acre, ie ne trouuay hōste ne hōstesse, bourgeois, templier n'autre qui me voullist loger, & quand ie m'efforçoy d'entrer ils prenoient des pierres pour me lancer. Si me trouuay si impouueu que ie ne sçauois que faire si n'eust elle esté. Si tost que leuz trouuē m'abandonna tout ce qu'estoit en sa maison, & puis quand vint le soupper nul de nous ne sçauoit facon d'auoir chair, pain ne vin: car par ma foy ie n'auois denier ny maille: car i'auois tout despēdu sur la mer. Si ne sceus- mes trouuer autre remede sinon son fils qui porta mon escu en gage, & apporta ce qu'il nous falloit. Et pource qu'elle ne le pouuoit auoir sans argent, si mena son enfant tenir pour gage au rauernier, par tel moyen que si ie demourois en quelque escaramouche, que l'enfant le seruiroit vn an. Si ay regardé le grand plaisir qu'elle m'a fait, & la veux recompiler. C'est bien fait, dist le Roy. Adonc les cheualiers furent en la maison & amenèrent l'hostesse & son enfant, & les fist le Roy asseoir aupres de luy & d'Ogier, & leur fist faire grand chere, & puis l'or & l'argent qu'Ogier auoit conquis le donna à son hostesse, & restitua à l'Eglise ce que les Paicis auoyent prins. Puis prindrent congé la dicte mere, &

l'enfant, lesquels trouuerent en leur jardin bien deux cents dormants sur la verdure: car ils estoient repeus Dieu mercy & le bon Ogier, cependant compta au Roy comment il auoit tué Cormorant, & osté leur butin & les moynes qu'ils auoyent prins. Adonc le Roy dist que la iournee estoit bonne pour eux. Or me laissez faire dit Ogier: car si Iustamont retourne par cy deuant, ie vous promets que iamais ne s'é retournera: mais le tueray & ne vous doutez de rien: car ie vous en depescheray vostre pays. Par mon Dieu Iesus-Christ ce commença à dire le Roy Iean, si ainsi vous aduenoit, du demeurant ie n'en tiendrois pas grand compte, lors le Roy festoya merueilleusement Ogier: car il l'aymoit de bonne amour. Or vindrent bien tost apres que le Roy Cormorant fut mort, tous ceux qui s'en estoient fuis de la bataille, compter au Roy Iustamont, la grand' recousse qui leur auoit esté faite, & comment le Roy Cormorant auoit esté occis. A ces parolles, le Roy Iustamont cuida enrager, & leur demanda comment. Si luy dirent qu'ils auoyent prins l'abbaye des chetifs moynes d'assaut. Et qu'ils emmenoyé vne charge d'or, & bien quinze moynes, ainsi que l'ay dessus compté: mais il vint vn cheualier Chrestien seul au Roy Cormorant, si le fauca de sa lance tout à trauers. Adonc print son espee, & tant qu'il en trouuoit il'en despechoit, par Mohon dist Iustamont, ce pourroit bien estre Ogier le Dannois, qui nous seroit venu veoir par deça. Ha dist le Roy Iseur, ne croyez pas cela: mais seroit plustost vos gens qu'ont les cœurs faillis: car Ogier le Dannois est trop loing pour venir icy tout seul chercher son aduenture, si ne crois point que ce soit luy. Adonc dist le Roy Iustamont ie ne sçay dont quel diable ce peut estre: mais il va trop mal de nostre part, & demain au matin ils me trouueront deuant Acre, & leur ferons, la plus belle escarmouche qu'ils eurent oncques. Quand vint au matin à l'aube du iour Iustamont se mist sur les champs, & tant cheuaucha qu'il vint heurter aux portes de la ville. Et le guet demanda, qu'est cela, & il dist, c'est moy. Va dire à ton Roy qu'il m'enuoye quinze ou vingt combatans, on que ie prendray la ville. Lors le guet partit qui alla conter au Roy d'Acre, qu'encores estoit au lid & Ogier aussi & luy dist. Sire, Iustamont est à la porte qui vous mande que si vous ne luy enuoyez quinze ou vingt combatans qu'il fera assaillir la ville. Adonc Ogier l'ouyt qui dist au messagier deuant le Roy. Messagier va dire à Iustamont, que le Roy luy enuoyera vn bon cheualier qui suffira bien pour les vingts. Le messagier partit & alla dire à Iustamont ce que luy estoit enchargé. Et quand Iustamont ouy la response si dit, or bien, nous verrons quel diable se pourra estre: auant que Iustamont, se departir de son chief il fist armer son ost où estoit le Roi Moisant: & le Roi Murgaland: à fin de luy venir aider si besoing en estoit.

*Comment Ogier le Dannois, saillit d'Acre pour combattre le Geant Iustamont,  
& comment il le vainquit en champ de bataille deuant Acre, & comment  
le bon Roy Iean d'Acre fut occis, en la bataille,  
& Ogier le Dannois fut esleu Roy.*

## CHAPITRE XLII



Lors que le messagier fut retourné à Iustamont, Ogier fut incontinent prest. Et le Roy Iean, qui fist armer tous ses gens pour saillir quand mestier en seroit. Si monta à cheual faisant le signe de la Croix, & se recommandant à nostre Seigneur. Lors il fist ouvrir les portes, & saillit dehors vaillamment. Et incontinent que Iustamont l'adu sa, il dist à par soy. N'auois ie pas bien pensé que c'estoit ce maudit Chrestien Ogier le Dannois, qu'estoit ia passé la mer pour moi destruire: mais il en ira bien autrement qu'il ne fist de mon frere: car aujourd'hui sa vie auray au trenchant de mon espee.

Or

Or sont les deux cheualiers approchez, & le Roy Iean d'Acre, estoit dessus la muraille de les templiers de coste lui en armes, & tous les cheualiers de la cité, si dit ha! quel cheualier il nous est venu ce dirét les templiers, ie croy que Dieu le nous a enuoyé: car ie ne sache point que deça la mer fut son pareil, & quād Ogier fut pres du Roy Iustamont, si luy dit. Roy Iustamont, tu cherches auoir Acre: mais tu y trouueras la mort. Mais toy dit Iustamont que viens tu querir icy tout seul. Mais auant que ie commence la bataille beaux sire, dy moy ton nom: car ie cognois le cheual bouchant qui autrefois fut à mon frere Bruhier. Ie suis dist-il Ogier le Dannois, qui vaillamment l'occis en champ de bataille: encores auant qu'il soit nuict y mourra son frere, par mon Dieu Iesus-Christ, & en son nom ie te desie. Adonc s'entreheurterent si rudement que leurs cheuaux furent arrestez tout court. Puis tirerēt leurs espees, & frappoyēt de si grands coups que le feu sailloit de leurs harnois Et le Roy Ifore qui aduisa la bataille, dist à ses gens. Seigneurs aduisez comme mon oncle se porte vaillamment. Ie prie à mon dieu Mahon, qu'il luy donne victoire contre ce maudit Chrestien. A ces parolles Ogier empoigne son espee à deux mains, & luy donna si grand coup qu'il l'abattit en la praire à pied. Adonc luy fut force de descendre à pied. Lors dit le Roy Iean d'Acre Messieurs est-il possible de trouuer plus vaillant cheualier. Par mon serment dirent les templiers, non: car c'est vne chose nompareille de son fait. Or sont les deux cheualiers descendus à pied, & frappaient l'un dessus l'autre si terribles coups que c'estoit vne grand merueille. Mais Ogier donna si tres-grand coup sur le bras de Iustamont, dont il tenoit son espee, quelle cheut en la place: mais Iustamont le print au corps, & tellement le pourmena que courtain luy cheut à terre, & s'entrelasserent, puis chacun print son espee, & quand ils eurent leur espee, si s'affirent l'un deuant l'autre: mais Ogier donna si grand coup de courtain qu'il luy aualla le bras & l'espaule, & quand le Geant vit son bras tombé par terre, si ne mena pas trop grand bruit: mais prioit son dieu Mahon, qu'il voullist auoir souuenance de luy, & cuida bien faire vn coup, mais Ogier l'engarda bien. Croyez que si la bataille estoit entre les hommes, aussi estoit entre les cheuaux: car le cheual d'Ogier s'en alla vers Brun, si s'entretuerent tellement, par si grand force que bouchant donna de si grands coups de ses pieds de derrier au cheual de Iustamont, qu'il luy creua le cœur dedans le ventre, & mourut là. Iustamont, dist Ogier, vous ne monterez iamais sur Brun de Surre. Aussi ie n'y vouldrois pas monter: car ie seray heritier de bouchant, le cheual de mon frere Bruhier. & en disant ces parolles, Ogier le choisit à descouuert, si luy donna si tres-grand coup qu'il luy mist le corps d'un costé, & la teste de l'autre. Adonc l'ost des Sarrazins se commença à esmouuoir, & ne scauoient plus à qui auoir recours sinon au Roy Ifore son nepueu, au Roy Murgalant, & au Roy Moyfant.

Finalemēt Ogier le Dannois voyant la bataille acheuee, s'en alla recueillir bouchant, & mōta dessus. A tant le Roy Iean d'Acre est venu embrasser Ogier le Dannois courtoisement, & luy dist. Or çà vieil cheualier mon treschier amy bon prou vous face, n'estes vous en rien blecé, non pas vostre mercy. Or çà cheualier qu'est-il de faire, i'a fait venir tout mon ost pour assaillir tous ces chiens Sarrazins. C'est très-bien dit, dist Ogier le Dannois, pensons d'ordonner nos batailles: car ie les vois desmarcher. N'attendons pas qu'ils viennent sur nous. C'est très bien aduisé dirent-ils. Alors coururent sur les Payens. Si vint le Roy Ifore qui choisit Ogier le Dannois, si coucha sa lance: mais Ogier le laissa passer, & empoigna son espee courtain, & courut à luy, & luy donna tel coup qu'il le rua par terre, & si n'eust esté le secours du Roy Moyfant il l'eust occis, & eut le Roy Ifore tout loisir de remonter à cheual. Mais quand le Roy Iean d'Acre vit Ogier ainsi en pesché si vint amener les templiers qui firent voye à Ogier qui tant estoit en presse, & là eut

merueilleuse bataille. Et quand Murgalant vit le Roy Iean d'Acre, si le choisit à descouuert, & luy donna si grand coup de lance qu'il le perça tout à trauers du corps: mais quand Ogier le vit mort, Dieu sçait quel dueil, & apperçeut le Soudan Noradin, si luy donna tel coup de lance, qu'il abbatit homme & cheual, & quand il vit qu'il n'estoit pas mort tira son espée pour le tuer: mais le Souda se rendit à lui. Lors Ogier fut moult courroucé de la mort du Roy Iean d'Acre: & dist au templiers. Messeigneurs ces maudits Payens sont esbahis, cheuauchons roidement sur eux: car la iournee est ja nostre, si brocha des esperons, & tua celuy qui portoit l'enseigne des Payens, & emporta l'enseigne. Et quand ils se virent sans enseigne ils sonnerent la retraite, puis quand Ogier le Dannois vit ce, si fist refferer ses gens en la cité d'Acre, & emmenerent le Soudan prisonnier.

Or sont les osts retournez tant d'une part que d'autre, & à la grand' confusion des maudits Payens, & à l'honneur des Chrestiens qu'ils auoyent obtenu par le moyen d'Ogier. Si fut moult honnorablement recueilly, & demenerent grand' ioye & grand dueil pour la mort de leur bon Roy, lequel ils menerent honnorablement en sepulture. Lors les templiers assemblerent leur conseil pour eslire vn Roy: car ils auoient souuēt assaut des Payés, pourquoy ils ne sçauoyent qu'ils deuoient faire. Et d'autre part les Payens se retirerent aux champs pour emporter le corps de Iustamont: & menerent vn merueilleux courroux, menassant la cité d'Acre, que iamais ne partiroyent qu'elle ne fust bruslee, & que beaucoup de maux leur estoient venus à l'occasion d'elle. Or retourneray ie au grand honneur qui fut fait à Ogier. Si vint son hostesse, & son fils Garnier au palais luy baïser les pieds, louant Dieu de la victoire qu'il auoit eue, & Ogier la vit volontiers & son fils Garnier. Si fut tant tost le conseil assemblé pour sçauoir qu'ils esliroyent pour leur Roy. Si furent tous d'une opinion, & volonté. Si vindrent presenter la couronne à Ogier le Dannois, & luy dirent ainsi en moult grand' reuerence. Nous d'un mesme consentement vous auons esleu nostre Roy, & seigneur, auquel est à regir tout le pouuoir de nostre deffence, & la sauuegarde du Royaume d'Acre, & tous vous faisons hommage & reuerence. Adonc Ogier respondit Haa messeigneurs il vous faut premierement enquerir de la ligné, y a il point quelque heritier pour succeder audit royaume: car ie ne voudrois pour rié qu'il fut desherité. Ce n'y fait rien si respondit le Prieur Godebeuf qui faisoit les harangues: car ie vous diray la raison. D'ancienneté iamais nous n'eusmes Roy fors par election: car luy mort le royaume reuiert à nous: car nous mesmes en sommes heritiers: mais nul ne peut iouyr ny posseder le royaume sinon par l'opinion des citoyens & le consentement de tous. Et Ogier dist: puis qu'ainsi est qu'il vous a pluist me faire c'est honneur ie l'accepte, en vous remerciant grandement, combien qu'à moy n'appartient pas tel honneur. Haa Sire! respondit vn cheualier: vous estes pour gouverner vn monde nompas vn Royaume: car ie ne sçache en Chrestienté homme humain qui soit plus digne de louange que vous, & pour ceste cause vous auons la couronne presentee comme à celuy qui la peut vaillamment garder, & maintenir. Messeigneurs ce dist Ogier ie remercie vostre noble vouloir de l'honneur qu'il vous plaist me faire. Or se dist Ogier puis qu'ainsi est ie veux vser de puissance royale, & ordonner sur le fait des offices. Et pource qu'il ne pouuoit oublier le petit seruiçe, que luy auoit fait son hostesse la fist venir. Si luy fist grand hōneur, & son fils Garnier fist Chambellan. Adonc les templiers de celle heure là par grande enuie conspirerent sur le Bon Ogier le Dannois, & pour deux causes. La premiere pource qu'il se faisoit gouverner par paures gens. L'autre pource qu'il leur estoit aduis qu'il vuideroit le Royaume d'argent, pour l'enuoyer en France. Si conspirerent vne trahison sur luy que vous orrez icy apres. Or retourneray à parler du Soudan Noradin, qu'Ogier le Dannois tenoit en prison.

Ogier Roy d'Acre fist venir le Soudan Noradin, deuant toute sa baronnie, & luy dist

hau

hautement, Soudan Noradin escoutez, pource qu'à l'aduenement de ma couronne, & que ie suis estably Roy de ce pays, ie veux executer iustice, & monstrier que ie suis pour maintenir, & garder ma terre en paix, & bonne police. Or est ainsi que selon nostre loy ie ne vous scauroye garder en mon royaume si n'avez desir, & affection de vous faire baptizer incontinent, laquelle chose vous faut faire, ou autrement ie donneray sentence de mort contre vous: car si ie ne le faisoye, ie ne deuroye pas estre reputé Roy: car ie soustiendroye les ennemis de Dieu. Pourquoy auisez incontinent de dire vostre volonté. Ces parolles ouyes respondit le Soudan Noradin. Roy i'ay entendu tout ce qu'avez cy proposé, & vous responds que touchât ma loy iamais ne la renoncera: car de me faire baptizer iamais ne m'y consentiroye: mais parlés de me mettre à rançon, & ie vous fourniray telle rançon que me voudrés mettre. Se dist le Roy Ogier. Je ne veux nulle rançon de vous: mais que renoncés ce Dieu Mahon, que vous adorez qui n'est qu'une idole, & une statue faite de la main des hommes & diables qui sont autour qui font le parler: car vous n'avez autre aide ne secours que les diables, lesquels iamais ne vous tiennent nulle verité de rien qu'ils promettent: mais ne vous font que decevoir, pour à la fin vous mener à damnatio éternelle. Pource auisez vous: car si vous voulez croire en Iesus-Christ ie vous donneray la moitié de mon royaume. De cela ne parlez plus dist Noradin. Or venez ça ce dist Ogier ie vous feray bien un autre party. Si vous me voulez promettre de faire vuyder toute vostre armee qui est cy deuant avec tous vos alliez, ie suis content de vous laisser aller. Adonc dist Noradin, si vous me voulez laisser aller ainsi ie vous promets que ie feray tout l'ost departir, & que chacun s'en retournera chez soy, & le vous promets sur mon grand Dieu Mahon, & sur la loy que ie tiens de luy. Et se ainsi ne le pouuoye accomplir, & que les autres qui sont à l'ost ne le voulsissent faire, de ceste heure ie vous promets sur mon Dieu Mahon & sur ma foy, m'en retourner prisonnier comme deuant. Et ie suis content se dit le Roy Ogier. Lors le Soudan Noradin print congé, il s'en retourna à l'ost bien ioyeux de sa deliurance: car il ne cuydoit pas ainsi eschapper, dequoy Ogier eut bien à besongner depuis. Or est-il arriué à l'ost, & furent les Payens moult esbahis quand ils le virent, & luy demanderent comment il estoit peu si tost retourner. Adonc leur conta comment il auoit promis faire partir l'ost si vous estes contents, ou m'en retourner prisonnier comme deuant: car leur Roy m'a renuoyé sur ma foy, ils ont fait Roy ce cheualier estrangier, pource seigneurs auisez qu'il est de faire. Mutgalant respondit à ces parolles & dist. Seigneurs nous ne pouuons plus rien, icy acquester: car ce n'est que distraction de tant y auoir seiourné. Leuons le siege & faisons departir l'ost. Adonc s'en allerent en Babylonne, le Roy Moyfant en Mesque, & le Roy Murgalant en Ierusalem, avec le Roy Ifore. S'en allerent chacun en sa region. Or retourneray à parler d'Ogier le Dannois lequel une fois entre les autres dist, puis que le royaume estoit en paix qui se vouloit deliberer d'aller visiter le Saint Sepulchre. Et fut le royaume d'Acre longuement en paix, & en tranquillité, tellement que aise les greuoit desia & leur sembloit qu'Ogier estoit bien tenu à eux de ce qu'ils l'auoyent fait Roy, & oublioyent-ia le seruice que le bon Ogier leur auoit fait.

Lors auint un iour qu'Ogier s'en alla en un vergier pour prendre les esbats, & en contemplant la douceur des herbes, fleurs & beaux fruiets qui estoient, se coucha sur un preau, ne pensant en rien fors seulement à descharger son cœur d'aucuns grans regrets qu'il auoit. Si dist à par soy assez hautement. Ha! noble & triomphant royaume de France, & aussi puissant Roy Charlemaigne, que ie suis courroucé d'estre tant icy sans auoir de vos nouuelles. Clarice ma femme noble espouse que tant avez eu de peine pour l'amour de moy. Et noble lignée de Danne marche où il y a de si nobles Princes, viendra ia l'heure que ie vous reuoye. Je prie Iesus Christ qu'il vous vueille cōseruer en bien

qu'à Charlemaigne vueille donner telle inspiration, qu'à ma damé Clarice mon espouse & bonne amyé, vueille entretenir son honneur. Et encontre Berard de Bruit vueille tenir iustice ainsi comme il appartient. Or en disant ces parolles y auoit vn escuier audit vergier qu'entendit les parolles. Adonc saillit ledit escuyer, & s'en alla aux templiers, & leur commença à dire. Messeigneurs il y a bien des nouuelles: car ainsi que i'estoye au vergier, i'ay entendu parler le Roy à par soy aucunes parolles dont i'ay esté grandement esbahy, & ne penseriez en piece qui seroit le vieil cheualier que vous auez fait Roy. Et cōment donc se dist Berengier, beau Sire, cōtez le nous. Par ma foy, dist ledit escuyer, c'est Ogier le Dannois celuy qui tua le Roy Bruhier deuant Laon: ie vous assure de cela. Adonc Godebeuf, & Berengier prindrent grand hayne contre luy, & commencerent à machiner vne grand' trahison, & commença Berengier disant que quand le Roy yroit en Ierusalem qu'ils luy bailleroient deux mariniers pour l'emener: mais qu'il le deshoürneroyent, & le rendroyent au Roy d'Afrique. Et ce pēdant le Roy Isore nous tiendra paisibles: car il a fait mourir le Roy Bruhier son pere & Iustamont son oncle, parquoy il en prendra vengeance incontinent, & par ce moyen tousiours serons gouuerneur du Royaume: si nous aurons lès tresors de Garnier & de sa mere, & les mettrons à pauureté encorcs plus grande qu'ils n'estoyent parauant.

Il vint vn iour entre les autres au Roy Ogier volonté de faire son voyage, si dist à Berenger & Godebeuf. Messeigneurs pieça ie vous auoye parlé d'aller voir le Sainct Sepulchre. Si vous voudroye bien prier que ce vous trouuē mariniers seurs que vous marchandissiez à eux de me rendre en Ierusalem: ie voudroye bien tandis que le Royaume est en bonne paix faire ledit voyage. Sire dirent-ils ne vous esmavez de cela: car à toutes heures qu'il vous plaira de partir: nous vous trouuerōs mariniers seurs, & habiles pour vous prestement rendre audict sainct sepulchre. Or donc se dist le Roy Ogier, faites la diligence si que demain de bonne heure ie puisse monter sur mer. Or s'en partirent à celle heure les deux faux traistres & maudits templiers, c'est à sçauoir Berengier & Godebeuf pour aller expedier leur maudite trahison ia commencē, & dirent aux esclauēs d'Afrique leur pensée. Messeigneurs pour le vous donner à entendre, nous mettons nostre Roy entre vos mains pour le conduire au Roy Isore: car il a occis Bruhier son pere, & Iustamont son oncle. Pourquoi vous serez tresbien venu à la cour du Roy Isore. Et si vous donnerons bongages, & si serez le temps aduenir plus seurement entretenus en la ville d'Acre, si faignez tousiours de le mener en Ierusalem. Si respondirent les esclauēs.

Messeigneurs nous ferons si bien la besongne que vous vous contenterez de nous. Or s'en retournerent les faux templiers par deuers Ogier leur Roy, & premier firent escrire vne lettre à vn secretaire comme ils enuoïēt au Roy Isore le Roy d'Acre leur Prince pour en faire à sa volonté, & qu'il lēs eust pour recommandez, & si tost qu'ils furent saisis des lettres, ils s'en aligrent au soupper d'Ogier, & lui dirent. Sire quand il vous plaira de commencer vostre voyage, nous aunos appointē des tributs & acquits, & anec ce vous baillerons vn de nos moynes, qui vous monstrera toutes les habitations, & lieux saincts de la cité de Ierusalem, & nostre secretaire pour auoir certification des visitations qu'aurez faites en la dite terre sainte, priant nostre Seigneur qu'il vous doint bien aller, & à plaisir retourner à joye & santé. Lors chacun se partit pour aller reposer, & lès templiers allerent festoyer leurs esclauēs. Et quand vint au matin que le Roy s'esueilla ses chambellans, & clerchez le vindrent habiller, & pource qu'il deuoit le matin entreprendre de commencer son voyage, si fut incontinent apprestē, & ne print autres gens pour sa conduite: car le noble Ogier le Dannois cuidoit retourner tout incontinent: mais il fut mis bien loing de sa pensée.

Comme

*Comment le Roy Ogier print congé de ses citoyens, & s'en alla outre mer pour  
visiter le saint Sepulchre de nostre Seigneur Jesus-Christ en Jerusa-  
lem, & comment il fut mené par la tempeste deuant  
Babylonne.*

CHAPITRE XLIII.

**S**il se partit le bon Ogier le Dannois d'Acre, & recommanda à Dieu tous ses nobles citoyens. Le congé prins de tous, embrassa doucement lesdits templiers, puis entra en mer, & nagerent le iour terriblement: mais ils n'eurent pas bon vent. Si coucherent celle nuit sur mer. Or estoit le pasture Ogier sur mer cherchât pour adorer celui qui l'auoit créé. Et si tost qu'il fut grâd iour les mariniers auiserent qu'ils s'estoyent grandement fouruoyez de leur chemin, si mirent le voile au vent: mais quand il vint sur le midy il se leua vn grand orage de temps qui fut si fort, si impetueux que vouldissent ou non, ils furent contrains d'aller au plaisir du vent, qui les mena parmy les grand rochers, & tellement que d'un heurt que la nef fist à vn rocher elle se fendit en deux pieces, si que ceux de dedans furent tous noyez fors Ogier à qui vn petit brigantin vint en main, si se lança à coup dedans: mais quand il fut dedans il fut quasi autant esbahy que par deuant: car il auisa qu'il ne scauoit nauiger, si auisa des mariniers pescheurs & les appella moult fort, & haut qu'il les fist venir deuers luy. Alors quand les Pescheurs furent aupres de luy si le saluerent, Ogier le Dannois leur rendit leur salut, si auisa des lettres qui nageoyent sur l'eau, si les fist prendre par vn des pescheurs qui les luy bailla, & vit la trahison que les templiers luy auoyent faicte, dont il fut moult merueilleusement esbahy. Alors conduirent Ogier avec leur bateau, tellement qu'ils le mirent dedans. Et quand il fut dedans, il commença à auiser vne grande tour haute & large. Si demanda aux pescheurs quelle tour c'estoit, & ils respondirent que c'estoit la belle tour de Babylone. Adonc se print à faire le signe de la croix, & dist à soy-mêmes. Helas! l'ay bien cuidé cheoir entre les mains d'Isore: mais ie ne suis arriué guerres plus seurement, si demanda Ogier, qui estoit seigneur de Babylonne, & l'un des pescheurs luy dist, que c'estoit le Soudan Noradin, dont il fut grandement mal content: mais au fort se dist Ogier puis que fortune m'a icy amené, il m'est force de prendre en gré, si ne monstra nul semblant, deuant les pescheurs d'estre nullement esbahy, mais leur demanda s'il y auoit point de guerre à l'entour dudit pays: si luy respondit vn pescheur. Par Mahon monseigneur ie vous assure que long temps y a que neusmes guerre si forte ne qui durast si longuement: car le Roy Moysant meine si duré guerre au Soudan Noradin: qu'il luy destrui& toutes ses terres à cause de ce que le Roy Moysant de Mesque ne luy à voulu donner sa fille, la plus belle & la plus noble, que iamais fut veue d'œil. Quand Ogier le Dannois, vit qu'il estoit sur le riuage il les pria qu'ils le descendissent & qu'il vouloit aller en la grande ville de Babylonne, pour aller voir la cité: pourquoy le descendirent volentiers: se leur voulut bailler argent pour la peine qu'ils auoyent pour luy prinse: mais ils n'en voulurent rien prendre dont il les remercia grandement, & sur ce point les commanda à Mahon. Adonc se partit Ogier, pour tirer vers l'abbaye, & s'aduisa qu'il iouyroit d'une grande finesse: & qu'il se noirciroit le visage, & les mains & vn peu des bras: & qu'il dontheroit à entendre qu'il venoit de Morienne, ce qu'il fist. Et il fut tres bien noircy, & seiche si vint faire son entree dedans Babylonne, & dist au portier qu'il luy ouurist la porte, & qu'il vouloit parler au Roy. Le portier entendit bien à sa parole qu'il estoit vaillant cheualier, & luy ouurit la porte. Et quand il fut entré les cheualiers, & autres Paiens qui l'aduisoient disoyent entr'eux. Aduise le beau cheualier Morien,

que s'il estoit bien armé qu'il deuoit bien secourre vne bonne lance, & ainsi deuifoyent entre eux du vaillant cheualier Ogier le Dannois. Adonc Ogier monta en la salle basse où il trouua le Soudan, le Roy Carahu, & plusieurs autres Roys & grands Seigneurs. Alors se print à saluer le Soudan en langage Morien: car il auoit apprins en Acre, & le Soudan luy rendit sô salut, puis la salua la noble seigneurie qui luy fist vn tresgratieux recueil, & le Soudan luy demanda dont il venoit. Si luy dist qu'il venoit de Morienne, & qu'il ameroit à son secours contre ledit Roy Moisant cinq cens bons gens d'armes: mais bien quatre mille des gens de Murgalant nous vindrent acueillir, tellement que nulle defence ne garda nostre nef de perir, & me suis sauué en vn petit barreau tant que moyennant l'aide de nos dieux j'ay sauué le corps, nompas les biens, & vous cuidant secourir, celle perte m'est aduenüe. Or ça se dist le Soudan, comme vous nomme l'on en Morienne, par la foy que ie dois à Mahon l'on me nomme le vieil cheualier Morien. Vieil cheualier dist le Soudan. Ie suis courroucé que pour moy vous est ceste perte aduenue. Or ça vieil cheualier ie veux que soyez de ma cour, & vous donneray tel office que vous voudrez, ie vous remercie dist Ogier, s'il estoit de vostre vouloir de me donner la garde de vos prisonniers vous me feriez vn grand plaisir, car ie ne scache office qui mieux me soit propice en vostre cour que celle là, & sçachez que ie feray bon deuoir de bien les garder. Nous la vous donnons se luy dist le Soudan, & si mieux eussiez demandé vous l'eussiez eu. Et adonc comme le Soudan, luy bailloit les clefs de ses prisons vindrent quatre Rois, dont l'un estoit Carahu, duquel Ogier ne fut pas trop ioyeux de sa venue, nompas qu'il luy eust fait desplaisir: mais de peur qu'il ne le recogneut. Et les autres Rois estoient le Roy d'Abillant, l'autre estoit le Roy de Tartarie Murgalier, & la Millaine d'Arabie, & deuifoyent ces quatre Rois de leurs affaires, & Ogier print congé du Soudan, & de toute la seigneurie, & s'en alla pour prendre possession de son office. Adonc se fist conuoier par le valet du charretier pour aller aux prisons, & laissa volontiers la compagnie de Carahu, de peur qu'il ne l'interrogeast des nouuelles de par deça.

Alors entra ledit Ogier, dedans les prisons pour recognoistre les prisonniers, & à dit. Sus debout Chrestiens que ie sçache quels gens ie puis auoir: car ie suis nouveau venu officier, pource ie veux sçauoir quel gens j'ay en garde. Si print la parolle Gerard de Roussillon, hélas! Sire, Chrestiens sommes, nous auons esté prins ainsi que nous allions au saint Sepulchre, faire le saint voyage, & par faute d'auoir payé le tribut, le Soudan nous a fait prendre, prisonniers, & d'où estes vous dit-il, nous sommes gentils hommes de Lombardie, & s'il estoit possible que fussions à rançon que l'un de nous eust congé pour nous tous, pour aller deuers le Roy Desier, il fourniroit la rançon que deurions payer. Ha faux paillards! vous faut-il renier vostre pays, ie cognois à vostre langage que vous n'estes point Lombards, & enuoya querir la lumiere pour voir clerement en ladite prison, on luy apporta vn cierge tout allumé, & enuoya le valet Payen habillier certaine chose, dont luy auoit donné charge: mais quand il eut la lumiere il aduisa Gerard de Roussillon son oncle, & les autres François, & quand ils le virent si ne furent pas trop asseurez de le veoir si noir. Et quand Ogier se print à regarder Gerard de Roussillon, si commença à l'armoyer, & dist mon oncle mon amy qui vous a icy mis. Ha Sire, dist Gerard ne vous desplaise ie n'eus iamais frere qui engendrast Sarrazin. N'estes vous pas Gerard de Roussillon dist Ogier, & aussi nomma les autres prisonniers de nommer nos noms vous n'avez pas failli dirent-ils. Certes dist Ogier, vostre frere Geoffroy de Dannemarcke fut mon pere. Je sçay bien dist Gerard que Geoffroy estoit mon frere, & auoit deux fils, dont l'un eut nom Ogier, & l'autre Guyon, & Ogier suivit les guerres & ne sçauons où il est, & Guyon à vn fils l'un des vaillans cheualiers du monde, & à nom Gautier, lequel n'a gueres vingué en champ de bataille Gerard de Brais, pource qu'il cuida faire mourir

Ogier.



Ogier, si ay vouluſt pour ceſte cauſe entreprendre de faire le ſainct voyage de Ieruſalem  
Haa'bel oncle, ie ſuis Ogier qu'ay eſté nouuellement plus fortuné que iamais homme  
ne fut. Si toſt que fus couronné Roy d'Angleterre, tantost m'en allay voir frere Guyon  
de Dannemarche & me fut reuelé que i'allaſſen Acre, pour combattre Iuſtamont, qu'il  
vouloit prendre la ville d'aſſaut. Et quand ſe fus en Acre, Iuſtamont demandoit au Roy  
d'Acre, vingt cheualiers pour combattre contre luy: mais i'allay tout ſeul & le mis à mort,  
& Cormorant auſſi. Et ie prins priſonnier le Soudan Noradin, que ie menay en Acre, &  
quand ie le tins leans ie compoſay avec luy qu'il feroit departir ſon armee, & par ainſi ie  
luy dōnerois congé, ce qu'il fiſt. Et eſt celuy qui vous tient priſonnier. Lors que ie vis mon  
royaume d'Acre en paix, duquel ils m'auoyent couronné Roy, incontinent furent emui-  
eux de ma proſperité. Et pource que ie leur auois dit par pluſieurs fois que i'auois volon-  
té d'aller viſiter le ſainct Sepulchre, ils marchanderent: mais c'eſtoit pour faire ramener  
és mains du Roy Iſore: duquel i'ay occis ſon pere deuant Laon, & ſon oncle deuant la ci-  
té d'Acre, de la grace de Dieu, ſordit vne grand tempeſte qui ietta noſtre nef contre vn  
grand rochier, & fat rompu en pieces: puis me ſauuay en vn petit bateau: ſi vindrent là  
des peſcheurs qui me mirent en leur bateau & trouuerēt les lettres comme les templiers  
me vendoyent au Roy Iſore: deſquelles ie garde par deuers moy: & ſi toſt comme i'approu-  
chay de Babylonne ie noircy mon viſage & mes mains, & fut aduis au Soudan, que ie ve-  
nois de Morienne, & qu'en venant i'auois trouué les gens du Roy Murgalan: bien trois  
ou quatre mille combatans, qu'auoyent enſondré noſtre nef: & m'eſtois ſauué en vn petit  
bateau: & m'eſtois venu rendre à luy, lequel m'a retenu de ſa cour, & m'a donné tel office  
que ſay vouluſt demander. I'auois entendu qu'il y auoit pluſieurs Chreſtiens, pour la  
cauſe d'uy ay requiſ & demadé d'eſtre chancier, laquelle m'a donné volontiers. Beau neueu  
mon amy liſt Gerard de Rouſſillon, c'eſt tres-bien beſongné: mais penſez de nous ſ'il  
vous plaiſt: car depuis le matin nous n'auons beu n'y mangé. Certes Ogier, eut grand  
pien en ſon eueu, & luy diſt. Meſſeigneurs ne vous ſouciez: car tant comme ie ſeray en  
ceſt office vous ne pourrez perir. Or donc ie m'en vay vous faire venir à ſoupper: mais  
ne ſe faites nulle cognoiſſance deuant ces Payens, c'eſt bien dit, dit Gerard. Lors partit  
pour aller queſtir à ſoupper & les ſeſtoys tres-bien, dont ils furent moult ioyeux. Penſez  
qu'eſtoit ceure de Dieu, miſtere apparent. Or furent les priſonniers ſoupez de tres-  
bonnes viandes, & après ſoupper de l'herbe freſche pour eux reposer, & a ſon oncle Ge-  
rard ſit faire vn beau liſt pour plus à ſon aye reposer. Et quand il eut fait tous les ſer-  
uices qui leur peut faire il diſt. Meſſeigneurs ne vous eſmavez de rien: car au plaiſir de  
Dieu ie ſeray tant que ſerons bonne deſurance. Et Dieu le vueille dirent les Chreſtiens,  
& Ogier leur donna de bon cuer & s'en retourna au palais. Or laiſeray à parler d'Ogier,  
& des priſonniers Chreſtiens: & retourneray au Roy Moyſant de Meſque.  
Quand le Roy Moyſant cogneut que le Soudan Noradin luy auoit gaſté & deſtruit  
ſon pays à cauſe qu'il ne luy auoit voulu donner en mariage, ſa fille la belle Clarice, &  
qu'il luy auoit fait grand amas de Princes, & de puiffans cheualiers dedans  
Babylonne pour attendre la puiffance du Roy Moyſant, lequel tout indigné ma da querir  
le Roy Murgalan en Ieruſalem, le Roy Iſore, le Roy de Damas, le Roy d'Orcanie,  
le Roy d'Amittre, Admiral d'Orbie enſemble bien vingt & cinq Rois Payens, eſtans ſur  
la mer prêts de deſcendre deuant Babylonne. Adonc on vint dire au Soudan que le Roy  
Moyſant eſtoit ſur la mer avec groſſe armee: & ſi ſeſtoit le Soudan fort courroucé: car ils  
eſtoient en nombre trois cens mille combatans. Et s'eſtoient tres-bien auitaillez deuant  
qu'entrer en mer. Et eſtoient flouans en mer, tellement qu'il ſembloit que la mer en fuſt  
toute couuverte. Ce voyant Noradin fiſt faire bon gnet, & diſt au Roy Carahcu. Vaillant  
Roi à la venue du Roy Moyſant, ie veulx & ordonne qu'on face vne ſaillie ſur eux, & veulx  
R

que vous portez nostre enseigne: car en vous est ma seule cōfiance. Adonc le Roy Carahen dist que volontiers le feroit. Si s'en vint Ogier ietter à deux genoux deuant le Soudan Noradin, luy priant qui le pourueu d'un bon cheual, & luy promettre que s'il est bien armé, que le plus vaillant homme de l'oist de Moysant il entreprenne de mettre à mort ou l'amener prisonnier. Ce feroit bien besoigné dist Noradin, & si ainsi le feroit le vous donnerait tant de bien que vous aurez à vous contenter. Or se dist il aux autres Roys quel cheual luy pourrions nous bailler, & adonc enuoyerent chercher par tout le pays: mais point n'en trouuerent que sous luy ne ployast, paquoy cōuint que le Soudan Noradin luy baillast le sien. Et cependant qu'on l'alloit querir, Ogier alla en sa chābre pensant à son cheual bouchant, & en se desconfortant disoit à soy-mesme. Ha! Roy Bruhier, or te dois-je bien maudire quand tu occis mon bon cheual Broiffort, & pour ces maudits réplis qui ont retenu mon bon cheual bouchant, or suis-je bien malheureux qu'en tout ce pays ne scaurois trouuer un cheual qui me sceut porter. Pourquoi ie crains que mal ne preigne à la cité de Babilonne. Mais son seruiteur estoit en sa chambre qui touffoit & faisoit l'endormi, & entendoit bien toutes les plaines d'Ogier. Puis Ogier se print à menasser les templiers, & que si iamais il retournoit en Agre, qu'il les feroit mourir de mille mort. Et quand le maudit Payen l'eut ainsi entendu, & cogneut à ces paroles que c'estoit Ogier le Dannois. Si s'en alla tout incontinent vers le Soudan Noradin, & luy compta comme le vieil cheualier Morien nouuellement venu en sa cour n'estoit pas Sarrazin: mais estoit Chrestien, & que c'estoit Ogier le Dannois. Si luy demanda le Soudan comment il le scauoit. Et adonc luy compta comment il se reposoit sur son lit, quand Ogier se complaignoit à soy-mesme, disant en ceste maniere. Ha! maudit Bruhier, que tu me fis un grand tort quand tu occis mon bon cheual Broiffort. Et puis disoit semblablement, ces maudits templiers qui m'ont retenu mon bon cheual Bouchant: or bien dist le Soudan Noradin: tu scais donc bien que c'est Ogier si luy defendit le Soudan qu'il ne le dit à personne. Adonc s'en alla le Payen accompagner Ogier, qui s'en alloit porter à boire & à manger au prisonnier. Adonc vint à luy le Payen qui estoit son valet, & qui l'auoit accusé enuers le Soudan. Si moururent la prison, & baillerent à boire, & à manger ausdits prisonniers, & leur donna Ogier de la lumiere, & les festoya tres-bien: ont les pauures Chrestiens furent bien ioyeux de ce que nostre Seigneur leur auoit enuoyé le bon chartier Ogier, & disoient l'un à l'autre qu'il leur estoit bien aduenue. Et quand Ogier les eut bien festoyés il se partit de la prison & monta au palais & fit la reuerence au Soudan. Quand le Soudan l'aperceut, il luy dist. Vieil cheualier, mon amy ne vous courroucez point: car le vous baillay mon bon cheual marcheualle, duquel n'a le prisonnier tous ces mois vivans. En si pour ces amertumes & tous mes habillemens de guerre, qui sont les meilleurs que jamais ouurier forgeast & veux qu'il soit ainsi pour ce que vous me le bailliez grā, sans puissance & trescheualereux. Adonc respondit Ogier. Sire Soudan, ne vous enuoyez nullement de mal: mais soyez pour tout asseuré que ie vous deliureray des plus grands ennemis que vous ayez: car de ce faire ie suis bien delibéré, & disoit à soy-mesme que s'il en trouuoit un fois la taille qu'il en vengeroit la Chrestienté si amplement qu'on en parleroit vingt ans après la feste: mais pourtant n'estoit pas aduenue, & ne scauoit pas que le Soudan eust cognoissance de luy si amplement comme il le faisoit. Car si Ogier eust connu la verité, il eust renoncé Babilonne, & le Soudan auant de le deffaire & persequer, & eust les pays pareillement: mais il n'en sceut rien jusqu'à la fin.

Lors le Roy Moysant, arriva avec son armée, port de Babilonne, & toute la nuit à une lieue pres de la cité fist rendre trefs, & pavillons, & descendit premier Murgalan Roy de Ierusalem avec cent mille combattans, & se mit en deuant la cité de Babilonne pour bien garder la faille, à fin que les autres grandes armées, & autres vaillans peussent aborder

border & descendre sans danger. Si descendirét sans auoir saillie n'escarmouche, tellement qu'ils eurent temps cōuenable pour assieger la ville, & faire leurs loges. Et quand le Soudan se vit assiégé il ne fut pas tropioyeux : mais il fit assembler toute sa Baronnie, & leur dist en ceste maniere. Melleigneurs & mes bōs amis vous cognoistrez que la pieça auons promis iournee de bataille au Roy Moyfant, vous auez veu comme il à amenés son armée à moult grand nombre de nefz, & à moult grand nombre de soudoyers pour nous aider destruire nos pays, & nos terres, & toutes nos seigneuries. Parquoy ce vus, & subsistez ie vus & ordonne que demain au plus matin que faire se pourra, vous Roy Carahen, que luy faciez vn message & luy direz qu'il se delibere de me doner en mariage madame Clarice sa fille, à fin que ie la courōne deuant que nos pays soyēt despoillez, ne destruits. Si dist au Roys, & aux seigneur qui là estoient, qu'ils differēt leur opinion. Sur respondirent qu'il parloit tresbien. Et luy faudra dire s'il est refusant de ce faire que demain de matin nous assemblerons nos batailles, pour voir qui du meilleur aura. Quand le Soudan eut ouy la response des Roys, & grands Seigneurs qui leans estoient, il leur demanda qui seroit bon pour faire ce message. Si luy respondit ledict Roy Carahen, ne scait-on trouuer si bon Babilonno à ce faire que Gormon. Et incontinent ledit Gormon respondit qu'on n'auoyt n'a autre que luy, & que de tels message n'estoit pas bien accoustumé de faire. Adonques se trouua la Ogier le Dannois, qui print la parole & luy dist qu'il venloit bien entreprendre ledit message dont chacun fut esbahy. Parquoy le Soudan Noradin, luy dist en ceste maniere, vieil cheualier Morien, ie vous promets que si ainsi le faites vous ne perdez pas vos peines : car ie vous en guerdonneray si bien que vous vous en tiendrez pour bien contēt. Si luy fist seller son cheual marcheallé. Et quand le cheual fut sellé & bridé, & enharnaché le vaillant Ogier se fist bien armer & accoustier, & puis se fist chauffer ses espées, & voulut monter sur marcheallé, lequel faisoit regimboin, & sailloit si tres-haut que nul ne le pouuoit tenir : Mais Ogier le print par la resne, & le tint tout court. Puis bota le pied à l'estrier & monta dessus voulut ou non. Si s'esbah estoit grandement le Roy Carahen, qui pouuoit estre ce vaillant cheualier, veu qu'il estoit moict si habilement dessus si reseruel & si terrible cheual cōme estoit iceluy. Et quand il fut monté dessus il sembla le cheual bien paisible. Et les Barons & Seigneurs qui là estoient p̄sents, admirerent Ogier, qu'ainsi faisoit bondir le cheual, & disoient l'un à l'autre. Auifin se dist le Roy Carahen, quel vaillant champion voyla, ha! comme il deuroit bien faire de beaux faits d'armes & bien escarmoucher vne armée. Je ne scay au monde pareil que luy fors le Chrestien Ogier le Dannois le plus vaillant, & le plus preux qui p̄sques portast armes. Ce dist le Soudan Noradin c'est le plus courageux cheualier, & fier qu'onques portast armes. Si retourna Ogier pour prendre congé du Soudan. Sire, dist-il ie m'en vois en l'ost du Roy Moyfant pour accomplir vostre message. Or va se dit le Soudan, & ne songne bien, & ie te recompenseray tresbien denar qu'il soit gudes de toutes tes peines, mais le traistre & desloyal auit bien autre intention, & disoit apardoy. Mais que s'ay je fait de toy ie m'en vegeray : car ie te feray mettre en mes prisons, là ou maintes belles venimeuse te donera bien à souffrir, & quand viendra à la S. Jean. Rappelle deuant tous les Roys, Admiraux, Barons, & cheualiers Sarrazins ie te feray attacher en vne colonie, & si n'adores mon Dieu Mahō, ie te feray percer le cuer à beaux traits d'ars turques, & ie te feray mourir de mort cruelle. Lors se print le bon Ogier, à cheuanther cāt qu'il venoit aux tentes du Roy Moyfant. Et quand il fut auprès des pavillons il demanda ou estoit le Roy. Son luy dist qu'il estoit en sa tente. Si se descendit & attachā son cheual marcheallé à une attache qu'estoit au tref du Roy Moyfant, si s'en vint tout droit parler à luy & estoit en sa compagnie le Roy Murgalant son frere, & le Roy Florian son fils, le Soudan de Damas, l'Admiral d'Orbie, Langoulaffie d'Abillant frere

à Bruhier avec quatorze autres Roy Payens qui estoient venus au secours du Roy Moysant. Adonc Ogier entra dedans le tref, & se mist à genoux deuant luy en disant. Sire Noradin, le Soudan de Babilonne vous mande par moy que luy vueillez donner en mariage vostre fille Clarice, & si ne le voulez faire il vous mande la bataille de par moy ou autrement se vous luy voulez presenter vn combattant, il vous en presentera vn autre à tenir champ de bataille, par tel conuenant, que si le sien est vaincu, il vous recompensera des domages, qui par les presentes guerres vous ont esté faits, & se vostre combattant est vaincu, il aura Clarice vostre fille en mariage. Adonc le Roy Moysant respondit que sa fille n'aura-il iamais qu'il tinst promesse, ou autrement s'il deuoit estre sept ans deuant Babilonne qu'il la destruiroit. A ces parolles Ogier luy respondit. Roi Moysant le Soudan Noradin n'est point si failly de courage & n'est point, si impoutueu de sens, de souldats, ne vaillans gens d'armes, ne de bon habillemens de guerre, ne n'est point si aisé à esbahir comme il vous semble, & vous cognoistrez demain en bataille quelle puissance il a, ne quelle puissance il peut auoir : mais pour la departie, à demain au matin de par le Soudan Noradin ie vous presente des maintenant la bataille, & nous trouuerez sus la place.

Lors le Roy Moysant, & Murgalant son frere ensemble les autres Roys, Adamicas, cheualiers & gentil homme saillirent au prez, & le Roy Moysant auisa de beau cheual marcheualle, & dist à Ogier, Cheualier or me direz s'il vous plait, si vous estes de la cour du Soudan Noradin ou de sa parenté. Par Mahon se respondit Ogier, ie suis à ses gages & suis venu de Morienne à son secours, & luy ay promis de luy ayder & secourir, ce que ie feray, & ne cuidez pas que ie soye si lasche cheualier que si il ne deuoit venir que moy en la bataille, si la comencera ie demain au matin. Adonc le Roy Moysant luy fist prendre son cheual & luy dist cheualier vous chercherez vn autre cheual : car ce cheual n'avez vous point. Il faut entendre que le Soudan vous aime bien. A ces parolles respondit Ogier. Ce seroit grâd' vilénie à vn Roy de retenir le cheual d'un messagier, mais puis que le voulez retenir ie vous feray vn tel party qu'en champ de bataille se vous auez cheualier qui vueille batailler contre moy, & si en bataille suis vaincu, le cheual vous demourra, & demureray en vostre seruice à vous seruir cheualeusement, & aussi s'il est vaincu ie m'en retourneray franchement en la cité de Babilonne sans aucune recompense demander, & quand les seigneurs qui là estoient virent que ce qu'il presentoit estoit assez raisonnable. Ils dirent au Roy qu'il ne deuoit pas refuser l'offre, si en fut le Roy content, & luy dist pour ce qu'il seroit au Soudan que ie vous voudroye armer de quelque faux harnois, que ie vous voudroye suborner pour auoir son cheual marcheualle : ie suis d'accord que vous vous aliez armer en Babilonne à vostre bon plaisir, à fin que nul villain reproche n'en puisse auoir. Mais premier que partez d'icy, vous retiédrez la bataille ainsi que l'avez promis, lequel serment il fist & laissa le cheual en hostage. Adonc que Moysant fist venir tous les cheualiers de la cour, & dist que celui qui voudroit entreprendre la bataille contre ce messagier auroit le bon cheual marcheualle. A ces parolles Langoulaffe qui l'entendit s'en vint au Roy Moysant, & luy dist Sire, si c'est vostre plaisir de me donner la bataille contre luy, ie vous en despecheray incontinent : car vous cognoistrez que bien ie sçay faire. Et aussi Sire, j'ay grâd' volonté de le vaincre pour auoir son cheual marcheualle si vint deuers Ogier, & luy donna son gaige de faire la bataille contre luy, adonc le receut Ogier ioyeusement, pour ce que c'est vn Geant qui estoit frere de Bruhier. Car il cognoist qu'il auoit occis Bruhier deuant Laon, aussi iustamôt deuant Acre qui estoient freres. Parquoy ce vaillant Ogier imaginoit & pensoit à soy-mesmes qu'aussi bien qu'il auoit occis les deux autres, pourroit occire Langoulaffe. Adonc Ogier print congé du Roy Moysant, & s'en alla en Babilonne au Soudan Noradin, lequel quand il le vit à pied luy dist. Venez ça vieil cheualier, que neez vous fait de marcheualle : & Ogier luy dist. Sire, par Mahon ie ne l'ay oncques peu auoir,

noir, & ie vous conteray la maniere: Vous deuez sçauoir que si tost que ie fus là arriue, force me fut de descendre à pied, & attachay vostre cheual marcheuallée au pailien du Roy Moyfant, & deuant luy me presentay en faisant mon message tout ainsi que l'auiez commandé. Mais quand il vit que luy parlay de la Dame Clarice vous donner en mariage, si me regarda moult fieremēt, & me dist franchemēt que iamais en mariage ne l'auriez. Et que si ne teniez vostre promesse que iamais ne partiroit de là qu'il ne vous eust prins prisonnier ou mis à mort, & destruit vostre royaume & vos terres: parquoy à ses parolles ay assigné la bataille à demain au matin, & oustre luy remonstray en ces paroles touchant vostre cheual marcheuallé, que n'estoit pas honneur à luy de retenir en ce point le cheual d'un messagier, & qu'il luy en pourroit vne fois encourir tres-grand des-honneur. Si accorday avec luy en ceste maniere qu'il mist un cheualier sur le champ & entreprendroye la bataille contre luy, & si aucunement i'estoie par ledict cheualier vaincu, il auroit vostre bon cheual marcheuallé, & demureroye subiect à tous iamais à son seruice: & si sondit champion estoit par moy vaincu, ie m'en retourneroye franc & quitte dedans Babylonne avec vostre bon cheual marcheuallé, ce qui fut accordé par le Roy Moyfant, & presenta Langoulaffre pour faire la bataille contre moy, & luy promist ledist Moyfant vostre cheual marcheuallé s'il pouuoit gagner la bataille contre moy, & dist-onque Langoulaffre estoit frere du Roy Bruhier qu'un faux Chrestien nommé Ogier le Dannois occist deuant Laon en champ de bataille.

Pour entreprendre la bataille Sige Soudan, te vous en prie en l'honneur de nostre Dieu Mahom, que ie soy armé si suffisamment que ie puisse besongner à l'honneur de moy: car ce seroit bataille pauuement encommencée, si nous ne pèsions auoir la victoire, & si nous pouuions auoir la victoire de ceste cy, nous aurions bien l'autre au plaisir de nos dieux. Si dist Carahen, que s'il ne fust si noir qu'il le prendroit pour Ogier le Dannois: mais pour ce qu'il estoit ainsi noirey il le descognoissoit, dont mal en print à Ogier: car s'il luy eust fait cognoissance, il n'eust pas tant souffert de peine comme il fist depuis. Et ledict Carahen au Soudan. Vou le vouloir courage & bonne affection du vieil cheualier Morien vous luy deuez bailler armes suffisantes: car il ne prent pas la bataille seulement pour luy: mais principalement pour vous, & luy vint d'un gentil courage ce qu'il fait. Et les Rois qui là estoient esbahissoient grandement comment il auoit osé entreprendre la bataille contre un si terrible homme que Langoulaffre, & qu'ils ne sçauoyent point au monde son pareil, de grandeur, force proesse, & vaillance. Adonc dist le Soudan Noradin, Mes amis ie vous prie que chacun s'esforce de sa puissance de luy bailler armes telles qui luy semblent bonnes, & qui luy viendront à gré.

*Comment Ogier le Dannois vainquit Langoulaffre en champ de bataille deuant Babylonne, & l'emmena prisonnier dedans la ville, chez le Soudan Noradin.*

## CHAPITRE XLIIII.

**C**haſcun ſe miſt en diligence de le fournir d'harnois, & l'armerēt ſi ſuffiſamment qu'il n'y failloit rien dont il fut bien content. Si print congé du Soudā Noradin, & de la Baronnie & s'en retourna en l'oſt du Roy Moyſant, & le conuoyerēt les Barōs de la cour, & le Soudan Noradin mōta aux creneaux, accompaigné de douze Roys Payens ſes amis enſemble alliez, leſquels louērent grandement le vaillant Ogier le Dannois & le Soudan diſt, tels le voyent qui ne cognoiſſent pas ſon nom: mais le Roy Carahen, entra en ſuſpicion d'Ogier, & croyez que s'il l'eult biē

cognu, qu'il eust bien gardé le Soudan de luy faire la trahison qu'il luy dist. Si entra le vaillant Ogier dedans le paillô du Roy Moylant bien armé, & bien en point, & luy dist en ceste maniere. Sire ie suis reuenn pour accôplir la teneur de ma promesse, si vous prie que me faciez deliurer mon cheual marcheualle, à fin de me mettre en champ de bataille. Adonc respondit Moylant. Certes gentil cheualiers: c'est de raison, puis qu'avez tenu promesse. Si commanda à vn de ses maistres d'hostels qu'on luy fist amener. Et quand on luy eut amené il monta dessus apprestement, & luy monté donna des esperons à son cheual marcheualle. Si le bondit en l'air bien quinze pieds de trauers, dont le Roy Moylant se trouua bien esbahy, & dist à ses gens. Auifez seigneurs quel ribaut vous la pensez que c'est vn diable despie qui vient espier mon royaume & mes terres pour me faire quelque domage, mais au plaisir de Mahon, Langoulaffie m'en vengera: adonc furent montez les deux champions, & leurs cheuaux bien en harnachez. Si entrèrent en champ, & si tost qu'ils furent entroz & qu'Ogier l'apperceut il se recommanda à Dieu, & dist à luy mesmes. Vray Dieu pere des humains, & conseruateur de tous peupres cheualiers Chrestiens auenturiers pour la sainte foy Catholique maintenir. Je te prie contre ce Geant donne moy force & pouuoir d'acquérir victoire, laquelle chose il ne faisoit pas pour la peur qu'il eust du Payen, mais c'estoit son orailon qu'il auoit tousiours accoustumé de dire à l'entree du champ, nonobstant qu'il ne deuoit pas estre trop asseuré veu la grandeur du Geant: car il auoit bien quinze pieds de long & bien vn pied d'espace entre deux yeux. Or ainli qu'Ogier fut monté il se print tasto à appeller les Roys, c'est à sçauoir le Roy Moylant, Flotion, & Murgalans, & leur dist. Messieurs pour sçauiez les conuenances faites entre nous de ceste bataille. Si vous potez que s'il aduient que i'aye vaincu vostre cheualier que m'en puisse franchement retourner sans auoir nul empeschement ny destourbier, & en outre que vous vous recullez, & nous faciez voye sans y mettre abus n'aucune trahison. Si se recullerét le champ loing d'vn trait d'Arbaleste. Si estoit le champ de bataille deuant la tour de Babel, si que tous les Payens qui leans estoient pouuoient veoir les combattans aussi bien que s'ils eussent esté dehors. Si brocherent tous deux des esperons tellement qu'au partir que les cheuaux firent il portoit mi ux ressembler vn grand tonnerre qu'autre chose: car ils vindrent si poudancement l'vn contre l'autre que Langoulaffie rompit sa lance sus Ogier le Dannois: mais telle d'Ogier attraignit Langoulaffie par le heaume droit à la visiere, tellement qu'il luy emporta le heaume tout entier hors de la teste tant fut le coup terrible, & de si grand reideur le donna le preux & vaillant Ogier le Dannois, lequel le faux traistre & desloyal Soudan Noradin cuidoit bien faire mourir à la saint Jean Baptiste. Eufi fort l'estonna que le cœur d'uy eust da creuer, & fut cheut à terre ce n'eust esté le vaillant Ogier le Dannois, qui le saisist au corps, & le jetta sur le col de son bon cheual marcheualle: mais ainli qu'il emportoit Langoulaffie se cuidoit tousiours defendre afin qu'il le tuast. Si luy dist Ogier le Dannois tenant son espée courtain. Ribaut Payen si tû te ramues tu es mort. Si se tenoit Langoulaffie tout croy s'efforçant tousiours à prolonger sa vie. Ce voyans les Payens furét moult courrouceez & coururent après ledit Ogier: mais quand Ogier les veit brocha des esperons & ne luy sceurent que faire. Adonc Ogier alla presenter Langoulaffie au Soudan qui fort ioyeux en fut, & tous les seigneurs, & mesmement Carahen, lequel le pria qu'il alast dîner avec luy, dôt Ogier promist qu'il iroit, & alla. A ces paroles Ogier partit du pais, & s'en alla à la prison pour porter à mâger aux prisonniers, & les festoyer, car si il auoit accoustumé. Si entra dedans la prison, & fâna la compagnie.

Messieurs dist Ogier ie vous ay fait beaucoup attendre: mais pardonnez moy: car i'ay eu grandement à besongner depuis que ne vous vis: car i'ay gaigné en champ de bataille Langoulaffie Roy d'Arbillant le plus fort Geant qui soit en toute Sarrazine

zinelme, & est ledit Langoulaffre frere du Roy Bruhier que i'occis deuant Laon, & le principal de toute la bataille du Roy Moyfant. Auquel i'ay fait tel effort que ie l'ay apporté dessus le col de mon cheual dedans la ville. A ces parolles Gerard de Roussillon en remercia grandement Dieu. Haa mon nepueur mon amy, ie cognois qu'en vous à plus de prouesse qu'en tous les cheualiers du monde. Mais mô nepueur ie vous voudrois bien prier qu'il vous pleust penser comment nous puissions estre deliurez des mains de nos ennemis, afin que tous nous puissions ioyeulement retourner en France & à nos terres. A quoy Ogier le Dannois luy respondit mon oncle & mon amy ne vous souciez de rien car d'une belle nuit ie vous fourniray de bons harnois & bons bastons d'armes. Et en la mesme nuit nous ferons vne course parmy le palais & occirons de la premiere ceuvre le Soudan, & puis tous les autres n'en aurons pas moins. Adonc monterons sur la mer tout à beau loisir, & tant nagerons que nous parviendrons en France. C'est bien aduisé dist Gerard de Roussillon si ainsi le pouuoit faire, vous besongneriez à la verité. Et ie le feray dist Ogier, ou ie mourray en la peine: car ie cognois bien que si nous attendons à la saint Iean Baptiste, que tous Payens feront leur feste, le Soudan vous fera tous mourir. Pourquoy ie besongneray ainsi ie l'ay à l'entendement. A ces parolles Ogier les commanda à Dieu, & s'en va au palais deuers le Soudan. Et quand il fut arriué deuant le Soudan il luy fist la reuerence & le Soudan luy rendit son salut; puis Ogier luy dist. Sire, il est vray que le Roy Carahen de son bien m'a semondé à dîner, laquelle chose ie luy ay promise si c'est vostre noble vouloir. Je suis tres-content dist-il: car aussi depuis vostre venue il n'y a celuy qui vous ait encore festoyé mais quelque iour que nous serons asseurez de ses guerres, i'ay en pensee de vous faire vn bon banquet, & de vous tresbien recômpenser dont Ogier l'en remercia & print congé du Soudan, pour s'en aller dîner avec le Roy Carahen. Et pour accomplir sa promesse il y alla, & si tost qu'il fut party le Soudan fist venir Langoulaffre deuant luy lequel s'estoit fait desarmer en la basse sale. Or est monté Langoulaffre, & si tost que le Soudan le veit il fist recueillir ses gens à part, & deuiserent ensamble de la bataille. Et demanda Langoulaffre qui pourroit estre ce cheualier qu'ainsi l'auoit conquis: car se dit-il ie ne vis iamais le pareil, & est grand dommage qu'il n'a vn royaume à gouverner, ie ne sçache en ce monde si fort homme. Par Mahom, dist Noradin, en cent ans ne sçauriez penser qui c'est: mais si me voulez promettre de le tenir secret ie le vous nommeray. Par mon Dieu iupiter, dist Langoulaffre, ie vous promets que iamais ne le partira de ma bouche. Si en mist son doigt entre les dents. Adonc dist Noradin, par nos dieux se n'est pas vn Sarrazin: mais vn Chrestien de France nommé Ogier le Dannois, qui iadis occit vostre frere le Roy Bruhier, dont la renommee estoit par deça si grande, & aussi depuis peu de temps en ça occist deuant Acre le Roy de Ierusalem. Je croy que vous auez bien ouy parler de luy. Quand le Soudan eut fait son propos, Langoulaffre mua couleur quand il entendit que c'estoit Ogier le Dannois, & la grande persecution qu'il auoit fait de ses parens; si commença à dire au Soudan Noradin. Par Mahom vous faites mal, que vous ne l'auiez fait pendre pieça. Le Soudan Noradin luy respondit. Noble Roy parauenture ne fussiez vous pas icy de ceste heure, seurement ie vous redoubtois autant que tout le demeurant: mais ie le garde tout expressément, pour en faire vn present aux Payens à la feste de saint Iean Baptiste, qui sera bien tost. Et là le fera attacher en vne colonne & tirer tant encontre luy, que tout son corps sera couuert de traits, tellement qu'on luy trouera le cœur à l'attache accompagné de cent cheualiers Chrestiens, que ie tiens pareillement en mes prisons, lesquels n'en auront pas moins. Ce propos mis à la fin, le Soudan Noradin dist à Langoulaffre que s'il se vouloit departir d'avec le Roy Moyfant, & ses gens aussi, il estoit content de l'en laisser aller en son pays franchement: car vous cognoissez que vous n'a-

uez nulle loy, de me venir guerroyer, moy qui ne vous fist iour de ma vie desplaisir, par quoi il me semble que les dieux ont permis qu'aiez esté ainsi prins, dont ie les en remercie. Mais quand Langoulaffe, eut ouï le propos du Soudan, si lui dist qu'il n'en feroit iamais rien, & qu'il le tint en prison iusques les guerres fussent faillies, & quand les guerres setoient faillies, & qu'ils s'en retourneroient en lui promettant de iamais ne venir lui faire ennui ni dommage. Adonc lui dist le Soudan qu'il en estoit content.

A ces paroles entrerent les Sarrazins au palais, & le vaillant Ogier, qu'estoit allé voir le bon cheual marcheuallee, & sçauoir comment il se portoit s'en alla à l'hostel du Roi Carahu, & le trouua où il l'atendoit. Si le salua Ogier, & luy demanda s'il estoit venu trop tost ou trop tard. Si lui respondit qu'il estoit venu bien à point. Adonc lauerent leurs mains pour dîner, puis le Roy Carahu feist asseoir Ogier deuant luy à table, & firent bonne chere: mais le Roy Carahu, auoit tousiours l'œil sur Ogier, pour le cuider recognoistre, & quand il l'eut assez regardé si luy dist. Vieil cheualier, il ne vous desplaira pas si ie vous dis aucune chose que i'ay sur le cœur. Non seulement. Sire, dist Ogier, vous estes en vostre hostel, si pouuez dire ce que vous voudrez. Ie vous diray donc dist Carahu: ie vous promets vieil cheualier, que toutes les fois que ie vous regarde il me souuient d'un cheualier Chrestien, qu'autrefois i'ay veu en France nommé Ogier le Dannois: car seurement ie ne vous aduise fois, qu'il ne me souuienne de lui, & n'estoit ce que vous estes ainsi noit, certainement ie vous prendrois pour lui, si vous prie que me disiez la verité affin de vider ceste fantasie. Lors Ogier se print à sousrire, & lui dist, Roi Carahu, par ma foi vous n'avez pas failly à deuiner: car sans faute ie suis Ogier le Dannois, vostre petit serpenteur, en ce qu'il vous plaira me commander. A ceste parolle, dist le Roi Carahu, hélas! Ogier mon bō ami, mal auez faict que ne m'avez plus tost recogneu, vous ne fussiez pas ainsi que vous estes: mais vostre Dieu vous a bien gardé, ou les nostres iusques à ceste heure, que vous n'avez eu plus à besongner que vous n'avez eu. Helas Roi Carahu, dist Ogier, ie vous prie dites moi qui vous ameine pardeça. Par ma loi dist Carahu, ie suis venu pour secourir le Soudan Noradin, contre le Roi Moysant ainsi que vous voyez. Or ça dist Ogier, comme se porte madame Gloriade? Par ma loi elle se porte tres-bien, croiez que si elle sçait que vous fussiez pardeça, elle n'arresteroit gueres qu'elle ne vous vint veoir: car se vous asseure qu'elle vous verroit volontiers. Mais ie vous prie Ogier, comptez moy la cause pour quoi vous estes venu pardeça, pour vous mettre en si grand dangier de vostre corps. Par la foi que ie dois à mon Dieu Iesus-Christ, ie le vous compterai volontiers: car à vous ne voudrois celer ma defortune aucunement, il est bien vrai que ie fus inuité à venir en Acre par l'un des messagers de Iesus-Christ qui estoit un Ange. Si laissai la Roine d'Angleterre ma femme pour yohir: & ainsi que ie suis laarsné i'ai trouué le Roy Iustament, qui chacun iour venoit deuant la ville pour demander vingt cheualiers pour combatre à lui, & le lendemain que ie fus arrivé il se vint presenter aux portes trié comme il fut entré pour le Roy Cormorant que i'auois tué & recoux un butin enuiron de la valeur de deux cent mille ducats, avec quinze moines prisonniers & tous les bestes du pais. Or est-il vray que le Roy Iustament vint es portes comme i'ay dit, & ne se vouloit pas cōtenter d'un homme, non pas de dix. Si montai à cheual, & faillio hors la porte & prinmes la bataille ensemble si dure & si terrible, que ie le tuay, & ne fut pas qu'il ne se defendist vaillamment. Et ainsi que ie le tuay, le Roy Ican d'Acre s'adist, & comme vint grande bataille en laquelle il mourut de par le Roy Moysant, & menay le Soudan Noradin prisonnier en Acre, comme le souuerain de la bataille de nos ennemis. Or assemblerent les seigneurs d'Acre leur conseil, & conclurent entr'eux qu'ils m'essiroient leur Roy, ce qu'ils firent. Et lors ie laissay aller le Soudan Noradin, par tel conuenant qu'il leueroit le siege de deuant Acre, ce qu'il fit. Alors tout vuidé & pacifié les faux templiers voyans qu'ils estoient en pais & tran



& tranquillité, si machinerent vne moult grād trahison: car i'auois tousiours volōté d'aller au sainct sepulchre en Ierusalem, si leur declairay vn iour mon courage. Si me dirent que quand ie voudrois partir qu'ils me trouueroyent de bons mariniers qui me meneroyent diligemment, & tresseurement en la saincte cité de Ierusalem, & qu'ils me bailloyent le secretaire des templiers, afin que ie ne me desfiassē d'eux, & toutesfois nous montasmes sur mer, & m'auoyent vendu au Roy Isore. Mais ainsi que nous partismes il se leua vn grand orage qui ietta nōstre batteau contre vne roche, tellement que le batteau fut brisé & furent tous ceux de dedans noyez, sinon moy qui me sauuy en vn petit batelet, & trouuay la lettre de la trahison. Alors i'appellay des pescheurs qu'estoyent deuant moy en vn batteau, & fis tant qu'ils me vindrent querir, ou autrement ie fusse demeuré sur mer, toutesfois ils vindrent volontiers vers moy. Adonc leur comptay mon cas, dont ils furent tous grandement esbahys, & me conduirent iusques au bord. Et si me compterent le train de ceste gueyre, dont ie fus bien aise. Et moy descendu me noircy ainsi que voyez. Si vous promets que voyla la maniere comme ie suis veu en Babylonne: mais si iamais ie puis partir d'icy, ie mettray tous ses maudits templiers à persecution, mon amy Carahu, tenez la matiere secrette. De cela ne vous doutez dit Carahu: car vous sçaez que ie vous promis en France que iamais ne seray contre vous: mais vous feray ayde & confort, & suis marri que plustost ne vous estes fait cognoistre à moy: car vous ne fussiez pas où vous estes, combien que n'estes pas trop mal, toutesfois les payens ont grand' enuie de vous faire mourir, pour la grand occision qu'auiez fait de leurs parens. Haa! dit Ogier, i'ay ceans mon oncle prisonnier avec cent autres cheualiers Chrestiens, lesquels sont tous de ma cognoissance: parquoy ie vous voudroye bien prier, que les fassiez mettre à rançon, à fin qu'ils puissent retourner en France. Tout cela ferons nous dist Carahu. Si print Ogier congé de Carahu, & s'en alla voir les prisonniers, & leur dist comme il s'estoit descouuert à Carahu, lequel l'auoit grandement reconforté. Et Gerard en remerciant Dieu dist, Ogier mon nepueu, Dieu vueille qu'ainsi soit.

*Comment Ogier le Dannois, print le Roy Moysant, en la bataille qui fut moult cruelle, & l'emmena prisonnier dedans Babylonne, & comment le Soudan Noradin, fist retenir prisonnier Ogier le Dannois, avec le Roy Moysant.*

## CHAPITRE XLV.



Donc le Roy Moysant, vint donner bataille au Soudā Noradin, & fist le Roy Moysant ranger ses trentes deux batailles bien ordonnees pour attendre le Soudan Noradin qui vouloit auoir sa fille en mariage, laquelle le Roy Moysant auoit en Ierusalem, & au son des trompettes & buccines du Roy Moysant, ledict Soudan Noradin, fist desloger ses gens, & commanda au Roy Carahu, porter son enseigne. Et quād se vint au partir de Babylonne le Soudā Noradin fist armer Ogier le Dānois de ses armes, & monter sur son cheual Marcheualle. Quand Ogier se vit en armes, & bien monté, si dit à soy mesme. Je feray si grand effusion de sang de ses maudits Payens, qu'il en sera memoire à perpetuité, laquelle chose fist, & les autres pareillement selon leurs effort, & fust la bataille si tresmerueilleuse que c'estoit moult grand pitié, & fust ledit effort si grād, qu'il sembloit que la terre tremblast. Adonc vint le Roy Murgalant de Sirye, & brocha des esperons, & coucha sa lance contre Sorbin de Babylonne, qui estoit nepueu du Soudan Noradin & tellement le heurta, qu'il l'abbattit tout mort par terre. Mais quand Ogier eut ainsi veu Sorbin mort, si print courtain sa bonne espee, & cuida assener le Roy Murgalant, sur son heaume: mais le coup glissa, & tomba sur le col du cheual & le couppa en deux pieces, dont l'homme fut contraint de tomber à terre. Et ainsi qu'il cuida recouurer



vn autre coup , le Roy Moyfant, & Florion son fils entourerent Ogier avec grand' multitude de Payens , & luy donnerent des merueilleux coups : mais Ogier leur aualloit testes, bras & iambes, tellement que nul ne s'osoit arrester deuant luy. Si faillirent sur le Roy Caraheu, & se n'eust esté Ogier, qu'incontinent vint à la reconse sans nulle faute il n'eust sceu resister qu'ils ne l'eussent mis à mort : mais le vaillant Ogier, si fist si grand portement que nul ne s'osoit arrester deuant luy, & fuyoyent comme les brebis deuant le loup. Et quand le Roy Caraheu le vit, il commença à crier à haute voix Babylonne. Si se retira chacun à l'enseigne, si qu'à celle heure y eut tant de gens morts qu'on ne pouuoit cheminer parmy le champ : car le Roy Caraheu, qui portoit l'enseigne du Soudan Noradin, fut assailly de trente Payens & luy tuerent son cheual deffous luy. Et quand Ogier le vit en si grand dangier, si le vint secourir, & en rompant la presse il tua vingt & quatre cheualiers. Adonc cria le vaillant Ogier, Roy Caraheu, defendez vous vaillamment : car tantost serez-secoaru. Adonc vint Ogier, & donna de son espee au Roy Dordon, vn si grand coup en la teste qu'il l'abbattit à terre : mais il ne le tua pas, & toutes-foi il print son cheual & le bailla à Caraheu, & luy ayda à monter dessus.

Regardez ce cheualier dit Langoulaffre, lequel estoit sur la tour de Babel, & regardoit la bataille. Par Mahon il semble mieux estre vn diable qu'un homme humain, il a iatué plus de cinquante de nos parens les plus vaillans de tout nostre ost. Et croy fermement qu'il n'est point venu en ce pays, sinon pour destruire nos parens. Or ont les gens du Soudan par le moyen d'Ogier: fait si grande occision de leurs ennemis qu'il fut force de reculer luy & ses gens d'un trait d'arc. Le Roy Moyfant voyant son ost quasi desconfit brocha des esperons, & coucha sa lance, & s'en vint à Ogier de si grand roideur que s'il l'eust attain il l'eust fort endommagé: mais Ogier destourna son cheual, & de courtain luy cassa tout son heaume tant que le sang en faillit, si que le Roy Moyfant cheut

à terre

à terre tout estourdy. Et leust tué Ogier n'eust esté qu'il s'escria en disant, Sarrazin ie te prie celle toy : car ie me rends à toy, & à ces parolies Ogier print le Roy Moysant, & le presenta au Soudan Noradin, lequel en fut moult grandement ioyeux. Puis Ogier se partit d'avec le Soudan, & retourna en la bataille, & le premier qu'il rencontra fut celui qui portoit l'enseigne du Soudan de Damas auquel il donna si grand coup qu'il fist voler le bras & l'enseigne par terre, parquoy le Soudan de Damas fist assaillir Ogier par telle maniere qu'il ne sçauoit que faire, & du despit qu'il en eut rua sur le Soudan de Damas, & luy donna si grand coup qu'il luy fendit la teste, dont il cheut mort par terre. Et en c'est effort le Roy Murgalant cherchoit le Roy Moysant : mais les gens du Soudan de Damas lui dirent que le Sarrazin qui le iour deuant auoit emporté Langoulaffre l'auoit rendu prisonnier au Soudan Noradin. Et adonc Murgalant fut fort troublé aussi fut le Roi Florion. Si prindrent conseil qu'ils deuoient faire, lesquels voyans tous leurs principaux chefs de l'ost estre morts, conclurent entr'eux d'eux mettre en fuite : mais encores doutoient moult d'auoir affaire deuant que gagner le port. Si firent sonner la retraicte pour recueillir tous leurs gens, & brocherent tous des esperons pour aller droit au port : mais Ogier alloit apres qu'en fist grande desconfiture. La bataille finée, le Soudan Noradin amena avec soy le Roy Moysant, & quand ils furent au palais, le Roy Carahen alla en son logis pour se defarmer. Adonc Langoulaffre qui estoit à la tour de Babel, descendit en bas, & entra au palais. Et cependant Ogier s'estoit allé defarmer, & si tost qu'il fut defarmé, il s'en alla voir les prisonniers Chrestiens, & leur fist porter à dîner & leur conta comme la iournee s'estoit portee. Mais durant le temps qu'Ogier estoit en prison, le Soudan Noradin assembla son conseil pour machiner la mort d'Ogier. Si conclurent tous les Princes de sa cour excepté Carahen qui encores estoit en son logis, qu'on l'enuoyeroit mener le Roi Moysant en prison, & qu'on l'enfermeroit avec le Roi Moysant. Adonc fut enuoyé querir Ogier, lors print congé des prisonniers, & s'en alla avec le messagier. Et luy arriué au palais salua le Soudan, lequel lui dist. En bonne heure vinstes vous en Babylonne quand vous m'avez rendu entre mes mains mon aduersaire principal, lequel il vous faut mener en prison en la tour de Babel, & au plaisir de nos dieux, bien tost ie vous recompenseray des bons, & loyaux seruices que m'avez fait par cy deuant.

Ogier oyant les parolles du Soudan fut prest d'accomplir son commandement, si s'en alla prendre le Roy Moysant, & ie mena en prison : mais quand Ogier fut dedans on lui ferma la porte, dont il fut moult despité, & s'en vouloit venger dessus le Roy Moysant : mais ledict Moysant luy cria mercy en lui remontrant que ce n'estoit point pour son deffaut, & qu'il n'estoit pas pis ne mieux que luy. Adonc dist Ogier en se lamentant. Ha faux chien mastin, or cognois-ie bien ta loy estre fauce & damnable, pluy mille fois que ie n'auoie fait par cy deuant : car tu n'as cognoissance en toy, pitié, ne charité, ne bonté, mais es peruers & maudit, & croy fermement Soudan qu'une fois ie me vengeray de toy. Et ramentoit en soy mesmes, les biens & profictez qu'il luy auoit fait. Puis commençoit à regretter Clarice sa femme, & Dampemarche, & son frere Guyon, & Gautier son neueur, & aussi le noble pays de France. Or pensez comment les pauvres prisonniers Chrestiens estoient d'autre part fort en esmoy quand leur bon chartier Ogier ne venoit point vers eux : la chose est tresgrandement melancolieuse. Adonc le Roy Moysant avec lui en prison, lui dist. Par Mahon, ie sçai bien que vous avez sauué la vie au Soudan Noradin, & gagné la bataille contre moi, là où l'auoie le bon droit ainsi que chascun peut cognoistre : mais avez vous point oui dire, ramener un larron ou quelque mauuais homme du gibet, iamais il ne cessera tant qu'il ait procuré vostre mort. Ainsi vous en prenez, dont ie suis bien ioyeux. Ha faux chien mastin dist Ogier, si tu me parles plus ie te

heurteray si grand coup la teste à ceste muraille que ie la rompray toute , & pource que nous ne sommes que toy & moy, il nous faut abreger nostre vie: mais nous n'auons espee ne dague, parquoy nous faut à grand coup de pied , & de poing nous entrepoigner : tant que par force puissions nous vaincre l'un l'autre. A ces parolles le Roy Moysân dist froidement. Haa! Ogier mon amy, il vaut mieux languir vn peu de temps, que receuoir la mort qui est tant à douter: mais venez ça dit-il que vous vaut le desconforter veu qu'il ne vous peut ayder en rien. Et lors respondit Ogier. Mieux vaut mourir à coup que de languir en telle douleur. Et à ces paroles le Soudan Noradin qui les escoutoit commença à dire. Haa maistre Ogier estes vous là. Par Mahon vous ne mourrez pas si à vostre aise : mais les freres du Roy Bruhier viendront à la feste saint Jean Baptiste , & eux venus fera vostre vie finée. Et à ces parolles le Roy Carahéu arriua , & luy demanda que c'estoit qu'il disoit. C'est ce dirent les Payens le Payen qu'à desconfist ceux de Sirie , & qu'a faict de nobles vaillances, dont Carahéu fut moult doulent , & demanda au Soudan pourquoy on l'auoit enprisonné. Lors print la parolle Langoulaffre , & tout hautement commença à dire. Haa Roy Carahéu , que vous faictes bien l'innocent vous qu'avez tant frequenté la France, & auez esté parmy tout le royaume , par Mahon vous vous en dussiez bien tayer , à vous mesme i'ay ouy dire que du Roy Corfuble , vous fistes à Ogier occire le Roy Brunamont d'Egypte , pource qu'il vouloit auoir la belle Gloriande en mariage : & outre quand vous fustes à Laon vous laissastes occire grand nombre de nos gens, sans y faire aucune resistance, ainsi que le vous sçeut bien dire le Roy Rubion , lequel le vous reprocha deuant le Roy Bruhier , & se laissa vaincre cuidant eslongner sa vie. Vous dites vray dist le Soudan , autresfois on m'a conté toutes les choses que vous auez icy recitees. Et qui pis est vous l'avez mené disner en vostre logis & sçauéz fort bien son secret , & conuient que soyez auec luy. Et adonc reprint la parolle Langoulaffre , & dist. Vous souuiens-il point que vous n'allastes en France pour autre chose , que pour venger la mort d'Ogier, qu'on disoit que Charlemagne auoit fait mettre en prison? Halil est vray , dit le Soudan. Puis dist le Roy Carahéu, quand vous auez assez parlé ie parleray. Ma foy Soudan ie vous promets qu'il n'a Payen au monde que s'il me vouloit accuser d'aucune trahison que ce soit , ou autrement tant soit-il fort , que ne luy presentasse mon gage, & pour vous dire la verité, i'ay aymé Ogier le Dannois, pour sa grand'bôté & beaux faits d'armes que ie luy ay veu faire tant sur nous que sur plusieurs autres. Mais au regard de trahison s'il y a aucun qui m'en vueille accuser comme vous Langoulaffre qui estes grand, fort, & puissant, & qui dites vos gros mots, voila mon gage. Et ie ne suis pas pour refuser dist Langoulaffre. Si le print l'un des Rois de la compagnie. Adonc dist le Soudan Noradin , messeigneurs quand voulez vous que soit la iournee de vostre bataille. Ce dist Langoulaffre à la feste de saint Jean Baptiste, par deuant toute l'assemblée des Princes Sarrazins. Adonc chacun bailla ses pleiges.

*Comment apres ce que le Roy Carahéu eut entrepris la bataille contre Langoulaffre, il passa la mer pour amener Gautier le nepeueur d'Ogier, & grande compagnie de François pour deliurer Ogier de prison.*

## CHAPITRE XLVI.



And la bataille fut plegée entre Langoulaffre & Carahéu , Carahéu renouoya ses gens en son pais , tant qu'ils eussent des nouuelles de luy , recommande moy dit il à ma dame Gloriande: car ie m'en vois querir du secours en France pour Ogier le Dannois. Pensez qu'il luy mouuoit de grand amour naturelle, de prendre telle peine pour Ogier , qui rien ne luy estoit, mais quand

Marcifus vit partir son oncle, si ne voulut iamais l'abandonner. Et quand Carahu le vit si noble & de si loyal affaire, si se descourrit à luy, & dit tout le contenu de sa pensee, & de son entreprinse, & luy conta comme il alloit par deuers Charlemaigne pour auoir le nepueur d'Ogier, nommé Gautier de Dannemarche le plus vaillant cheualier qu'on sceust trouuer excepté Ogier, & s'il vit long temps il fera parler de luy en toutes parts. Adonc luy dist Marcifus. Monseigneur mon oncle i'auois affection de le voir pour scauoir quel personnage c'est: car ie m'esbahis d'Ogier qu'est si vaillant en armes. Et croy que si Gautier estoit aussi puissant comme son oncle Ogier le Dannois, eux deux seroyent pour desconfire mille combattans, & pource que ie ne fus iamais en la region de France, s'il vous plaist ie vous feray compaignon. & eus bien content dist le bon Roy Carahu.

Mais alors qu'Ogier estoit en son douloureux desconfort, regrettant la Roïne d'Angleterre, & tous ses familiers parens & amis, son bon nepueur Gautier qu'estoit le vray espoir de sa deliurance. Si se desconforta tant vne nuist qu'il ne cessa orques de plore, helas! que peut auoir esté celuy qui m'a peu cognoistre & de cel-là mon nom, ie ne sçay pas que i'en dois faire. Seroit bien Carahu, de si mortelle trahison de m'auoir accusé. Je ne sçay pas comme il en va, combien que i'ay trouué le Roy Carahu, si noble & si loyal iamais ne le scaurois accuser ny presumer d'auoir fait telle trahison. Or cognois ie bien que ie suis à mon dernier refuge, ie ne sçay plus que ie dois faire, sinon me rendre à mon createur. Adonc durant ces paroles s'apparut à luy vn Ange de Paradis tout enuironné d'une tresgrande lumiere, qui luy commença à dire en ceste maniere. Ogier amy de Dieu, ne te vueilles desconforter ne donner à ton cœur telle melancolie: car le Roy Carahu, qui sçait ton secret ne t'a pas accusé: mais à esté ton seruiteur: car vn iour que tu estois en ta chambre il faisoit l'endormy & t'escouta faire tous tes regrets, de tes deux cheuaux broiffort & bouchant, & si tost que ton valet ouyt les lamentations que faisois, il l'allast compter au Soudan Noradin, & pource n'en ayes point de suspicion sur Carahu: car il est bon amy de Dieu, & est en chemin pour aller querir ton nepueur Gautier à fin de te secourir, & fera tant en France que Charlemaigne enuoyera les douze Pairs pour te venir secourir. Et pource oste ta melancolie de ton courage: car le Roy Carahu ne tardera pas grandement qu'il ne reuienne par deçà, avec grand multitude de cheualiers pour te oster hors de captiuité, & se fera baptizer au nom de Dieu, & renoncera la loy de Mahom, & pource fais bonne chere, & te resiouys en nostre Seigneur qui t'ait en sa sainte garde, auquel ie te recommande.

A ces paroles Ogier tout rauy en l'amour de Dieu, leua les yeux contremont, & dist ainsi. O mon Dieu eternal Roy du ciel puissant & glorieux, à ceste heure ie te dois bien rendre graces & louanges, quand il a pleu à ta sainte grace auoir souenance de ton simple seruiteur. O mon Dieu & redempteur ie te reds graces & mercis. Ton né soit sanctifié en gloire perdurablement. Si se leua Ogier, & dit: O tant bien-heureuse la personne laquelle espere en la misericorde de Dieu. O mon Dieu tous tes saints sont incogneuz. Ie me recomande, & mets mon pauvre cas sous ta sainte misericorde. Lors se leua le Roy Moysant tout rauy de ioye en l'amour d'Ogier, & dist à haute voix, Ogier mon bon amy, ie vous prie que ie m'approche de vous, & que ie puisse baiser vostre benigne face: car ie cognois à ceste heure vostre Dieu estre humble, doux, courtois, saint & amoureux, parquoy i'aime vostre compaignie sur toutes choses, si veux que de vostre grace il vous plaise me donner le saint Sacrement de Baptisme: car ie cognois vostre Dieu estre veritable, car iamais ne delaisse ses amis au besoing: ainsi comme i'ay peu apperceuoir à cest heure; & long temps a que mon fils Florion m'auoit parlé, & dit de moult grand merueilles: mais ie ne le pouuois croire. Or maintenât ay-ie cogneu que ceste lumiere toute remplie de douceur & amour charitable ne peut aucunement proceder sinon d'iceluy Dieu, dont

vous tenez vostre sainte foy, duquel ie voudrois bien congnoistre les saints & glorieux faicts. Adonc Ogier se cognoissant estre vray amy de Dieu, eut tout le cœur remply de liesse & de sainteté, & dit en ceste maniere au Roy Moyfant. Mon amy, puis que desiré le salut de vostre ame, pour plus ardemment croire en Iesus-Christ, c'est bien raison qu'on vous declare que c'est que de luy, & de sa loy.

Il est vray que le Roy Souuerain est le Dieu des dieux, & celuy seul en trois personnes vnies & en vne deité, lequel de son bon vouloir & puissance a crée le firmament, le ciel & la terre, & à toutes choses vegetatiues a donné dons particuliers, les vnes creatures viuent sans sens, n'entendement comme brustes, les autres viuent auxquelles il a donné entendement moyennant l'ame raisonnable qu'il crea de si souuerain & de si diuin artifice que la creature qui est l'homme, est semblable à son doux createur touchant l'humanité. Pource Roy Moyfant mon trescher amy, croyez qu'il n'est autre Dieu que cestuy là, & que Mahon, & ces Idoles qu'adorez comme dieux, ne sont qu'images saintes. Idoles & statues faictes de la main des hommes qui n'ont puissance nulle, fors ce que le diable leur donne, qui n'ont autre exercice en ce mode fors de faire tresbucher les creatures en leurs lacs, & les faire plonger au profond d'enfer, pour estre là damnez eternellement. Or aduisez Roy Moyfant en quel estat vous auez vescu iusques icy, & le tres-grand dangier en quoy vous estiez soubsmis à l'occasion de vostre folle creance, imaginez que Dieu vous a fait vne grand grace, de vous auoir laissé viure iusques icy: car si vous fussiez alié de vie a trespas vous estiez dāné eternellement sans grace ny remissio: car il a dit en parlāt par esprit prophetique, que quicōque ne sera baptizé, & ne mourra en la foy de Iesus-Christ sera damné eternellemēt. Moyfant mō trescher amy, ces choses considerés, aduisez à vostre cas sans y besongner feintemēt: mais de cœur affectueux, prenez amour en Iesus-Christ, lequel vous preseruera de dānation eternelle, & en la fin vous dōnera la gloire triomphante du royaume de Paradis. A ces parolles le Roy Moyfant se mist à deux genoux deuant Ogier, luy requerant tres-humblement luy donner le saint baptisme, ce qu'Ogier fist tres-volontiers en cas de necessité, en attendant vne autresfois le faire plus solennellement. Or estoient les deux champions confortez & conformez en l'amour de Iesus-Christ, attendans estre secourus par sa sainte grace. Or laisseray à parler des deux chāpions, & retourneray à parler des pauures cheualiers Chrestiens, qui sont tres-mal traictez és prisons du Souzā, c'est à scauoir Gerard de Roussillon, avec cens autres cheualiers qu'estoient en prison avec luy lesquels se complaignoyens les vns aux autres, & disoit Gerard de Roussillon, ha! mon nepueur Ogier, que peu tu estre deuenu t'en serois tu bien retourné sans parler à nous, ie ne crois pas que tu ayes le courage si lāsche. Ha! Monseigneur, se dirent les cheualiers, ne cuidez pas qu'il s'en soit allé sans parler à vous: mais il est empesché en aucunes besognes par le Souzā, ie le scay bien: car ie cognois la loyauté de luy si grande que iamais il ne nous laisseroit en ce point. Et à ces parolles vint à la porte vn nouuean chartrier qu'auoir est mis au lieu d'Ogier, & ainsi qu'il commença à mettre la clef dedans la serrure, Gerard commença à crier Ogier, & incontinent que le chartrier l'entendit il entra dedans, & leur donna de grands coups en disant. Fauce chienaille trop vous à tenus aises ce faux Chrestien. Il est en la tour de Babel, où attend que la saint Iean Baptiste soit venue, ou sera faict l'assmblee de tous les Roys Payens & Sarrazins, & sera son corps attaché en vne colonne, & percé de traicts, & vous autres n'en aurez pas moins. Si mist les douze prisonniers aux fers, & les battit durement.

*Comment Guyon de Dannemarche se mist sur mer, & abandonna son pays pour aller en Acre voir si son frere Ogier le Damnois y estoit, & comment les Templiers le rendirent à Murgalan Roy de Ierusalem.*

## CHAPITRE XLVII.

**L**E Duc Guyon de Dannemarche frere d'Ogier fut dolent, & courroucé que par message ou autrement n'auoit eu nouvelles d'Ogier, ny pareillement de son fils Gautier, parquoy auoit bien cause de non estre ioyeux: mais pource que son fils estoit en la region de France, il ne s'esbailloit pas tant que de son frere Ogier, pource qu'il estoit allé guerroyer sur les Infidelles tout seul: car il auoit eu en vision la nuit de deuant son frere Ogier porter couronne de Roy, & apres estre mis en vne naue, & la naue en nageant sur mer par la tempeste, brisée parmy rochiers, & luy sembloit qu'il s'estoit saué sus vne roche, & puis estoit entré dedans vn chasteau ou il ne voyoit personne, & huchoit tant qu'il pouuoit: mais personne ne luy respondit: par quoy le Duc Guyon s'esueillit, & se trouua tout las, & fort mal content du songe qu'il auoit eu en vision, si se douta que son frere n'eust eu aucun empeschement, si vœut à Iesus-Christ l'aller visiter, & d'aller voir en Acre, pour scauoir que pouuoit estre de son songe. Si fist le Duc Guyon, incontinent crier ban & arriere ban par toute sa terre, tellement qu'en deux ou trois iours ont bien assemblé cinq mille hommes d'armes. Si se mirent sur mer, & n'ont cessé de nager iusques à ce qu'ils ayent esté au port d'Acre. Et eux arriuez audit port manderent les bourgeois & citâiens de la ville parlementer avec eux, lesquels y vindrent volontiers. Et si tost qu'ils furent venus, vindrent se ietter à genoux deuant le Duc Guyon de Dannemarche, luy disant reueremment. Sire le fils de Dieu vous saluë & vous doint sa benediction, vous nous auez mandez venir par deuers vous, ce qu'aüons fait de bon vouloir. Lors leur dist. Seigneurs leuez vous, & vous couurez, bien scay que vous n'auz pas cognoissance de moy: mais ie vous en donneray bon aduertissement. Il est vray que depuis n'agueres, le Duc Ogier de Dannemarche mon frere auoit esté inuité de venir par deça pour batailler contre le Roy Iustamont, lequel il a vaincu ainsi que i'ay entendu, & l'auz esleu pour vostre Roy dont ie vous remercie, si suis venu voir comment il se porte: car ie me doutois qu'il n'eust quelque affaire par deça. Moulx furent ioyeux les citoyens de voir le frere de leur Roy, qui tant estoit noble & plein de vaillance, pèsans à eux mesmes que s'il demeueroit en Acre, que le pays en seroit plus seur & plus fortifié. Si manderent faire vn grand appareil à la ville, à fin de festoyer le frere de leur Roy, & si tost que ledit appareil fut fait si le firent entrer dedans la cité en grand solennité, & firent vn grand conuiuë de disner & banquets. Dont les Templiers ne furent pas bien contents, que tant il demeurât en la ville d'Acre: car ils cognoissoient bien que si vne fois leur trahison estoit descouverte, qu'ils seroyent mis à mort. Dont leur ennuyoit grandement qu'ils ne trouuoient aucune façon ou maniere de l'enuoyer. Si machinerent vne mortelle trahison ainsi qu'ils euoyent fait à son frere: car ils se pourpensèrent de le vendre au Roy Murgalant. Si vindrent deuers le Duc Guyon tous les Templiers en grand appareil, & le saluerent humblement en luy disant.

Sire vous soyez le tres-bien venu: mais nous sommes tres-mal contents que le Roy vostre frere n'est par deça: mais puis n'a gueres luy est prins volonté d'aller voir le saint Sepulchre en grand reuerence, lequel ne deuoit gueres arrester qu'il ne retournast par deça, si nous doutons qu'il ne soit allé voir le sepulchre de madame sainte Catherine au mont de Sinay, Adonc le Duc Guyon de Dannemarche qui n'auoit volonté que de voir son frere Ogier le Dannois, leur dist en ceste maniere. Trouuerons nous point nauire incontinent pour aller en Ierusalem. Ouy se dirent les Templiers, & qui vous conduira tellement que vous ne faudrez point à le rencontrer, s'il n'est party de Ierusalem. Adonc les bourgeois de la ville furent moulx courroucez du departement du Duc Guyon frere de leur Roy, & luy dirent. Las Sire, pourquoy nous delaissez vous si acoup, n'estes vous pas aysé avecques nous, tenez le Royaume d'Acre pour monseigneur vostre frere: car nous en serons bien ioyeux. Le Duc Guyon de Dannemarche, respondit ie vous en re-

mercie grandement: mais iamais n'auray ioye au cœur que n'en aye certaines nouuelles, si m'en veulx aller monter sur mer pour sçavoir si le rencontreray. Si firent ces maudits Templiers leur dit appareil, & composerent à certains matelots Payens pour vne somme d'argent, de rendre le Duc Guyon de Dannemarche au Roy Murgalant, à fin qu'ils eussent vn an de treues, & si leur baillerent des lettres adressées au Roy Murgalant. Alors retournerent lesdits Tépriers deuers le Duc Guyon, & luy dirent qu'ils luy auoyent trouué son cas, dont il fut grandement ioyeux & les remercia de bon cœur. Si prindrent terme entr'eux de le monter sur mer dedans trois iours. Et durant ces trois iours enuoyèrent vn messagier à Murgalant disant que s'il leur vouloit donner vn an de treues, qu'il luy rendroyent le frere d'Ogier, si accomplit ledit messager, son message, & le Roy Murgalant en fut fort ioyeux, & octroya au messagier tout ce qu'il voulut demander pour lesdits Templiers. Or s'en retourna ledit messagier, & en rapporta la lettre d'assurance, dont les Tépriers furent fort ioyeux. Apres dîner le Duc Guyon donna congé à ses gens & les renuoya en Dannemarche. Adonc luy troisieme monta sur mer, & tant nagerent qu'ils arriuerent au port de Ierusalem, & eux arriuez lesdits matelots les menerēt chez le Roy Murgalant demandant la lettre qui leur auoit esté promise, si leur fist bailler incontinent ce qu'ils demanderent, & les festoya tresbien: car il estoit moult ioyeux d'auoir le bon Duc Guyon, à fin de se venger sur luy pour son frere Ogier. Si le fist venir deuant luy, & luy dit. Ha! faux & mauidict Chrestien. Or vous tiens ie maintenant: car de mes mains ne poués iamais eschapper que vous ne comparez les outrages que vostre frere a fait par deça. Et si vous feray mourir de mort si cruelle que tous vos parens en auront grand horreur d'en ouyr parler. A ces parolles le Duc Guyon fut moult espouuenté: car pas ne cognoissoit le Roy Murgalant: mais cuidoit bien estre à feureté. Sire Roy, dist Guyon ie ne sçay comment vous l'entendez: mais vous n'oseriez faire ce que vous dites, i'ay encores vn fils auquel vous n'auriez iamais paix qu'il ne destruisist vous & vos pays: car c'est le plus preux qui soit delà la mer. Adonc Murgalant luy demanda comment il auoit nom, & le Duc Guyon luy dist qu'il auoit à nom Gautier le Dannois, n'epueur d'Ogier le Dannois Murgalant dit ne me parlez plus d'Ogier: car c'est le plus desloyal qui soit au monde. Car en champ de bataille deuant Babylonne il emporta Langoulaffre & le Roy Moyfant & autres cent mille maux qu'il nous a fait, dont ie suis fort courroucé: mais puis qu'ainsi est venu, vous en porterez la peine. Lors dist le Duc Guyon, vous ne me faites que reprocher mon frere Ogier, laissez le là: mais ie vous iure que quand mon fils Gautier sçaura que ces maudits Templiers m'auront ainsi trahy, il ne demeurera gueres qu'il ne vienne en Acre, & ne leur demeurera pierre de leurs temples qu'il ne mette tout par terre, puis les fera mourir de si tres-cruelle mort qu'il en sera memoire à perpetuité, & si vous me faites souffrir martire, ie l'endureray volontiers pour l'amour de Iesus-Christ: mais tenez vous assuré que vous en aurez autant que les Templiers d'Acre & vos parens aussi, depuis le grand iusques au petit.

Dame Clarice oyant ces parolles se leua de son siege pour conseiller son oncle Murgalant: car toutesfois auoit ouy parler de la vaillance dudit Gautier qui grandement luy aggreoit. Si dit au Roy, mon oncle, si vous me croyez vous maderés au Roy Hore d'Affrique & à son oncle, lesquels hayent Ogier, & tous ses parens, qu'il ayde à deliurer mon pere le Roy Moyfant, & vous luy enuoyerez le frere d'Ogier, & autres Chrestiens que vous auez ceans, & il me semble, que vous ferez bien, la bonne dame le faisoit à fin que Gautier eust temps d'aller par delà. Mais Murgalant non pensant à la finesse, dist qu'il en estoit bien content, & fist mettre le Duc Guyon, & ses gens en prison. Or laisseray à parler du Duc Guyon, & retourneray au noble Carahen qu'est arriué en France.

Alors Carahen fist tant par ses iournees qu'il arriua à Reims où estoit Charlemaigne, & les



& les douze Pairs, ingeant d'un debat qu'estoit entre Charlot le fils de Charlemaigne, & Gautier. Car apres que Gautier eut conquis Berard de Bruit, pour accomplir la volonte du Roy, ledict Berard fut pendu ainsi qu'auoit este fait l'accord de la bataille. Et veu la grande pitiése dudit Gautier, le Roy l'eut en sa grace, & luy abandonna son hostel & le fist son chambellan, & tellement que Charlot en fut enuieux contre luy, & machina vne trahison fauce & damnable contre luy. Et tout pour l'amour de ce que Berard de Bruit estoit de moult noble lieu, & estoit cousin germain au Duc de Normandie, qui estoit fils du Duc Richard, qu'Ogier tua deuant chasteau fort, parquoy tous les seigneurs, qui soutenoient Berard de Bruit s'assemblerent tous, & entreprirent vne trahison contre Gautier qui seruoit le Roy à tous propos: car sans Gautier Charlemaigne ne pouuoit viure tant l'aimoit. Si s'auisa Charlot le fils du Roy, de luy faire mal ses besongnes, d'autre part le Duc de Normandie cousin germain de Berard de Bruit, & Rohard de Paue, & plusieurs autres des parens dudit Berard de Bruit, lesquels pour auoir vengeance de luy estoient tous les iours cherchans les moyens, & la maniere comment ils pourroyent empescher Gautier, & le faire mourir pour venger la mort de Berard de Bruit.

*Comment Charlot le fils de Charlemaigne machina vne grande trahison contre Gautier, par le conseil du Duc de Normandie, & par Rohard, lequel fut vaincu en chasap de bataille par le dict Gautier.*

## CHAPITRE XLVIII.



**Q**UAND le Duc de Normandie fut aduertty par Rohard que Charlot le fils de Charlemaigne cherchoit aussi empeschement contre Gautier comme eux. Si s'en vindrent deuers Charlot, & luy dirent. Monseigneur bon iour vous soit donné. Bien venus soyez, mes seigneurs, qui vous amene si matin. Par ma foy dist le Duc de Normandie, nous venons vers vous pour vne cause, laquelle nous touche fort au cœur, vous cognoissez assez ce gaudisseur Gautier le Dannois, lequel mauuaiselement a esté cause de donner occasion au Roy Charlemaigne vostre pere de faire prendre mon cousin Berard de Bruit, qui tant loyalement l'auoit seruy sans iamais auoir esté accusé d'une seule faute, ne iamais ne fut reprints d'auoir fait aucune chose deshonorable, & le maudit Gautier l'a accusé d'une chose tant vintperable, dont s'en est mort en luy, pource nous luy voudrions bien donner vabond pour nous en venger, & aussi le Roy vostre pere ne tient plus de conte de vous, ny n'est plus si familier avec vous come il souloit à l'occasion que ce diable l'endort à son caquet, & croyez que si de brief ny pourroyez le Roy vous eslongner de luy, & ne scaurez plus de ses secrets comme vous auiez accoustumé & me semble qu'il seroit bon d'y donner ordre. Et à ces patolles Charlot commença à dire, messeigneurs pour paruenir à ceste entreprinse ie me plaindray au Roy mon pere, que par plusieurs fois m'a voulu outrager, & s'il ne me veut croire ie m'en rapporteray à vous. Seulement le pourcez faire dist le Duc de Normandie, car vous n'en scautiez tant dire au Roy comme vous en raportez. Or me laissez donc faire dist Charlot: car il verra aujourdhuy que luy ay appareillé. Or estoient ses faix tesmoins Galleran Duc de Normandie, Esmey de Valence, Guillaume de Mascou, Gerard de beauroisin, Mangin de Dijon, Anthoine de Sauoye, Orthon de Bonyngne, & Hlardre de Coulongne, & Hermuns Dordion, lesquels prindrent les seruiteurs les vns des autres de non iamais accuser la trahison. Or s'approcha l'heure de dîner, & rapost le Roy Charlemaigne s'assit à table, & apres de luy le Duc Nuyser de Bailleres, Ayme de Dordonne, le Duc Danjou, le Duc de Brize, Doon de Nannet, le Conte de Flan-

dres, l'Archeuesque Turpin. Et si tost qu'ils furent assis, Charlot vint tout esmeu saignant non estre content de sa personne, & les cheualiers le saluerent: mais il ne respondit rié. Si vit tantost Gautier entrer qu'apporloit vn Paon au Roy Charlemaigne mais du mesme Paon luy en dona tout au trauers du visage, dont Gautier fut moult troublé, & fut en trespas d'angier de frapper dessus Charlot: mais il s'anisa qu'il n'estoit pas temps. Adonc Gautier dist à Charlemaigne, Sire auisés les belles façons de Charlot vostre fils, ie vous iure sur ma foy, que ce n'estoit pour l'honneur de vous, que ie luy monsteroie, qu'il ne feroit pas bié, & pource Sire, plaïse vous y mettre ordre, & si ny pouruoiez ie ne m'en sçauroye cōtenter, demãdez luy que ie luy ai fait pourquoy il me doïue faire tel vitupere. Adonc dist fieremēt l'Empereur. Venez ça Charlot que vous a fait Gautier que vous l'outragez ainsi en ma presence, quel honneur me faites vous, est-ce l'estat d'un fils de Roy deuant si honorable compagnie, de faire ces outrageux forfaitz, en effectz s'il vous auient iamais ie vous feray chose que vous en ferez toute vostre vie dolent. Et lors Charlot se leua tout forcené, en disant tout hautement. Helas ! monseigneur mon pere, endurez vous à ce glouton icy de me faire les outrages qu'il me fait par chacun iour. Si vous l'endurez de cestuy-cy tous les autres me viendront dorenauant outrager à l'exēple de luy, & croyez monseigneur mon pere que si vous le souffrez en sa malice, que pas ne l'endureray. Adonc le Roy Charlemaigne fut trespas troublé d'ouyr ainsi Charlot son fils, & aussi fut le Duc Naymes de Bauieres & plusieurs autres Barons, qui pas ne sçauoyent la trahison, & l'Empereur Charlemaigne dist à Charlot tout hautement, dites donc comme il en va.

Monseigneur mon pere, il est vray qu'ainsi que ie vouloye à ce matin saillir de mon liēt, ce bon galant-cy tenoit vn petit couteau en sa main, & s'en est venu vers moy, & m'a voulu occire: & se n'eust esté que ie me suis escrié a larme à plaine voix. Si sont saillis à mon secours le Duc de Normandie, Esmeri de Valence, Guillaume de Mascō, Gerard de Beauuoisin, Magin de Dijon, Anthoine de Sauoye, & Othon de Bourgongne, & plusieurs autres qui sçauent bien la verité, que s'il ne fussent venus il auoit ma mort iuree: mais quand il s'est trouué ainsi surprins il est demeuré tout esbahy, tellement qu'il n'a sçeu que faire fors de se mettre à genoux, & me crier mercy, laquelle chose luy ay pardonné ie le confesse: mais le pis est: car il m'a dist franchemēt puis qu'autremēt ne se peut venger de moy, qu'il est familier de vous, & que iamais ne cessera iusques à ce qu'il vous ayt grandement dommagé, & pour celle cause luy ay ietté ce mets au visage ainsi que l'avez veu. Haa! ce dist Charlemaigne, beau Fils Charlot regardez que vous direz: car ie ne fus iamais mieux seruy de cheualier que de Gautier, & ne trouua iamais desloyauté en sa personne. De tout cela qu'à dist Charlot, se dist Gautier, sur ma foy Sire, & sur mon ame iamais n'y pensay. Alors vint Charlot à Gautier à tout vn couteau qu'en le demenant luy voulut bouter en l'estomach: mais Gautier ne le craignoit pas gueres s'il eut osé se defendre. Adonc Charlemaigne se trouua tout perturbé, & appella le Duc Naymes, & Doon de Nantueil, & leur bailla Gautier iusques apres dîner. Si furēt les Barons & grands seigneurs tous troublez: car ils cognoissoient Gautier si bening que iamais ne faisoit à nuls sinon seruire & honneur. Or quand le Roy & toute la seigneurie eurent dîné, le Duc Naymes & Doon de Nantueil allerēt deuers le Roy qui tout seul estoit, & luy dist le Duc Naymes: Sire il me semble que vous faites grand tort à Gautier, de le faire detenir pour telle chose: car on cognoist bien que ce n'est qu'une grande follie qu'on vous donné à entendre: car vous pouuez clerement cognoistre que tous ses accusateurs il n'y en a pas vn qui ne soit du lignage du traistre Berard de Bruit que Gautier vainquit vaillamment en champ de bataille, à cause de la trahison qu'auoit esté faite à son oncle Ogier le Danois, cōme vous sçavez & avez cogneu par auant. Si cognois bien qu'ils se vengeroient s'ils pouuoient. Si serois bon si me semblo, de faire venir le cheualier Gautier à fin de l'inter-

roger

ager cōme les choses vont: car ce n'est qu'un mensonge controuuée, ie vous promets. A ces parolles Charlemaigne fist venir Gautier, & luy dit. Venez ça Gautier pourquoy auez vous pourchassé la mort de mon fils Charlot, qui vous donne occasiō de ce faire. Se iette à deux genoux deuāt le Roy Charlemaigne, & luy dit. Sire, par l'ame qui au corps me bat, ne par le Dieu qui m'a fait & formé, ie n'ay point encores le cœur si failly, q̄ s'il y auoit cheualier en ce monde qui me voulüst accuser de trahison, que ie ne m'armasse cōtre luy incōtinēt tāt fut-il fort. Or laissēz cela Gautier dist Charlemaigne: car il ne faut ainsi parler, voicy mō fils Charlot qui le vous prouuera par 9. ou 10. tesmoings tous cheualiers de nō.

Ainsi comme il les huchoit, voicy venir le Roy Carahen, & son nepueu Marcius, qui entrèrent dedans le palais, & estoient tous les Barons & seigneurs esbahy de les voir, pource qu'ils n'estoient point habillez à la mode du pays. Si demanderent le Roy Carahen & Marcius, où estoit le Roy Charlemaigne. Adonc les gentils hommes le firent monter en haut, & les menerent deuant le Roy, lequel bien tost le recogneust. Si saluerent le Roy fort honnorablement ainsi qu'ils le sçauoyent bien faire. Et le Duc Naymes dist à Charlemaigne. Sire, recognoissēz-vous point ce bon champion Carahen, qu'autresfois auez tenu vostre prisonnier. Vous soyez le tres-bien venu dist Charlemaigne quel vent vous mène maintenant. Par ma foy dist Carahen, Sire, ie vous diray volontiers: car ce sont nouuelles desquelles ie ne suis point resioy: mais il me faut prendre en gré. Sire Empereur il est vray que puis un peu de temps en ça Ogier est prisonnier en la tour Babel en Babylōne, & n'attend le Soudan qu'à la saint Jean Baptiste prochainement venant, là où nous faisons la feste de nos quatre dieux, c'est à sçauoir Mahon, Iupiter, Tauargant, & Apolin, à laquelle feste seront tous les Roys Payens assemblez: & ceux qui ne si trouueront seront jettez en un feu: car c'est l'ordre de nostre loy. Or doit estre à celuy iour Ogier attaché: & son corps tout percé de traicts, tant qu'il en sera tout conuert. Haa Sire! dist Gautier: y a il gueres que vous laissastes mon oncle Ogier? Comment se dist Carahen, estes vous son nepueu? Ouy vrayement se dist Gautier à vostre bon commandement. Par ma foy, dist Carahen, ie vous en remercie grandement. Hélas tant il vous à regretté de fois: mais l'espere qu'en brief temps nous le verrons s'il plaist à vostre benigne grace de le secourir: car il n'attend autre chose fors estre secouru. Or dites s'il vous plaist la teneur de vostre pensée: afin que ie puisse là retourner de bonne heure. Sire, se dist Carahen, au Roy Charlemaigne, vous ne dites mot: mais me semblez estre troublé. En bonne foy dist Charlemaigne troublé suis-je: car j'ay icy un iugement à faire de ce cheualier Gautier qu'est vilainement accusé de par mon fils Charlot, qui l'entend prouuer par tesmoings dignes de foy, & à croire: qu'il à icy fait venir. Si appella Rohard de Pannie lequel se presenta incontinent. Si dist tout hautement qu'il vouloit empoigner Charlot s'ils ne l'eussent promptement secouru. Et Gautier print la parole & dist. Et ie preuue que non & prens le champ de bataille contre vous, & ie le recoy dist Rohard.

Messeigneurs dist Charlemaigne que chacun de vous s'en aille armer: car deuant que le iour faille i'en veux voir & sçauoir la verité. Si s'en alla Charlot en la tour & là mena armer Rohard son combattant, & luy dist Rohard mon amy monstrez-vous à ceste fois vaillant, & par la foy que ie dois à Dieu vous auez de moy ce que vous voudrez. Laissez moy faire se dist Rohard: car j'ay en ma vie gagné douze pris en Lombardie, & ne cuidez pas que ie sois affoibly depuis: mais suis renforcy. Si deuilerent là une grande piece iusques à ce qu'ils fussent prests de partir. Et cependant le Roy Carahen, & le Duc Naymes de Bauieres armoient le cheualier Gautier. Et adonc quand les deux champions furent armez Charlot & Rohard descendirent de ladite tour. Si monterent chacun à cheual, & le Roy Carahen & le Duc Naymes amenerent le cheualier Gautier bien armé & bien monté, lequel promist au Roy Carahen, qu'il auroit bien tost mis.

à fin la iouste, afin d'aller deliurer son oncle de captiuité & prison où il estoit. Si s'eslongnerent tous deux & se mirent sur le champ, & le Roy Charlemaigne estoit au pres des lices accompagné des douze Pairs & de Carahen, & si tost que les trompettes eurent sonné vne fois, les deux cheualiers baissèrent leurs lances & s'entrechacèrent deux si grands coups que leurs lances voillerent par esclats. Apres retournerent l'un contre l'autre, & Gautier assena Rohard sur l'espaule, tellement que le sang en sailloit & luy dist à haute voix, Ha! faux traistre, le diable vous a bien icy amené. A ceste heure pourra cognoistre le Roy vostre fauce & maudite trahison, & Rohard qui l'entendoit ne disoit pas vn mot: mais le poursuyoit tant qu'il pouuoit, si ne pouuoit trouuer façon ne maniere d'auoir aduantage sus Gautier. Si s'entreuerent de grands coups; & par telle façon que le feu sailloit de leurs harnois: mais le cheualier Gautier qui fort estoit dextre de l'espee, vint deuers ledit Rohard tenant son espee à deux mains, & luy en donna si tresgrand coup qu'il luy couppa le bras dont il tenoit l'escu, & tombèrent bras & escu par terre. Si voulut retourner pour l'acheuer de tous points, mais Charlemaigne s'escria hautement & requist à Gautier qu'il luy pleust le laisser iusques à ce qu'il eut parlé à luy. Adonc Charlemaigne entra dedans le champ pour enquerir la verité & dist à Rohard. Or ça comme est aduenu cecy, ne qui l'a controuue, à ce fait Charlot, dis moy la verité. Lors Rohard luy dist tout hautement. Par ma foy Sire, iamais Charlot n'en fut cause: mais ce fut le Duc de Normandie pour l'amour de son cousin Berard de Bruit. Et aussi pour Ogier le Dannois lequel tua son pere le Duc Richard de Normandie deuant Chastelfort, & ne sera iamais qu'il n'en hayssé tout le lignage. Mais au regard de Gautier qui voulut iamais faire iniure ne desplaisir aucunement à vostre fils Charlot: ny pareillement à vous, iamais il ne s'en messa: mais est le plus noble & le plus vaillant cheualier dont i'ouys iamais faire mention. A ces parolles Gautier hauca l'espee & luy donna si grand coup qu'il mist le corps d'un cousté, & la teste de l'autre. Adonc Charlemaigne & tous les Barons, abandonnerent le champ, & rendirent graces à Dieu de ce que le bon Gautier s'en retournoit sain & allegre, & qu'il estoit trouué innocent du cas qu'on luy mettoit sus.

Lors apres toutes ces choses le Duc Naymes vint deuant le Roy Carahen & luy dist, Mon amy Carahen vous estiez venu assez à temps pour voir la bataille des deux champions. Sçachez que mon nepeue Gautier est vn cheualier bien delibéré, & est pour au temps aduenir vn vaillant cheualier: aussi est il des plus prochains d'Ogier, excepté son pere Guyon. Ha dist le Roy Carahen, iamais il ne sera de la taille d'Ogier: mais ie cognois bien qu'il sera tres-vaillant cheualier: car de la ieunesse qu'il a il est ia grand, dont ie suis ioyeux pour l'amour de vous, si ie l'emmenois avec moy nous festoyerons si bien ses ennemis qu'ils ne sçauront de quel costé tourner: car s'il plaist au Roy nous donner secours, vous verrez en brief de temps le bon Ogier estre totalement deliuré de tous ses ennemis: mais si vous sçauiez les grands prouesses qu'il a faites par dela, vous vous en esbahiriez grandement. A ces parolles le Duc Naymes luy dist. Ha Sire! Roy d'Inde la Maiour, toute la vertu & prouesse qu'est en luy, ie vous promets qu'elle ne vient que de nostre Seigneur Iesus-Christ. Et pource si vous me voulez croire vous laisserez vostre folle creance & renoncerez à tous vos faux dieux: car ils n'ont point de puissance ny de vertu. A ce propos respondit le Roy Carahen. Ha Sire! ie vous remercie cent mille fois vostre noble vouloir, pour le present ie ne pourrois faire. Mais quand Ogier le Dannois & moy retournerons ie vous promets, que ie feray tout à vostre volonté: dont le Duc Naymes l'en remercia grandement. Or se teurent pour le present & s'en allerent vers le Roy, lequel les attendoit pour dîner: mais premier le Roy Carahen, demanda au Duc Naymes vne question touchant la foy Catholique, c'est à sçauoir d'une image de  
notre

notre Dame ou s'estoit agenouillé Gautier pour faire son oraison, il luy sembloit que ce n'estoit pas qu'une folle d'adorer une image qui ne donne point de response. Car ce dist-il si nous parlons à nos dieux ils nous rendent response de ce que nous leurs demandons! A ceste question dist le Duc Naymes, ie vous respondray au plaisir de Dieu. Il est verité que nous nous mettons devant l'image qui represente le saint ou la sainte que nous voulons requérir, & si vous me demandés qui sont les saints, ie vous promets que tous ceux qui se gouvernent selon Dieu c'est à dire, qu'aiment Dieu comme eux mesmes, & son voisin comme soy-mesme, sans faire dommage à nuls, s'il à vecu de bonne vie Dieu le sanctifiera en Paradis, & s'il à souffert martyre pour soutenir la foy, il luy donnera en Paradis la couronne de martyre. Et les saints qui sont en Paradis prient pour les pauvres pecheurs qui sont en ce mortel monde. Si faisons temples auxquels nous mettons leurs remembrances pour contemplatiuement nous remembrer d'eux; mais nous dressons nos coeurs, & nos deuotes pensees au ciel qui vont incontinent vers eux; & ils les presentent devant Iesus-Christ, donc Roy Carahéu, voila la response de vostre question. Elle est bonne dist le Roy Carahéu. Encore ie vous demande une autre question, comment pouuez vous scauoir quand une personne est sainte en Paradis. Nous le scauons se dist-il par une maniere que ie vous diray. Quand on voit une personne en ce monde soit homme ou femme estre de bonne vie, & bonne conuersation, on presume la fin estre bonne. Et quand il est ensepulture honnorablement selon son estat, la pierre qui sera sur soy se pousfendra que chose qu'on puisse faire, ne pourra rellorte ne pour jeter huile n'autre chose, trois iours se monstrera le signe tout euident. Et quand il est canonisé, & ses os honnorablement enchassez les pauvres malades sont par leidis saints de leurs maladies incontinent secourus. Alors dist le Roy Carahéu, au Duc Naymes. Seigneur ie vous promets que si vostre Dieu me veut secourir en une bataille que j'ay entreprinse à la feste de la saint Jean Baptiste, ie vous promets que ie me feray baptiser. Haa Sire! dist le Duc Naymes: vous voulez estre payé devant le comp: mais faites le premier, & ie vous promets par ma foy qu'il vous aydera, de ce ne faites nulle doute. Helas! dist le Roy Carahéu: par ma foy ie ne le puis faire pour le present, & me pardonnez s'il vous plaist. Et cependant le vaillant Gautier faillit de l'Eglise qui les osta de leurs propos, & s'en allerent vers le Roy Charlemagne qui auoit grandement volenté de festoyer honnorablement le Roy Carahéu. Et quand ils furent chez le Roy commença la parolle & dist à Gautier, cheualier nous auons perdu nos gens: car nul ne scait qu'ils sont deuenus. Il ne m'en chaut dist Gautier: car ie ny compte gueres fors pour l'amour de Charlot vostre fils. Car ie scai bien qu'il n'a pas trouuee ni cherchée la trahison qui m'a esté mise sus à grand tort. Mais s'ils ont une autrefois à besongner de moi, ie leur monstrerai que ie scai faire: car ils m'ont eü de mettre sus un fait dont i'ensse mieulx aimé mourir que l'auoir rompu aucunement: car ia à Dieu ne plaise que ie voulusse aucunement procurer ne faire à la couronne de France fors tout bien, & honneur. Et adonc le bon Empereur Charlemagne fut moult ioieux de ce qu'il disoit, & lui dist. Je vous eroi bien gentil Gautier mon ami de ce que vous dites. Si commanda l'Empereur qu'on ne parlât que de faire bonne chere: car il estoit tresioieux de la venue de Carahéu, pour la grande loiauté qu'il auoit trouuee en lui. Adonc le print par la main, & lui dit en ceste maniere: Roi Sarrazin, ie m'esbahis grandement que vous n'ayez volenté de vous faire baptizer, quand ie vois que vous estes si loial aux Chrestiens, & que de si bon cuer les aimez. Par ma foi Sire, dist Carahéu, ie ne puis encores bonnement deuiser de mes besongnes: car i'ai une bataille à faire à ceste feste de saint Jean Baptiste contre Langoulaire. Et croyez s'il plaist à vostre Dieu de m'aider si que ie puisse auoir la victoire. Je vous promets qu'incontinent passerons la mer madame Gloriande & moi, & nous ferons baptizer, & viurai par

deçà, si c'est vostre bon plaisir. Cela me plaist bien dist Charlemagne : mais nully ne scait son demain, parquoy si vous me croyez deuant vostre departemēt vous vous ferez baptizer. Ha Sire, chacun cognoist bien que ie suis venu par deçà, & les François pourroyent dire que ie ne m'en fusse osé retourner si ie n'eusse esté baptisé : mais apres la bataille entreprinse ie vous promets d'amener madame Gloriande par deçà.

Sur ce propos se mirent à table & furent seruis moult honnorablement tant pour l'amour de Carahu que de la victoire de Gautier, & le banquet finy Carahu commença à dire à l'Empereur Charlemagne en faisant son harangue comme bien scauoit, qu'il luy pleust de luy dire de combien de gens vouldroit ayder à Ogier, & l'Empereur luy dist de vingt mille bon gensdarmes, souldoyez pour quinze moys. Alors dist Gautier ie vous en remercie grandement : car le present est honneste, c'est mon dist le Roy Carahu. A ces parolles le Duc Naymes de Bauieres luy presenta trois mil'e gensdarmes souldoyez pour un an. Et le Duc Nayme de Dordonne ne voulut pas ainſi faire : mais promist à Gautier qu'il l'accompagneroit avec vingt mille combatans. Et le Duc Doon de Nantueil semblablement dist qu'il l'accompagneroit avec vingt mille gensdarmes. Alors le Roy Carahu eut grand'ioye, & dist au Roy Charlemagne, Bien me doyuent aymer Indiers & Surinens : car ie leur machine la destruction de leurs pays, & de leur loy. Lors se firent les assemblees des gensdarmes : & l'amas fait, les osts forent prests, ils se trouuerent bien cent mille combatans. Si partirent les fourriers des osts pour arrester tous batteaux, nauires, & galleres, tant que c'estoit merueilleuse chose de voir les batteaux dessus la mer. Quand les nauires furent toutes bien equippees, le Roy Carahu & Gautier le Dannois demanderent à l'Empereur Charlemagne si luy plaistoit qu'ils fissent leur departement, & Charlemagne leur dist. Seigneurs faites à vostre bon plaisir. Si prindrent congé de luy en grand'ioyeuserie, & le Roy, & les Ducs Barons, & grands seigneurs les conuoyerent hors de la ville de Reims, & le bon Duc Naymes baïsa Gautier, en luy priant qu'il le recommandast à Ogier. Si dist que si feroit-il tres-volontiers.

*Comment l'ost des François se partit pour aller ouure mer secourir Ogier le Dannois qu'estoit en prison en la tour de Babel, & semblablement Gerard de Resillon avec cent Chrestiens, & aussi le Duc Guyon de Dannemarche le frere d'Ogier le Dannois, qui estoit dedans Ierusalem en prison.*

## CHAPITRE XLIX

**R**estoyēt assemblez tous les Comtes, Barons & cheualiers pour aller au secours d'Ogier, & Guyon de Dannemarche son frere : lesquelz de leur franche volonte se sont assemblez, tant pour exaucer la sainte foy Catholique, que pour jeter Ogier des prisons ou il estoit en la tour de Babel, & son frere le Duc Guyon qui estoit prisonnier en Ierusalē. Si leur dit Carahu tout hautesment, messeigneurs vous qui estes venus pour accomplir ce beau voyage, ie vous prie tant affectueusement, come ie puis, qu'ayez pitié en vostre cœur des pauues prisonniers Chrestiens, & par ardeur de courage prenez hardiesse pour vos ennemis confondre & destruire : car si c'est le plaisir de vostre Dieu de m'ayder en la bataille que l'ay entreprinse contre Langoulassie, qui sera deuant Babylonne à la feste de saint Iehan Baptiste prochaine-ment venant, là où nous trouuerons ensemble, ie vous assure de me faire baptizer & croire en Iesus Christ. Et pource messeigneurs, ie vous recommande mon amy Ogier, que pour luy soyez tous delibere d'employer vostre puissance. A ces parolles Gautier, le Duc



le Duc Naymes, Doon de Nantueil & tous les autres Princes, Barons, & Seigneurs se mirent en la garde & protection de Dieu, & les mariniers mirent les voiles au vent, & tant nagerēt qu'ils arriuerent vers les parties d'Acre, où ils rencontrerēt vne gualiacē de pelerins, si leur demanderent dont ils venoyent, & le maistre de la gualiacē leur respōdit qu'il venoit de mener vn beau voyage de Pelerins au saint sepulchre en Ierusalem. Adonc Gautier leur demanda s'ils auoyent point ouy parler du Duc Guyon de Dannemarche.

A laquelle parolle l'un d'eux respondit que non. Mais il leur dist qu'ils auoient passē par Acre à l'aller, & que les bourgeois murmuroient contre les Templiers, en leur reprochant qu'ils auoient vendu leur Roy & son frere Guion : mais ne scauoient à qui. Lors Gautier cheut tout pasmē, de la grand' douleur qu'il eust en son cœur. Si fut releuē incontinent par les seigneurs qui là estoient & quād il fut releuē commença à crier à haute voix vengeance seigneurs, pour l'honneur de la passion de nostre Seigneur Iesus-Christ aidez moi à faire la vangeance de ces maudits Templiers qui ont fait si grande forfaiture comme d'auoir vendu messeigneurs mon pere & mon oncle, qui tant sont à redouter. Si vous prie tant comme ie puis que descendions au port d'Acre pour enquerir la verité plus auant. Adonc respondit le Roy Carahē. Tenez vous pour tout asseuré que vostre oncle Ogier me conta pour verité qu'ils l'auoyent vendu au Roy Isore d'Afrique, pour venger la mort de son oncle Iustamont qu'il auoit occis deuant Acre. Si assortirent les mariniers leurs voilles au vent pour aller à celle part. Or faisoit-il beau estre sur mer à celle heure car s'estoit à l'entrée du mois de May, que toutes choses douces amoureuses & delectables se prennent à poindre & à saillir, & les cœurs des hommes commencent à resueiller. Ne furent gueres les François à nauiger que bien tost arriuerent au port d'Acre. Si fut ordonné de descendre & la planter les trefs & pavillons. Et si tost qu'ils furent arriuez les Bourgeois & Templiers de ladite ville furent bien estonnez & cuidoient fermement qu'on voulsist mettre le siege deuant la ville.

Or sont les François descendus, & ont fait tendre leurs tentes & pavillons, & Gautier appella la Baronne & le Roy Carahen, & dist, messieurs ie vous prie conseil le moy, a scauoir mo si ie dois entrer en la ville pour faire inquisitions de ces maudits Templiers. Si fut accordé par le Roy Carahen, & tous les autres qu'il seroit plus conuenable de faire crier à son de trompe que tous chefs de maison, nobles cheualiers & bourgeois, sas en demeurer nul, eussent à venir au grand conuie; car le nepueur du Roy d'Acce Gautier le Dannois, les a faits tous inuiter, & ainsi les auez vous, & lors scaurez la verité, ce qui fut fait tres diligemment. Puis quand ils furent tous arriuez en l'ost des François, entre les autres vint Garnier, le fils de la bonne femme qu'auoit logé Ogier, lequel se vint mettre à seruir les mets, & si tost que Gautier l'aperceut il voulut scauoir qu'il estoit, & qui luy auoit donné commission de seruir à table, & il respondit. Par ma foy monseigneur ie vous dirai la verité. Il est vray que le Roy vostre oncle Ogier, quand il vint en ceste ville premierement il n'y eut oncques homme en la cité qu'il le voulüst heberger pour vne nuit, dont il fut mal content: & quand il eut assez tournoyé si s'en vint rendre en nostre maison, & allasmes chercher de l'herbe pour son cheual: mais pour dire la verité nous estions si pauvre que pour nous n'auions que boire ne que manger, & ne scauions tous que faire. Si asilai son escu dont les boucles estoient d'argent doré, & lui dis que s'il me vouloit bailler son escu que ie lui trouuerois bien à boire & à manger dessus, dont il en fut tres-grandement ioieux, & le me bailla volontiers. Si eus assez à boire & à manger pour soupper: mais le matin qu'il voulut rescoure des prisonniers que le Roi Cormorant emmenoit, ne scauoir comment pourroit auoir son escu: car il n'auoit denier ne maille, & ne sceumes trouuer autre remede sinon que ma mere me mist en gage au tauerrier pour auoir l'escu: par tel conuenant que s'il ne reuenoit ie deuoye seruir vn an audit tauerrier. Et ainsi que vostre oncle eut son escu, descendit de la ville, & auisa le Roi Cormorant lequel venoit d'assembler tout le bestial du pais, si courut à lui & coucha sa lance & lui donna si grand coup qu'il fist choir homme & cheual par terre: puis de son espee courtain frappa sur ses gens & en tua trêre des plus vaillans, les autres gagnerêt à fuir, & ainsi qu'il courroit apres, il vit quinze moines attachez l'un à l'autre, lesquels deslia & les rendit en leur abbaye qu'est hors la ville, & amena tout son butin à nostre maison, puis rendit tout ce qu'estoit à l'Abbaye: & pour le petit seruice que lui auies fait, il donna tout l'or à ma mere ensamb'e le bestal sans rien retenir pour lui. Puis me fit son chambellan & ma mere sa dame de chambre: mais aussi tost que les Templiers l'enrent mis surmer, ils m'osterent tout ce qu'il m'auoit donné iusques à vn seul denier. Parquoi monseigneur ie vous prie qu'il vous plaise de nous faire rendre tout, & en ce faisant nous prions nostre Seigneur Iesus-Christ qu'il vous donne grace de parfaire vostre voiage ainsi que l'auetz commencé à l'honneur & salutation de vostre lignee. Gautier oyant tout ainsi comme les choses alloient si en estoit grandement esbahi, & garda cela iusques à la fin du dîner. Et apres qu'on eut dîné & abbatu les tables, les seigneurs s'assembleret & firent venir dix Templiers par deuers eux, & les examinerent l'un apres l'autre, pour scauoir en quel lieu auoient enuoyé Ogier, dont ils furent espouuantez, tellement qu'ils ne scauoient nulle responce donner, sinon qu'Ogier estoit en Ierusalem, adonc Gautier les fist prendre & lier bien estroitement pour mener en Ierusalem: mais premier & avant toute ceure que partir de là, leur commanda & en chargea de rendre les biens & choses appartenans audit Garnier, que le Roi Ogier son oncle lui auoit données. Et pource firent s'assembler Godebeuf & Berengier pour aller faire l'expedition dud'it Garnier, & si tost qu'ils eurent fait, furent incontinent reliez comme par auant, dont fallit vn grand mutinere parmi l'ost de Gautier des bourgeois, & citiens d'Acce, en disant en ceste maniere. Nous sommes grandement esbahis de vous, quand nous auez si honorablement con-

uoiez



noyez & inuite à vostre disner, & maintenant nous detenir prisonniers, qu'est vne grande espece de trahison dont vous pourriez estre accusez. Adonc leur respondit Gautier. Messieurs touchant vous autres bourgeois & citoyens nous ne vous demandons rien. Retournez vous en: car nous n'auons à besongner qu'à ces maudits Templiers, lesquels par enuie ont vendu mon pere & oncle sans leur auoir desleruy. Parquoy nous voulons informer de la verité, si les voulons mener en Ierusalem là où nous enquerons plus à plein de la verité. Non sedist le Roy Caracheu ils ne valent pas le mener si loing. Si aduise-  
rent les Princes de faire donner à l'un d'eux vne terrible gehenne: car autrement n'en scauroient la verité du cas. Lors le bon Gautier appella Garnier & luy demanda lequel s'estoit d'eux qui luy auoit fait le plus d'ennuy. Si luy dist franchement Garnier que s'auoit esté Godebeuf, or le fist venir en la place incontinent le bon Gautier, & le fist despouiller tout nud en sa chemise deuant tout ceux d'Acre, & puis lui dit. O mandit Godebeuf & tous vous autres Tépliers ce vous vient d'une tresgrande cruauté d'auoir fait mal pour bien que vous auoit fait mon oncle lequel ne fist iamais que plaisir à tous ceux de ceste cité, dites moy la verité ou mal vous en prendra. Adonc Godebeuf dit en ceste maniere: Messieurs ayez pitié de moy, & ie vous diray ce que j'en sçay. Il est vray qu'après son couronnement il luy print volonté d'aller au saint sepulchre & nous donna charge de chercher mariniers pour seulement le guider en Ierusalem, si fismes son commandement & luy baillâmes de la cognoissance pour bien le guider par la mer, & pour faire son bon voyage: mais depuis nous auons ouy dire que quand il fut en la mer il sortit vne grande tempeste de temps qui le ietta en Babilonne, & dit-on que le Soudan Noradin le tient prisonnier en la tour de Babel. Mais alors se leua Caracheu & dist. Faux traistre vous auez menty: car les lettres furent par luy trouuées comme l'auiez vendu au Roy Isore, & ce ne pouvez nier. A ces parolles Gautier luy fist oster sa chemise, & le fist attacher à vne colonne, puis fist oindre tout son corps de miel, & puis fist lascher deux vaisseaux de mouches à miel, qui se letterent sur luy asprement, tellement qu'il promist à Gautier s'il luy vouloit oster icelluy tourment qu'il en diroit la pure verité. Adonc lui dist Gautier, Godebeuf ne fais pas à deux fois: car si tu ne confesse tout, ie te feray encore pis que deuant. Si respondit Godebeuf, vous ne me scauriez faire pis que vous faictes: mais ie vous prie que me faciez mourir tout incontinent: car ie l'ay bien desleruy. Si leur conta de bout en bout la trahison, en disant, Messieurs, or escoutez ie vous diray la verité, touchant la mort de vostre pere le Duc Guyon de Dannemarche, Nous tous Templiers qui sommes icy, le conuoyâmes après que nous l'eûmes vendu au Roy Murgalan. & le fismes pour auoir un an de treues avec ledit Murgalan: mais s'il est mort ou en vie nous n'en scauons rien. Au regard de vostre oncle sans point de faute nous l'auons vendu au Roi Isore: mais par trespas de mer, il faut ietté autre part, & voila la verité: car ie n'en scauois dire autre nouvelles. Adonc Gautier dist, c'est bien assez ie n'en vueil plus enquerir, il me suffit pour le présent. Si fist appeler les principaux gouverneurs de la cité, & leur dit tout haut en general. Messieurs vous auez ouy la confession de ces maudits Templiers comme ils confessent d'auoir trahi les deux freres, c'est à sçauoir mon pere & mon oncle qui sont les deux meilleurs cheualiers du monde. Si vous les bailliez iusques à nostre retour que j'anseneray avec moy (au plaisir de Dieu) mon pere & mon oncle vostre Roy pour en voir faire la iustice telle qu'il appartient. Et comme qu'ils soient mis en vne fosse au pain & à l'eau: car si vous failliez à les me liurer au retour, ie vous ferai cruellement liurer à mort. Lors alla en leurs maisons & print leurs biens & les donna aux pauvres. Puis aduisa le bon cheual bouchant qu'estoit à son oncle Ogier, si le print, & luy dist en pleurant, ha bon cheual bouchant, ie prie à Iesus-Christ que iamais ne puisse mourir iusques à tat que j'aye veu ton maistre hors de la captiuité en laquelle il est.

*Comment Gautier & le Roy Carabeu, avec l'ost des François partirent d'Acre pour  
deuans la cité de Ierusalem, & comment Gautier fut amoureux de la  
belle Clarice fille du Roy Moysane.*

## CHAPITRE L.



**S**il fist Gautier tantost sonner les trompettes, clerons, & fist amener son ost pour monter sur mer, si print congé des citoyens d'Acre, desquels il estoit bien en la grace & bonne amour, lesquels auoient grand regret à son despartement, & lui dirēt plusieurs fois en ceste maniere. Las Sire, plaïse vous demeurer en ceste cité d'Acre, & nous vous aymerons & craindrons cōme nostre Roy, & au moins iusques à ce que monseigneur vostre oncle nostre Roi soit retourné. Sileur dist Gautier, las messeigneurs vous l'entédez mal. Car ie serois long tēps en vostre ville parauanture auant qu'il retournast. Car si ie ne le vois querre au lieu là où il est, iamais n'ē retournera: mais lui & moy retournerōs icy dedans, en brief tēps, & vous ferons de seruice largemēt au plaisir de nostre Seigneur, lequel vous ait en sa tressaincte garde, & vous aussi, respōdirent-ils, qu'il vous doint accōplir vostre voyage au gré de vostre vouloir. A ces parolles arriua l'enfāt Garnier, lequel à l'occasiō du plaisir que lui auoit fait ledit Gautier, se vint presēter pour aller avec lui accōpagné de cent hōmes bien en point, dont ledit Gautier fut moult ioyeux. Si fist fournir les nauires de viandes suffisāment, & monterēt sur mer, & ont tant nagé qu'ils sōt arriuez au port de Ierusaē. Et là auoit vne espie qui bien escouta le nō de celuy qui cōduisoit l'armée. Si s'en vint courant dedans Ierusalem & entra dedans le palais du Roy Murgalant, & le trouua luy & sa niepce Clarice, si le salua moult honnorablement: & lui dist. Sire, ie vous promets que grand nombre de Chrestiens sont arriuez au port deuant vostre Cité, & sont plus de cent mille Chrestiens. Et est chef de toute l'armée vn nommé Gautier le

Dannoia

Dannois, le plus beau cheualier que l'ont vit iamaïs. Et par ma loy quand ie l'ay veu ainſi beau i'ay ſouhaité que madame Clarice & luy fuſſiez enſemble par mariage, & ie crois qu'en ce monde n'y auroit plus belle couple que vous deux, par leſquelles parolles madame Clarice fut ſerme de l'amour du noble Gautier le Dannois.

Quand le Roy Murgalant ouyt ces nouuelles, ſi fit ſonner trompettes, & clerons pour aſſembler la ſeigneurie, & ſi fit mettre le guet & arriere guet, & dit qu'il failloit mander au Roy Florion qui ſçauoit le train de la guerre. La belle Clarice tira l'eſpie à part, & luy demanda ſ'il auoit veu ledit Gautier, & quel homme c'eſtoit, il luy reſpondit en ceſte maniere. Dame ie vous promets que c'eſt le plus beau & plus ioyeux qui ſoit en ce monde : car il eſt en hauteur & groſſeur bien proportionné de membres, ma dame : mais que vous l'ayez veu comme moy, vous ſçaurez à dire quel homme c'eſt, pleuſt à Mahon, qu'il euſt bonne volonté de renier ſa fauce & maudite creance, & vous fuſſiez conioins enſemble par mariage. A ces parolles les François firent ſonner trompettes & clerons, & marcherent en belle bataille deuant la cité de Ieruſalem, il les faiſoit beau voir. Cependant le Roy Murgalant qui eſtoit aux creneaux, cria aux Sarrazins qu'ils s'armaſſent diligemment. Et adonc ledit Roy Murgalant diſt que les Chreſtiens n'auroyent pas l'honneur de l'aſſieger dedans la ville, & ſi fit ſaillir ſes gens ſur les Chreſtiens, & ſi fit porter ſon enſeigne à Florion ſon fils. Mais cependant Gautier demandoit à Carahen comment il pourroit ſçauoir ſi ſon pere eſtoit mort ou non, ſurquoy Carahen diſt qu'il ne ſe ſouciaſt : car bien toſt le ſçauoit: adonc hucha ledit Carahen ſon nepueu Marcifus, & luy enchargea qu'incontinent que les batailles s'entreheurteroient, qu'il allaſt en Ieruſalem deuers la belle Clarice, & s'enquiſt ſubtilement de Guyon Dannemarche, laquelle choſe ſiſt comme verrez cy-apres.

Le gentil Gautier ſe miſt ſi auant, quand les batailles ſe furent rencontrees, que d'un coup de lance renuerſa le Roy Murgalant & l'eut tué ſi n'eut eſté Florion qui vint au ſecours, parquoy la bataille fut alors moult aspre: car ledit Florion vint contre Gautier le cuidoient frapper ſur le heaume: mais Gautier fut habille & deſtourna le coup & en rua vn autre ſur ledit Florion : mais il tomba ſur le col du cheual, tellement qu'il luy aualla la teſte, parquoy cria Florion Ieruſalem, ſi leuerent enſeigne pour courir ſus à Gautier, & tant firent qu'ils remonterent Florion, parquoy la bataille fut encores plus aspre que deuant : car ils coururent ſur Gautier tres-impetueuſement, ſi que toute la ſeigneurie ſi aſſembla, & ſi vaillamment ſe porterent nos gens que force fut au Roy Murgalant fuir, & gaigner les portes de Ieruſalem. Or reuenons à Marcifus qu'eſtoit allé en Ieruſalem pour ſçauoir nouuelles du Due Guyon.

Murgalant s'enfuyant en Ieruſalem alla à l'hoſtel de ſa niepce Clarice, & ainſi qu'il arriua, auſſi faiſoit Marcifus lequel ſe miſt à genoux & le ſalua humblement, & Murgalant luy demanda dont il venoit: il luy diſt qu'il yenoit de Damas avec cent combatans: mais ainſi qu'il s'approchoit de la cité les Chreſtiens l'aſſaillirent tellement que forſe luy fut de fuir, ou il euſt eſté mort. Adonc diſt Murgalant, il nous en eſt ainſi pris: mais toutesfoiſ Marcifus vous eſtes le bien venu, ſi le feſtoya honneſtement, & puis Marcifus alla en la chambre de la belle Clarice ſa niepce, & s'enquit deuers elle ſubtilement ſ'il y'auoit es-priſons beaucoup de Chreſtiens, laquelle reſpondit qu'ouy & adonc Marcifus luy demanda ſi ſon oncle le Roy Murgalant en auoit point fait mourir, & elle luy dit que non: mais vn qui ſe nomme Guyon de Dannemarche l'a belle eſchappée : car mon oncle Murgalant le vouloir faire mourir. Lors Clarice luy diſt: beau couſin par voſtre foy me direz vous verité. Ouy dame, ſi ie la ſçay. Ne cognoiſſez-vous point le cheualier Chreſtien qui eſt le chef de l'armée, & ſçaez vous comme il à nom. Ouy ma dame Clarice. Si luy comença à dire Marcifus. Ma couſine

qui vous en a donné cognoissance, dites le moy s'il vous plaist. Seurement cousin s'a esté vne espie, lequel ainsi qu'ils descendoient de leurs batteaux la veu & regardé, & m'en disant de biens que c'est merueilleuse chose. Adonc luy dist Marcifus, puis que nous sommes icy en secret, ie vous diray selon mon entendement que ce peut estre. Tout premierement c'est le plus noble cheualier des cheualiers, & est nepueu à Ogier le Dannois auquel à tant de bien d'honneur & de prouesse que nul n'en scauroit dire la moitié de ce qu'il y a. Adonc Clarice fut tres-ardemment enflammée de l'amour du vaillant gautier, si qu'elle me desiroit que de le voir à son plaisir, & disoit, que pleust au Dieu Mahon, qu'il voulüst renoncer sa loy, & prendre la nostre, & qu'il fut delibéré de m'auoir en mariage. Quand Marcifus vit qu'elle l'aimoit si fort, si luy dit. Voulez-vous que ie le face venir ceste nuit parler à vous? Haa! dist-elle, ne vous moquez point de moy. Ie ne daignerois se dist Marcifus. Lors luy dist priuement. Dame comme toutes les fois qu'il vous plaira ie vous feray parler à luy. Si fut là iusques à la nuit: puis le Roy Murgalant le fist loger bien honnestement, puis le lendemain saillit hors la ville & s'en alla parmy les prés feignant aller par deuers Damas: mais quand il fut hors des prés, print son chemin pour aller à l'ost des Francois, & vint au pauillon de gautier, & le salua honorablement. Mon amy dist gautier, comme vous estes-vous porté par delà. Tres-bien se dit Marcifus à vostre commandement. Or ça se dist gautier comptez nous s'il vous plaist des nouuelles. Par ma foy vostre pere guyon de Dannemarche est encores en plain de vie, & est es prisons du Roy Murgalant, ainsi comme Clarice m'a dit, laquelle est si fort enflammée de vostre amour qu'elle n'y scait nul remede. Elle est fille du Roy Moysant de Mesque, & niepce de Murgalant, & est belle à merueille & honneste: mais toutesfois vous estes bien en sa grace, parquoy Sire, si vous voulez procurer la deliurance de m'oseigneur vostre pere vous l'auriez bien aysemēt, & sans trop grandes entreprinſes: car si tost que ie fus devant elle, elle me demanda si ie vous cognoissois, & ie luy respondis qu'ouy, n'ompas du premier coup: mais quand ie vis qu'elle & moy estions seuls, & puis m'enquis de vostre beauté: surquoy luy respondis totalement à la verité dont elle s'esmeruilloit. Adonc gautier demanda audit Marcifus quelle dame s'estoit & sa beauté: si luy dist Marcifus, cheualier, ie vous promets que sur toutes les femmes ie ne vis oncques la plus parfaite en beauté, & espyez qu'elle est parfaite en toutes vertus. Adonc Carahieu dist à gautier, cheualier mon amy, c'est la plus gente, & la plus plaisante que vous scauriez trouuer outre la mer, ie ne le dis point pource qu'elle est de ma parenté: mais pour dire verité. Or fut gautier en grand soucy comme il pourroit trouuer moyen de voir seulement celle dame Clarice.

Carahieu voyant que Gautier estoit estroitement feru de l'amour de Clarice, & elle de l'amour de Gautier, il s'aduisa comment il pourroit reconforter ces deux amans à seureté: parquoy appella son nepueur Marcifus, & luy dist. Beau nepueur scauriez vous trouuer moien de faire parler Gautier à Clarice. Ouy bien ce dit Marcifus, ie le conduiray si bien qu'ils ne seront en nul danger, & pourront parler assez longuement ensemble: car ie feray semblant que ie ne m'en suis peu aller à Damas, & que les Chrestiens gardent les passages: mais à minuit ie partiray, si ne se doutera de rien le Roy Murgalant. Adonc Carahieu appella Gautier, & luy dist. Or ça cheualier voicy Marcifus lequel vous vent faire tous honorables seruices. Si auons pensé luy & moy comme vous pourriez parler avec la belle Clarice: mais il faut que vous vous mettiez en dangier, parquoy furent assemblez les princes pour scauoir s'il y consentiroient: mais ils craignoient tant la mort de Gautier qu'ils ne scauoient qu'en dire si leur remonſtra Carahieu, que par le moyen de l'alliance desdits personnages, ils pourroient franchement conquieser le pays, & estre à seureté, ou ils seroient longuement en guerre: car ie y

bonne guide. Messieurs dit Gautier, n'ayez peur, mais ayez le cœur en Dieu ; lequel n'oublie jamais ses serviteurs, & ne vous esmayez de rien : car nous retournerons en brief temps. Si luy onedit, puis que vous avez celle volonté, nous vous commandons en la garde de Dieu. Or se sont esloignez de l'ost Gautier & Marcius le plus tost qu'ils ont peu ; à celle fin que ceux de l'Jerusalem ne les vissent partir, firent un grand tour faignans venir de Damas pour venir es portes, & eux venus appellerent le portier, lequel vint, & leur demanda dont ils venoyent, & Marcius, qui s'estoit mis deuant, respondit qu'il estoit cuido retourner à Damas : mais que les Chrestiens l'auoyent euidé prendre. Si s'en estoit retourné avec l'un de ses gens, si luy pria humblement qu'il l'eust ouuert la porte. Et si tost qu'elle fut ouuerte, allerent descendre là où Marcius scauoit son hostellerie, & si tost qu'ils furent descendus, Marcius dist à Gautier qu'il ne se bougeast, & qu'il l'attendist là, & qu'il alloit scauoir des nouvelles, & monta au palais & salua le Roy Murgalant, & luy demanda dont il venoit, & Marcius luy dit qu'il estoit party au matin : mais les Chrestiens gardoyent les passages. Or bien se dit le Roy qui de rien ne se doutoit. Marcius faite bonne chere. Si partit ledit Marcius & alla deuers Clarice qu'estoit en sa chambre, & luy fist la bien venue. Et la dame Clarice le reçut tres-amiablement en luy disant : Dea mon cousin on m'auoit rapporté que vous estiez party pour vous en aller, si cuidois en verité que vous en fussiez allé, Dame se dist Marcius ie vous promets que ie m'en cuidois hier aller : mais les Chrestiens tiennent les passages, & n'ay peu passer. Et lors print Clarice par la main, & luy dist en riant : Ma cousine me direz vous verité, ouy si ie la scay. Qui vous apportera les nouvelles du cheualier Gautier le Dannois de quoy me parlassiez hier si longuement ? Ce fut vne espie qui vit descendre l'ost. Or ça se voulez vous voir. Ouy, dist elle pour scauoir la verité. Venez ça dist Marcius, voulez vous iurer sur nostre loy, que vous ne m'accuserez point de ce que ie vous diray. Non, dist elle, par tout ce que ie tiens de nos dieux. Io me suis aduenturé pour l'amour de vous de l'amener par deça, faites voider vos damoyelles à fin de le faire parler à vous, Tres-volontiers dist elle. La dame fit vuyder ses damoyselles faignant de vouloir reposer. Et Marcius va à Gautier, & luy dit, Seigneur ie vous meine à la dame Clarice, parquoy si vous scauez rien deuiner si en faites deuoir : car vous la trouverez bien en langagée. Et quand ils furent à l'entrée de la chambre, la dame Clarice lay vint au deuant. Et adonc Gautier la print à saluer tres-humblement, en disant ces parolles. Dame d'honneur ou ratate à mis le decret & signal de toute beauté, Iesus Christ vous doint accomplissement de tous vos desirs. Noble Cheualier dit elle, le bruit & honneur de toute cheualerie, bien soyez vous venu. Or ie vous prie venez prendre repos, si deuilerons de la guerre & d'amours pour passer temps. Tres-volontiers dame dit Gautier : car long temps y à que ie ne me trouuay mieux accompagné pour ce faire. Et ce temps pendant la dame fist appareiller le gousier.

Adonc s'approcha la dame Clarice du Cheualier Gautier, & luy empoignoit les mains, & luy serroit les doigts, tant que le regard de ses yeux lui transperçoit le cœur, & lui dit Cheualier gracieux pleust à Mahon, que vous eussiez renoncé vostre Dieu, & vostre Baptême, & nous fussions vous & moy mariez. Dame se dist Gautier ie vous promets que sans renoncer ma loy si vous auray ie bien si c'est vostre plaisir : car nul ne m'en scauroit garder, & comment se dist la dame, estes vous si cheualeureux que pour vne dame osiez en prendre ce que vous ditez. Io vous promets qu'ouy dit Gautier. Et puis dist la dame Clarice Cheualier que diex maintenant vostre dame par amours à mon aduis qu'elle ne scait pas que vous soyiez icy. Ha madame, io suis encores trop ieune pour auoir dame par amours : mais ie suis aux aduentures pour essayer si ie ne scauroye trouuer le chemin. Cuidiez vous dit la dame. Ouy vraiment, se dist Gautier car le cœur fort me presse de

m'approcher de vostre excellente beauté. A ces parolles la dame le baisa moult doucement en la bouche, & en ce faislant luy donna vn moult beau signet d'or dont Gautier la remercia grandement & faillirent de ce propos. Or dist-elle cheualier dites moy si vous plaist pourquoi ne pour quelle cause vous estes venu ainsi par deça, & puis nous banqueterons. Tres-volontiers dame ie vous diray la verité. Il est vray que mon oncle Ogier le Dannois estoit venu en Acre pour prendre bataille au Roy Iustamont, qui tenoit le siege devant Acre: mais apres qu'il eust gaigné la bataille, & qu'il fut Roy d'Acre, il print vouloir à mon oncle Ogier le Dannois d'aller au saint sepulchre par deuotion. Si le vendirent les Templiers au Roy Illore. Et mon pere le Duc Guyon comme ie vous ay dit, quand il fut venu en Acre on luy dist que son frere estoit allé au saint sepulchre, si le vendirét lesdicts Téplices au Roy Murgalat vostre oncle, & luy menerét vn d'eux mesmes pour auoir vn an de paix: mais ie vous promets qu'ils sont en bonne garde, & si n'ont gardé d'eschapper. Et quand i'ay entendu les choses telles, (vous scauez quel ducil c'est que de pere & de mere,) ie suis venu par deça pour r'auoir monseigneur mon pere s'il est en vie, ou s'il est trespaslé véger sa mort au tranchant de l'espee. Et sur ces propos Clarice le fist banqueter honnestement. Marcifus les auoit laissez en semble: mais il reuint asses à temps pour banqueter. Et quand ils eurent asses banqueté Clarice regarda Gautier si asprement qu'elle ne scauoit que faire. Si se leuerent & s'entrebrasserent de grand courage, tellement que la dame Clarice lui presentoit à chacun coup la luitte. Adonc Marcifus les laissa vn peu esbatre, quand il vit qu'ils estoient si d'accord. Et quand ils eurent ce fait si va ouurir Clarice vn coffre & donna à son amy vn haubert le plus riche qu'on scauroit trouuer en ce monde: car c'estoient haubert que saint George portoit quand il estoit en vie, & n'estoit possible à Paiens de le vestir. Puis lui donna le heaume, de mesme, qu'estoit de telle vertu que qui l'auoit vestu iamais ne seroit vaincu de ses ennemis: mais quand Gautier l'eut, si dist qu'il scauroit s'il luy estoient propres & les vestit, & lui furent aussi à point que si les eust fait faire. Si vint vers Clarice pour la remercier, l'embrassa & la baisa, & elle lui. Et cependant vint entrer Horien cousin du Roi Murgalan, & dist à la dame. Ha! fiance paillard de au feu d'enfer soiez vous bruslée. Ha! par ma foi vous auez tort dit Marcifus: car elle m'a donné ce haubert & ce heaume & ie les voulois faire essaiier à mon escuier. Quel escuier, dist Horien, ha! ie l'ai bien veu en la bataille, & scai qu'il scait faire. Le renie Mahon, dist il peu ne s'en fant que ie ne vous mette à mort. Et la cause pourquoi dist Marcifus. Et en ce disant Horien boutta vn couteau dedans le ventre de Marcifus, tant qu'il cheut mort par terre. Et Gautier donna si grand coup d'espee à Horien, qu'il le fendit iusques à la poitrine: & alors Clarice dist à Gautier pitieusement. La! pauvre chetifue que feray ie, ie scay bien que ie seray pendue ou bruslée quand mon oncle Murgalan le scaura. Ha dit Gautier, il faudra bien faire autrement: car incontinent qu'il saura nouvelle de la mort desdicts cheualiers, & si tost qu'il reuiendra vous crierez à haute voix. Hee! dolente que feray ie. Puis quand on vous questionnera de leur mort, vous direz que les deux cheualiers sont mortz d'une ialousie ensemble, & ainsi qu'ils vouloyent entrer dedans la chambre, ils ont tiré leurs bastons & se sont entrefrappez, tellement qu'ils sont mortz emmy la place, si ay tant crié que l'en ay la gorge toute escorchée: mais personne ne m'a respondu. Lors quand Gautier luy eut dit ces parolles, si luy dit en ceste maniere. Madame ie vous prie qu'il vous plaise auoir souuenance de moy, & de me trouuer ou loger en quelque lieu deuant que l'escladre soit plus grād. Helas! dist-elle, ie ne scaiche lieu de seurte où ie vous puisse loger, que premier il ne me faille deceler l'entreprise à vne de mes damoiselles, qu'est ma bonne amie, & pourcoi s'il vous plaist i'iray par deuers elle, & luy conteray comment la chose est aduenue, pour scauoir s'elle nous pourra donner reconfort: dont Gautier se contenta. Adonc Clarice alla vers la damoiselle, & luy conta tout l'affaire, & puis s'enquist de trou-

der logis leur pour son amy Gautier. A quoy la damoiselle dist que le cas estoit moult grand, mais qu'elle ne s'en souciait, & adonc la damoiselle luy dist en ceste maniere, de ceste heure ie le conduiray chez mon frere gloriant, & là sera aussi seurement que s'il estoit dedans son pavillon, desquelles parolles Clarice fut resioüye, si alla incontinent appeller son amy Gautier, & luy conta toute l'entreprise, qu'elles auoyent faicte, si le mena à la damoiselle, laquelle fut grandement curieuse de le garentir, & le mena en la maison dudit Gloriant où il fut honnorablement receu sans crainte ne sans dangier.

Pendant que Gautier estoit chez Gloriant, la dame Clarice commença à crier à haute voix. Ha! dolente que feray-je, or suis bien infortunee, & se detiroit les cheueux & destordoit les mains, & menoit si grand desconfort que c'estoit chose hideuse à l'ouyr, auquel cry s'assemblerent de grands seigneurs & damoiselles, lesquelles voyans ces choses ainsi aduenues furent grandement esbahies. Si demanderent à la dame comment cela pouuoit estre faict. Si leur dist en ceste maniere, helas i'ay le cœur de dueil si enflé qu'à peine le pourrois-je conter. Messeigneurs dit elle, il est vray que mon cousin Marcifus estoit icy où il s'esbatoit dedans ma chambre, & tâtost apres Horien furuint. Et si tost qu'il fut venu print debat à Marcifus ie ne sçay de quoy, tant qu'Horien desmentit Marcifus, & Marcifus luy dist, que ce n'estoit pas honneur a luy de le desmentir, & sans autre chose dire Horien frappa Marcifus d'un cousteau. Et Marcifus luy donna si res-grâd coup de son espee qu'il le fendit iusques à la poitrine. Et quand Marcifus l'eut frappé incontinent apres le cœur luy creua & cheut mort aupres de luy. Si vint le Roy Murgalant voir sa niepce quand il l'ouyt ainsi debatre, lequel quand il la veit ainsi destordre fut moult courroucé, si la reconforta au mieux qu'il peut, & tantost vint sa damoiselle qui la mena deuers ledit Gautier en la maison de Gloriant. Et quand elle veit son amy, elle ne fut iamais si ioyeuse, & la passerent la nuit tant ioyeusement qu'elle ne leur sembla pas auoir duré vne heure. Or estoit ce vne grande hardiesse à Gautier de soy aller ainsi mettre à l'adventure, & encore par ses ennemis: mais Dieu ainsi le permettoit. Or quand les Chrestiens virent le iour ils furent dolens que Gautier & Marcifus ne retournoyent point, & ne sçauoyent que dire: mais le Roy Carahu leur donna vn conseil de faire vne embusche es tentes & pavillons, & faire vne course deuant la ville, & s'en retourner incontinent, & mettre le feu dedans leurs loges comme s'ils s'en voulsissent aller. Les Phycens estans dans la ville & voyans qu'il s'en vouloyent fuit s'en allerent vers le Roy Murgalant, & luy dirent. Sire, si vous voulez nous sortirons hors la ville contre ces gloutons Chrestiens, qui sont en fuite. Adonc Murgalant fist armer ses gens, & fist aualler les portes & saillir hors incontinent, & Gautier oyant le grand bruit parmy la cité, demanda que ce pouuoit estre. Et la dame luy dist que les Chrestiens estoient mis tous en fuyte, & que ceux de la cité les vouloyent aller assaillir. Adonc vint à Clarice luy dist. Madame ie vous remercie grandement de l'honneur & des biens qu'il vous a pleu me faire en vostre maison, & sçachez ma singuliere maistresse qu'auant peu de temps ie feray dedans vostre cité en grand triomphe, là au plaisir du createur solennellement vous espouseray. Adonc eussiez vous mille baisers recommandations, & accolées au despartement.

*Comment Gautier sortit de Ierusalem, la où seurement auoit eu la cognoissance de Clarice par le moyen de Marcifus, & comment l'ost de Murgalant*

*saillit sur les François, lequel fut vilainement*

*rechassé dedans la cité.*

## CHAPITRE LII.



**A** Lors is'en va Gautier en la garde de Dieu, & saillit avec les autres gens d'armes & quand il fut dehors la porte, mist sa lance sur s'espaule en aduisant quel coup il pourroit faire, si aduisa au desouvert celui qui portoit l'eflegne du Roy Murgalan, si mist la lance en l'arost, & luy donna tel coup, qu'il le perça tout au trauers, & puis y suruint le Roy, & luy cuida fendra la teste, mais il apperçut le coup, & se destourna. Puis Gautier commença à crier vive Danne marche. Et incontinent les Chrestiens le vindrent recueillir. Si frappa Gautier dessus ces Payens si impetueusement que s'estoit chose terrible, & à celle bataille furent les Payens desconfits: car si le Cheualier Gautier besongnoit bien à son endroit, les autres n'en faisoient pas moins, si qu'ils tuerent seize mille païens. Pourquoi Murgalan fut contraint de fuir, & lui & les Païens, & de retourner à grād haste dedans Ierusalem. Et ce fait les François firent un banquet pour la bien-venue de Gautier. Et le Roy Carahen luy demanda. Si se Gautier, comment vous va? Tresbien dist-il. Et mon nepueu Mercifus où l'avez vous l'aissé? Par ma foy dit Gautier il est mort, & luy cōta tout l'affaire cōme dessus est dit, dont Carahen fut moult dolent, puis les Princes & cheualiers vindrent vers Gautier pour sçauoir cōme il s'estoit porté. Si leur cōta l'aliance qu'il auoit prins avec la niepce du Roy Murgalan la belle Clarice, & cōme elle luy auoit donné le harnois de saint George & le heaume, lequel a telle vertu que celui qui l'aura vestu ne pourra estre vaincu. Et leur dist que la dame Clarice auoit volenté de se faire baptizer, & parce moyé luy ay promis la prendre en mariage. Dōt les seigneurs & barons furent moult ioyeux, tant pour la beauté de la dame Clarice que pour le bien qu'en pourroit aduenir.



Or le Roy Murgalant estant tout triste & douloureux s'en vint à la chambre de Clarice sa niepce, & elle luy dist, Monseigneur mon oncle qu'avez vous: vous ne faites pas bonne chere, si respondit le Roy: l'ay aujourd'huy esté desconfist en champ de bataille, pource n'ay pas cause meslouyr: à ces parolles. Clarice luy dist, monseigneur mon oncle, j'ay songé vn songe merueilleux, & ne songe chose que volontiers n'aduienne, Si j'ay songé: qu'il me sembloit que je voyois vn grand Geand parler à vous, lequel vous preschoit la foy de Iesus-Christ, & vous monstroit en l'air le signe de la croix, & vous disoit que si vous ne vouliez adorer icellé croix qu'il vous occiroit. Et vous luy dites que vous n'en feriez rien. Adonc leua vne espee qu'il auoit, & vous occist se me sembloit. Pource monseigneur mon oncle ie vous prie qu'il vous plaise entendre ce songe, & vueillez adorer la sainte croix & vous faire baptizer pour sauuer vous & vostre cité, & me semble que vous ferez bien. Adonc Murgalant tellement la frappa qu'elle demeura plus de quinze iours au lit & malade, & si n'eust esté la bonne esperance qu'elle auoit à son amoureux Gautier, elle estoit en grand danger. Cepédant le Roy Murgalant fist assembler tout son cōseil pour sçauoir qu'il estoit de faire: car il auoit ia perdu les meilleurs soldats qu'il eust, & la ville en danger d'estre prinse. Surquoy les conseillers conclurent qu'il failloit prendre iour de bataille, & que deux champions l'entreprendroyent, c'est à sçauoir l'vn de nostre part, & qu'ils s'en retourneroyent sans faire mal ny desplaisir à nully, & si le nostre est vaincu nous leur rendrons la cité, & nous en irons bagues sauues, & pour cest affaire auez en vos prisons de fors cheualiers Chrestiens qui tres-bons seroyent pour entreprendre le chāp, specialement Guyon de Dannemarche, & nous semble que sans greuer le monde, qu'il seroit plus conuenable que faire autremēt. Si vous prions Sire, aduisez sur cest affaire. Alors le Roy Murgalant dit qu'il sera fait. Si fist aller en la tour querir le prisonnier. Et quand le Duc Guyon vit qu'on l'emmenoit il cuidoit estre mort, & print congé de tous ses compagnons en les baissant tous l'vn apres l'autre. Si tost que le Roy le veit si luy dit, n'estes vous pas le frere d'Ogier le Dānois. Ouy ce respondit-il. Or ça i'auois intētion d'entreprendre vn champ de bataille encontre vn cheualier qu'à assiegé ma cité par deuant & derriere, & ne sçay la cause pourquoy. Si le voudrois bien cognoistre se dit Guyon, ie ne sçache cheualier si dextre de la lance ny d'espee, que ie ne luy tiennē bon pied tel qu'il soit: mais que ie sois bien mōté & bien armé. Pas ne tiendra à cela: & si vous le faictes dit Murgalāt, ie vous dōneray cent marcs d'or, & deliureray vous & vos compaignōs. Or le fist on asseoir à table, & tresbien fust repeu, dont il fut moult ioyeux. Allez dist Guyō, prendre le champ hardimēt. Adonc se partirent le Roy Murgalant & les Barons, & monterēt sur les creneaux. Si fist le Roy signe à l'vn de ceux de l'ost pour venir parler à luy. Quand Gautier l'aui-sa, y vint. Si luy dist le Roy qu'il s'approchast seurement. Et quand Gautier fut pres, il dist. ça que me voulez vous rendre la cité, si vous le faites vous ferez que sage.

*Comment le vaillans cheualier Gautier le Dannois, print la bataille contre le Duc Guyon de Dannemarche son pere, & comment Gautier recogneut son pere le Duc Guyon & luy cria mercy.*

CHAPITRE LII.



Donc respondit Murgalant à Gautier, ie n'ay pas intention de le faire: mais si vous voulez bailler, ou liurer vn cheualier, i'en bailleray vn autre pour entreprendre vn champ, par telle condition, que si le vostre est vaincu, vous vous en irez vos bagues sauues, sans meffaire à nully, & si le nostre est vaincu, nous vous rendrons franchement la cité sans y demander rien fors l'ot & l'argent, &

nos biens pareillement. A ces parolles Gautier dist au soir qu'il ne la daigneroit refuser. Si luy fist iurer sur sa loy, qu'il pleigeast le champ, ce qu'il fist. Si fist semblablement iurer Gautier que par son Dieu Iesus-Christ il maintiendrait le champ sans nulle trahison. Lors retourna le Roy Murgalant deuers le Duc Guyon, & le demena toute la iournee en luy comptant au long comment il auoit entrepris le champ le lendemain au matin deuant Ierusalem, & tant fist Murgalant par ces parolles, que ledit Guyon entreprit le cháp. Lors le Roy Murgalant le fist armer moult honnorablement. Et ce temps pendant Gautier s'en retourna à sa baronnie pour leur compter comment il auoit prins le champ, & leur compta tout amplement l'affaire, & puis dit i'ay leans mon pere à qui il doit bien ennuier, si suis dolent que ie ne le puis voir: mais si plaist à Iesus-Christ, demain le verray tout à mon aise: car ie ne cognois cheualier en ce monde à qui ne preste le col. et. Voire: mais se dirent les Princes, vous cognoissez bien que nous auons ia grand aduantage sur eux, parquoy nous mettez tous en grâd dâger si vous estes vaincu. Adôc respôdit Gautier: Messieurs de cela ne vous souciez. A ces parolles consentirent tous les Barons Chrestiens pour la grand fiance qu'ils auoyent à Gautier: car ils le sentoyent d'un grand courage, puis ils cognoissoyent qu'il estoit amoureux, parquoy il ne pouuoit estre nullement desconfit. Semblablement il estoit vestu des armes de monseigneur saint George, qu'auoyent vne moult grande propriété, ainsi que i'ay deuant dit. Parquoy menerent grand ioye l'apres-dinée, & toute la nuit fist Gautier apprestre le champ deuant la cité à belles lices. Et Murgalant tousiours sollicitoit le Duc Guyon. Mais le Duc Guyon ne pensoit point que se fust son enfant. Ne aussi Gautier ne pensoit point que ce fust son pere. Or se fortifierent les deux champions, & pensoit chacun auoir la victoire. Et le Duc Guyon s'esmerueilloit grandement que pouuoit estre ce cheualier contre lequel le Roy auoit prins le champ de bataille, & auoit bonne intention de soy remonter & s'en retourner en Acre pour soy venger des Templiers.

Gautier son fils contre qui il auoit prins le champ, n'estoit pas à mal aise, ny n'auoit pensément de la bataille, fors que voir son pere, & la Dame Clarice que si affectueusement le desiroit voir, le reposer luy estoit deffendu pour celle cause. pensez que c'est d'un nouveau amoureux, & qui a ses amours en danger. Parquoy la nuit il ne reposast en nulle façon, sinon dire à soy-mesme. Las dame Clarice que peux tu faire maintenant. Or as-tu la bataille d'aujourd'hui, côme ton oncle a esté desconfit, si cognois bien que tu n'es pas dolente, & derechef tu as bien cognoissance que demain le champ doit estre, si ne te tiendras tu pas que tu ne voye la bataille par quelque lieu. Las ie te pourray-ie appercevoir. Te prie à Iesus-Christ, en tant que ie vois porter armes pour la sainte foy soustenir, qu'il luy plaise me prester aide & secours, affin que ceste cité qui est tant digne de memoire puisse estre reduite à la sainte foy Catholique. Or se passa la nuit tousiours les champions pensant à leur champ de bataille. Lors quand il fut iour les vns d'une part & d'autre se commencerent à mettre en point, & le Roy Murgalant fist armer son cheualier en grand triomphe, & aussi les Princes & Cheualiers Chrestiens, ensemble le Roy Carabeu, & mirent Gautier en point lequel auoit grand' volônté de voir son aduerser partie si fut incontinent armé tref-richement, & à proffit: car il auoit le harnois & le heaume de saint George qu'estoit de si grand vertu que tout hôme qui l'auoit vestu ne pouuoit estre vaincu en bataille. Adonc sortit le Duc Guyon hors la ville accompagné du Roy Murgalant & de plusieurs grands seigneurs Pavens, qui le conuoyerent iusques au champ. Et tantost Gautier saillit de son pavillon honnorablement accompagné, faisant le signe de la croix, bien armé & monté sur Bouchant le cheval de son oncle. Puis fist sauter le bon cheval Bouchant, & s'en vint ioyeusement avec sa compagnie toute armée. Car Gautier les en auoit aduertis deuant que partir du pavillon, au moins s'il luy suruenoit quelques affaire.

Quand

Quand les deux champions furent dedans le champ, les trompettes commencerent à sonner moult hautement. Lors brocherent des esperons & coururent l'un contre l'autre de si grand roideur qu'ils rompirent leurs lances, tant qu'il sembloit que ce fust vn esclat de tonnerre, si passerent outre, & au retour chacun mist lamain à l'espee si furieusement que c'estoit merueilles, & venans l'un sur l'autre s'entredonnerent de grands coups à merueilles, tellement que de leurs espees vous eussiez veu faillir le feu. Et Gautier donna si grand coup d'espee sur l'espaule senestre de son pere qu'il luy parfondit tout son haubert, dont son pere cuida enragier de dueil. Et adonc luy rua de si grands coups qu'il cuidoit bien destruire son fils Gautier, si n'eust esté le haubert, & le heaume qu'estoit de si grande vertu comme i'ay deuant dit: car son pere voyant qu'il ne pouuoit effondrer dessus, maudit mille fois celuy qui l'auoit forgé, & celuy qui le portoit. O la douloureuse bataille du pere & du fils qui s'entraymoient d'une si grande amour, spécialement le fils qui auoit passé la mer pour deliurer son pere, & abandonné son corps a mort pour le deliurer, ou s'il estoit mort en prendre cruelle vengeance sur ces maudits Payens: mais Gautier ne le pouuoit nullement cognoistre, & pour le destruire vint deuers luy par grand courage, si luy donna tel coup qu'il couppa vers les chaines d'argent qui tenoyent son escu, tant qu'il tomba par terre, dont il fut moult courroucé, & luy fut force d'abandonner son cheual & descendre à terre. Et quand Gautier le vit ainsi descendu, il descendit comme luy. Adonc courut le Duc Guyon à son fils, & l'embrassa par si grand force & Gautier luy, & tant luyterent que Guyon ietta Gautier sus vne roche, tellement que de là cheute il demeura tout pasiné & perdit le souffler. Et cepédant qu'il cuidoit qu'il se mourut, il s'en alla recourir son escu & ainsi que s'il pere retournoit pour luy donner le coup de la mort, fist tant qu'il se leua vn peu. Quand les Chrestiens aduiferent Gautier estre ainsi estourdi, ils euidoient qu'il fust mort, & disoyent l'un à l'autre, vray Dieu que ferons nous. Adonc dist le Roy Carahou. Si tant aduient que le cheualier Gautier meure ou soit deconfort en ceste bataille, i'amaïs baptiser ne me feray: mais croiray à Mahom, comme parauant. Et les Princes Chrestiens se mettoient en oraison. Or ainsi que son pere le Duc Guyon ramenoit vn grand coup d'espee sur son heaume, le cœur luy reuint, si se leua du tout sur les pieds tenant son espee à vne main, & son escu à l'autre, & dist en soy-mesme. Helas! or suis-je bié miserable d'estre estourdi pour vne seule cheute. Que peuent maintenant dire les princes & cheualiers Chrestiens qui me voyent: car ils cuident que le cheualier Payen ait victoire sur moy. Et aussi Carahou est moult esbahi qui peut estre ce cheualier qui tant me donne à besongner, c'est vn grand des-honneur pour moy, & si la dame Clarice me voit, i'amaïs ne m'aymeroit. Si print Gautier couraige en pensant à ses amours: tellement qu'il se sentit vigoureux & remply d'hardiesse avec la grande proüesse qu'en luy estoit, si bôta l'escu au deuant du coup que son pere Guyon luy donna, & ledict Gautier embrassa son pere & voulüst ou non le ietta par terre, combien que tres fort & vigoureux estoit & bien vsté aux armes si fort ne si grand comme estoit Ogier son frere: car l'histoire dit que son frere Ogier estoit bien deux bons pieds plus grand que luy, ce nonobstant estoit-il fort, & puillant, si fist tant par sa force qu'il ostant Gautier de dessus luy & se releua franchement. Si print à deux mains son espee & en donna à Gautier si grand coup sur la visiere qu'il l'estourdit tout: mais du heaume qu'il le dommageast, non: dont il deuint forcené, & de grand dueil se print à crier. Maudit soit le fils de putain qui fist le heaume, & celuy aussi qui le porte. Et tout incontinent le cheualier Gautier entendit son pere à la parolle, si hauça la visiere: car il saignoit du nez. Et si tost qu'il eut le visage descouuert si dist à son pere en ceste maniere

Ha mon tref-redouté pere, & celuy que tant i'ay désiré à voir, ie vous prie que ie vous embrasse. Haa mon fils estes vous icy, pour Dieu ne sonnez mot: qu'on ne s'apperçoie

de rien: car auiourdhuy il nous conuient venger de ces maudits Payens. Mon pere ie ne vous requiers autre chose, ne parlons plus de rien fors trouuer le moyen de leur desconfiture. Voire: mais mon pere vous sçauiez l'outrage que ie vous ay fait dont ie vous requiers pardon à iointes mains. Mon fils ie vous pardonne, aussi fera Dieu semblablement: car cela a esté fait sans y penser. Si remercia moult grandement le Duc Guyon son pere, & l'eust volontiers baïsé s'il eust osé: mais tousiours son pere luy deffendoit: adonc luy dist. Mon pere voicy s'il vous plaist que nous ferons. Ie me rendray vostre vaincu, & me menerez en la cité comme vostre prisonnier. Et si tost que nous serons pres des portes nous les deffendrons que personne n'y entrera. Si corneray de mon cor, & incontinent aurons tost l'ost. Adonc trouua le pere le conseil bon, & dist. Or soit fait. Si firent semblât de luyter l'un contre l'autre, & Gautier se laissa choir, & cria mercy à son pere & luy rendit son espee faignant estre vaincu. Si monterent tous deux sur leur destriers, & le Duc Guyon mena en la cité le cheualier Gautier son fils, comme son prisonnier. Or estoient les Chrestiens, voyant la desconfiture estre tournée sur eux, moult esbahis, & disoyent entre eux. Las que ferons nous, or est nostre ioyeuse esperance & attente tourné sur nous trespouloureuse, & vituperable perte & grand' deshonneur. Las! que deuons nous faire. Alors dit Carahéu, messeigneurs ne vous troublez point: car il y a quelque appointement secret entre les deux cheualiers: car ils ont long-temps parlementé ensemble secrettement.

*Comment apres le champ de bataille du Duc Guyon, & de son fils Gautier avec  
l'ost des Chrestiens, ont prinse la cité de Ierusalem, & ont tué le Roy  
Murgalant ensemble sous le Payens.*

### CHAPITRE LIII.



Donc ont tant cheuauché lesdits deux champions qu'ils sont arriuez aupres de la cité de Ierusalem. Et quand ils ont esté au dessus de tous leurs ennemis, si a le Duc Guyon rendu l'espee à son fils Gautier, puis Gautier à prins son cor, & a corné hautement. Et les Chrestiens l'ont entendu, & sont tous courus à pointe d'esperons sur les Payens, si qu'ils ne pouuoient fuir ne deça ne delà: Puis ont fait mettre quatre lances debout pour soustenir la barriere coulisse, & à cest effort est euidé entrer le Roy Murgalant: mais si tost que Gautier l'aduisa, il luy donna si grand coup entre chappeau & les espaules que la teste ne luy tenoit puis qu'à vn peu de cuyr. Et quand les Payens virent le Roy Murgalant ainsi nauré, ils s'escrierent à haute voix. Trahison, trahison, le Duc Guyon, & le cheualier Gautier son fils se ietterent dessus les gens dudit Roy Murgalant, & les acculerent tref-vaillamment si qu'il n'en échappa pas vn, & enterrent les Chrestiens dedans la cité de Ierusalem, voulsissent ou non, & n'en laisserent pas vn de ces maudits Payens qui ne fust mis à mort tref-cruelle. Adonc les gens de la belle Clarice voyant ceste bataille luy vont dire. Las dame fuyez vous en: car les maudits Chrestiens ont conquesté la cité, tué & occis tous les Payens, & finalement le Roy Murgalant vostre oncle a esté mis à mort. Si incontinent elle accompaignee de ses damoiselles monterent en la tour de Dauid, & fist tendre les chambres de tapissérie, à fin de recueillir les Chrestiens & par special son amy Gautier que tant aymoît de bonne amour. Apres toutes choses les Chrestiens se sont retirez, & ont mené fort grand'ioye. Et est Gautier allé vers Clarice, & luy dist. Ma tref-chere amie à ceste heure pourray-ie mieux parler à vous, que quand le bon Marcifus fut occis, que pleust à nostre Seigneur Iesus-Christ qu'encores fust en vie. Madame, beniste soit l'heure que fuste née: car par vous sera la loy de Iesus-Christ exaucée en ces parties de par deça.

Or madame maintenant est le temps venu que ie dois acquitet ma promesse, & vous la vostre. Si faut parlermenter de nos besongnes & affaires, & bien tost au plaisir du createur nous retournerons deuers vous. Allez dist-elle en la garde du createur.

Gautier se partit l'ors d'auec la dame Clarice & s'en alla au palais où l'assemblée des Princes Chrestiens se faisoit. Et si tost que le Duc Naymes de Dordonne, & les autres Princes auiserent le Duc Guyon de Dannemarche, tous ensemble l'allerent embrasser, ploroyent de pitié pource que le pere & le fils auoyent bataillez l'un contre l'autre, & des grands coups qu'ils s'estoyent donnez. Adonc Gautier benignement deuant tous cria mercy au Duc Guyon son pere, lequel luy pardonna tref-volontiers. Puis les Princes Chrestiens dirent au Roy Carahu. Sire Roy long temps y a que vous auiez promis de vous faire baptiser. Or vous voyez que nostre Seigneur Iesus-Christ fait de beaux miracles quand il luy plait, croyez que vostre ame est en grand danger de vous tenir si long temps en ceste folle creance: car ie vous promets que la parolle qu'il a ditte est telle, que qui sera baptizé en eau, & au saint Esprit, aura la vie eternelle, & qui ne sera baptizé sera damné eternellement. Parquoy nous vous prions qu'y auisiez. Adonc dit Gautier, de Carahu monseigneur mon pere ie vous promets que voicy l'homme du monde que mon oncle à le plus cher, & est celuy propre qui m'est venu querir pour en faire la deliurance, & nous à icy amenez & conduis: & le tenez pour le plus loyal cheualier que iamais vous cogneustes. A donc le Duc Guyon l'embrassa & remercia tres-humblement. Or en arlant & deuissant il print vouloir au Duc Guyon d'aller voir le S. Sepulchre, & là regracier nostre Seigneur Iesus-Christ de la victoire qu'il leur auoit donnée contre les Sarrazins: Si s'accorderent tous d'y aller & y menerent le bon Roy Carahu, & quand ils y furent si firent leurs prieres & oraisons & adorerent le saint Sepulchre à moult grand reuerence. Et ce faict ils deuissrent au bon Roy Carahu comme la chose alloit, & comme par enuie les Iuifs & gens de son pays mesmes l'auoyent fait mettre à mort. Et qu'à l'heure qu'il mourut en la croix toute la terre trembla, les pierres fendirent, les morts resusciterent, & le Soleil perdit sa lumiere. Et ainsi qu'il auoit promis resuscita au tiers iour, & s'en alla aux enfers deliurer tous les saints peres qu'y estoient pour le peché d'Adam, & au bout de quarante iours monta aux cieux, & les mena auec luy, & en la fin du monde viendra iuger les bons & les mauuais, pour rendre à chacun selon qu'il aura defferuy. Pource noble Roy Carahu pensez d'acquérir vostre sauueement cependant qu'avez le temps & vous ferez bien.

Puis quand le Duc Guyon, eut mis fin en ces paroles, le bon Roy Carahu dit. Messieurs pour ceste heure s'il vous plaist vous me tiendrez pour excusé: car premierement force m'est de parfaire mon voyage lequel sans faute suis delibéré d'accomplir: car il me faut aller querir madame Gloriande, pour m'en aller accomplir mon champ que j'ay prins contre Langoulaffre qui m'a accusé de trahison en la tour de Babel, où est Ogier auec le Roy Moylant, lequel ils doiuent liurer à tourment & à martire le iour de la saint Jean Baptiste, qu'est le iour qu'on faict la feste de nos quatre Dieux. Et s'assembleront bien trente Roys & grands Admiraux, & là me faudra tenir le champ contre Langoulaffre le frere de Bruhier qu'est vn geant fier & orgueilleux: mais si ie puis auoir victoire, ie vous promets que Gloriande & moy nous ferons baptizer, & maintiendrons la sainte foy Catholique. Or est-il temps de faire despartie d'auec vous: car le iour s'approche qu'il me faut tenir ma promesse. Si dist le Duc Guyon, si ne partirez vous pas iufques à tant que nous ayons plus à plein delibéré de nos affaires: car ainsi que j'entens madame Clarice est à la tour de Dauid qui nous attend. En bonne heure, dit le Roy Carahu, cest ma niepce, parquoy j'ay grand desir de la veoir, & mettre en triomphe le cheualier Gautier pour l'amour de luy, car il le vaut bien. Or s'en partirent du saint Sepul-

chre quand ils l'eurent visité, & s'en alla toute la seigneurie en la tour de David où estoit la dame Clarice & son train, laquelle vint au deuant d'eux en tres grand triomphe, & le salua. Apres toutes salutations faites, le Duc Guyon luy dist en ceste maniere: Madame Clarice, j'ay entendu que vous estes fille, & seule heretiere du Roy Moysant vostre pere; & que de vostre bien & honneur que vous estes voulu allier avec le cheualier Gautier mon fils, dont ie suis bien ioyeux puis qu'il vous vient de vostre gré à tous deux par conuenant toutes-fois, que premier serez baptizee, & à cela s'accorda la dame Clarice. Si la menerent au palais, là où couronnerent Gautier Roy de Ierusalem, dont le bon Duc Guyon ploroit à grosses larmes de ioye qu'il auoit de voir son enfant monté en si grand honneur. Apres que son couronnement fut fait il voulut parler au Roy Caraheu, & luy dist, Roy Caraheu mon singulier amy, il ne faut pas que vous despartiez sans moi: car iamais ie n'espouseray madame Clarice que ie n'aye premier veu mon bon oncle Ogier le Dannois, puis dist à son pere: Mon pere il est force que ie m'en aille avec le Roy Caraheu pour veoir mon oncle Ogier, & que demeurez icy iusques à ce que retourniôs, & garderez Ierusalem & madame Clarice, & à mon retour ie l'espouseray en grand triomphe accompagné de mon oncle Ogier le Dannois, & de toute la noblesse & seigneurie de nostre ost, & s'il vous plaist mon pere vous prendrez ceste charge. Si respondit le Duc Guyon que volontiers en prendroit la charge, puis que c'estoit son plaisir. Adonc Gautier demanda au Roy Caraheu s'il s'en alloit tout droit en Babilonne, lequel luy respôdit que non, & que force luy estoit qu'il allast premier en Inde la maïour pour aller querir sa dame Gloriande qui là estoit. Si disoit là dame Clarice au Roy Caraheu que s'il auoit besoing de son loyal amy Gautier qu'il vaudroit mieux qu'il s'en allast accompagné des nobles Princes & cheualiers Chrestiens par le royaume de Mesque pour parler à Florion son frere, & sçauoir sa deliberation. Adonc respôdit Caraheu que c'estoit pour le mieux, & dit encores Caraheu à Gautier. Sire si ie ne vous reuoy plustost qu'à la S. Iean Baptiste, au moins ie vous prie que ne faillez point de venir en Babilonne: car nous tiendrons le champ en la prairie. Laissez moy faire dist Gautier. Puis print Caraheu congé de toute la cheualerie Chrestienne, & s'en alla luy & ses gens en Inde, pour querir Gloriande que l'attendoit, si s'en alla ioyeusement congnoissoit que Dieu l'auoit ia inspire, & cependant qu'il estoit en voye, Gautier print congé d'autre part, & laissa son pere en Ierusalem avec la dame Clarice, & luy dit ladite Clarice qu'il fut de son plaisir en passant par Mesque de la recommander à son frere Florion, & que long temps auoit qu'il se vouloit faire baptiser, & bailla vn signet à vn cheualier, pour donner à son frere pour adiouter plus grand foy es parolles du cheualier, lequel signet luy donna secrettement. Le messager arriué à Mesque alla tout droit au Roy Floriô, & luy dit en ceste maniere, Roy Floriô tresmal vous va, cômment se dit le Roy. Sachez que les Chrestiens ont prins Ierusalem & ont occis vostre oncle, & tous les Payens qui leas estoient, & est chief de l'armée vn nommé Gautier le Dannois nepueur d'Ogier le Dannois, lequel est en prison avec monseigneur vostre pere, & s'en est allé ledit Gautier luy & tout son ost en Babilonne. Duquel vous mande vostre sœur que vous ne vous combattiez pas à luy: mais vous prie que vueillez vous baptiser: car elle est bonne Chrestienne, & au retour Gautier la doit espouser, & affin que vous adiouctiez foy, cognoissez cest anneau qu'elle vous enuoye. Adonc Florion qui bien le recogneut, fut tres-esbahi, & promit qu'il se feroit baptiser: car de pieça auoit l'intention & que si le Roy Moysant son pere eust aussi bon vouïoir que luy, qui eust esté ia pieça baptisé, si dit qu'il estoit bié ioyeux de sa venue, & qu'il iroit au deuant de luy & le feroit seigneur de sa cité. Alors est le cheualier Gautier parti de Ierusalé pour aller en la cité de Mesque. Et quand Floriô sceut qu'il venoit en la cité de Mesque, il luy alla au deuant & luy dit. Cheualier vous soiez le tres-bié venu en ma cité, nō pas miēne: mais toute à vostre commandement.

ment. Et Gautéier le remercia, si luy demanda Florion où il vouloit aller. Et quand il ouyt parler d'Ogier tout le sang luy mua, & luy dist en ceste maniere. Helas Sire, j'ay au cœur grand douleur quand ie vous escoute parler d'Ogier, car mô pere le Roy Moisant est avec luy prisonnier. Vous m'attendrez s'il vous plaist, & j'iray avec vous. Tres-volôtiers se dit Gautier, pourueu que vous vous faciez baptizer: car autrement ne viendrez pas en ma compaignie. Adonc Florion lui dit que volontiers se baptiseroit. Si fist crier à son de trôpe que tout le monde vint au palais pour se faire baptiser, ou sinon les feroit jeter dans la mer. Et leur assigna lendemain à dix heures. Si fut ledit Roy Florion baptizé à grand triomphe, puis ses gens furent baptisez apres. Et la solemnité faite, le Roy Florion tint cour ouuerte à tout le peuple, & quand toutes choses furēt faites, il fist crier ban & arriere ban, pour aller en Babylonne avec Gautier. Si fut tout son ost assemblé, & dist à Gautier, cheualier quand il vous plaira de desloger ie suis prest, ne tardez plus pour moy: car ie vous promets que ie veux viure & mourir avec vous. Et moy avec vous, dist Gautier. Adonc firent partir l'ost, & monterent sur mer en parlant de leur affaire, & comptoit Florion à Gautier des vaillances qu'Ogier auoit faites en Babylonne, qu'estoit chose merueilleuse. Or estoient les Princes Chrestiens comme, Aymé de Dordône, Doon de Nantueil, le Duc d'Anjou, & plusieurs autres grands seigneurs fort ioyeux d'ouyr parler de si grandes vaillances faictes par leur cousin Ogier, lesquels auoyent bone volonté & esperance de le voir. Or ia reuenoit d'Inde avec beaucoup de gens Carahu & Gloriande sa femme, & fist descendre promptement ses nauires deuant Babilône pour se recueillir dedans, s'il aduenoit desfortune. Et incontinent que Gautéier les vit, il demanda à qui estoient les nauires. Si respondirent, au Roy Carahu. Adonc Gautier dist qu'ils estoient tous à vn maistre. Alors Florion qui estoit avec Gautier cria à la dame Gloriande, c'est tout vn, qui heurte l'vn frappe l'autre, dequoy Gloriande fut fort ioyeuse.

*Comment Carahu, & Langoulaffre firent champ de bataille deuant Babylonne en la  
presence du Soudan Noradin, & plusieurs Roys Payens, & comment Gautéier le  
Dannois, & le Roy Florion, ensemble tout l'ost des Chrestiens  
prindrent le Soudan Noradin.*

## CH A P I T R E L I I I I.



A veille de la feste saint Iean Baptiste se trouua en Babilonne grande multitude de Payens, tant Roys qu'Admiraux pour adorer leurs quatre dieux, & pour voir mourir Ogier, comme dessus est dist, & pareillement y arriua ledit jour Carahu, lequel fist apprester son cas pour batailler le lendemain, le Soudan Noradin fist emprisonner tous les parens de Langoulaffre jusques la bataille fut finée à fin qu'ils ne troublassent l'affaire. Si parlerent à Carahu & à Langoulaffre deux cheualiers pour les appointer: mais iamaïs ne si voulurent consentir. Si entrerent dedans le champ, & coururent l'vn sur l'autre si qu'ils rompirent leurs lances, & s'entredonnèrent de tres merueilleux coups, combien que Langoulaffre fust de quinze pieds de hauteur, & aussi ses freres, & de tres grand' force, nonobstant Carahu luy faisoit beaucoup de peine, lequel n'estoit pas si tres-grand. Or nos gens estoient en vne prairie, qui venoient en bataille droict à eux trainant leurs lances en signe d'amour. Et en la premiere bataille estoient Florion & Gautier, avec vingt mille hommes, le Duc Doon de Nantueil, & le Duc Aymé de Dordonne aussi avec vingt mille hommes, & les autres cheualiers faisoient l'arriere garde qu'estoyent bien quatre mille, & venoyent tousiours comme s'ils s'esbatoyent, & quand ils furent asses pres chacun choisit le sien, & puis leuerent

leurs estendars, & lors firent telle escarmouche qu'ils en tuerent plus de mille, & le Soudan s'enfuit: mais Florion le vit qui luy rua tel coup qu'il le versa de la selle, adonc Gautier y arriua qui luy hauça la iambe & cheut à terre, & puis Gautier luy osta son heaume & l'eust occis si n'eust esté Florion qui luy requist à donner. Et quand Florion l'eut, il luy dist. Haa! vous auez tenu à tort mon pere en vos prisons, si estes à ceste heure mort. Je me rends à vostre mercy dist Noradin. Lors Langoulaffre dit au Roy Carahu. Ha Carahu, cest par vous que ce meschief est venu. Alors dist Carahu ie vous le monstreray auourd'huy si c'est par moy. Lors Langoulaffre tout espouuenté de ceste escarmouche dist à Carahu ie ne sçay quel remede à cecy, sinon nous mettre en deffence contre eux. La deffence n'y vaudroit rien, dist Carahu: mais le plus beau est de nous rendre à leur mercy. Sur ces parolles vint Gautier à eux, & leur dist. Seigneurs rendez vous à moy, ou vous estes morts. Si se rendirent les champions, adonc il les mena avec le Soudan en sa tente, puis fut le Soudan deliuré & mis à telle rançon, c'est à sçauoir qu'il s'en iroit sain & sauue: mais pour son corps deliurera Ogier & le Roi Moïsât, avec les cét cheualiers Chrestiens, & pour son cheual, donneroit dix pucelles, dix esprouiers, dix ieunes Sarrazins, dix courriers de prix, dix cendaux bien ouurez d'ouurage Turquin, dix haubers doubles, dix espees, laquelle chose fist: mais encores à Gautier greuoit de luy rendre le cheual Marchevallee: car il cuidoit en faire vn present à son oncle Ogier, à fin qu'il eust bouchant.

Or le Soudan Noradin estant en Babilonne manda prestement querir Ogier & tous les autres: mais ainsi qu'Ogier entendit ouurir la porte, il pensoit qu'on le venoit querir pour le faire mourir, & dist. Si donneray-je beaucoup d'affaire à celuy qui mettra la main sur moy. Adonc quand le cousin au Soudan qu'estoit allé ouurir la porte, entendit les parolles descendit en bas, & luy cria. Sire Ogier descendez quand il vous plaira. Si ne voulut pas si tost sortir: mais premier alla au Roy Moysant, & l'acolla tres-amiablement en luy enseignant moult affectueusement la teneur de la foy Chrestienne, parquoy grandement le remercia le bon Roy Moysant, & puis s'en allerent en bas, où ils trouuerent le cousin du Soudan Noradin, lequel leur dist. Messigneurs ie vous ay long temps attendu pour vous mener vers le Soudan. Et que veu il faire de nous dist Ogier. Adonc le cousin au Soudan respondit. Helas! il est si mal aduenu qu'il faut qu'il vous rende aux Chrestiens vous & tous les autres prisonniers, attendez moy icy s'il vous plaist, & j'iray querir les autres à fin que vous en alliez tous ensemble. Or va donc, dit Ogier. Alors le seruiteur alla querir les autres prisonniers: mais quand Gerard de Rouffillon ouyt ouurir la porte, dist à ses compagnons. Mes amis recommandons nous à Iesus-Christ, car l'heure est venue de nostre diffinement. Saillez dist le Payen, adonc saillirent tous les prisonniers, & quand Ogier les vit il les salua honnestement, & eux luy pareillement, en luy disant. Hee Ogier! où auez vous esté si longuement. J'ay, esté depuis tousiours en prison avec le Roy Moysant, dist Ogier: mais ie croy que nous aurons bonne & briefue deliurance. Et à ces parolles les mena ledit Payen au Soudan Noradin, lequel les enuoya avec toute sa rançon à Gautier: mais quand Ogier fut en chemin il s'aduisa de son espee qu'estoit demeurée, & la voulut auoir, & demanda où elle estoit: mais nul ne respondit rien: parquoy iura que s'il ne l'auoit, qu'il retourneroit en Babylonne, & qu'il feroit le Soudan plus marry qu'il ne fut iamais. Adonc le Roy Moysant se courrouça à luy, & luy dit. Beau Sire, ie guide que vous radottez, faites vous tant de bruit pour vne espee, voulez vous empescher nostre deliurance pour cela. Taillez vous dist Ogier: car ie l'auray deuant que i'aille plus auant. Si fut force au Payen qui les cōduisoit d'aller chercher son espee à grand haste. Et quand Ogier l'eust, il dist au Roy Moysant. Et dea Sire, priez-vous si peu mon espee sçachez en verité que pas ne l'auriez pour vn royaume: car depuis qu'elle est mienne, j'en ay gaigné vn royaume, & si ma sauué la vie iusques icy. Adonc cheminerent tousiours les

prison



prisonniers, & les Payens qui menoyent la rançon tant qu'ils furent à la tente de Gautier: & quand Gautier les vit il leur demanda si tout y estoit, lesquels dirent qu'ouy. Puis manda le Soudan Noradin à Carahu, s'il ne vouloit pas acheuer son champ. Lequel luy dist qu'ouy mais que les Chrestiens les auoyent empeschés, & n'auoyent sceu parfaire leur bataille, parquoy dit ledit Carahu, ie prierois volôtiers aux Chrestians qu'il leur pleut ordonner le cháp là où il estoit. Adonc dirent les Crestiens qu'ils regarderoient à l'affaire, & les Chrestiens assëblez se firent grãd cognoissance: car Florio y trouua son pere qu'il courut baïser, & Gautier son oncle, & plusieurs autres qui de long temps ne s'estoyent veus.

Après celle feste passée conclurent lesdits Chrestiens qu'il seroit ou il auoit esté premierement, & le manderent au Soudan, ce que le Soudan accorda. Adonc se mirent sur le champ deux champions & commencerent à s'entreheurter tres fierement, & lors les freres de Langoulaffre qui estoient aux fenestres hautes de leurs prisons, crierent hautement. Haa! frere vous faites pour neant, car il à faict venir les Chrestiens pour nous destruire. Adonc Carahu leur respondit, tout vostre dit ne sera que mensonge: car bien tost prouueray sur son corps le contraire, & à ces parolles Langoulaffre plus que deuant le deffia. Si estoit lors Gloriande femme dudit Carahu demeurée avec les Chrestiens qui se desconfortoit amerement: mais Ogier aupres d'elle estoit qui moult bié la reconfortoit, en luy disant ne priez plus ce Mahommet: mais Iesus Christ, lequel luy aidera, si de bon cœur le requerez, adonc elle dit, ie prie à celuy qu'à la puissance de luy donner aide qu'il luy plaise luy aider. Lors Carahu assailloit fort cruellemēt Langoulaffre, & Langoulaffre se deffendoit fort vaillamment: car il auoit bien la corporance pour ce faire, & en ce faisant vint ledit Langoulaffre ruer vn grand coup sur Carahu, luy cuidāt abbatre l'espaule: mais Carahu, qui subtil estoit d'estourna l'espaule, & cheut le coup à terre, si que l'espee entra bien trois pieds dedans, & ne la pouuoit r'auoir Langoulaffre, & cependant Carahu, vint ruer sur son heaume vn coup qui l'estonna, & le fendit & tomba le coup sur l'oreille fenestre laquelle il aualla, & puis dist Carahu, dea Langoulaffre vous auez fait folie de m'accuser de trahison. Adonc vint à luy Langoulaffre & luy bailla tel coup d'espee qu'il luy couppa l'espaule, & fendit son haubert, & son hocqueton, & entra en la chair bien auant, dont Carahu fut moult esbahy, & fut en propos de renoncer à l'heure mesme la loy Payenne, & prendre celle de Iesus Christ. Et adonc Langoulaffre vint pour luy ruer vn merueilleux coup: mais subtilement vint vne grosse nuee laquelle empescha le coup, si que Langoulaffre alla ruer sur vne roche, cuidāt frapper Carahu: mais cependant estoit aduis à Carahu, qu'il voyoit la vierge Marie tenāt vn petit enfant, lequel il adora, promettant que lui ayant gaigné la bataille se feroit baptizer, & ainsi que la nuee fut leuee, vint hardiment à Langoulaffre ledit Carahu, & luy aualla son heaume, & la teste tout ensemble. Alors dist Carahu au Soudan, or aduisez si le droit ne tourne pas tousiours à son maistre. Lors le Soudan ne fut pas trop ioyeux, & dit qu'on ne se scauroit deffendre d'vn traistré: & adonc s'enfuit enclorre dedans la cité, & dit à Isore & à ses Oncles, or suis-je le plus mal'heureux du monde: car ces Chrestiens nous ont presque tous desconfortés, & pourtant messeigneurs & amis ie vous prie que mandiez à vos gens qu'ils me viennent secourir. Lors Isore dit, certes sire, chacun y employera sa puissance. Je vous remercie dit le Soudan Noradin, aussi manderay-je querir mon frere Branquemont le plus vaillant de tous les Sarrazins & Payens qui volontiers viendra me secourir.

*Comment le Soudan Noradin manda querir Branquemont son frere pour le secourir, & comment Gautier le Dannois vainquit ledit Branquemont en champ de bataille, & fut le noble Gautier couronné Roy de Babilonne.*

## CHAPITRE LV.



Lors le Soudan Noradin manda son frere Branquemont, & les autres chacun endroit soy, mandoit son ost. Et ainsi qu'ils faisoient leur assemblée, les Chrestiens menoyent grand' feste de ce que Carahen auoit eu la victoire. Et leur compta Carahen le miracle qu'il auoit veu, dont il estoit tout consolé, parquoy il dit à Ogier, mon amy Ogier ie suis prest & madame Gloriande, ensemble tous mes gens de nous faire baptiser, & voicy le Roy Moysant mon parét qui nous fera compagnie, & le Roy Florion son fils & toutes ses gens affin de solénizer le sacremēt qui tant est vertueux & digne, qu'il rachapte l'ame d'estre dannee eternellement. Adonc Ogier qu'estoit cause de ce bien fist appareiller vn saint & deuot fons, auquel furent baptizez tous les Payens honnorablement, & leur remonstra Ogier tous les articles de nostre foy, & toute le vertu du Baptisme: tellement qu'ils furent tous remplis de la grace du saint Esprit. Adonc quand le baptisme fut finy, Ogier commanda qu'on mist tous les trefs, tentes & paillons contre les murailles de la ville pour l'assieger & donner vn assaut quand ou verroit l'heure, laquelle chose fut faicte. Et quand le Soudan vit la ville ainsi assiegé, il dit à vn cheualier par dessus la muraille, qu'il le fist parler à Ogier. Adonc le cheualier Chrestien appella Ogier, & luy dist. Monseigneur le Soudan Noradin vous prie qu'alliez parler à luy. Lors Ogier y alla, & Gautier son nepueu le suyuit tout doucement à fin de voir si on luy faisoit quelque tort pour le secourir, & quand Ogier vit le Soudan, il luy dit Soulan que me voulez vous? Haa Ogier dit le Soudan ne cesserez vous iamaiz de me destruire. Ce fur grand' folie à moy, que ie ne vous fis mourir quand ie vous tenois: mais la pitié que i'eue de vous m'à bien deceu. Ha se dist Ogier ne vous repentez de rien: car vous y auez fait ce qu'auuez peu: mais gardez vous de moy: car si ie vous puis vne fois tenir entre mes mains ie vous feray detrencher vos membres l'un apres l'autre de iour en iour, & vous feray tourmenter si trescruellement que chacun en aura grand' pitié. Adonc quād le Soudan entendit ces parolles, si luy dist. Ogier trop faisons durer ceste guerre qui est grand peché pour vous. Si vous voulez mettre ceste guerre sur nous deux dit Ogier, nous l'aurons bien tost mise à fin. Non feray dist le Soudan Noradin: mais baillez vn champion de vostre costé, & i'en bailleray vn autre, par tel conuenant que si vostre champion est vaincu, vous vous en irez vous bagues sauues sans meffaire à nul que ce soit, & si le nostre est vaincu, nous vous quitterons la cité de Babilonne, & si aurez mon cheual marcheallé lequel est le meilleur du monde. Et Ogier luy dist tout hautement. Soudan res-volontiers à vos dits m'accorde & suis content le faire ainsi que vous l'auuez dit, si luy demanda quād il le vuloit. Et le Soudan respondit, que l'endemain au matin au lieu ou l'autre champ auoit esté. Et Ogier fut content, & lui promit tenir. Et ainsi qu'Ogier reuenoit Gautier lui dit. Mō oncle ie vous prie que me donniez la charge de ceste bataille. Mon nepueu se dist Ogier vous ne sçauiez quel homme c'est, & puis que vous estes encore ieune il vaut mieux qu'un autre entreprenne le champ, qui sera plus rusé que vous, & derechef Gautier luy dist franchement qu'il deffendroît le champ, si c'estoit son bon plaisir, lors Ogier luy dist beau nepueu faictez ainsi que bon vous semblera, puis que c'est vostre volonté, dont Gautier le remercia grandement. Si vindrent Gautier & son oncle deuers le Roy Carahen, & tous les autres Princes Chrestiens, & leur compterent l'appointement qu'ils auoient fait avec le Soudan Noradin. Adonc dirent les Princes, c'est bien appointé: mais qui sera le champion de sa partie. Nous n'en sçauons rien dit Ogier: mais de nostre partie mon nepueu Gautier deffendra le champ.

Le lendemain au matin le Soudan Noradin, fist armer son frere Branquemont. Et de l'autre partie les Chrestiens armerent Gautier des armeures monseigneur saint George, & si tost comme il apperçeut Branquemont saillir de Babilonne, il brocha des espees & s'en vint sa lance sur son col parler à son aduersaire, si luy dit en ceste maniere, par la

par la foy que ie dois à mon Createur c'est folie à vous de tenir le champ contre nous, mieux voulsit au Soudan & à vous croire en Iesus-Christ, que d'adorer les meschantes idoles. De cela ne me parlez point : car tu n'y pers que ton temps dit le Payen. Or puis que tu ne veux rien faire pour ton sauvement dit Gautier, ie te prie dis moy ton nom à fin que ie sçache qui iouste à moy. Par ma loy i'ay nom Branquemont, & suis frere à Noradin, & ay vne sœur qui est la plus belle du monde, laquelle ie te donneray en mariage si tu veux renoncer ta loy. Elle à le visage aussi noir comme encre, & les yeux aussi rouges & aussi emflambez comme vn tison de feu, & les dents longues d'un pied & demy spécialement les deux dents de lœil, & si à bien vn pied d'espace contre les deux yeux. Et puis que ta sœur est si belle dist le noble Gautier, tu la peux bien marier au diable, car c'est vne diablesse. Si se reculerent l'un de l'autre pour faire leur cource, puis brocherent des esperons, & s'entrecheurterent de si grand roideur qu'à Gautier luy fist perdre la selle, & le rua par terre : mais le pied droit demeura en l'estrier, & tellement estoit entré dedans, que quand le cheual se sentit ainsi pendu de peur qu'il eut le traina parmy le champ courant si roydemment qu'il l'estonna tout, toutesfois quand le cheual eut longuement couru il s'arresta. Adonc Gautier va vers luy & tira son espee pour luy couper la teste : mais si tost que Branquemont sentir venir le coup il s'escria à Gautier, bon cheualier ne me tue pas : car ie me rends vaincu. Adonc Gautier reçut son espee en signe de victoire, si le remonta & mena deuers son oncle Ogier lequel disoit aux Princes Chrestiens qu'il estoit de bon sang engendré, & qu'il ne forlignoit ne forfaisoit la lignée de Danne-marche. Et quand Ogier fut pres de Branquemont & le gentil cheualier Gautier le menerent deuers le Soudan Noradin son frere, & luy dirent. Soudan Noradin, tenez vostre promesse. Si feray-ie & ie vous promets encores de rechef dist le Soudan Noradin : mais faites medeciner mon frere Branquemont, & demain au matin vous en venez à la porte, & sans nulle faute la vous ouuriray, & entrerez dedans la cité pour en faire à vostre plaisir. Mais pource qu'il voit n'auoir remede en son cas, fist faillir celle nuit les habitans d'icelle avec leurs biens, afin que quand les Chrestiens viendroient qu'ils n'y trouuassent rien.

Quand ce vint le lendemain au matin les Princes Chrestiens monterent sur leurs cheuaux, & menerent le cheualier Branquemont, & si tost que le Soudan les vit, il leur dist, ie veux accomplir ma promesse. Si appella son frere Branquemont, & luy dist, baillez au cheualier Gautier qui vous a conquis mon coursier marcheallé : car c'est raison. Touchant la cité ie la vous vois ouurir, & vous nous donnerez saufconduit à mon frere Branquemont & à moy de nous en aller là où les dieux nous enseigneront. Adonc Gautier leur respondit qu'ainsi failloit faire. Adonc les Chrestiens entrerent dedans la cité, là où ils ne trouuerent bestes ne gens. Si firent grand'chere pour les deliurances, & conquestes par eux faites, puis apres qu'ils eurent estez logez, & qu'ils virent qu'ils estoient seigneurs paisible totalement de Babylonne, & du pays prochain, Ogier fist assembler les Princes Chrestiens. Gautier declara au Roy Moyfant tout le secret de son courage, & luy dist ainsi. Roy Moyfant mon très-redoubté seigneur, il est temps que ie vous die mon pensement, & tout ce qu'en vostre absence a esté fait. S'est qu'au departir de France, nous allames tout droit assieger Ierusalem. Quand le Roy Murgalant vostre parent eut plusieurs fois perdu grande multitude de ses gens, & qu'il ne pouuoit resister contre les efforts que luy faisions, nous fist mander ainsi come à fait le Soudan Noradin. Si aduint que le champion qui prenoit bataille contre moy, estoit le Duc Guyon de Dannemarche mon pere, dont ie ne sçauoye nouuelle : car le Roy Murgalant le prenoit pour luy & estoit son champion. Et pour abbreger me rendis à mon Pere lequel me mena comme prisonnier. deuant Ierusalem. Et à ce coup i'ay sonné hautement

mon cor, & si tost que les cheualiers Chrestiens l'entendirent ils vindrent hastiüement à moy. Et mon pere & moy à l'ayde des Chrestiens: nous fîmes efforts, que nous primes la cité de Ierusalem d'assaut, & mîmes à mort le Roy Murgalant & tous les habitans de ladite cité, excepté vostre belle fille Clarice, & tout son train. Et pour la tres-grand prudence & beauté que ie veis en elle, ie luy promis de la prendre en mariage: mais qu'elle se voulsist faire baptiser. Adonc quand elie eut entendu qui i'estoye, si respondit qu'elle en estoit contente. Si fîmes promesses l'un à l'autre en la presence de môseigneur mô pere Guyon Duc de Dannemarche, & du noble Roy Carahu, & en la presence de plusieurs Ducs & Princes Chrestiens qui cy sont presens, qu'à mon retour serions espousez, & que là seroit le mariage consommé. Et pource Roy Moysant dites s'il vous plaist vostre volonté. A tant respondit le Roy Moysant, & dist en riant, ha! Ogier mon compagnon, ces gens faisoient bonne chere, cependant que nous estions en tresgrand soucy: mais puis que les choses sont si auant il me plaist tres-bien qu'ils viennent à leur perfection: si seroit bõ ce me semble mander vostre pere Guyon, & ma fille Clarice pour venir par deçà: puis que nous sommes tous icy assemblez. Si dirent tous les Princes que c'estoit bien aduisé, si y fut hastiüement mandé un messagier. Mais cependant que le messagier fut party pour aller en Ierusalem si souuint à Gautier des Templiers qu'il auoit emprisonné, si le compta à son oncle Ogier. Adonc Ogier commanda les faire amener en Babylonne à fin que quand son frere Guyon le pere de Gautier seroit venu qu'il en voulsist faire iustice, parquoy hastiüement fut enuoyé un messagier qui les amena quand & soy, à belle compagnie. Et quand il fut arriué & que la dame Clarice sceut les nouuelles onque iamais si grand ioye ne luy passa parmy le cœur, si dist au Duc Guyon. Benist soit celuy qui nous a r'apporté si douce nouuelle: car iamais n'eust le cœur plus ioyeux. Or Sire, qu'è dites vous. Le dy dame que quand il vous viendra à gré nous partirons: car ie sçay bié que nous trouverons l'a vne notable assemblee. Adonc dist Clarice, s'il vous plaist nous nous mettrons en voye: car le retarder ne me vient à plaisir nullement. Lors departirent & sont arriuez en Babylonne. A laquelle venue ils ont fait vne tresgrande solennité. C'est à sçauoir Gautier à Clarice, Ogier à Guyon, & Clarice, là où fut fait grand feste. Lors quand ils furent espousez, Gautier fut par le Roy Moysant, & Carahu ensemble Ogier & tous les autres Princes & cheualiers Chrestiens couronné Roy de Babilonne. Si eut conquesté deux couronnes, c'est à sçauoir Ierusalem & Babilonne, lesquels estoient deux beaux royaumes. Et adonc le Roi Moysant print congé de toute la Baronnie, pensez que ce n'estoit pas sans grands regrets. Adonc les Templiers venus furent condamnez à estre trainez à la queue des cheuaux, & puis pendus est estranglez.

*Comment Ogier & le Roy Carahu departirent de Babilonne, enuidans retourner en Inde la Maiour: mais la tempeste les despartit.*

## CHAPITRE LVI.



A feste passé & les nopces estant faites, Carahu voulut retourner en Inde & y mener Ogier avec la dame Gloriande, & ce fut apres que le Roy Moysant fut allé en Mesque, dont menerent grand dueil Gautier, Clarice, & Florian: pareillement aucuns François prindrent congé, disans qu'ils s'en alloient en France, & si tost qu'ils furent en France, l'Empereur Charlemagne leur fist grand chere &, leur demanda des nouuelles de par de là. Si luy en conterent bien largement & luy dirent que le nepueu d'Ogier estoit Roy de Ierusalem, & de Babylonne, auoit espousé

esousé la plus sage & la plus belle dame qu'on sçeut delà la mer, & fille d'un des riches Rois qui fut en Sarrazinefme. Adonc Charlemaigne leur demanda du gouuernement d'Ogier le Dannois, & s'il ne retournoit point en France. Si luy respondirent que le Roy Carahen l'auoit ammené en Inde, pour voir son Royaume, ses terres & seigneuries: mais quand ils auront fait baptizer tous ses hommes & subjects ils retourneront ensemble, desquelles choses Charlemaigne fut moult ioyeux, pour ce que de son royaume estoient faillis de si vaillans gens.

Or laisseray à parler de Charlemaigne & des Princes de France, & reuiendray à Ogier lequel va avec Carahen en Inde, & ont accoutrez leurs nauires comme s'ils attendoyent leurs ennemis.

Alors estoient le Roy Carahen, & sa dame Gloriande en un bateau, à tout belle compagnie. Et Ogier semblablement auoit avec luy bien mille combatans. Et tout ainsi qu'ils furēt bien auant en mer se sourdit si grand vent & si tres-grande tempeste de temps qu'ils ne sçauoyent que faire, sinon eux recommander à Dieu. Et tellement que le mast de la nauire d'Ogier rompit, & furent les trefs abbatus, tant que force luy fut d'entrer en un petit bateau avec bien peu de gens, & le vent les singla si fort qu'il cuida mourir. Or se print fort Ogier à regretter le Roy Carahen & les Chrestiens. Et Carahen d'autre part à plaindre Ogier, car il ne sçauoit qu'il estoit deuenue, & disoit en ceste maniere, Helas ! Ogier mon singulier amy qu'estes vous deuenue. Or est-ce cecy la plus piteuse & la plus soudaine despartie, dont iouïs iamais parler, & ainsi se complaignoit Carahen. Taisez vous, mon amy, se dist Gloriande, il ne tardera pas de venir au plaisir de Dieu: car il ne peut estre loing. Haa ! dist Carahen dame vous n'entendez pas le perir de la mer, si prie Dieu qu'il les vueille conduire si seulement en tel lieu que le puisse reuoir. Or pour entendre le nom de Carahen, à son baptisme on le nomma Acaire, & aux autres ne fut oncques changé. Mais par reuelation diuine Ogier luy mist ce nom. Lors Carahen arriué en son pays fist baptiser tout son peuple. Et alors ainsi qu'on trouue en la cronique saint Thomas, qu'en celle terre estoit enterré, se leua de son tombeau, & se mist en chaire en vne assemblée qui la fut, & preschoit le saint Euāgile de nostre Seigneur Iesus-Christ. Dequoy le peuple qui le cogneut en fut grandement esbahy. Alors la roy de Mahon en deux ou trois royaumes feu du tout anichillé, & fort bien les instruit le Roy Carahen, par le moyen de saint Thomas, lequel s'esuanouit & ne sçeut-on qu'il deuint: mais apres le Roy Carahen le fist richement esleuer & mettre en vne chasle toute d'or en l'honneur de Dieu & de son saint nom.

Or laisseray à parler de Carahen & de ses faits, & retourneray à parler d'Ogier, lequel estoit en merueilleux perir de la mer, lequel moult plaingnoit d'auoir perdu son bon compaignon d'armes le Roy Carahen ensemble Gloriande, & disoit, Haa ! mon bon amy Carahen, celuy qu'après Dieu i'ayme le plus, comment à Dieu permis que ie t'aye perdu si tost & soudainement, au moins si ie t'eusse dit à Dieu & pareillement à ta femme, il ne m'en fist pas si tres-grand mal. Adonc le grand bateau où estoient bien sespt cens hommes rencontra vne grand'roche & vit deuant soy perir toutes ses gens, dont il fut tresdouloureux, & bien tost apres vne grande roche d'aimant sertit le fer du bateau, & le commença à tirer à soy. Alors il commença à cognoistre que tout alloit mal, & se recommanda à Dieu en disant. Mon Dieu mon pere, mon createur qui m'as formé & fait à ton image & semblance, ayes de moy pitié, & ne me laisse pas si tost mourir que ie n'aye mieux employé ma force pour l'augmentation de ta sainte foy catholique. Mais si ainsi est qu'il te plaise de me prendre, de ma part ie te recommande mon frere Guion, & tous mes parens & amis, & specialement mon bon nepueu Gautier lequel est tout deliberé de te seruir, & reduire la gent Payenne à ta sainte foy, & ie te le recommande de tout mon cœur. Si te supplie qu'il te plaise donner temps & espace que ie puisse auoir

vraye confession & repentance de mes pechez. A ces parolles les gens le reconfortoient au mieux qu'ils pouuoient. Si dist à ses gens qu'il estoit moult courroucé, puis qu'ainsi estoit, qu'il n'estoit allé avec les Princes de France pour s'en Aller en Angleterre voir sa femme, & que ce fut vne grande faute à luy, & disoit. Ha mon Dieu si ieusse sceu ceste perilleuse aduanture ie n'eusse pas du tout abandonné la beauté de ma dame Clarice la Roynne d'Angleterre, ains la fusse allé reuisciter, & feusse veu en passant mon bon amy le Roy Charlemaigne, ensemble tous les princes de par de là. Tant le bateau nagea sur mer qu'il arriua pres du Chasteau d'Aymant qu'on nomme le Chasteau d'Auallon, qui n'est gueres deçà paradis terrestre. Là où furent ravis en vne raye de feu, Helie, & Enoch, là où estoit Morgue la face qu'à sa naissâce luy auoit donné des grands dōs nobles & vertueux. Adonc les mariniers entendirent bien qu'ils approchoiēt de la roche d'Aymāt si dirent à Ogier. Mon trescher seigneur recōmandez vous à Dieu: car pour certain à ceste heure sommes nous arresteés, & à ces parolles le bateau pour moult grād effort se vint attacher à la roche, si comme s'il fut cimenté dessus. Or auoit il songé la nuit deuāt l'aduēture qui luy estoit aduenüe, mais il ne sçauoit bōnement que ce pouuoit estre, & les mariniers dirēt à Ogier. Seigneur nous sommes cy demeurez il n'y a remede. Et pource gardōs nos viures, car nous sommes icy pour le demeurant de vostre vie. Adonc dict Ogier, puis qu'ainsi est, ie veux mettre police en nostre cas: car ie veux donner à chacun sa part, autant au moins comme au grand. Et en retint Ogier le Dannois pour deux: certe c'est l'ordonnance de la mer, & quand l'ordonnance de la mer ne seroit telle, si luy en appartenoit-il bien autant manger comme à eux sans leur faire nul tort. Car pour bien se refectonner il en eust bien autant mangé comme six pour la grandeur de son corps. Et quand il eut liuré la part à vn chacun, il dict. Seigneurs ie vous diray, espargnez vos viures comme vous voudrez. Mais ainsi comme les viures vous faudent, soyez assurez que ceux à qui les viures faudront que moy mesme les ietteray en la mer. Si luy respondit le marinier. Monseigneur vous eschapperez aussi à peine cōme nous. Lors les viures faillirent à tous, les vns apres les autres, & Ogier les ietta en la mer & ny demeura que luy. Adonc se trouua si esbays qu'il ne sçauoit que faire. Helas! dit-il mon pere mon Createur, las mas tu oublies à ceste heure icy, or n'ay plus à qui me conforter de ma douloureuse infortune. Et ainsi qu'il estoit en fantasie, il luy vint vne voix qui luy dist tout hant. Dieu te mādē que si tost qu'il sera nuit, que tu t'en ailles en vn chasteau tant que tu sois en vne isle que tu trouueras & quand tu seras en l'isle tu trouueras vne petite decēte, & de chose que tu voye leans ne t'esbahis de rien. Et adonc Ogier regarda: mais il ne vit point celuy qui parloit à luy.

Or est Ogier attendant la nuit pour sçauoir la verité de ce que la voix luy auoit anoncé, & defait estoit moult esbahy, & ne sçauoit pas qu'il deuoit faire, sinon se mettre à l'aduātture. Et quand la nuit fut venue il se recommanda à Dieu, luy priant qu'il eust mercy de luy. Et tantost aduifa le chasteau d'Auallon qui reluisoit à merueilles, & plusieurs nuits l'auoit veu: mais de iour ne le pouuoit voir. Toutesfois si tost qu'il l'aduifa il se mist sus pour aller audit chasteau. Si print hardiessē & courage & aduifa tant de grandes nauires qu'estoyent attachés à celle roche d'Aymant. Si passa de nauires tant qu'il gaigna ladite isle. Et tantost faillit par vne descente qu'il trouua, & quand il fut à la porte & qu'il cuida entrer trouua deux grands lyons qui l'arrestērent & le ietterent par terre: mais il se leua soudainement, & print son espee courtain, & en coupa vn tout à trauers, & l'autre le vint empoigner par le collet, & Ogier se retourna & luy coupa la teste. Ainsi furent les deux lyons mis à mort par Ogier. Quand Ogier eut ce fait il rendit graces à nostre Seigneur. Puis entra dedans & trouua vne grande salle où il y auoit à boire & à manger, & estoit la table mise comme s'il y deuoient disner aucuns Princes ou grands Seigneurs. Or estoit moult esmerueillē de ce qu'il ne trouua leans personne du monde, sinon vn cheual qu'estoit

qu'estoit assis à table, & faisoit contenance comme vne personne. Si ne sçauoit Ogier qu'il deuoit faire : car il n'y auoit homme ny femme à qui le peut conseiller, & ainsi comme il estoit par la salle tout pensif, neantmoins il voulut lauer ses mains : mais incontinent que le cheual vit qu'il vouloit lauer ses mains, il se leua & quand il fut leué, il s'agenouilla deuant Ogier & luy donna de l'eau. Puis il s'e retourna en son siege, & hānissoit, & faisoit à Ogier signe du pied qu'il se mist à table, nonobstant Ogier n'entēdoit pas les signes que faisoit ledit cheual : mais dist à soy-mesme, quoy qu'il en aduēne ie soupperay ceans. Alors dist Ogier en ceste maniere cheual ie ne sçay qui tu es : mais quelque chose que tu sçaches faire si ne me garderas tu pas que ie ne soupe tout à mon ayse. Et quand il fut assis à table le cheual se leua & s'agenouilla deuant luy. Et quand il voulut boire il alla querir vn riche pot tout de fin or, & donna à Ogier de meilleur vin que iamais il auoit beu, si soup. pa à son ayse. Et quand il eust bien souppé il fut plus esbahy que pat deuant, & ainsi qu'il faillit de table il dist à soy-mesme. Mere de Dieu que deuiēdray-ie moy triste & dolent, & où est celuy que ie pourray trouuer pour me conseiller, si cognois biē que ce n'est rien d'un homme seul, & en disant ces parolles il ouurit vne fenestre de la salle pour voir s'il verroit maison n'autre lieu prochain où on peut estre recueilly : car leans ny auoit ne liēt ne couche, si aduīsa que tout autour la mer estoit, & n'y auoit autre lieu fors cestuy-là, si fut plus esbahy que parauant, si tourna deçà & de là pour voir qu'il pourroit faire. Mais il ne trouua remede que de coucher & passer la nuit en la salle, & qui luy faisoit pis, pource qu'il n'auoit point de compagnie pour son giste. Et quand il eust tourné & viré asses, le cheual qui nōmé estoit Papillon, réuint deuers luy hānissant & s'agenouillant deuant luy, & par plusieurs fois se coucha deuant luy. Et quand Ogier le Dannois, entendit qu'il vouloit qu'il montast dessus luy, il en fut en propos, & songea & pensa bien long temps s'il entreprendroit la hardiesse ou nō : mais il considéra qu'il l'auoit familièrement seruy à son soupper, si se pensa qu'il ne feroit nul mal. Adōc Ogier fist le signe de la croix, & monta dessus. Et quand il fut dessus le cheual regimboit & sailloit de grand ioye qu'il auoit, si faillit de la salle & le mena en vne chābre si tres-richemēt parée & aornée qu'ōques n'auoit veu la pareille, & le liēt si bien accoustré que c'estoit vne grand merueille : car le chalit estoit de fin yuoire fait en imagerie qui estoit ohoise moult plaissante à voir. La couuerture de dessus estoit d'un beau drap d'or fourree de belles martres, & l'ouurage de ladicte couuerture fait de soye, la plus mignōne chose qui fut iamais regardée d'œil. Et sur les quatre pommeaux d'icel chalit estoient quatre cierges ardants toute la nuit. Là coucha Ogier toute la nuit : mais ce ne fut pas sans penser au cheual papillon, lequel estoit vn luiton, & aussi auoit esté vn grand Prince, mais le Roy Artus le conquist, il fut condamné à estre trois cens ans sans parler vn seul mot : mais apres les trois cens ans, il deuoit auoir la couronne de ioye, de laquelle ils vsoyent en fayerie.

Si estoit Ogier couché au liēt precieux à son ayse : mais il ne luy estoit point possible de reposer seurement : car il ne sçauoit où il estoit, ne qu'il deuoit deuenir. Si pensoit si profondement que le sommeil l'acueillit & reposa tout à son ayse. Et au matin quand le soleil fut leué il se leua, & quand il fut leué il cuida trouuer le cheual papillon : mais ne trouua homme ny femme qui luy sçeust montrer la porte par où il deuoit faillir. Si aduīsa vne porte & en faisant le signe de la croix, voulut passer là : mais ainsi qu'il voulut faillir il rencontra vn serpent si terrible & si hydeux que c'estoit chose estrange à regarder, si fust failly sur Ogier se n'eust esté qu'il tira son espée soudainement ce qui le fist reculler en arriere plus de dix pieds. Si retourna derechef : car il estoit grand gros & tres-puissant, si bien qu'ils se combattirent ensemble fort longuement. Et quand Ogier vit qu'il le poursuiuoit tant, il luy donna si grand reuers de son espée qu'il le mist en deux piēces, si suiuit vne petite descēte qui le mena à vn iardin si tres beau que s'estoit vn.

petit Paradis à voir, & leans auoit de beaux arbres portât fruits de toutes sortes & de saveurs tous differens & de senteurs, tous si biens odorans qu'onques baume n'eust meilleur odeur qu'ils auoyent largement. Ogier voyant lesdicts fruits si bien assaisonnez regarda l'arbre, & voulut manger du fruit. Et quand il eust esté vn peu la dedés il choisit vn pommier dont les pommes estoient comme d'or: si en print vne & la mangea, & si tost qu'il l'eut mangé il deuint fort malade, & abbattu, si qu'il n'auoit plus puissance ny vertu. Lors quand il fut ainsi malade, il ne sceut autre chose que faire sinon rendre graces à Dieu, & se mettre en bonne disposition & en bon estat: & auoir repentance & bonne contrition de ses pechez, regrettant le bon pays de France, & principalement la Roynie d'Angleterre sa bonne espouse, laquelle il auoit laissée pour complaire à nostre Seigneur Jesus-Christ, & pour exaucer sa sainte foy. Semblablement regrettoit son noble frere Guyon & son nepueur Gautier qu'il auoit laissé Roy de Ierusalem & de Babilonne, & la dame Clarice fille du Roy Moysant femme de son nepueur Gautier. Et aussi son frere d'armes le noble Roy Caraheu qu'il auoit nommé en le baptisant Acaire, & la dame Glorinde sa femme & bonne amie, & aussi le Roy Moysant qui auoit esté avec luy en prison en la tour Babel, & aussi le Roy Florion son fils, qui tous deux estoient bons Chrestiens: mais encores estoit plus dolent de ce qu'il n'auoit nul personne qui luy donast reconfort d'aucune consolation, si cuidoit là demeurer seul & mourir en celle place: mais à celle heure en se retournant aduisa vne moult belle dame vestue de blanc, si bien & si richement ornee que c'estoit vn triomphe que de la voir.

Quand Ogier l'eut beaucoup aduisee sans foy bouger de la place, il cuidoit en effect que ce fust la vierge Marie, dont il fut tres-grandement consolé de la regarder, si dit hautement. Aue Maria, & la salua tres-humblement. Et elle luy dist, Ogier le Dannois ne cuidez pas que ie soy telle que vous pensez: mais ie suis celle qui fus à vostre naissance, nommee Morgue la Fée, & vous destinay vn don lequel exaucera vostre renommée par toutes terres perdurablement. Et vous ay longuement laissé faire vos vaillâces en guerre & prendre vos soulas avec les dames. Or puis que ie vous tiens pardeça ie vous meneray à Auallon, là où vous verrez la plus belle noblesse du monde, & là vous esbattrez à faire passer le temps aux dames. Et moy premiere deuât vostre baptême ie vous baifay en la bouche, en vous tenant pour mon loyal amoureux, combien que depuis ne vous fois point souuenu de moy, dont ie ne me suis point trop esbahie: Si veux puis que ie vous tiens pres de moy, vous mener & entretenir pres les dames. Ha! si dist Ogier, se n'est pas viande qu'il faille à vn malade, entretenir les dames i'ay bien besoing d'autre reconfort. Et ne vous chaille se dit Morgue vous passerez vostre mal, si malade que vous estes à voir la noblesse que ie vous monstrey. Las dame ayez pitié de moy: car ie vous promets en bonne foy que ie ne suis pas à mon aise. Je vous y mettray dit Morgue, lors s'approcha d'Ogier & luy donna vn anneau qu'auoit telle vertu qu'Ogier qui estoit enuiron de l'age de cent ans retourna à l'age de trente. Si luy dist. Madame treshonorable princesse, or suis ie plus tenu à vous qu'à personne du monde, que beniste soit l'heure que vous fustes née: car sans l'auoir merité ne desseruy vous m'avez donné des thresors innombrables, & specialement cestuy. Ha! dame! que ne suis ie present deuent Charlemagne afin qu'il vit l'estat enquoy ie suis pour le present: car ie me cognois en plus grand force que ie ne fus iamais. Las mignonne comme vous pourray ie rendre l'honneur & le bien & le seruice que m'avez fait: mais ie vous promets que ie suis à vous tous les iours de ma vie: car ne vous scautoye desseruir le don que vous m'avez fait. Adonc Morgue le print par la main & luy dit. Mon tresloyal amy & le refuge de tous mes plaisirs, ie vous veux mener en mon palais dedans Auallon, & là vous trouuerez la plus grand noblesse que vous vistés onques, & trouuerez des plus triomphantes dames qu'on scauroit trouuer en toutes les



res les parties du monde. Adonc le mena par la main au chasteau d'Aualon, là où estoit le Roy Artus & le Roy Huberon & Malambon, vn Luyton de mer.

Quand Morgue approcha du chasteau, les Feés vindrent au deuant d'Ogier chantant le plus melodieusement qu'on scauroit iamais ouyr, puis entra dedans la salle pour soy deduire totalemēt. Adōc vit plusieurs dames Feés & ornées & toutes couronnées somptueusement & tout le long du iour chantoient, dansoient & deuisoient & menoyent ioyeuse vie sans penser à quelque chose fors prendre leurs mondains plaisirs. Et ainsi qu'Ogier, deuisoit avec ses dames tantost arriva le Roy Artus auquel Morgue la Fée dit. Approchez vous monseigneur mon frere, & venez saluer la fleur de toute cheualerie, l'honneur de toute la noblesse de France. Celuy où bonté, loiauté, & toute vertu est enlose, s'est Ogier de Dannemarche, mon loyal amy, & mon seul plaisir auquel gist toute l'esperance de ma liesse. Adonc le Roy vint embrasser Ogier tres-amyablement, en disant Ogier tres-noble cheualier vous soyez le tres-bien venu, & regracie tres-grandement nostre Seigneur de ce qu'il m'a enuoyé vn si notable cheualier. Si le fit soit incontinent au siege de Machapar, en grand honneur, dont il remercia le Roy Artus tres-grandement, puis Morgue la Fée luy mist vne couronne dessus son chef moult riche & precieuse, si que nul viuant ne la scauroit priser nullement. Et avec ce qu'elle estoit riche, elle avoit en e'le vne vertu merueilleuse: car tout homme qui la portoit sur son chef oubloit tout dueil, melancolie & tristesse, ne iamais ne luy souuenoit du pays ne de parens qu'il eust: car tant qu'elle fut sur son chef n'eut pensément quelconque ne de la dame Clarice ne de Guyon son frere, ne de son nepueur Gautier, ne de creature qui fut en vie: car tout fut mis lors en oubly. Il faut bien dire que ce fut chose merueilleuse: car iamais homme n'auoit veu la pareille tant de richesse que de vertu, donc il se trouua grandement esbahy & ioyeux, si qu'un an ne luy duroit pas vn mois. Adonc luy dit le Roy Artus. Orça Ogier que vous semble de nostre logis. Vous n'estes pas si bien receu que chez le Roy Charlemagne que vous prisez tant, ne que chez vous: mais vous prendrez en gré s'il est de vostre plaisir. Haa Sire, dit Ogier le Dannois, puis qu'il a pleu à madame vostre sœur de me donner si bon recueil, ie ne voudrois pas mieux souhaitter, sinon d'estre en Paradis: car la mercy d'elle elle m'a fait tant de biens que iamais ne les luy scaurois rendre. Mais touchant mon corps, Sire Roy, il est à vostre commandement & ie feray tout ce qu'il vous plaira commander. Lors le Roy Artus l'en remercia. Or estoit ledit Roy Artus en grand debat avec le Roy des Luytons, & le vouloit ietter le Roy Capalus Roy desdits Luytons hors du chasteau de faerie, si vindrent plusieurs assaillir ledit chasteau, & tant asprement qu'ils gaignerent la basse court. Adonc se prindrent à crier, où es tu Roy Artus? ie te desfie corps à corps. Quand Ogier l'ouit si fut tout eschauffé, & demanda que se pouuoit estre qui parloit de si estrange façon: car il n'a pas parole d'homme, dit Ogier. Le Roy Artus luy dit tout plainement. Ogier mon amy ie vous conteray toute la verité. le vous dy que le Roy des Luytons a enuie sur moy & trouueroit volontiers la maniere de me ietter de ce chasteau, qui est tant noble, plaisant & gracieux, comme vous pouuez cognoistre: car ie scay bien qu'en l'vniuersel monde on faudroit bien à trouuer le pareil: car si le plus grand Roy du monde demouroit ceans il auroit bien à se contenter. Vrayement Sire, vous dites verité dit Ogier. Et pour ceste cause le Roy Capalus & lesdits Luytons que vous ay dit, comme enuieux de ma prosperité se sont plusieurs fois efforcez & s'efforcent encores de iour en iour pour prendre ledit chasteau d'assaut & m'en ietter dehors. Parquoy vous les voyez maintenant ainsi m'assaillir, ont ia gagné la basse court. Et sent enuieux tortre moy & ma sœur. Car s'il nous pouuoient conquerir leur punition se soit absolue. Mais incontinent que leur faisons quelque aduantage, ils ne tacheient qu'à nous desfaite: car ils deuiennent si fiers.

que c'est merueilles, & vous promets que puis vn peu de temps ença l'vn d'eux m'a donné tant d'affaire que c'estoit merueilleuse chose : mais la peine qu'il me donna, ie luy ay chere vendue : car pour la peine il sera trois cens ans cheual, sans parler vn seul mot. Et apres les trois cens ans on luy baillera la couronne telle comment vous l'avez eue, si fut Ogier moult esbahy, & dit à soy mesme. Hee glorieuse mere de Dieu ou suis-je arriué, ie ne cognois rien en cecy comme ce peut faire, si demanda adonc au Roy Artus, où estoit le cheual qui denoit estre tant de temps sans muer sa semblance. Le Roy Artus dit qu'il estoit au Chasteau d'Aymant, & tousiours y seiourne là, ne iamais il ne partira si ie ne le souhaite, & à manger à son plaisir, & à boire aussi, vous le pouuez bien auoir veu : car vous auez passé par dedans. Or le Roy Artus se print à souhaitter Papillon lequel vint incontinent & pour l'amour d'Ogier fist tres-belle entrée. Adonc Ogier requist humblement au Roy Artus, qu'il luy donnast licence de se combattre à Capalus, laquelle chose le Roy luy octroya. Adonc Ogier se fist armer honnorablement de ses armes, puis coignit Courtain son espee, & se recommanda à nostre Seigneur Iesus-Christ. Puis faillit dehors, où il trouua Capalus, qui s'apparut à luy en signe d'un grand cheualier. Lors Capalus demanda à Ogier d'où il estoit & son nom. Lors luy dit Ogier, ie suis des parties de France, & de la lignee des Ducs de Dannemarche.

Après toutes ces parolles Ogier luy dist. Rens toy cheualier au Roy Artus, ou de ta vie n'est plus rien, à ceste fois ne peux eschapper. Adonc luy dit Capalus. Ie ne me rendray point au Roy Artus : mais ie me rendray à toy : car à meilleur compaignon que toy ie ne scauroye trouuer en ce monde. Adonc Capalus bailla son espee à Ogier, lequel la print tres-volontiers. Si le print Ogier par la main, & le mena en la grande salle du chasteau deuant le Roy Artus, & le liura à sa dame Morgue la Fée, la sœur dudit Roy Artus & à toutes les dames : dont ledit Roy, & Morgue & toutes les autres dames en remercièrent grandement Ogier : mais premier il requist au Roy Artus que Capalus ne muast iamais face de cheualier. Et à cela s'accorda le Roy Artus, & tantost le fist baptiser, & fut conuertý à nostre Seigneur Iesus-Christ, dont leans fut demené si tres-grand ioye que merueilles, & luy posèrent sur le chef vne pareille couronne que celle d'Ogier, & s'en trayment si loyaument Ogier & luy que ce fut merueille. Si furent leans non pensans à chose du monde fors d'esconter les sons des instrumens, sonnans si doucement qu'il n'estoit si dur cœur qui n'oubliaist tout dueil, tristesse, & melancolie, car c'estoit un lieu si delectable qu'il n'estoit possible à homme de souhaitter chose qu'il ne trouuast. Et pensez que Ogier fut si esbahy, qu'il ne scauoit qu'il deuoit faire ne dire, sinon qu'il cuydoit mieux estre en Paradis qu'en nulle autre region. Si laisseray icy à parler du chasteau d'Auallon, du Roy Artus, & de Morgue la Fée sa sœur, & retourneray à parler du Roy Gautier le Dannois nepueu d'Ogier, dont Ogier n'auoit plus de souuenance, lequel fut fort molesté par le Soudan Noradin, & Branquemont frere dudit Soudan, & aussi des freres de Bruchier.

*Comment durant le temps qu'Ogier le Dannois fut en Faerie, la cité de Ierusalem fut prinse par les Payens, & Babillonne aussi semblablement. Et comment Gautier le Dannois ensemble sa dame Clarice & ses deux beaux enfans, se sauuerent dans un bateau, & s'en allerent en France.*

## CHAPITRE LVIII.



**L**E temps pendant qu'Ogier estoit en Faerie les Payens s'assemblerent deuant la cité de Ierusalem, & la prindrent d'assaut : car leans n'auoit guerres de Chrestiens, & quand ils l'eurent ainsi prinse se penserent bien, puis qu'ils auoyent Ierusalem, qu'ils auroyent bin aisement Babilonne, dont le Soudan auoit esté ietté miserablement, toutesfois ledit Soudan Noradin accompaigné de l'Admiral Gaudice, & de son frere Branquemont ensemble les freres de Bruhier, qui tant nagerent sur mer, qu'ils vindrent pour prendre terre deuant Babilonne. Et quand ils furent prests de descendre le Roy Florian, & le Roy Carahen, arriuerent dedans Babilonne pour secourir le bon Gautier. Et quand les Payens furent arriuez deuant Babilonne. Gautier se print à festoyer les nobles Roys ses bons parens & amis, lesquels sans mander l'estoyent venu secourir. Alors firent vne grande feste, & menerent grand' ließe, & souuent regrettoient le bon Ogier, & disoit le Roy Carahen. Helas ! Gautier mon amy, or ay-ie perdu le meilleur & le plus vaillant amy que i'eusse en ce monde vostre oncle, qui tant auoit de la vaillance & de prouesse, & comment se dist Gautier l'avez ainsi perdu. Par ma foy se dist Carahen ie vous diray comment : car ainsi que nous fusmes sur mer il s'esleua vn si impetueux vent que c'estoit merueilles, tellement que le mast de leur navire, trefs, & tout röpirent & à celle heure le vent nous jetta si loing l'un de l'autre, qu'onques puis ie ne le vis, dont ie suis en si grande destresse que ie ne çay que deuenir : car s'il fust icy nous n'eussions pas laissé descendre nos ennemis en ce point qu'ils sont descendus. Or ça se dist Gautier puis qu'ainsi est, Dieu par sa sainte misericorde, & grace le vueille auoir en sa garde, si peut-on bien dire en France que parauanture ne sera iamais veu le pareil : car il estoit si vertueux qu'il venoit tousiours à ch'f de ses entreprises. Mais quand ils eurent assez parlé d'Ogier, ils dirent tous ensemble que c'estoit parauenture le vouloir de Dieu qu'ainsi fust : car ils cognoisse soyent bien qu'il estoit amy de Dieu. Si laisserent le parlement, & firent bonne cher-

car depuis le departement d'Ogier ne s'estoyent veuz. Alors commencerent à parler de celle guerre & comme Ierusalem auoit esté prins. Or auisons se dit le noble Roy Carahu comme nous deuons gouverner encontre ces maudites gens, il nous faut trouuer façon d'entreprendre quelque chose pour leur monstrier que nous sçauons faire, & quelle force, puissance & bon vouloir nous auons dedans Babylonne. A ces parolles dist le Roy Moyfant. Seigneurs qui me voudra croire, nous laisserons vn peu assaillir: car ils ne nous pourront pas greuer de long temps: car vous sçauiez bien que vostre cité & bien forte. Puis nous sommes tresbelle compagnie pour nous deffendre, si n'auons nuls estrangiers: mais nous cognoissons tous les vns les autres, puis sommes tous parens & bons amis, parquoy nulle trahison ne pourra estre faicte n'entreprinse. Si est mon opinion telle, que les laissons faire, & puis ce fait nous conseillier, à laquelle parole s'arrestent: mais c'estoit toute la volonté de Gautier: car il auoit le courage si ardent qu'il fut sailly dessus: mais pourée que le Roy Moyfant estoit sage & ancié, & que Gautier auoit espousé la fille Clarice, il n'osa dire mort: mais le laissa faire pour celle heure, & fist bien: car la fortune ne se trouua au dernier mauuaise pour luy. Si passerent celle iournee à faire bonne chere pour l'aduenement des Roys qu'estoyent venus.

Lors les Payens qui dehors estoient ne s'efforçoient nullement de donner assaut: car ils cognoissoient bien qu'ils n'y perdroyent que leurs peines: car le Souda Noradin sçauoit bien que c'estoit de Babylonne: car long temps l'auoit deffendue, & quand ils eurent longuement esté deuant, Gautier le Dannois disoit tousiours au Roy Moyfant, Sire vous cognoissez, ou pouuez cognoistre moult clerement que ces gens ne sont pas pour nous. Car si ils estoient assez forts ils nous eussent viuement assaillis & pource qui me voudra croire nous faudrons sur eux & prestement: car si nous les laissons ainsi tousiours se fortifieront, tellement qu'ils nous pourront grandement endommager, adonc penserent sur celle parole, & tout le iour le Roy Moyfant ne faisoit que pèser. Si dit ledit Moyfant que de trop se hastier vient aucunefois grand dommage, ie vous prie allons bellemēt en besongne, combien que la longueur du tēps nous sera tres-dommageable. Adonc dit le Roy Carahu. Messieurs tout ainsi qu'il vous plaira soit fait: mais si nous faisons quelque faillie, la cité ne nous pourra faillir, mais nous pourrons retirer tousiours dedans: parquoy fut conclud celui iour que le lendemain de grand matin faudroyēt sur leurs ennemis, si n'oyent toute la nuit comme il feroient leur faillie. Car l'vn pensoit qu'ils feroient trois batailles, & ainsi qu'il aduiendroit à la premiere bataille, ils faudroyēt du tout, ou se retireroient dedans la cité. Or le lendemain au matin incōtinent que le soleil fut leué, à dist Gautier au Roy Moyfant. Sire le iour & beau & clair la mercy de nostre Seigneur, si me semble qu'il seroit bon de faire vne faillie sur noz ennemis. Soit fait tout ainsi qu'il vous plaira, dist le Roy Moyfant: mais faites premier assembler toute la seigneurie. Alors se partit Gautier pour faire assembler tous les seigneurs, & si tost qu'ils furent assemblez, Gautier dist au Roy Moyfant. Sire voicy toute la noblesse Chrestienne assemblee, dites ce qu'il vous plaira. Or ça messieurs dist Moyfant, vous cognoissez comme nos ennemis sont descendus deuant la cité pour nous liurer l'assaut. Et combien qu'ils ne facēt nul semblant de nous assaillir, si cognois ie qu'ils sont assez pour ce faire: car ils ne sōt pas si fots d'estre descendus qu'il ne se sentent forts & deliberez pour nous desconfire s'ils peuuent: neantmoins que nous sommes grande puissance: si eusse volontiers veu faire vn effort auant que de les assaillir, or toutesfois puis qu'ainsi va voicy Gautier nostre bon amy qu'à grand volonté que faisons vne faillie sur eux, pource si vous estes contents dites en vostre volonté: car à vostre dit ie m'accorde, & consens. Adonc dist le Roy Carahu. Puis qu'il plaist à Gautier & que c'est son vouloir aussi c'est le nostre: car celuy qu'est Sire de Babylonne, c'est bien raison que sa voix soit accordée par dessus toutes voix.

Si plai

Si faisoit à nostre Seigneur Iesus-Christ que nous puissions saillir de telle heure qu'eussions la victoire, & que gagnissions ceste iournée, toute la noblesse Payenne y est, pour ceste fois la guerre seroit finée. En l'honneur de la sainte passion de nostre Seigneur Iesus Christ, que chacun si employe au mieux qu'il pourra. Si fist on sonner trompettes, & eleons parmy Babylonne, pour faire armer chacun. Apres que chacun fut bien armé si ordonnerent les batailles dedans Babylonne pour voir comme l'armée se porteroit. Si se mirent en ordonnance si tres honorablement que c'estoit vne plaissance de les voir. Et quand les batailles furent ordonnés firent ouvrir les portes & incontinent saillirent bien asprement en menant vne grand' huée & criant viue Babilonne, auquel cy se mirent les Payens en bataille, & soudainement furent prests de recevoir les Chrestiens. Lors les batailles se rencontrerent, à laquelle rencontre furent occis grand nombre de Payens: car Gautier fist si grand portement qu'il occist le Soudan Moradin en la bataille, & son frere Branquemond, & les eussent desconfits les Chrestiens si n'eust esté l'Admiral Gaudice, qui si vaillamment se porta, qu'en la fin du cruel assaut le Roy Carahu, le Roy Morfant & son fils Florion tous trois avec leurs gens y demurerent par les gens dudit Gaudice.

Si fut force au vaillant Gautier de soy retirer dedans Babilonne, là où il fist tant qu'il mist la dame Clarice sa femme & ses deux enfans en vne nauires, & monterent sur la mer pour eux en aller deuers l'Empereur Charlemagne à grand regret. Et l'Admiral Gaudice entra dedans la cité de Babylonne, luy & ses gens & en fut seigneur, puis apres il conquist le Royaume d'Acro. Et quand il out conquis il s'en alla en Inde la Majour où il conquist le royaume ensemble tous les Payens que les Chrestiens auoyent cōquis tant qu'il fut seigneur de tous les pays de par dela. Or auoit ce Gaudice vne tresbelle fille nommée Esclarmonde qu'apres peu de temps Huon de Bourdeaux cōquist & tua son pere dedans la salle: & de c. cy ne traicteray plus auant, car il est contenu en vn autre roman. Or retourneray à Gautier le Dannois qui tant estoit noble & plein de grand' vaillance, lequel disoit en ceste maniere. Las mon oncle Ogier trop tost m'estes failly: car si vous eussiez esté aupres de moy, ces maudits Payens ne me fussent pas venus assillir comme ils ont, si prie à Dieu qu'il nous en doint bonnes nouuelles: car ie sçay bien que quand mon oncle Ogier sçaura la mort du bon Roy Carahu qu'il en fera moult desplaisant: car c'estoit l'homme du monde qu'il aymoient le mieux.

Puis nagerent tant par mer qu'ils paruindrent en France, & trouverent le Roy Charlemagne à Paris, & Gautier le vint saluer treshumblement & sa dame Clarice, lesquels le Roy Charlemagne reçeut tref-volontiers. Si leur demanda des nouuelles d'outre mer. Adonc Gautier luy compra tout au long le cas, & ses fortunes racomptées dist à Charlemagne. Pourtant vous prie mon naturel Seigneur qu'ayez regard à ma desfortune. Lors le Roy Charlemagne fut tres courroucé pour trois causes. La premiere estoit pource qu'il auoit perdu Ogier le plus vaillant de toute Chrestienté. La seconde de Carahu qu'est mort. La tierce pour la perte du vaillant Gautier, & aussi que les maudits Payens s'estoient si fort enforcis. Et quand il eut entendu les plainctes de Gautier si luy dit, mon bon amy Gautier ce me payse de vostre desfortune: mais la grace à Dieu vous auez encor des terres & seigneuries pour viure honorablement: car si ie sçauoye que vous en eussiez de faute ie vous en donnerois: mais de ceste heure ie vous remets vos fiefs, terres & seigneuries en vos mains & ne vous souciez: car iamais ne vous faudray: dont Gautier le remercia grandement, & la dame Clarice semblablement, & à tant se despartit Gautier de deuant Charlemagne pour s'en aller en la Duché de Dannemarche, où là trouua son pere qu'estoit ja fort ancien qui le recueillit moult honorablement lui & sa femme Clarice & ces deux beaux enfans, & regnerent tous en grand triomphe, honneur & prosperité toute leur vie. Or deuez sçauoir que le pere de Gautier fut moult esbahy

quand il vit son fils, sa femme & ses deux enfans, qui ja estoient forts & puissans, & fut tresioyeux de leur venuë : en tant qu'ils auoyent sauuez leurs corps: mais il fut courroucé de leur des fortune.

Or l'aïsseray à parler de Gautier & de sa desfortune, & retourneray à Ogier le Danois, qu'estoit en saerie.

Durant ces choses Ogier estoit au chasteau d'Auallon où il auoit oublié tous ses parens & amis, au bout de long temps Morgue la fée & luy engendrerent vn enfant qui eust nom Murmurin, lequel fut vaillant homme, & fut du temps de Hugue Cappel, Roy de France. Morgue la fée, voyant que ia assez long temps l'auoit leans tenu, & qu'il estoit bien licite d'aller en France, si luy osta la couronne. Adonc luy souuint de Charlemagne & de ses amis, si ne cessa iusques à ce qu'il eut congé de Morgue & du Roy Artus. Et quand Morgue entendit Ogier, elle se print tresfort à rire, & luy dist, Ogier que me demandez-vous ? Las dame ie vous voudrois bien prier au nom de Iesus Christ qu'il vous pleust me donner congé & licence que ie puisse en brief tourner en France, pour voir le Roy Charlemagne & tous les Princes de France, ensemble Clarice ma femme Royne d'Angleterre, & tous nos amis & parens. Or ça Ogier dist Morgue, que voulez vous aller faire en France, vous pouuez cognoistre qu'il n'y a nul à present de vostre cognoissance. Combien pensez-vous qu'il y a d'ans que vous estes deçà. Se dist Ogier il y a vingt ans. Adonc dist Morgue. Mon amy vous vous abusez : car il y a plus de deux cens ans, que de la lignee de Charlemagne n'y a pas vn, ny de vostre cognoissance aussi. Las! dame si vn autre me le disoit à peine le croirois-je : car de ouyr cecy iamais ie ne fus plus esbahy. Ogier ie vous dis verité, n'y de la lignee de vostre femme n'y plus, parquoy iane vous conuient aller en France pour vos parens. Or me dites dame s'il vous plaist qu'on fait en France pour le present. Par ma foy dist-elle, il n'y fait pas bon : car les Payens ont tout gasté Rome, & l'ont toute exillée, & ont fait mourir le Pape à grand tourment, puis ont gasté toute Lombardie, & vne grande partie de la France, & ont tellement besongné qu'ils ont assiégé le Roy de France deuant Chartres, & s'ils ont vne fois gaigné ceste ville, toute la France est perduë: car toute la force & puissance du Roy y est. Pour tant si ie vous coniediois & vous donnois licence d'aller voir vos amis, ie ferois grande folie. Car ie vous iure qu'il ya cinquante ans & plus que de vostre lignée n'en est plus memoire, ny du Roy Charlemagne, ny d'aucun qui fust de ce temps en France. Mais s'il estoit ainsi que pour la foy de Iesus Christ, il vous print volonté d'y aller, certainement ie le voudrois bien: car autresfois ie leur ay mené bonne guerre, & feray encore si Dieu me donne tant à viure: car ie les hahys mortellement. Et à ces parolles luy dist Morgue la Fée, puis que vous auez si bon vouloir ie vous feray du bien: car ie vous donneray ce tison icy sans allumer, & tandis que le porterez sans allumer vous viurez toujours en bonne santé, si vous le mettez au feu, aussi tost qu'il deffinira vous deffinierez, & ie vous donne vn secret que iamais personne ne sçaura si ce n'est de par vous, ne le declarez nullement à personne si ferez comme sage. Si autrement le faites, vous abbregerrez acoup vostre vie. Alors Ogier la remercia grandement, & luy supplia de rechet de luy presser le bon cheual Papillon, & elle le luy accorda. Si demanda Ogier son haubert, son espée courtain & tout son fait, qui luy fut baillé. Puis Morgue luy dist, Ogier mon ami, voicy Benoist vostre compagnon qui vous fera compagnie : car vn homme seul n'est rien : lors respondit Benoist, madame volontiers ie l'accompagneray : car ie le cognois si vaillant & si noble que iamais ne l'abandonnerois pour mourir, dont Ogier le remercia grandement de son noble vouloit. Lors se fist tres-bien armer par son compagnon Benoist. Et quand tous deux furent arméz. Morgue embrassa Ogier, & le bailla tellement qu'elle ne le pouuoit laisser, puis vint le cheual Papillon si bien enharnaché

aché qu'il ne lui failloit rien, si lui dist. Papillon, tu sçais que tu as esté conqueſté de mon frere Roy Artus, tandis que tu estois Luyton, & iusques à deux cens ans tu dois estre cheual & le seruir: toutesfois ce qu'il luy plaira & qu'il te souhaittera. Si souhaitte que tu serue le plus vaillant de toute Chrestienté, & que tu luy faces ne plus ne moins que tu ferois au Roy Artus, & mieux si tu peux: car ton terme acheué, tu auras la couronne ainſi qu'elle t'a esté ordonné.

*Comment Ogier partis de Faerie avec son compaignon Benoist, & comment ils arriuerent pres de Montpellier, puis s'en alla à Meaux, & de Meaux à Paris, de puis à Chartres où il dechassa les Payens, & des merueilles que Papillon son cheual faisoit.*

## CHAPITRE LVIII.



**L**ORS Papillon oyant Morgue ainſi parler fut tres-ioyeux comme il monſtroit par ſes ſignes: car il le venoit coſtoyant ainſi que s'il euſt esté vn petit chien, ſi ſe coucha à quatre pieds comme autresfois auoit faiët, à fin qu'Ogier montaſt ſur luy. Puis toutes les dames viñdrent à la deſpartie d'Ogier par le commandement du Roy Artus, & de Morgue la Fée, & ſonnerent vne aubade d'inſtruments la plus melodieuſe choſe à ouyr qu'on entendit iamais, puis l'aubade acheuë chanterent tres-melodieuſement, ſi qu'il ſembloit proprement à Ogier, qu'il estoit en Paradis. Et à tant print congé de tous ceux de leans, & diſt tout hautement que ſi n'eueſt esté le grand outrage que faiſoyent les Payens en France, qu'il fut touſiours volontiers demeuré là dedans. Adonc diſt à ſa dame Morgue la Fée. Madame ie vous prie qu'il vous plaiſe nous ſouhaitter quelque part en France: car ie ſçay bien que vous auez puſſance de faire plus fort que cela, à voſtre gré diſt-elle, adonc ſe print à le baiſer tres

doucement & en le baissant se sourdit vne nué. Mais tout premier luy deffendit qu'il ne decelast leur estat n'aussi les dons qu'elle luy auoit donnez, & qu'il tint tout cela secret: si luy promist que si feroit-il, & à tant la nué les leua tous deux en l'air si que nul d'eux ne peut estre veu n'apperceu de nully, & soudainement furent les deux cheualiers portez en celle nué qu'ils vindrent arriuer pres d'une belle forêt en vn carrefour. Et quand ils furent là arriuez, ils ne sçauoient par où ils estoient venus, & en furent moult esmerueillez. Si aduiserent deuant eux de grandes tours, parquoy cogneurent que c'estoit vne bonne ville, donc furent fort esbahys & le cheualier Benoist dist. En effect s'il me faillloit retourner en faerie ie ne sçauoye où prendre mon chemin. Adonc apperceurent vn escuyer qui venoit vers eux, & Ogier dist. Mom amy quelle ville est cela que voyons. C'est Montpellier dist l'escuyer. l'en suis bien aise dit Ogier, ie ne desiroye pas mieux estre: car vn mien parent est chastellin de leans, nommé Gerard, Adonc l'escuyer regarda Ogier & luy dit. Comment, vous truffé vous de moy? celui que vous dites est mort passé deux cens ans, & estoit vn tres-vaillant homme. Et ce luy qui est pour le present est nommé Regnier. Comment se peut-il faire dist Ogier, il n'y a pas vingt ans qu'il y estoit, lequel estoit parent d'Ogier le Dannois, le plus vaillant homme du monde. Adonc dist l'escuyer, si vous voulez venir iusque à Montpellier, ie vous monstreyeray combien il y a qu'il est ensuely, celui Gerard fist faire vn beau Romant de son parent Ogier, qu'est intitulé Ogier le Dannois de Dannemarche, & racompte de tres merueilleuses chose d'iceluy Ogier. Par ma foi dist Ogier ie feray croistre le Romant. Par ma foy dit l'escuyer il n'y a gueres qu'il vint vn homme dedans Montpellier qui chantoit le Romant, & luy donnoit on de l'argent pour l'ouyr chanter, dont chascun plaingnoit Ogier.

Adonc demanda l'escuyer à Benoist qui estoit ce cheualier qui si grand estoit, & Benoist luy respondit que c'estoit Ogier le Dannois. Si dist l'escuyer si vous auiez à acquitter d'une bourde, on vous en peut bien tenir quitte, & n'est pas chose honneste de se truffer des gens, vrayement vous me cuydez bien faire vne beste, de le me vouloit faire à croire, huy passé sont deux cens ans qu'il est pery en mer, de dire que se soit icy, c'est mal fait à vous, & si iure sur ma foy que ce n'estoit ce cheualier que ie vous monsteroye que vous n'estes pas sage d'ainsi vous truffer des gens. Adonc Benoist se print à rire, & l'alla compter à Ogier qui se print à rire, & y passerent le temps longue piece. Et tant chevaucherent par leurs iournées qu'ils arriuerent à Meaux en Brie, si s'en alla logger en vne maison laquelle autresfois il auoit fait faire de ses deniers; ou il s'estoit tenu longuement durant sa ieunesse, & lors qu'il arriua leans pour logger, le Sire de leans estoit assis aupres de la porte, si luy demanda Ogier. Dites moy s'il vous plaist en l'honneur de Iesus-Christ, serons nous bien logez ceans, si respondit l'hoste. Ouy dea, & serez traittez honnestement. Vous m'y pourrez bien logger, où est mon hoste dit Ogier. Quel hoste? Humbert de Neapolin dit Ogier, ie luy baillay l'argent dont ceste maison fut faite, qui m'est encors deu. Haste dist l'hoste, qu'est ce que vous querez, si entra & leur ferma la porte. Adonc Ogier eut de ce si grand dueil qu'il ne sçauoit que luy contenance tenir, si parla l'hoste par vne fenestre, & luy dist. Dont vous meut-il parler de vostre hoste? Humbert, Il estoit ayeul de mon grand pere, & celui dont vous parlez est mort passé à deux cens ans, & comme vous nommez vous qui vous dites maistre de ceste maison? l'ay se respondit Ogier tout fait faire, & suis nommé Ogier le Dannois, si s'en au Duc Geofroy de Dannemarche, qui me suis tenu long-temps avec Charlemaigne. Sainte Marie se dist l'hoste, dequoy me parlez vous? il y a plus de deux cens ans dont vous me parlez. Il n'en sçay rien, dit Ogier: car par la volonté de Dieu l'ay depuis esté en Paradis terrestre, & au fleuve de Iordain, & si ay esté en la fontaine de Iouence où ie suis retourné en cest aage. Puis dist rigoureusement à son hoste, ouurez la porte, ou par ma foy ie la vous met-



my en pieces. Faites du pis que vous pourrez dist l'hoste: car vous n'y entrez pas. Adonc Ogier donna si grand coup de poing à l'hoste qu'il le rua de costé luy. Si vindrent plusieurs au cry de l'hostesse, & s'assembla grand monde. Adonc ceux de leans crièrent à haute voix au meurtre, si que toute la ville s'assembla, & luy fut force qu'ils montassent en hault Benoist & luy, & si auoyent peur que Papillon ne monstast bien: mais il monta aussi legerement qu'un poulet, & quand ils furent montez il n'y eut si hardy homme en la compagnie qu'il fust monter apres eux. Si allerent regarder aux fenestres pour parler avec eux, & pour leur faire plus grand despir. Papillon ouurit la gueulle si tresgrande qu'il en yssoit vne grande fumée, dont le monde eut si grand' frayeur qu'il ne sçauoit que deuenir, auquel bruit viadrent archiers & arbalestiers, lesquels tiroient force de traits contre eux: mais il se defendoit de pierres & en tuerent beaucoup.

Quand ceux de dehors virent si grand desroy, adonc enuoyerent querir l'Abbé de S. Faron de Meaux, qu'il vint coniuier ce diable qui faisoit si grand' tempeste. Et cependant un archier tira vne fiesche à Benoist, tellement qu'il luy perça le cœur & cheut mort. Lors quand Ogier le vit ainsi occis il cuyda mourir du grand dueil qu'il en eut. Puis recueillit le tison que Morgue la Fée luy auoit donné en garde pour Ogier. Or demoura Ogier tout seul avec son cheual Papillon: mais quand il se vit tout seul il fist grand effort de ieter pierres, tant qu'il en tua à ce coup plus de quarante. Si estoit tant douloureux & courroucé de la mort de Benoist que plus de vingt-fois le baïsa en disant. Hee Benoist mon compagnon & mon bon amy que dira Morgue quand elle sçaura que vous estes mort, elle qui vous m'auoit baillé pour honnestement m'accompagner. Las pourquoy suis ie party de là pour venir mourir par deçà. Or vois ie la confession de mon esperance estre aduenue quand ie vois celuy que tant j'aimois mort aupres de moy, si voudrois tenir celuy qu'à fait le coup: car iamais ne mettrois fiesche en arc. Et quand Papillon vit qu'il estoit en si grand desconfort, si se mist sur ses deux pieds de deuant comme s'il voulsist ioindre les mains en monstrant par ses signes qu'ils seroyent incontinent secourus. Ce temps pendant passa l'Abbé de S. Faron, lequel voyant la commune ainsi assemblée fut moult esbahy & demanda que ce pouuoit estre. Monseigneur, aduisez se sont trois diables la de leans qui nous ont fait trop de peine. Et se dist le plus grand Ogier le Dannois, lequel fut noyé en la mer passé à deux cens ans, & dit qu'il a baillé les derniers à Humbert pour faire ceste maison. Vous cognoissiez combien il peut auoir qu'il est mort & enseuely. Adonc l'Abbé commença à dire: Vous qu'estes là dedans monstrez vous qu'en vous voyez: volontiers dit Ogier. Monseigneur, Iesus-Christ vous doint ioye & bonne santé. N'est ce pas vous Monseigneur qu'avez nom Simon, & estes Abbé de S. Faron de Meaux Sçachez que nous sommes parens vous & moy: car ie fas cause de vous faire mettre moy en leans, Ha se dit l'Abbé pardonnez moy cheualier, ie n'ay nulle souueraineté de ce temps là: car encores n'estois-je pas né, & vostre nom s'il vous plaist. Par ma foy monseigneur l'Abbé ie suis Ogier le Dannois. Je cognois bien dit l'Abbé que portez les armes d'Ogier: mais Ogier est pery en la mer long-temps y à, puis vous dites que s'ay nō Simō & s'ay nō Geoffroy. ie trouueray bien par les lettres des leurs, si vous estes Ogier, que vous auez un parer qu'auoit nō Simon qui fut Abbé. Ogier suis-je dit-il, sans méfier.

Or fist l'Abbé retirer toute la commune qui là estoit fort esmeuë, & fist crier de par le Roy sur peine de confiscation de corps & de biens que chascun se retirast en sa maison ce qui fut fait & disoit le menu peuple secrettement. Ses gentils hommes tousiours se soustiennent l'un l'autre: mais il est force de l'endurer, tout le peuple retiré, l'Abbé luy dist. Cheualier descendez leurement: car tout le monde est retiré. Monseigneur ie n'ay point de peur: mais s'ay grand dueil de mon compagnon qu'ils ont occis. Si ie sçauois celuy qui a tiré le coup, iamais ne manieroit arc ne trouffe. Or laissons cela dit l'Abbé, si

ne reste que l'enſeuelir & faire prier pour luy, vous dites, vray dit Ogier. Et alors descendiſt du ſoulier & Papillon auſſi. Et ainſi qu'ils furent deſcendus, l'Abbé print Ogier par la main & le mena en l'Abbaye, où il le feſtoya honneſtement, ſi fiſt venir l'Abbé des plus gens de bien de la ville pour le feſtoyer: mais quand ils le virent ſi grand, & ſi terrible ils furent eſbahis, & leur demanda l'Abbé, ſi c'eſtoit point grand nouueauté de voir Ogier le Dannois? Si reſpondit qu'ouy: mais il ne le pouuoient croire. Si leur diſt comment il auoit eſté ſans nulle faute en Paradis terreſtre, & comment il auoit mangé du fruit, & eſté au fleue l'ordin, & qu'il s'eſtoit laué en la ſaincte fontaine de Iouence, & que de trois cens ans il eſtoit retourné en l'age de trente ans. Si furent tous eſbahys, & feſtoyerent Ogier le mieux qu'ils peurent. Et le lendemain Ogier fit enterrer Benoist, & ordonna qu'ils fut enterré aupres de luy à ſa fin.

Quand ſe vint au matin l'Abbé luy voulut examiner ſa conſcience, & Ogier luy diſt tout ainſi qu'il luy auoit conté deuant, & puis luy confeſſa la verité de ſon cas & conſcience excepté tout le ſecret de faerie qu'il garda ſecretement. Et tantost luy fiſt Ogier le Dannois requête de luy garder le tiſon que Morgue luy auoit donné bien chèrement & l'Abbé dit: Cheualier ie ne vous ſçauois enſeigner ſors de faire vne aumoire au theſor de noſtre Eglise, & de la clef ferez garde. Le conſeil eſt bon dit Ogier. Et de fait fit faire faire l'aumoire, & fut mis le tiſon dedans. Et le lendemain au matin l'Abbé vint à luy & luy dit. Vrayement le temps paſſé Ogier a eſté toujours bon pour la Chreſtienté, & pour l'Eglise. Et puis qu'ainſi eſt vous eſtes tenu d'ayder & employer voſtre corps plus fort que iamais à maintenir la Chreſtienté. En bonne foy dit Ogier, ſi n'eſt eſté cela ie n'eſſe ia abandonné le pays où i'eſtoye. Par ma foy ſe dit l'Abbé, le Roy eſt aſſiégé de ſes mandits Payens dedans Chartre, & ſont bien deux cens mille hommes bien en point, & ſi doit auoir iournee entr'eux en brieſ, & ſi le Roy pert celle iournee nous ſerons tous en dangier. Lors diſt Ogier à l'Abbé, de cela ne vous eſmavez iamais: car vne fois depuis que ie ſuis par deçà i'y beſongneray ſi bien que ie les renuoyeray miſerablement. Et en diſant ces parolles l'Abbé auifa l'anneau d'Ogier, qui luy ſembla moult beau, & fiſt tant qu'il luy oſtaſt du doigt. Et quand il l'eut tiré, il aduiſa Ogier lequel eſtoit deuenu ſi foible & ſi viel que la teſte luy pendoit en bas, & les ſourcils luy eſtoient tous auallez, tant qu'il ne voyoit plus goutte. Et quand l'Abbé le vit, il en eut trefgrand'pitié, & luy remiſt volentiers, & ſi toſt qu'il l'eut remis, Ogier reuint en ſa force & ieuneſſe comme par deuant, dont l'Abbé fut eſbahy, & diſt Ogier Haa! Ogier mon amy, or cognois ie que vous auez vn anneau d'une terrible vertu. Adonc Ogier le remercia de ce qu'il auoit fait bonne diligence de le luy rendre, & diſt à part ſoy. Iamais ie ne le laiſſeray tirer pour perſonne qui viue: car ie cognois que le dangier y eſt grand. Or laiſſons toutes ces choſes dit l'Abbé: car il eſt temps de diſner. Quand il vous plaira diſt Ogier. Si le print l'Abbé & le mena en la ſalle où ils trouuerent les tables dreſſées, & lauerent leurs mains, ſi dinerent en parlant de ſes vaillances: car il auoit fait des plus grandes vaillances qu'homme pourroit faire, or apres diſner, il fiſt bien penſer ſon cheual Papillon: car il vouloit partir le lendemain au matin. Si bailla largement pour prier Dieu pour ſon compaignon Benoist, & pour ſa ſepulture, & ordonna totalement de ſes beſongnes, priant au bon Abbé qu'il luy garda ſon tiſon bien chèrement. Si fiſt appareiller vn grand ſoupper, & fiſt ſemondre les plus grands de la ville pour ſoupper avec luy, & pour les recommander à Dieu.

Or leur auoit parlé l'Abbé de l'Anneau qu'eſtoit de telle vertu, qu'il eſtoit ainſi mort, quand il l'auoit hors du doigt. Adonc furent grandement courrouceez de luy auoir fait tel eſclandre, comme ils auoyent fait: car ils auoyent grande cognoiſſance que c'eſtoit Ogier le Dannois. Si furent bien feſtoyez. Et en la fin du ſoupper Ogier les remercia de leur bonne viſitation, combien que de prime face il luy euſſent tenu

mandais termes : dequoy il luy demanderent pardon à genoux : car ils doutoyent  
 que s'il leur venoit quelques affaires qu'il luy pourroit grandement aider ou nuire.  
 Si leur pardonna volontiers : car quand il eut bien considéré son cas, il cognois-  
 soit qu'il auoit tort, si leur promist que s'ils auoyent affaire de luy qu'il estoit à leur  
 commandement. Puis print congé de l'Abbé & de tout le couuent & monta sur son  
 cheual Papillon, lequel le seruoit moult ioyeusement. Puis quand il fut monté il al-  
 la passer à Verdun. Et quand il fut au passage, le passagier fut moult esbahy de le  
 voir ainsi grand : car il sembloit vn Geant tant estoit grand. Et quand il fut passé &  
 qu'il vouloit payer le passagier dist qu'il ne payeroit rien, & qu'au retour il paye-  
 roit tout ensemble. Adonc Ogier dist, Bien mon amy quand tu voudras. Si fut bien  
 esbahy pourquoy il auoit refusé son argent : car se sont robustes gens que passagiers,  
 & le passagier dit à part soy. Allez que le diable vous puisse emporter : car vous sem-  
 blez mieux vn larron qu'un homme de bien. Puis Ogier cheuaucha tant qu'il arriua  
 à Lasgni sur Morne. Et quand il fut en la ville si brocha son cheual Papillon lequel  
 commença à ruer si terriblement qu'il rompit à vn pottier de terre, deux ou trois  
 charges de pots dont le bon homme estoit fort marry, si voulut courir à Papillon :  
 mais Ogier luy dist. Mon amy ie te contenteray, ne touche à mon cheual : car ie t'as-  
 seure qu'il te messeroit. Adonc Papillon dressa les pieds de derriere, ouurit la gueule  
 si grande qu'il sembloit que de sa gorge fut vne fournaise, & tantost ietta deux dra-  
 gons de sa gorge, tant que tout le monde s'enfuyoit. Et ne scauoit le bon homme que  
 se pouuoit estre : car il cuidoit mieux que se fut vn diable qu'un cheual, si n'osoit  
 demander l'argent de ses pots, neantmoins Ogier les luy paya : mais il ne fut d'une  
 heure assésuré. Et quand Papillon fut assésuré, le pottier le vint prendre par la bri-  
 de, & dist à Ogier, Si me payerez-vous pourtant. Et papillon leua le pied de deuant,  
 & luy donna si grand coup qu'il luy abbattit la ceruelle emmy la place, dont cha-  
 cun commença à crier. Prenez ce grand vilain qu'à fait si grand esclandre : mais  
 quand ils le cuiderent prendre, il estoit si loing qu'à peine le pouuoient ils voir. Si  
 luy crierent à haute voix. Or t'en va que tous les diables te puissent emporter. Si  
 s'en retournerent bien deux cens tous esbahis, & disoyent que c'estoit vn diable qui  
 s'estoit transformé en telle maniere. Adonc tant alla Ogier sur Papillon qu'il arri-  
 ua à Paris, & entra par la porte Baudet. Puis s'en alla par dessus le pont nostre Dame  
 mais tous ceux qui le voyoyent le prenoient pour vne espie, ou pour vn guetteur de  
 chemins, & chacun luy iettoit vn lardon. Si s'en vint loger à vne hostellerie pres le pe-  
 tit pont, où autrefois auoit logé. Et si tost qu'il fut arriué tout le monde le venoit voir,  
 puis dist à son hôte dea mon hôte ie m'esbahis comme les gens du pays de France son-  
 de si petite stature. Et au temps passé que ie soulois demeurer en ce pays, ils n'estoyent  
 point si perits. Et comment se dist l'hôte, sont ils si grand en vostre pays. Ogier luy re-  
 spondit, en effect durât le temps que ie demourois avec Charlemaigne les gens estoient  
 beaucoup plus grands qu'ils ne sont de present. Et comment m'oseigneur dites vous cela.  
 Vrayement il y a plus de cent-ans qu'il n'est nouuelle de Charlemaigne. Dea dist Ogier il  
 y a bien deux cens ans dont ie parle, & ainsi Ogier estoit là deuant la porte, ou chacun le  
 regardoit. Si luy dist l'hôte qu'il luy pleust entrer dedans la maison, & que le monde ne  
 se departiroit point de là iusques à ce qu'il se fut retiré. Lors Ogier monta à mont au  
 grenier de la maison, si se boursa à la fenestre & leur begit vne si grand gueulle que c'e-  
 stoit vne chose moult hideuse à voir, & se treuffoit d'eux, & eux de luy, disoient plusieurs  
 brocards, ainsi, celui qui entreprendra de saouler ce galand ne pourra gagner s'il n'en a-  
 bon pris, quel estornifleur de petits patez le patissier n'en scaurois tant enforner en son  
 four come il en porteroit en sa gorge, & disoit chacū son quolibet, pour ce qu'il n'auoient

iamais veu le pareil : car la cronique dit qu'il auoit dix pieds de hauteur , & estoit fort fourny à l'aduenant de tous ces membres. Atant le soupper fust tantost prest & appella son hôte pour soupper , lequel luy tint bonne compagnie combien qu'il ne fust pas encores bien content de ce qu'il disoit que les François n'estoyent que nains : mais l'hôte voyant qu'il luy parloit du temps de Charlemagne qu'estoit mort passé deux cens ans, ne scauoit que dire : car iamais il n'auoit veu celuy téps : mais il estoit bien aise de luy ouyr raconter tant de belles choses qu'il auoit veues en ce temps là , & aussi des vaillances qu'il auoit faites tant qu'il fut trois iours chez luy.

Puis quand ce vint au quart iour , il se partit de leans , & s'en voulut aller chercher son aduenture. Si print congé de son hôte. Et quand il fut bien auât en la ville, il trouua vn capitaine qui cueilloit gens de toutes pars, qui le fist appeller. Adonc Ogier vint deuers luy, & luy dist : Cheualier pourquoy m'avez vous ainsi appelé ? le le vous diray , dist-il. Il est vray que j'ay charge de mener des gens d'armes deuers le Roy , qu'est assiéé deuant Chartres. Et pource que ie cognois & apperçois que cherchez vos aduentures , & que vous deuez estre bien expert en guerte : Si vous voulez venir avec moy ie vous donneray gage la moitié d'auantage, que ie ne fais pas aux autres , & aurez charge de porter mon estendart ; pource ie vous prie accordez le moy : car ie vous feray encores mieux que ie ne vous dis. Adonc luy dist Ogier. Monseigneur & mon amy ie vous remercie grandement : mais croyez que tant que Dieu me donnera vie ie n'autray autre mettre que vous : car ie m'en vois chérchant mes aduentures pour aider à deffendre la Chrestienté. Et pour augmenter nostre sainte foy Catholique. Si print congé de luy, & s'en alla cheuauchant parmy la ville : mais la Roynie l'aduisa, & la dame Senlis qu'estoit avec elle. Si dist la Roynie à la dame Senlis. Dame par vostre foy aduisez ce beau cheualier que ie voy sur ce beau coursier. Je ne cuide point qu'il soit natif de France : car ie ne vis iamais nul de sa taille. Adonc respondit la dame de Senlis. Seurement il est beau cheualier , & croy à mon aduis qui ne soit point comme vous dites natif de France : mais pourroit bien estre vn Payen qui se seroit bien venu esbattre pour espier vostre ville de Paris. Si seroit bon comme ie croy que le fassiez venir deuers vous pour scauoir qu'il est , ne qui va chérchant parmi vostre ville de Paris. C'est bien parlé dist la Roynie , & commanda à vn cheualier qu'il allast deuers Ogier luy donner les arrests , laquelle chose incontinent fist le cheualier : & s'en alla deuers Ogier en luy disant. Gentil cheualier , plaise vous arrester que ie parle vn peu à vous. Et adonc Ogier luy respondit ; cheualier dites ce qu'il vous plaira , & volontiers ie vous escouteray. Je vous remercie humblemēt dist le cheualier. Or est-il vray que madame la Roynie ainsi qu'elle vous a de loing apperceu , a esté toute entreprinse de vous voir ainsi grand , fourny , & bien monté , & de si belle stature comme vous estes , & pource qu'en France ont n'a point accoustumé de voir gens de telle taille , m'a enuoyé par deuers vous , vous dire qu'elle vouldroit bien parler à vous, pour scauoir qui estes , ne que vous cherchez par deça. Et si ne voulez faire son commandement que ie vous donnasse les arrests dans la ville de Paris où vous estes à present. Adonc Ogier luy dist en ceste maniere , cheualier il n'y a que bien à ce que m'avez dit : car par aduenture elle pense que ie sois quelque mal vœillant de ce Royaume , & qui vœuille trahir la ville , ou espier aucune chose pour y faire quelque trahison. Et pour accomplir son vouloir ie m'en iray avec vous pour vous descharger de vostre commission. Si s'en allerent ensemble deuers la Roynie , quand ils furent près du palais Ogier descendit de dessus son cheual & l'attacha , puis monta là où la Roynie & toutes les autres dames estoient. Et quand ils furent montés, le cheualier luy dist cheualier plaise vous attendre vn peu que j'aille voir où la Roynie est allée, & s'en vostre plaisir dit Ogier Adonc monta ledit cheualier à mont & trouua la Roynie à la salle basse du Palais, si luy dist, Ma-

dame

dame l'ay amené le cheualier que demandez. Vous plaist il le faire icy venir. Ouy dea dit la Royne. Adonc le cheualier alla querir Ogier. Et quand il fut venu il fist la reuerence si tres-honorablement que la Royne y print si tres grand plaisir que merueilles: car tres-bien ce mestier scauoit faire, & quand il eut salué la Royne & toutes la seigneurie la Royne luy rendit son salut, & luy dit en ceste maniere.

Venez ça cheualier, pource que de loing vous auois apperceu de si noble façon, si grand sibeau, si honorable, & en maintien excédant tous les autres cheualiers, ie vous ay mandé: car vous deuez scauoir que les ennemis de nostre Seigneur sont à present par deça où ils font de grands outrages sur les Chrestiens, & ont assiégé le Roy mon mary deuant la ville de Chartres, tellement qu'il en est en tres-grand peril, pour laquelle chose i'auois grand doute que ne fussiez de leurs gens. Si vous prie tant affectueusement comme ie puis que me disiez vostre nom, & de quelle gens vous estes, ou sinon ie vous monstrey qu'il m'en desplaira; & croyez que si vous estes Payen ie vous feray mener au Roy Florion, & si vous estes Chrestien ie vous donneray de grandes seigneuries, & vous feray richement marier si vous ne l'estes. A ces paroles Ogier luy dist. Dame d'honneur le triomphe de toutes Chrestiennes en hautesse & excellente beauré. Je vous promets qu'on me nomme l'ancien cheualier, & suis du lignage de Nayme de Bauieres, & suis du temps du Roy Charlemaigne. Halcheualier vous parlez follement de nous dire que vous auez regné du temps de Charlemaigne. Par ma foy dist Ogier il est vray: car il y a deux cens ans passez que ie suis né. Et comme se peut-il faire dist la Royne, ie ne scaurois entendre si vous n'auiez esté à la fontaine de Iouence. Dame dist Ogier, vous parlez tresbien: car sachez que i'ay fait le voyage, & que i'ay cherché toutes les parties d'Orient, & ay esté au fleue de Iourdain, & en la sainte fontaine. En bonne foy dit la Royne vous n'auiez pas perdu vos peines: car vous montrez par vostre façon de n'auoir pas plus de trente ans passez, & vous dites estre du temps de Charlemaigne, lequel alla de vie à trespas, passé à deux cens ans. Adonc respondit Ogier, madame, tel comment vous me voyez à present, i'ay ia deux cens ans passez, & de ce ne faites doute, & me nomme lon par toutes regions où i'ay esté l'ancien cheualier. Or ça cheualier dist la Royne voudriez vous point demeurer avec moy? Dame vous me pardonnerez s'il vous plaist, dist Ogier: car ie ne suis pas venu icy pour seiourner: mais suis venu de loing pour secourir la Chrestienté contre les Infidelles, c'est tres bien fait dist la Royne. mais nonobstant toutes ces choses si vous vouliez demeurer avec moy ie vous ferois seigneur & maistre de mon corps, & pareillement aussi de mon auoir: car il me semble que de vous n'y a le pareil au monde. Madame il vous plaist le dire: mais le Roy vostre mary est tant honorable qu'on ne scauroit trouuer le pareil. Certe dist la Royne ie le dois mieux cognoistre que vous: mais si c'estoit vostre plaisir de demeurer avec moy ie me tiendrois moult honnoree de vostre personne.

A ces parolles Ogier luy dist. Dame ie ferois volontiers vostre vouloir: mais cognoissez qu'il n'est chose si secrette qu'en la fin ne soit decelée. Et quand le Roy vostre mary le scauroit il me hairoit à tousiours mais, & vous dementeriez en dangier & moy aussi: mais si tant aduenoit que ie trouuasse dame à marier qui eust terres & seigneuries, dont elle ne peust posséder par faute d'auoir qui luy sustint son droit, touchant moy ie luy garderois sa droicteure contre toutes personnes & la deffendrois de tout mon pouuoir, si bien que nul ne luy feroit tort d'un denier. A tant vindrent deux escuyers dire à la Royne que le dîner estoit prest. Et la Royne fist l'auoir les mains à Ogier voulut qu'on ne puis le fist assoir de costé soy, & luy fist bone chere, & pour la beauté que luy estoit tousiours le regardoit. Si estoit la dame de Senlis en la compagnie qui très subtillement le questionnoit de son fait. Lequel sagement luy respondit selon ses questions. Si diste-

rent tres-notablement tousiours entretenans Ogier à ses parolles. Et apres graces la Royne print Ogier par la main, & le mena esbattre entre les dames. Si fut Ogier voyant ces esbatement contrainct de dormir, & sus vn preau se mist à dormir. Et quand la Royne & la dame de Senlis le sçeuient, si allerent vers luy, si ietta la dame de Senlis soudainement l'œil dessus son anneau, & dit à la Royne, dame aduisez le beau anneau de l'ancien cheualier comme il est de belle façon, & sans mot dire la Royne par esbatement luy tira du doigt. Et si tost qu'elle eut tiré toutes deux furent espouuētees de regarder Ogier: car la face luy commença à ternir & rider de telle façon que les sourcils luy pendoyent iusques au ioues, tant qu'on ne pouuoit voir ses yeux, & il ne voyoit goutte, ny ne se pouuoit remuer: mais il faisoit aucunement signe qu'on luy retournaist son anneau, & pource que la dame de Senlis estoit vielle cognoissant la vertu de l'anneau, ne le voulut pas rendre. Mais la Royne qu'aymoit l'honneur ne voulut iamais faire ce desplaisir à Ogier: mais commanda à la dame de Senlis qu'elle le rendist, dont elle fut mal contente, & dit à la Royne. Las dame pour Dieu gardon le bien: car possible est qu'une fois vous sera bien duisable, & pour le present si ie l'auoye il me semble que ie seroye la plus heureuse du monde. Et s'il faut que ie le rende il ne fera iamais que ie n'en aye regret, tant pour l'amour de moy, que pour l'amour de vous. Et la Royne luy dist, dame de Senlis rendez le luy ou autrement ie seray mal contente de vous. Pour obtemperer à vostre volonté ie le rendray: mais il m'en desplaist grandement. Lors le bailla à la Royne, laquelle voyant le pauvre Ogier decrepité, & reduit en vieilliesse de deux cens ans où il eust esté, ne fust ledict anneau qu'elle luy rendit, & si tost qu'elle luy eut remis au doigt les membres luy commencerent à estendre en telle façon, que c'estoit miraculeuse chose à voir. Si fust la dame de Senlis plus courroucée que deuant, & dit à la Royne. Las dame la grand faute que vous auez faite, aduisez la grand' vertu que c'est anneau a. Mon Dieu le grand tresor que vous auez trouué & ne l'auiez sçeu garder. Madame il me semble que vous auez failly. Et la Royne luy dit. Nous qui deuous estre lumiere de verité, est-il de necessité de perdre nos ames pour faire aucun tort? Or voy ie que ce bon cheualier ancien à tant prins de trauail pour aduenir à celuy riche don qu'on luy a donné, & qui plus est veut exposer son corps à deffendre la Chrestienté. Parquoy ie seroye fauce Royne cruelle & vituperable de luy auoir fait ce larrecin si dommageux à sa personne: car pour le present la Chrestienté à bien affaire d'un notable cheualier, pource mieux vaut ainsi qu'autrement. Adonc la dame de Senlis s'appaisa. Et Ogier qui tant auoit esté miserable pour la perte de son anneau, se leua debout, & dit à la Royne. Dame ou tout honneur est enclos, la plus charitable du monde, ie vous remercie: car i'estoye mort au monde, & vous m'auiez rendu la vie. Adonc luy dit la Royne en riant, ancien cheualier vous n'auiez pas vostre temps perdu à chercher vos aduentures: mais ie vous prie donnez vous une autresfois garde de cest anneau que tant est vertueux & riche, que iamais on ne le vous puisse tirer de vostre doigt. Madame dit Ogier ie vous remercie de vos bons enseignemens. Je cognois que vous m'aduertissez de mon bien. Adonc dit la Royne ie ne faisoie seulement ce que j'ay fait, fors que pour me iouer avecques vous. Si ay bien apperceu que vous estes fayés & que vous auez esté avec le Roy Artus & le Roy Hauberon, ie voudroye qu'il pleust à Dieu que le Roy mon mary vous ressemblass. Helas! dit Ogier, madame se ne sont pas billes pareilles, que de nous: car c'est le plus honnest Prince des Chrestiens, & bien renommé. Ha! vous le cognoissez mal dit la Royne car au regard de la jeunesse où ie suis il n'est pour moy fournir au deduit d'amours comment nature le requiert, qui luy donne cause d'entrer en ialousie. Certainement dit la Royne il semble à ces vicilles gens que seulement pour parler à une personne, qu'on

et en pensement de faire mal. Et n'oseroye nullemēt m'esbattre avec nully, n'aller nulle part pour esbattre ma ieunesse & regarder chose nouuelles. Parquoy m'est necessaire d'auoir quelque noble entretenement. Vous priant que ce soit de vostre plaisir de demeurer avec moy, & si ainsi le faites ie me tiendray la plus heureuse du monde. Par ma foy dame, dit Ogier, s'il vous plaist vous me tiendrez pour excusé pour le present: mais toutes fois si la guerre commencé peut estre acheué ie vous promets que ie vous viendray seruir, & à ma puissance accompliray à tous vos bōs desirs: car ie ne fusse pas venu pardeßsā si n'eust esté pour y mettre fin. Si vous remercie du grand bien que me voulez. Il n'y a point de mercy dist la Roïne: car l'excellence de vous m'a donné cause de vous aduertir du secret que ie vous ay descouuert. Adonc Ogier luy dist. Madame si c'estoit vostre bon plaisir de me donner congé d'aller deuers Chartres vous me feriez plaisir. Quand il vous plaira dit la Roïne. Adonc print cōgé d'elle & de toutes les dames: mais il ne fut guerres loing que asprement ne fust assailly. Car la dame de Sēlis qui auoit en son courage le precieux anneau d'Ogier, se pourpēsa en soy mēsmes qu'Ogier ne departiroit pas si tost de Paris. Et que celle nuit feroit tant qu'elle auroit ce que tant desiroit. Lors elle manda querir aucuns de ses soldats & leur dit Seigneurs il faut que demain au matin alliez sur le chemin de Chartres, & que vous preniez l'anneau de se cheualier nouveau venu lequel s'en va. Surquoy respondirent, qu'ainsi feroient ils. Et puis alla laditte dame de Senlis vers la Roïne luy dire qu'elle auoit faict vne grand'faute d'auoir ainsi perdu l'anneau du vieil cheualier: mais la Roïne luy remonstroit moult honnestement qu'elle disoit mal.

*Comment la dame de Senlis fist assaillir Ogier par xxx.cheualiers pour auoir l'anneau que Morgue luy auoit donné, & comment il les vainquist.*

## CHAPITRE LIX.



INSI qu'Ogier fut hors de la ville de Paris, les trentes hommes de la dame de Senlis l'assaillirent rigoureusement en disant. Demeurez ribaut à ceste heure ne nous pouuez eschapper. Et Ogier retourna bride & vit qu'ils le venoient assaillir si tira Courtain & se mit à frapper sur eux, tant que de trente il en mist six à mort, & les autres naura tellemēt qu'ils estoient tous tombez à terre. Puis en vint autres six qui se mirēt autour de luy. Puis quand il vit qu'il estoit pressé de six ribaux qui le vouloyent mettre à mort, si se ietta sur eux du grand courage qu'en luy estoit, tellement que courtain les tailla tous par tronçons. Lors quand les douze qui estoient demeurez derriere virent leurs cōpagnōs morts, l'un d'iceux coucha sa lāce & eut fort dōmagé Ogier: mais il tourna le coup, & de courtain luy couppa sa lāce, puis luy dōna si grād coup sur le heaume qu'il le fendit iusques à la poitrine, & les autres luy ruerent de grands coups. Et adonc son cheual Papillon qu'auoit entendemēt, se leua sur les pieds de derriere & courut apres, & de sa gorge feu & fumé yssoit si tresfort que c'estoit chose merueilleuse. Alors ces pailards aduiferent ce cheual qui c'estoit transmué en espee d'un diable, l'un disoit sa paternostre, l'autre son credo, & l'autre faisoit le signe de la croix, & se recommandoyēt à nostre Sauueur Iesus-Christ, & à tant les suiuit Papillō qu'il lestua tous fors un qui se rēdit à Ogier. Adōc dit à son hō cheual Papillō. Haa! Papillon que faites vous, voulez vous que ie vous cheuauche ainsi, car Ogier, ainsi que sō cheual Papillon couroit sur ses deux pieds de derriere apres ces soldats, Ogier ne se tenoit autremēt sinon qu'il l'auoit embrassé par le col, dont estoit tousiours en dangier de renuerser. Si luy dist derechef Papillon si vous ne delaissez ces follies, sçachez que ie m'en plaindray à madame Morgue, laquelle vous m'a baillé en garde pour vous gouverner, & pour me seruir de vous à mon plaisir &

mes necessitez. A tant se mit Papillon sur les quatre pieds comme papauane. Puis Papillon luy remonstra par signe que s'estoit pour son profit, & quand il fut allé, & que le dangier fut passé il se print à parler à son prisonnier, & luy dit en ceste maniere. Ribauc ie cognois que tu n'est pas Payen, pourquoy m'es tu venu assaillir? Par ma foy dist le soldat ie le vous diray. Il est bien vray que la dame de Senlis nous y auoit enuoyez pour vous mettre à mort, pour vn anneau que vous auez, que tant elle desiroit auoir: mais maintenant ie cognois qu'elle n'est pas prestre. Or ie te diray dist-il puis que ie t'ay prins à mercy ie ne te feray nul desplaisir: Mais dy à madame qu'elle se garde de moy: car ie ne ceſſeray iusques à ce que ie luy aye rendu le plaisir qu'elle m'a voulu faire, & t'en va que iamais ne te voye.

Le prisonnier remercia Ogier le Dannois, & s'en retourna à Paris, & Ogier le Dannois tira à Chartres. Et quand il fut sur vne montaigne à v. ou vj. lieue de la bataille, il contra vn cheualier qui s'enfuyoit, si luy demanda Ogier le Dannois d'où il venoit, & le cheualier luy respondit qu'il venoit de la journée que les Chrestiens auoyent perdue contre les Payens, & que les Payens à son aduis estoient victorieux: car il estoit tant morts de Chrestiens que c'estoit vne chose piteuse. Or se dist Ogier, mon amy y ſçauois ie arriuer deuant que la journée soit finée. Par ma foy se dit le cheualier à grand peine Si picqua Ogier son cheual Papillon des esperons: mais pour ſçauoir des nouuelles ne se failloit arrester: car tous ceux qui s'enfuyoient de la bataille trauesoyent les champs de peur qu'ils auoyent de luy, & tellement que nul n'oſoit traueser le chemin pour luy. Toutesfois tant cheuaucha qu'il arriua au champ où auoit esté la bataille, & quand il fut arriué il pensa qu'il seroit bon de faire, & dist à soy-mesmes qu'il feindroit estre d'Arabic. La bataille fut moult dure: car le Roy Florion auoit tenu le ſiege trois mois deuant Chartres, où estoit le Roy de Fance, & d'autre costé le pere Florio auoit assiegé la ville d'Angiers, lequel leua le ſiege d'Angiers pour venir au secours de son fils deuant Chartres: car le Roi de France luy auoit assigné iournee de bataille. Et quand la journée fut venue le Roy fist sonner ses trompettes, si saillit en belle ordonnance. Puis bailla son enseigne à porter au Conte d'Auxerre, lequel estoit tres vaillant cheualier.

*Comment le Roy de France sailla hors de la ville de Chartres pour faire la bataille contre le Payen & comment les François furent desconfis, & grand multitude de cheualiers & Princes Chrestiens furent prins prisonniers, lesquels furent deliurez par le vaillant Ogier le Dannois.*

## CHAPITRE LX.



ONC quand le Roy vit qu'il estoit heure de saillir, si fist sonner ses trompettes & saillirent hors de Chartres. Et quand ils furent hors de la ville, le Roy fist faire quatre batailles bien arrangees. Et les Payens en ordonnerent xv. dont le Soudan Accaire qui portoit l'enseigne, estoit accompagné de xxv. milles hommes tres bien en point. Et adonc quand chacun fut prest de commencer la bataille contre les Payens, nos gens les batirent tant de traicts qu'ils furent contraincts de reculer, & en occirent plusieurs. Et quand le traict fut failly, les Payens se ietterent sur nos gens, & à force de dards en occirent beaucoup, & par vne ambusche qu'ils auoyent faite, il y eurent bien dix mille de nos gens tués; & bien cent & cinquante de prins prisonniers, tous grands personages, & le Roy se retira dedans Chartres, & Florion dedans sa tente menans grand' ioye pour la desconfiture des François. Ogier s'enquist diligemment des nouvelles d'icelle bataille, lesquelles ne furent gueres bonnes: mais ainsi qu'il





courroit pour demander des nouuelles aux gens qui venoyent de la bataille, ils s'en-  
 fuyoyent deuant luy : car ils pensoyent que ce fut vn diable ou vn grand Geant qui leur  
 vint couper le chemin. Adonc Ogier s'en va contre vne haye & print vne branche de  
 pin verte qu'il porta en sa main, & alla deuers l'ost des Payens, & ceux qui le voyoyent  
 disoyent. O le bel homme, comme il deuroit bien secourir vne lance. Adonc demanda  
 Ogier où estoit le panillon du Roy Florian, & vn Payen luy dit. Cheualier venez çà &  
 ie le vous monstreray. Adonc Ogier entra dedans, & se print à le saluer en langage Bar-  
 barisque, & puis dist en ceste maniere. Sire, le grand Dieu Mahon vous doint bonne vie  
 & longue, sçachez que ie suis vn messagier du Roy de France. Il est vray qu'aujour-  
 d'huy vous auez gagné journée contre luy, & luy auez occis dix mille de ses gens, dont  
 il est merueilleusement courroucé, & si detenez prisonnier bien quinze grands seigneurs  
 qui sont Ducs, & Contes ensemble bien trente cheualiers de nom, lesquels vous plaise  
 luy enuoyer. Et comment dit Florian, ie n'entens point qu'un messagier doie venir en  
 maniere comme vous estes : car tous les messagiers qui viennent par douceur ne doiuent  
 porter armes, ne nul habillement de guerre, parquoy ie ne puis entendre que soyez mes-  
 sagier. Si suis certainement dist Ogier. Ne me cognoissez vous plus. Ne cognoissez vous  
 pas bien Obstinel le fils de Hacquin l'aduenturier, qui n'a gueres fut prins deuant Acre  
 à vne rencontre qui fut faite, & l'aduenturier qui me print me donna au Roy de France,  
 lequel m'a tenu vn an tout entier son prisonnier : pource qu'aujourdhuy a esté fort  
 troublé pour sa desconfiture, il m'a enuoyé par deuers vous, dire en ce point, que si vous  
 luy voulez rendre les prisonniers qu'il est content de me liurer à vous, & me donner con-  
 géd'estre en vostre cour, & vous promets si tant aduient qu'il vous plaise me deli-  
 uer, ie vous promets que deuant qu'il soit gueres de temps ne demourera Chrestien  
 qui ne se convertisse en nostre loy, ou qu'il ne soit luyré à tourment, & en faisant ceste  
 deliurance il vous donnera trente pesans d'or. Et quand les Chrestiens virent Ogier  
 si beau, & si grand, si disoyent l'un à l'autre. Adieu le bel homme Payen que voyla. Si

b b

dist l'un des prisonniers Chrestiens qu'estoit d'Anjou à ses compagnons. Messieurs ie vous donne ce que vous me voudrez demander, si c'estuy n'est un cheualier Chrestien, qui nous vient deliurer: car i'ay songé ceste nuit & passé vn songe si oult merueilleux: car ie vous promets qu'il me sembloit, que ie voyois voler sur moy vn grand oyseau qu'estoit plus grād & plus puissant qu'un Vautour, lequel oyseau me disoit en ceste maniere. Franc Duc ne t'esbahis point: car tantost viendra deuers toy vn puissant, grand & fort oyseau de la race du Duc Doon de Dannemarche, seigneur de Mayence, lequel par force te iettera hors de ceste cage, si cognois le songe tres-bien commencé d'estre aduenu. Et pource messeigneurs mettons nous tous en oraisons, & prions tres-humblement Iesus-Christ qu'il luy plaise prendre pitié de nous, si que nous puissions auoir bonne & briefue deliurance. Adonc quand le Roy Florion cogneut que les seigneurs Chrestiens parloyent ensemble si en fut fort courroucé, & leur dist deuant Ogier. Seigneurs pensez tost qu'elle est vostre volonté, & que vous auez delibéré de faire. Vous estes tous mes prisonniers, & vous ay prins en la bataille, sçachez certainement que si vous ne renoncez à la loy de vostre Dieu Iesus-Christ, & si n'adorez nostre puissant Dieu Mahon, ie vous promets que deuant ce messagier ie vous feray tous liurer à martire. Et si vous voulez renoncer vostre baptisme, ie vous laisseray viure en paix, & si ne prendray nulle rançon de vous: car sçachez que ie ne suis pas venu par deçà pour aucunement m'enrechir: mais ie suis venu pour anichiler la loy de vostre Dieu Iesus-Christ, & esleuer celle de nostre puissant Dieu Mahon, c'est la cause principale que par deçà m'a fait venir. Pource seigneurs considerez que prendre vous conuient l'un des deux chemin: car i'ay fait leuer les fourches pour vous pendre, & planter les attaches pour vous liurer à martire. Adonc les Princes & cheualiers Chrestiens crierent tous à haute voix. Liurez nous à tourment, & nous faites ce qu'il vous plaira: car iamais ne renoncrons la loy de nostre Seigneur Iesus. Alors Florion dist à Ogier, quand à vos parolles ie ne m'y fie point. Lors Ogier dist demandez à ces seigneurs prisonniers, lesquels diront qu'ainsi estoit. Adonc leur dit Florion, vous ne craignez gueres à mentir. Et ainsi qu'ils parlesmentoyent, là auoit vn Roy qu'auoit tousiours l'œil sur le cheual d'Ogier, & luy demanda: Messagier voulez vous point vendre ee courfier. Non dist Ogier: mais vous auez de bons courfiers en vostre escuyrie ie changeray bien à vous: Adonc dist le Roy Florion, Ouy dea, il en y a asses Si enuoya querir des meilleurs qui y fusent par vn escuyer. Et quand l'Escuyer fut party pour aller querir lesdits cheuaux. Si dist Ogier à son bon cheual Papillon. Papillon gentil cheual, ie vous prie tant comme ie puis, que monstrez à ces gens que ce que i'ay dit est verité. Adonc dist le Roy Florion à Ogier. Comment messagier auez vous vn cheual qui parle. Nenny se dist Ogier: mais il monstre par signes aucunement sa volonté. Adonc s'approcha vn Sarrazin de Papillon pour luy regarder en la gueulle, & pour sçauoir quel aage il auoit: mais Papillon ouurit vne grande gueulle, & empoigna ledit Sarrazin, & l'estrangla en la place. Et adonc les Sarrazins enuironnerent le cheual Papillon, & luy ietterent darts, & plusieurs instrumens de guerre. Et quand Papillon sentit qu'ils le poursuyuoient si malicieusement, se commença à leuer sur les pieds de derriere, & courtoit apres eux, & iettoit de sa gueulle dragons plains de feu. Et à tant les Chrestiens voyans celle deffortune aduenir sur les Payens, & qu'ils auoyent lieu temps & espace de s'enfuir, se prirent à courir deuers Chartres, & le Roy fist ouvrir les portes quand le guet les vit venir, & tellement que par le moyen d'Ogier ils furent recueillis à sauueté. Et Ogier & Papillon demeurèrent au champ & demena Papillon si grande tempeste qu'il sembloit que tout le monde deust abismer. Et quand Ogier cogneut qu'il estoit temps de cesser si monstra par signes à son gentil cheual Papillon qu'il se voullist appaiser. Et quand le Roy Florion vit le cheual Papillon ainsi appaisé,

païs si dist à Ogier deloing. Haa messager rendez vous à moy, où presentement i'occiray homme & cheual: car par vostre trahison & faux enchantement nous auons perdu nos prisonniers où il y auoit quinze Ducs & Comptes, & trente cheualiers & nom & pource rendez vous ou vous mourrez à ceste heure. Adonc respondit Ogier, Roy florion, n'y venez pas: mais abandonnez moy à vos gens, si sçauriez si ie ne me sçauray deffendre d'eux. Car i'ay grand vouloir, que sçachiez que sçaurions faire, mon cheual & moy: & de celle heure Ogier lascha Papillon, lequel se mist sur les pieds de derriere, & courut par tout où il voyoit assemblee de gens, tellement que de rechef se mirent en fuite: car ils disoyent l'un à l'autre. Brief seigneurs, mettons nous en fuite: car croyez seurement que ce sont des diables qui nous viennent tourmenter, & cela disoit l'un à l'autre, si que nul ne fut si osé d'entreprendre de courir à Ogier: mais s'enfuyoient de l'autre part. Et quand le gentil cheual Papillon fut rappaisé, Ogier appella le Roy Florion, & luy dist.

Or ça Florion voue'z vous cesser vn peu, si que nous puissions parler l'un avec l'autre, & dire franchement nos volontez. Ouy seurement respondit le Roy Florion. Or donc dist Ogier faites deffendre à vos gens que nul ne soit si hardy de toucher à moy n'a mon cheual. A ces parolles le Roy Florion fist crier à son de trompe, que nul ne fust si hardy de leur toucher: ne de faire chose de nouveau, sur peine de perdre la vie, parquoy tous les Paiens s'assemblerent. Et Papillon estoit tout paisible, dont les Paiens furent tous esbahis mais ledit Papillon qu'auoit entendement faisoit tout ce que Morgue luy auoit commandé. Adonc Ogier le Dannois s'approcha du Roy Florion, & luy dist. Roy Florion pour vous donner à entendre le cas de mon aduenement, & qu'icy m'ameine ie ne suis pas Paien, ni iamais ie n'eus intention de l'estre: mais suis bon Chrestien, en la foy de Iesus-Christ: mais pour venir à la verité pourquoy ie suis venu, c'est pour deffendre la Chrestienté, & à tant vous offre mon gage pour liurer la bataille à vn champ seul à veul, & si vous voyez que soyez trop foible, si prenez avec vous le meilleur cheualier de vostre ost, par tel conuenant que si vous me pouuez vaincre ie vous feray liurer Chartres. Et semblablement si ie vous puis vaincre vous ferez retourner vostre ost, & vous aussi sans dommager le royaume de France. Adonc dist l'Admiral de Nubie au Roy Florion. Sire, ne refusez ce party: car il est bon, & suis content d'estre avec vous à faire la bataille, par tel conuenant qu'il amenera vn autre coursier que cestuy. Adonc la bataille accordée, Ogier s'en alla à Chartres dire les nouvelles au Roy de France. Or laisseray icy à parler d'Ogier, & retourneray à parler des seigneurs qu'auoyent esté prisonniers.

Quand les prisonniers Chrestiens furent dedans Chartres s'en allerent deuant le Roy, & luy dirent. Sire, nous sommes icy bien quinze tant Ducs que Comtes tous vos vassaux, & bien cens cheualiers qu'auons esté deliurez par vn cheualier, le plus beau & le plus puissant que iamais entra en France: car s'il ne fust arriué à celle heure estoient ià les fourches prestes pour nous pendre: & pource Sire nous vous prions que fassions vne faillie sur eux. Quand le Roy entendit les parolles, il entra en sa chappelle. Puis quand il fut dedans il entra en son oratoire en ceste maniere. Mon Dieu mon createur ie te requiers pardon, te suppliant si i'ay aucunement offensé ta Majesté, qu'il te plaise me pardonner & conseruer mon royaume. Adonc vint vn Ange qui luy dist. Roy de France ne t'esbahis autrement: car tantost viendra vers toy vn cheualier, lequel te deliurera de tes ennemis. Va au deuant, & reçois le moult honnorablement. Adonc tantost après le partit l'Ange d'avec luy. Et le Roy en regrant nostre Seigneur se ietta à terre & la baia en signe d'humilité, & dist. Ha mon Dieu, tres-misericordieux ton nom soit benit eternellement. Or se leua de son oratoire, & s'en alla à ses gens qui de hors l'attendoient & le dit. Meseigneurs soit fait crier prestement à son de trompe: que chacun se mette en

artoy pour faire vne procession generale, à fin que Dieu nous soit propice: car par son  
 du qu'il vient vn cheualier aduenteux: qui nous doit deliurer de la main de nos enre-  
 mis: car i'en ay veu le commencement. Adonc quand l'Eglise eust fait son deuoir de venir  
 au mandement du Roy, aucuns disoyent pource qu'il estoit ancien qu'il commençoit à  
 souter. Les autres disoyent qu'il auoit trop beu le soir de deuant, & qu'il auoit songé  
 cela, ainsi chacun en disoit sa goulée. Si furent les processions ordonnées honnorablement.  
 Et quand Ogier qu'estoit pres de la ville apperceut le triomphe, fut tout esbahy, & cuy-  
 doit que le Roy s'en allast courir sur les Payens: mais pour les banieres qui là estoient il  
 ne scauoit que penser: car il ne cuidoit pas que cela fut fait pour luy, & quand ils les vit  
 approcher, il s'arresta, & demanda à ceux qu'alloyent deuant, où ils alloient, & ils luy di-  
 rent qu'ils n'en scauoient rien: mais quand le Roy fut bien pres d'Ogier, il l'embrassa, &  
 luy dist. Gentil-cheualier bien soyez venu: car ie ne scay homme duquel i'aymassé tant la  
 venue que de vous. le vous en remercie dist Ogier. Et pour abbreger, le Roy le menoit tou-  
 siours par dessus les bras, iusques à tant qu'ils fussent pres du palais. Et adonc quand ils y fu-  
 rent le Roy commanda aux escuyers de penser le destrier d'Ogier. Et Ogier dist que nul  
 ne luy touchast fors seulement le mettre en l'estable, & qu'il n'en dureroit que nul autre  
 le penast que luy. Adonc monterent au palais, & quand ils furent assis, Ogier demanda  
 au Roy combien il y auoit que leurs ennemis estoient là deuant. Si luy respondit le Roy  
 qu'il y auoit desia long temps, & qu'ils l'auoyent fort greué, & beaucoup fait mourir de ses  
 gens en grand destresse.

Puis apres les prisonniers commencerent à conter au Roy de sa venue, & les choses  
 que son cheual auoit faites deuant eux. Adonc le Roy luy demanda de quel pays il estoit.  
 Sire dist Ogier ie suis de Dannemarche, & me nomme le vieil cheualier. Et sçachez qu'il y  
 a plus de deux cens ans que ie suis né. Et comment dit le Roy, vostre there ne le monstre  
 pas. Sire croyez moy: car si Charlemagne fut encores en vie il vous dyroit bien quel aage  
 ie puis auoir. A ces parolles le Roy se teut ayant peur de le courroucer, & sçachez qu'à sa  
 venue fut menée grand consolation parmy Chartres tout celuy iour & toute la nuict.  
 Quand ce vint le lendemain au matin apres la messe ouye Ogier dist au Roy. Sçachez Si-  
 re, que i'ay entrepris la bataille contre le Roy Florion & contre l'Admiral de Nubie. Par  
 telle condition que si ie suis vaincu des deux Payens, que ie les mettray dedans Char-  
 tres, & que leur rendray tous les prisonniers qui leur sont eschappez par mon moyen. Et si  
 ie les puis vaincre ils s'en retourneront en leur pays, sans greuer vostre royaume. Adonc  
 dit le Roy que c'estoit sagement parlé, & dit au Conte de Montfort, qu'il allast deuers  
 Florion pour sçauoir s'ils estoient prests. Florion leur respondit, qu'il vint quand il vou-  
 droit: mais qu'il n'amenast point son cheual Papillon, adonc le messagier retourna de-  
 uers le Roy, & luy dist que Florion & l'Admiral de Nubie estoient prests. Et incont-  
 nent le Roy fist armer Ogier par ses escuyers, alors qu'Ogier fut armé dist au Roy. Sire  
 s'il vous plaist vous me ferez bailler les clefs de la ville, & tous les prisonniers qu'esto-  
 yent en leur main: car ce sont les paches d'entre eux & moy. A celle heure y eut grand  
 courroux en la ville: car les prisonniers qu'estoient grands Princes & cheualiers, ne sca-  
 uoyent qu'ils deuoient faire: car ils attendoyent plustost la mort que la vie: car en ce cas  
 on doute plustost le mal que le bien, ils scauoient bien qu'Ogier estoit puissant cheualier,  
 mais ils n'y cognoissoient point de feureté: mais le Roy les reconforta au mieux  
 il peut: leur dist en ceste maniere. Messigneurs ne vous esmauez de rien: car  
 icy le cheualier de Dieu qu'aujourd'huy nous ostera de la confusion de nos ennemis,  
 n'ayez crainte de rien: car ie suis certain qu'il fera ainsi que ie vous ay dit, dont les  
 cheualiers prendront reconfort & bonne assurance aux parolles du Roy. Adonc Ogier  
 le ce pas monta sur son cheual Papillon, car plus ne luy souuenoit de l'accord qu'il  
 auoit

les Payens, & dist au Roy qu'il mōrast sur les murs de la ville, po-  
despartit, & s'en alla deuers l'ost des Payens, & si tost qu'il fut vn peu loing  
ville, luy fōuint des paches qu'il auidt faites avec le Roy Florion & l'Admiral de  
Nubie, parquoy dist à son cheual. Haa ! Papillon en bonne foy vous n'yrez pas plus auant,  
car i'ay promis aux Payens de ne vous amener point en bataille. Adonc le renuoya au  
Roy par vn gros uallier, & le Roy fut tout esbahy quand il le vit, toutesfois il dist. A qui  
Dieu veut ayder, nul ne luy peut nuire. Lors luy enuoya vn autre cheual nommé Blan-  
chart, que le Seigneur de Clisson auoit de nouveau conquis en Espagne, si fist armer le  
cheual tres-hōnestement, si que de coup de lāce ne de traict ne pouuoit nullement estre  
greuē ne dommagē: mais quand le bon cheual Papillon se sentit liē, & qu'il cognoissoit  
que son maistre Ogier auroit affaire de luy, il rompit son licol, & incontinent sailit de  
l'estable, & se mua de noir en blanc: puis foriit hors de la ville, dont le Roy & ses Barons  
furent mōlt esbahis, & tant courut qu'il ataignit le cheual qu'on menoit à Ogier, & in-  
continent qu'il fut pres de luy, il se leua des pieds de derriere & fist tant qu'il estrangla  
Blanchart. Puis quand Ogier vit venir son cheual apres luy il s'arresta, & comment dit-il  
Papillon vous auez changé de robbe, vous auez esté mal attaché. Si luy fut conté la ma-  
niere comment il auoit esté destaché, & comment il auoit tué Blanchart le bon cheual du  
Roy. Ogier dit à foy-mesmes. De bonne heure fut né la damē qui tant de grace m'a don-  
né. Or toutesfois dist Ogier, ie ne vous feray pas retourner puis que vous estes venu. Si  
chemina Ogier iusques au champ. Et quand l'admiral & le Roy Florion le virent, lesquels  
estoyent ja pièça sur le champ, luy crièrent hautement. Haa cheualier il me semble que le  
Roy ne vous prises guerres quand il vous laisse ainsi venir apied, parquoy gardez-vous de  
nous. Messeigneurs dist Ogier, or vous gardez de moy: car ie voy venir Blanchart le  
courfier du Roy lequel m'aydera à deliurer le noble royaume de France.

*Comment Ogier le Dannois eut victoire contre le Roy Florion, & l'Admiral de Nubie.*

## CHAPITRE LXI.

**E**nablement Papillon venu au champ se coucha le ventre à terre, à fin que  
son maistre montast plus à son ayse, parquoy furent les champions esbahis,  
& ne le pouuoient cognoistre pource qu'il estoit deuent blanc. Son mai-  
tre Ogier estant monté fist le signe de la croix, se recommandant à Dieu, &  
dist aux Payens. Messeigneurs renoncez vostre meschante foy qui n'est qu'abusion, &  
prenez la loy Chrestienne, nompas vous tenir à la loy d'un faux homme humain nommé  
Mahon, lequel par despit que le Pape luy auoit dit que tant de pays qu'il conuertiroit à  
la loy Chrestienne luy seroyent donné, & pource qu'il ne l'eut pas, alla prescher l'oppo-  
site, & se faict adorer comme Dieu: mais nostre Seigneur luy monstra sa faucete: car vn  
porc l'estrangla sur vn fumier, & ie vous prie renoncez à sa loy, & prenez la nostre, & ac-  
querez vostre salut. Laissez ses folles parolles dit l'Admiral de Nubie & te deffends: car  
maintenant scauras le contraire de ce que tu as dit. Adonc se reculerent, puis prindrent  
leurs courses les deux champions, lesquels donnerent de grands coups à Ogier: mais  
onques ne le blessèrent. Et alors vint ledit Ogier vers l'Admiral, & luy rua vn coup sur la  
cuisse, si qu'il la couppa, & son cheual de la peur qu'il eut le ietta par terre, & ainsi qu'O-  
gier vouloit descendre pour le despescher, Papillon mit le pied sur l'estomach dudit Ad-  
miral & luy creua le cœur. Alors Ogier vint deuers Florion, & luy donna tel coup sur le  
heume qu'il luy abbatist l'oreille fenestre. Adonc Florion luy dist qu'il le laissast &  
se rendroit à luy. Adonc Ogier le fist iurer sur sa loy qu'il yroit avec luy à Ch...


ne s'y feroient nulle espérance, & ainsi qu'il le menoit les  
der lui Ogier: mais Florion qui auoit fait le serment le fist destourner, & le lendemain se diendrait vers eux. Or fut faite grand feste à Ogier. Adonc quand Florion fut de dans la ville, on luy demanda qu'il auoit intention de faire, lequel dist qu'il se vouloit faire baptizer, adonc à moult grand solennité fut baptisé, & quand ledit Florion fut baptisé ne demeura gueres apres qu'il ne mourust, parquoy les Payens qui attendoyent sa venue furent moult dolens & s'en retournerent incontinent.

Adonc le Roy ayant son pays en paix ne se mesla plus que de faire bonne chere & de mener Ogier à l'esbat, & vn iour qui vit Ogier en ses bonnes, luy enquist de la naissance & d'où il estoit, & de sa vieillesse annichilee: Alors Ogier nō pensant desplaire à Morgue luy conta tout au long son affaire (comme dedans ce liure auez ouy) luy descellant ce que s'amie Morgue luy auoit deffendu, dont le Roy fut moult esbahy, & ce pendant qu'il racontoit au Roy que l'anneau qu'il auoit le tenoit ieune. Morgue la Fée luy tira hors du doigt ledict anneau, parquoy Ogier deuint incontinent si vieil & chenu que c'estoit vne grande pitié que de le voir, comme vous pouuez penser qu'un homme de plus de deux cens ans peut estre. Et quand le Roy & les autres le virent ainsi changé ils furent en tres-grand & merueilleux esmoy: mais Geoffroy vn Prince assez ancien qu'auoit veu choir ledict anneau, le leua le mitt en son doigt, & incontinent deuint ieune, & sa barbe qu'estoit blanche deuint noire comme s'il n'eust que trente ans, & puis regarda Ogier qu'estoit si deffait & dist à soy mesme que si Ogier deuoit mourir qu'il ne luy rendroit pas son anneau. Adonc le Roy regarda ledict Geoffroy, & luy dist, comment? auez vous esté à la fontaine de Iouence: vous ne semblez pas auoir trente ans. Ha Sire, dist vn cheualier c'est l'anneau d'Ogier qu'il a trouué, & Geoffroy dist tout hautement. Et puis si ie l'ay trouué n'est-il pas mien? Il n'y a si hardy cheualier ceans que s'il vouloit combattre à moy pour cest affaire que ie ne luy presentasse mon gage. Haa! se dist le Roy, Conte Geoffroy, cela ne vaut rien: car quand il seroit bien à moy ie le luy donneroye: car il luy appartient mieux qu'à vous ne qu'à moy, veu la prouesse qu'est en luy, & le grand bien qu'il nous a fait: pourtant rendez luy, ou vous en trouuerez mal. Adonc dist Geoffroy qu'il luy pardonlast: car ce n'estoit pas raison. Adonc suruint Morgue la Fée vestue de blanc, laquelle rendoit telle resplendeur qu'il sembloit que parmy la salle y eut vne douzaine de torches allumées parquoy cuidoyent aucuns que ce fut nostre dame, & lui faisoient reuerence. Adonc elle demanda au Roy de quoy ils parloient, & qu'ils suiuissent leurs propos. A quoy le Roy respondit qu'ils ne parloient sinon que d'un anneau qu'estoit cheut du doigt d'Ogier ce bon cheualier que voyez cy en decrepité, lequel estoit si puissant & allegre: & voila le Comte Geoffroy qui l'a trouué, lequel en auroit bon besoing, pourtant lui ai dit que ce n'est pas raison qu'il luy demeure. Adonc vint Morgue qui le lui osta du doigt, & l'alla mettre à celui d'Ogier son ami. Et quand il fut reuenu ieune, remercia grandement le Roi qui si bien auoit debattu sa cause, & Morgue s'amie, & lui cria mere: elle lui pardonna lui subfendant que plus ne luy aduint de desceler leurs petits affaires: Et alors s'esuanouit subitement, si qu'on ne sceut qu'elle deuint. Mais quand le Roi vit Geoffroy il lui dit. Haa! Comte Geoffroy, vous n'estes plus prest de lincer vostre gage pour batailler. Adonc les Seigneurs se commencerent à mocquer de lui, dont bien fache fust ledict Geoffroy, & maudioit celle dame qu'ainsi lui auoit osté son anneau, sans qu'il y eust nullement contredire. Or ça cheualier dist le Roy à Ogier, ie veux assembler mon berage & aller à Paris, & là ferons bonne chere. Quand il vous plaira, dist Ogier.

*Comment Ogier eut victoire sur les Payens, & comment Morgue la Fée vint le rair.*

## CHAPITRE LXII

Adonc



D'ONC fit crier le Roy que chacun fust prest dedans trois iours pour aller à Paris : mais tantost après qu'il fut arriué luy suruint vne maladie dõt il mourut , & la Royne voyant le Roy mort , mena Ogier vn iour en sa chambre & luy dist , Gentil cheualier , des la premiere fois que ie vous vis i'ay tousiours eu mon bon cœur en vous , pource que tant seulement la renommée de vous , gardera nos ennemis de marcher sur le royaume. Je ne vous scauroye dist Ogier , si très-honorablement remercier qu'à vous appartient : mais puis qu'ainsi est que vostre cœur s'est voulu incliner à l'amour d'un simple cheualier comme ie suis i'e remercie Dieu : mais s'il vous plaist pource que i'ay vn parent qu'est Abbé de saint Faron de Meaux qu'est discret pour nous conseiller nous irons vers luy , tres-volentiers & consentiray à ce qu'il en ordonnera. De l'heure mesme sans qu'autre qu'eux deux le sceussent , la Roine fit assembler son train , don ses Seigneurs & Damoiselles furent esbahis & s'en allerent à Meaux avec ledit Ogier , & alla la Royne conter son cas audit Abbé , & luy dit apres auoir conté son affaire , que puis qu'il estoit aduertit du cas , que s'il venoit denant luy qu'il n'empeschast pas le mariage. Adonc dist l'Abbé , dame ie ne scay qui vous a conseillé l'affaire : mais il est moult conuenable , & ne scauriez trouuer meilleur en ce monde pour garder le royaume , parquoy ne voudroye pas nullement desconseiller vn si profitable affaire : mais luy donneray tel conseil qu'il sera tout à vostre volonté

Lors la Royne & l'Abbé despartirent de la chambre sans faire semblant de rien , puis fist l'Abbé faire vn banquet & y conuia plusieurs bourgeois , lesquels furent ioyeux de la venue de la Roine , mais ils auoyent encores peur d'Ogier à qui ils auoyent fait si grand outrage : car ils luy auoyent occis son compagnon Benoist , si leur dist l'Abbé qu'ils ne se doutassent de rien : car il auoit ja demandé pardon pour eux , de quoy ils furent moult ioyeux , & disoyent entr'eux. Nous auons vn bon Abbé qu'à nostre absence nous pro-

bon te bien. Et ainsi en deuisant firent grand' chere, & se resiouysoient fort. <sup>intention</sup>  
 palement pour deux causes, la premiere pource que c'estoit le premier adu <sup>que</sup>  
 la Royne qui leur monstroir beau semblant, & familièrement deuisoit avec eux, la secon-  
 de pource qu'ils cuidoyent qu'Ogier les haïssoit & il les aymoit, & pour icelles causes fi-  
 rent moult d'esbattemens ioyeux pour resiouir la Royne & la seigneurie. Et lors le ban-  
 quet acheué, vint l'Abbé prendre Ogier par la main, & le mena esbattre en vn vergier,  
 luy disant en ceste maniere. Ogier mon bon amy & vaillant cheualier, pource qu'il vous  
 à pleu me faire à sçauoir vos entreprinſes, & que me sens aucunement de vostre affinité, ie  
 vous prie escoutez ce que ie vous veux dire. Sçachez Ogier mon amy que ie desire moult  
 l'honneur & exaltation de la maison de Dannemarche: car ceans en auons plusieurs gran-  
 des fondations, parquoy suis tenu de vous admonester de vostre profit, honneur & sa-  
 lut, & deslors que me presentastes vostre tison, ie cogneuz qu'estiez vn tres-bon catholi-  
 que, pourtant vous prie que me disiez ce qui vous amene icy. Alors Ogier le cognoissant  
 homme de tres-bonne foy & de bonne equité luy declara son cas, & sur c'est affaire luy  
 demanda conseil. Surquoy luy dit le bon Abbé. Parent vraiment le deuez faire, & plu-  
 stost que plus tard: car le courage d'une femme est souuent variable, & me semble que  
 jamais ne conquites choses en la quelle eussiez tant d'honneur qu'auiez à ceste nouvelle  
 entreprinſe. Adonc Ogier luy dist. Certes ie feray ce que men auez conseillé. Et lors sor-  
 tirent du vergier & allerent vers la Royne qui les attendoit en la salle, & l'Abbé dit à la  
 Royne, madame ie sçay bien le secret de vostre courage, & aussi celuy de monseigneur  
 Ogier, pourtant que chacun se prepare: car par vostre vouloir & bon consentement au  
 plaisir de Dieu demain au matin en sainte Eglise vous espouseray ensemble. Mais ainsi  
 que le lendemain au matin les deux personnages vouloyent aller espouser, vint soudaine-  
 ment Morgue la Fée qui tant aymoit Ogier (laquelle crois que Dieu l'auoit inspiré) & le  
 rauist subitement. Et ne ſçent personne qu'ils deuinrent, d'encques puis n'en oyrent  
 parler. Mais veu que le tison est encores à saint Faron de Meaux bien fermé & bien em-  
 barré de fer. Entendu aussi les grandes batailles qu'il a faites en son viuant pour soustenir  
 le saint Euangile de nostre Redempteur Iesus Christ, & qui tant d'infidelles à conuert  
 à la foy, on doit presumer sans difficulté qu'il est en vie du vouloir de Dieu nostre Crea-  
 teur, ou qu'il est la fus en la gloire avec les bien-heureux, en laquelle puissions paruenir à  
 la fin de nos iours.

FIN DE L'HISTOIRE  
 d'Ogier le Dannois.











